





Nr. 4233

8. J. 10.








CHRIST. VARSEVICH
Equitis Poloni
DE LEGATO
ET LEGATIONE.
Item Ejusdem
De CONCILIO *et* CONSILIARIIS
PRINCIPIS
LIBER.
Accessit
HIPPOL. A COLLIBVS
CONSILIARIVS.

DANTISCI,
Sumptib. Georgii Försteri. 1646.
Cum Privilegio S.R.M. Polon. et Suec.

M. Hyacinthe Drey:
by his effect
a live a post
Antoine Dreyer
tous deux chant
Professeurs au
College du Palais
national de France



CHRISTOPHORI VARSEVICII,
Equitis Poloni,

DE LEGATO
ET
LEGATIONE,

Item ejusdem

DE CONCILIO
ET
CONSILIARIIS PRINCIPIS
Liber ;

Ex F. FVRIT CERIOLE Hispanico
in Latinum versus.

Cui accessit

HIPPOLYTI A COLLIBVS
CONSILIARIVS



DANTISCI,
Sumptibus GEORGII FÖRSTERT,

Anno MDCXLVI.

Cum Privilegio S. R. M. Poloniae & Sueciae.

XVII - 3756 - I



5
Illustrissimo Domino,

DOMINO

ACHATIO PRZYLECKI

DE PRZYLEK,

CASTELLANO OSWIECI-

MENSI,

Domino ac Patrono meo colendissimo.



LEGATVS ad Te venit
ILLVSTRISIME
DOMINE, magno,
hominum dicam, an
Musarum? maximo
virtutum comitatu. In-

veniet quocirca facilem aditum, quem
Tu ob eximiam humanitatem, bene-
volentiamque Tuam, ne quidem infi-
mo cuiquam, clausum esse unquam
voluisti. Quin & inter primæ admis-
sionis amicos, locum, ut spero, inve-
niet, quia primus apud Te virtuti li-
terisque locus semper fuit. Si fortè
quæras, unde LEGATVS hic ad Te
veniat? Abs te, inquam, advenit,
quemadmodum & ad Te venit. Tu
enim es ILLVSTRISIME DO-
MINE, qui consilio in primis mihi

præivisti, ut cum alia omnia **CHRISTOPHORI VARSEVICII** opera, tum hanc in primis **DE LEGATO ET LEGATIONE** lucubrationem iteratò producerem in lucem. Et sanè mirum est, **VARSEVICIVM**, nobilissimo inter Polonos genere ortum, nec minus à gestis in Republica & Dei Ecclesia honoribus, quam ab Illustri Prudentiæ civilis laude, plurimisque de ea voluminibus in lucem datis, toto orbe clarissimum, in suâ Poloniâ prope ignotum aut peregrinum hætenus fuisse. Quotus enim in amplissimo hoc Poloniarum Regno civis est, qui hunc **VARSEVICII** de **LEGATO** librum, ut de aliis ejus literarum monumentis interim fileam, videre in Polonia potuerit? Diu est quod opus illud extra Regnum impressum, toto Regno ita desideratur, ut paucula ejus supersint exempla. Quod cum Tu **ILLVSTRIS-SIME DOMINE** advertisses, mihi quemadmodum ad aliorum hujus Regni scriptorum, ita & ad **VARSEVICII TVI**, recudenda vel primum etiam cudenda opera, satis aliqui incitato, calcar addidisti. Secutus sum

sum Ill^{mæ} D^{nis} V consilium, perinde uti nunc properantem ad TE VARSEVICII LEGATVM committendo ponè sequor. quia & mihi apud Ill^{mam} D. V. patentem fuisse adiutum profiteor, & deinceps fore confido. DANTISCI Kalendis Ianuarii, Anno 1646.

Illustrissimæ D^{nis} V^{ræ}

devotissimus cliens

GEORGIVS FÖRSTERVS
Bibliopola Dantiscanus.

Illustrissimo Domino,
 DOMINO
 STANISLAO MINSCIO,
 PALATINO LANCICIEN.
 Capitano Liven. &c.

Domino suo observandissimo S. P.



*Itto tibi librum de Legato
 & Legatione meum, cuius
 tu quidem lineamenta (quod
 ajunt) omnia, non verbis,
 sed rebus expressisti ipsis, in-
 que ipso docuisti te, virtutis
 quam aetatis cursum esse ce-
 leriozem. Quo nomine, ut debeo, gratulor vel
 plurimum tibi, & hac quantulacunque inge-
 nii mei monimenta, dico consecroque lubens,
 non tam ex aliorum eruta libris, quam ex u-
 su prompta observationeque communi. Quod
 etiam magis utilitatem vel aliquam alicui,
 tibi certe uni, qui qua & quomodo gesseris ipse
 in iis tecum recognoscet, legenti voluptatem
 spero allatura. Cui quidem pro tam preclare
 navata Reipublica opera, nulla fere digna à
 nobis gratia referri facile potest, nec ulla non
 debet. Multa ego multarum video ornamenta
 gentium; sed illud unum vel maximum, le-
 gatorum & legationum, cum publica totius
 regni dignitate: alia enim aliorum in nostro
 corpo-*

corpore membrorum; soli illi legati in imperio similitudinem referunt oculorum. Quibus cum non in aliquo alio theatro, sed in oculis orbis terræ, & sacrario religionis Roma, in omni genere laudis, de principatu certavisti, & illud nimirum in tot tantisque aliis consecutus es, ut beatus Hiacynctus, à Clemente octavo, Pont. Opt. Max. divorum in numerum referretur, summa cum tua Polonicique nominis laude, & Ecclesiæ Dei, religionisque Catholica splendore & majestate. Etenim nihil quàm sanctitas & Pont. Max. vera illa & legitima ab Apostolorum principe profecta successio, & quæ semper & ubique & ab omnibus uno ore & pectore culta est religio, demum verò miracula in ea edita, Christi Opt. Max. Ecclesiam firmam & insignem magis reddiderint. Cui rei & orthodoxa doctrina notarum claritati, quoniam ex hoc nostro Aquilone, tu quoque vel aliquid intulisti lucis, latatus profectò hoc nomine magnopere sum, omniaque opum & honoris insignia & ornamenta dignitatis deberi tibi agnosco gratulorque ex animo, cum dubium fuerit nemini, quantum in splendidis scienterque obitis legationibus, regnis & provinciis positum sit semperque fuerit: & quanta non adumbrata, sed expressa vestigia Roma reliqueris virtutis, pietatis, prudentiæ, & humanitatis tuæ singularis, digna tali tantoque viro mihi fuisse ut videatur legatio, & vir ipse legatione memoranda. Quo ipso ornatu reverteris summa ad nos gloria, & à duobus Pontificibus

Max. Innocentio & Clemente, utrisque octavi nomen sortientibus, ea refers munera, qualia majorum tuorum praestantium ossa, & imprimis matris tuae optima & spectatissimae foeminae pietas, & reliqua ornamenta requirunt. Quibus omnibus, utinam quam diutissime persuare. Hanc ego quidem non solum veram, sed unam dixero nobilitatem atque gloriam, quae & majorum imaginibus clara, & luculentissimis hereditatibus aucta, & obitis honorificis legationibus insignita, & omni denique ornamentorum genere est illustrata; sic ut tu tuique similes legationibus querendi, & non tam ambientibus, quam refugientibus illae dandae, nec tam pompa, quam rebus instructi legati ad exteros dimittendi potius videantur. Bene vale, decus & ornamentum patriae. Varsavia Calendis Decemb. 1595.

D. Vestrae Illustriss.

Addictiss. servitor

C. VARSEVICIUS.

CHRIST.

CHRIST. VARSEVICII,
 D E L E G A T O
 E T L E G A T I O N E
 L I B E R.



VLTAS ego magnasque *Duo ad*
 res, sed vel has potissimum *guber-*
 duas, desiderari animad- *nandum*
 verto gentibus nationibus *necessa-*
 que gubernandis, unam *ria.*
 quidem legum, maximè
 verò municipalium scien-

tiam; populorum alteram, quibus aliquis
 præfuerit, morum & ingeniorum cogni-
 tionem exactissimam, ut demum necessa-
 ria illa tam nostris aliò dimittendis, quàm
 exteris ad nos Legatis admittendis perspi-
 cax sequatur prudentia, qua belli pacisque
 negotia tractantur & continentur. Ac le-
 gum quidem statutorumque ratio, literis
 & codicibus comprehensa, longè fuerit fa-
 ciliior, quàm ut de ea multa verba fieri de-
 bere videantur: Secus est ingeniis mori-
 busq; hominum cognoscendis. Nihil enim
 natura hominis est reconditius, nec quic-
 quam aliud abstrusos magis habet recessus.
 Qua tamen ipsa in re, & ceu quadam an-
 cipiti deliberatione, fide, consilio & au-
 thoritate bonorum multum sublevantur
 reges, & certis quibusdam observationi-
 bus,

bus, veluti radiis illustrantur solis ; ut aut raro ; aut nunquam , aut saltem modicè aberrant à scopo , si præsertim consiliarii fuerint ii , qui odii & gratiæ , metus & cupiditatis expertes sint , & aut negligentia habuerint nihil , aut temeritatis. Quod haud scio an rectius ulli , quàm, quos vocamus, muti videntur mihi consiliarii affecuti. Etenim perturbationibus animi cæcis , & ipse oportet rex cœcutiat , & (ut plerumque fit) in diversas partes distrahat. Quo ipso paucorum causa , odio futurus est infinitis, & in eo qui præerit regno, veluti in corpore sano, multos morbos pariet insanabiles ; qui nescio si non augentur quotidie , cum magna infamia & exitio Reipublicæ. *Semel enim orta raro mansuescunt agritudines, & facilius reprehenduntur quàm corriguntur errores.* Vna autem omnium Legationum & Legatorum sive admittendorum sive dimittendorum ratio, magis nodosam habet viam publicæ expediundæ dignitatis. Cum enim Legatus dici is soleat , qui alicujus potestatis, aut personam sustinet magistratus : aut verò ille , qui ablegantis nutu mittitur, aliquid tractaturus : multum profectò in eo positum fuerit , ut ubi , quave ratione , & tempore , Legatos ad te venientes excipias , & quæ eis responsa des , non ignores : & quos rursus , ac quales , quò , & quomodo dimittas , & quando. Sunt namque & debent esse Legatorum corpora sancta,

sancta, & Legati, tam ejus in quo nati sunt, populi, quam ipsiusmet, à quo mittuntur, magistratus simulachra. Qui variis licet vocabulis, nunc Oratores, nunc Interpretes, nunc Nuntii appellantur, unam tamen & eandem prope modum omnes, explicandarum & denunciandarum rerum sortiuntur facultatem; tantum quod legandi & ablegandi verbum, hoc privata, illud negotia respiciat publica, principum aut magistratuum aliquorum. Multum proinde in humanitate regum & principum externis Legatis excipiendis situm esse semperque fuisse, nemo dubitaverit. Nec tamen continuo, aut peræquè omnia. Malè quippe se habet, cum externis apud nos Legatis cuncta licuerint; nostris vero apud eos nec adeò vel tantillum: & cum nostri apud aliquos aliqua de causa punientur, illorum verò eo nomine apud nos ne appellabuntur quidem. Quod feras & barbaras gentes aliquando fecisse legimus, & audimus: & si denique aliorum Legatos non facile admiserimus audiendos, ancipiti contentione nostri tenebuntur diu suspensi, & minus quàm par fuerit videbuntur honorati; ut taceam, adhibitis etiam custodibus in hospitio teneri Legatos alicubi; quod speciem nescio cujus præ se fert servitutis. Quod tamen minimè mirum videri debet, præsertim si belli; aut tumultuum acciderit tempore, aut Legati illi in aliena Repub.



pub. nimium fuerint curiosi: *inertes enim domi, & curiosi foris agrè feruntur.* Quamquam enim Christianæ Reipub. cives omnes simus, & ad salutem dignitatemque publicam nostras actiones referre debeamus; tutius tamen semper in illam peccabitur partem, ut passim & ubique, præsertim verò in alieno solo, moderatè & scienter versemur, quàm dissoluti ineptique habeamur: Alienum enim homines solum compefcit & salum. Quantum verò ad principem, qui admittendarum & dimittendarum Legationum habiturus est potestatem, pertinebit, vel inprimis curet, ut eum honorem habeat externis, quem cupiet apud externos haberi suis, citra tamen omnem vel minimam reprehensionem levitatis. Nam & in hac quidem ipsa re delectus esto atque discrimen, &, ut vitia & vitiosa imitanda non fuerint, saltem quo modo alibi tractabuntur nostri, aliorum quoque Legatos similem humanitatem, ejusque vicissitudinem par fuerit experiri: secus si fuerit factum, quidam non judicio, aut magnanimitati, sed nunc metui, nunc desperatis rebus, nunc imbecilibus viribus, nunc intellectus nostri adscribent id infirmitati. Omnia enim ferè in deterio-rem, quàm in meliorem partem, vulgus hominum interpretatur: cujus, ut minoris faciendum sit judicium, approbatio non est negligenda. Ac princeps quidem dispi-
ciat omnia per se primùm ipse necessaria,
de-

demum non nisi prudentissimorum & fidelissimorum consilio & authoritate nitatur. Nam si non suo sed alieno consilio semper utetur, hoc sicuti nihil melius, ita neque periculosius est aliquando, propterea quod multa sunt, quæ percipiendis consiliariorum sententiis nobis imponunt, summa probabilitate dicendi. *Nunquam enim aliquem reipsa sapientem esse, corrumpas verò non neminem persuasionem.* Curam mittendorum & excipiendorum Legatorum senatui olim Romæ datam fuisse, gravissimus author testis est Polybius: quod & ipsius Livii tota testatur historia. Nec obstat, quod alicubi dixerit Tacitus: Magnam agitatam in senatu controversiam fuisse, si electione, aut sortitione sumi Legati debuissent. Certum enim fuerit, nec in T. Livio copiosissimo rerum Romanarum scriptore, neque adeo in ipso Tacito alio aliquo loco, & vel in aliquibus aliis id authoribus deprehendi. Ex adversus autem majores natu viros nobilissimos esse missos, decretos, lectos, aptos præ cæteris rei gerendæ, proditum est memoriæ. Quemadmodum & illud alterum satis superque ex eodem constiterit Livio, quo loco, quo tempore, quo modo excepti, aut verò dimissi fuerint Legati externi, & legationes, nempe in Comitio, & Græcostasio, ubi sedere solitos Legatos externos & Varro, & alii literis consignarunt. Excipere quidem hostium Legatos intra urbis

mœnia

incenia non erat in more positum & consuetudine Romanorum: ac nec adeo ipsos Legatos gentium & nationum exterarum, tametsi illa de re varient Iureconsulti inter se, nec non & alii rerum vel annalium scriptores. De tempore illud liquet, quod non nisi mense Februario, modo & more penè, qui & nostris est, audiebantur legationes, initis statim magistratibus, & rebus omnibus, pro usu communi, dignitateque constitutis. In quibus quidem aliis, quoniam non peræque tantum, quantum in electione ipsorum Legatorum est situm, accedemus vel ad illam alteram paulatim partem, & pro nostra tenuitate opportuna his rebus, & obeundis legationibus adjumenta disquiremus. Factu est incredibile, nisi prius multa sciantur, legantur, & videantur, omnes omnium rerum, cum dimittuntur, posse Legatos admoneri. Quorum quàm rarum & difficile sit munus, vel inde est cognoscere, quòd Cyrus inter primos Legatum sibi educandum, instruendumque proposuerit. Magna namque & magnifica aggressurum, inde à teneris (quod ajunt) unguiculis diligentissimè expedit erudiri; neque tamen & immensa illa fuerint, aut prorsus factu incredibilia, quæ in Legato requiruntur. Etenim, quòd quidam omnium linguarum, nec scio, si non & scientiarum peritum esse Legatum existimant oportere, næ haud intelligunt, quid hac in parte sibi velle videantur: immensæ enim cupidi-

cupiditates sunt nostræ, ætates vero angustissimis terminis circumscriptæ. Illius quidem gentis, aut etiam principis linguam Legato esse sciendam, non dubitanter dixerim, apud quem Legatione defungetur. Hoc amovet incommoda Legato gravia & magna, affert verò summa & plurima contraria: nemo enim communicandis alicui secretis adhibet plures, cum præstare id possit ipse, aut per pauciores. Barbarus denique videtur semper is, qui eum, apud quem verba facit, sermonis sui non habuerit intelligentem, & omnes surdi, M. Tullio teste, sumus, cum eas linguas, quas non intelligimus, quasi occultum aliquid, arrigendo aures, taciti vestigamus. Historiarum certè, quàm linguarum plurimum cognitionem, multò magis dixerim Legato necessariam, quanquam & illarum non omnino posthabendam. Est enim historia dux actionum, consiliorum inventrix, comes itineris, pronuba instituti salutaris, quam quò magis variam, & exactius aliquis legerit, & legendo rebus & temporibus præsentibus adaptaverit, eò & plures legationes obiisse, & in portum, quem quærit, facilius invehere videbitur didicisse. Sed ad ejus historiæ cognitionem divinarum humanarumque rerum accedat oportet scientia. Parum namque utilis librorum est lectio, nisi humano ingenio vires aut cælitus infundantur, aut longo usu acuantur. Quam ad rem Deo Opt. Max.

inpri-

inprimis duce & anthore, & perillustri natura Legatus opus habet, ac demum studio & exercitatione assidua & peculiari. Est enim per se quisque nedum videtur tardior, celeri illo animi motu & sagacitate destitutus. Sed idem ille se cognoverit, frenaveritque semper, non minus alacri animo, quàm etiam studioso. Sicut enim cultri, ita & acuta ingenia ut facilè findunt, sic & hebescent. Iam & naturæ ornamenta idem Legatus habeat, & aliquando fortunarum: festivum enim est, quod de secretario naturæ & ingenii magistro fertur Aristotele, quòd cùm aliquando, quamobrem illa, quæ pulchra sunt, in amorem sui homines raperent, interrogaretur, cœci esse hanc interrogationem responderit: *Pulchra enim omnia suapte ad se nos alliciunt*, & magna per se, tacita licèt, commendatio pulchræ est faciei. Duplex tamen vulgò, virilis & muliebris, habetur pulchritudo: quarum altera in venustate; altera, quæ Legatorum est propria, in oris & totius corporis ponitur dignitate: gibbosi, (ut mox plura iis de rebus infra dicemus,) claudi item, & vel aliquibus membris distorti, aut mutilati Legati magis commovent risum, quàm aliquam tam sibi, quàm principi suo vel minimam conciliaverint authoritatem; nisi fortè aliqua re aut arte sint excellentissimi. Quod etiam ipsum apud incultas & barbaras gentes parum valuerit vel nonnunquam: barbari enim ad irriden-

Pulchritudo duplex.

irridendos, morati verò homines ad honorificè tractandos exteros sunt promptiores. Sic olim à regina Amazonum Macedo contemptui est habitus Alexander, quòd non perinde pulcher, quàm rerum gestarum fama celebrer ei videbatur. Sic Agefilaus Magnus ab Ægyptiis, minori fuit in veneratione, quod staturæ esset brevioris: sic alii aliis quidem minus; sed fuerunt tamen omnes despiciatui semper, qui aut naturæ, aut fortunarum adjumenta non habuissent. Quot enim & quanti Legati, in medio ceu quodam cursu sæpe subsistunt, nec aliorum erga se humanitati & officiis respondent, nec nisi ære alieno obruti, ab aula proficiscuntur, partim ob profusionem aliquando nimiam, partim ob æris & facultatum inopiam. Quid? quàm multi, petenda identidem pecunia, principibus suis molesti sunt, & tandem juvandi necessariò veniunt; quod non fieret, si aut opibus per se semel instructi prius essent, aut obeundis legationibus, idoneos judicatos, quàm ineptos alios, rerum gerendarum instrumentis, principes ipsi potius augerent. Melius enim ad negotia apti, pauperes licet, sublevantur ære, quam ceu quædam mutæ personæ opulenti, sed inertes in rerum versantur tractatione. Quo magis viderint reges, quibus faciem suam dandam potissimum arbitrentur: si enim musico inepto, quantò minus Legato utendum est inconsiderato. Virum certè ignobilem, rudem

rudem & egentem, principis personamdecorè præstare minus posse, nemo dubitaverit. Verùm nec in divitiis adeò etiam posita sunt, aut erunt omnia. Ac multò minus in pompa & ostentatione divitiarum : sapienter namque sensisse, & pulchrè mihi videtur dixisse, qui non tam pompa, quam rebus instructum Legatum ajebat dimitti oportere : neque tam eum, qui ipsum se ultro & curiosè ingereret, quam qui refugeret quodammodo legationem obeundam. Etenim turpius nihil ambitur, nihil invidiosius suscipitur, nihil difficilius peragitur, nihil variè & multipliciter magis interpretatur, quàm legatio. Vnus vel minimus commissus aliquando error turpat legationis omnia : & propter pauca Legati vitia, saepe evanuerunt plurima & maxima, quæ erant vel imprimis dilaudanda. Est enim Legatus persona publica, & vel nonnunquam nova, proposita omnibus ad spectandum, paucissimis peculiariter commendata ad prædicandum. Qui tantò quidem majorem etiam sapius fortitur invidiam, quantò quod sibi visum fuerit agere, datur tandem sibi à principe plus potestatis. Nam non usque eò rarò, res temporaque, ne quid certi legato præscribatur, requirunt ; sed facultas conceditur, quod è re, & dignitate principis magis fuerit, liberè quandoque de omnibus legato statuendi. Sæpe enim occurrunt, de quibus nihil in mandato præstitui potest, & rur-

& rursus multa præcisè , & diligenter legatis committantur necesse est , in quibus præsens rerum tractatio subjicit consilia certiora. In his autem omnibus perspicaci maxime opus est prudentia , longo rerum usu & tractatione comparata: non enim semel & iterum , sed vix etiam infinitis modis & vicibus suffecerit aliquid tractavisse : nec tam prosperis successibus partis, quàm naufragiis factis , res rerumque eventus meminisse: *premunt enim gravia, leta vero & levia exolescunt.* Quò etiam pauciores idoneos his & tantis legationibus reperias: nihil enim facilius fungi volenti , & nihil difficilius videtur experienti legationem ; nisi, quod continuo imploraveris, numen affulgeat divinitatis. Itaque eos potissimum ad hæc similiaque munera obeunda deligant sibi principes, in quibus catholicæ religionis & boni publici maxime spectetur studium: cum pietatis concepta de aliquibus opinio venerabiles faciat etiam expertes aliquando pietatis. Quanquam ego non modò cum Deo, sed nec cum hominibus quidem , fallaciter aliquid agere author alicui fuero : multi enim simulant pietatem, vel ipsam reddiderunt suspectam in aliis probitatem ; & Deus ipse Opt. Max. cum diu multumque tulerit, eò tandem severius castigat falsitatem. Religionis porro Catholicæ sincerum ubicunque studium , sequatur necessariò in Legato fides, sequatur prudentia, sequatur

tem-

temperantia, & ipsa denique, quæ muri adamantini est instar, nunquam satis laudata sequatur fortitudo: reliqua enim in Legato omnia videntur esse ceu cujusdam urbanitatis, hæc certè, quas enumeravi virtutes, soliditatis sunt singularis: nam sicuti ad pulchritudinem corpus, ad fortitudinem veluti ad robur, ad temperantiam perinde ac ad sanitatem, ad prudentiam quasi ad subtilitatem sensuum, legatus est conformandus; fide in eo nihil est præclarior & commendatius memoriæ hominum sempiternæ. Etenim ut illud taceam, quod habita, veteri proverbio, fides obligat ipsam fidem, & erit, qui proditoris crimine scœdus aliquid dicat vel sentiat, & cujus vitium virtuti oppositum à virtute magis declinaverit? Ferunt Borbonium illum, qui ad Romam occubuit, vel tam præclare de Hispanis meritum, cum in Hispaniam appulisset, ne hospitio quidem exceptum à quodam fuisse, quod domo sua indignus diceretur, nescio ob quam suspicionem perversæ in principem suum fidei, aut commutationem voluntatis. Quo tamen loco nunquam ego proditorem appellavero eum, qui, quod à virtute discedere noluiisset, proditoris insimulatur alicujus. Est enim constans & perpetuum quid, quod justitia appellatur, & quod perversis & depravatis hominum moribus & consuetudinibus, nec potest nec debet unquam mutari. Ac ut plurimum iis, quorum beneficiis

ciis affecti sumus debeamus ; multò tamen plus nobis ipsis, & honestati debemus, quæ moribus licet temporibusque præsentibus non quadraverit ratio aut oratio, nec & ego cum legatum oratione finxero, qui certo aliquo loco & tempore seu persona definitur ; sed qui rectæ rationis normæ justitiæque quàm maximè fuerit proximus & accominodatus. Quare, quid præter fidem in legato præterea requiratur, & quàm necessaria ipsi fortitudo prudentiaque fuerit, videamus. Summa quidem certè habeat oportet omnia. Etenim, ut à fortitudine ordiar, cum timidus aliquando habitus sit Cicero, & Pompejus ei dixerit: Transi, inquit, M. Tulli in castra Cæsaris, & me timebis: prudenter videtur fecisse, cum seipsum nosset, quòd ad Antonium legationem fuerit deprecatus. Ut ex adversus malè audivit Demosthenes, quòd in legatione, nescio ad quem, publico nomine destinatus, & usque in aliquam viæ partem progressus, dum subinde impotentiam animi, & iracundiam illius, ad quem mittebatur, secum ipse cogitasset, missam fecit legationem ; quo nomine non apud suos peræquè omnes, ut dixi, fuit laudatus: *declinanda enim sunt maturè, quorum nos aliquando deberet poenitere.* Quo loco recentius adhuc & facetum proferam exemplum cujusdam principis Italici legati, qui ad Sigismundum Augustum Poloniæ regem, pro nuptiis eum invitaturus, Grodnam

*Legatus
ridicu-
lus.*

nam profectus, cum in quandam paulò longiorem sylvam apud Knischinum incidisset, & num multum ejus superesset fortè quæsivisset, responso, quod dimittio adhuc major pars ejus restabat, accepto, per familiarem suum ad regem principis literis missis, nescio quid causatus, & ipse quidem mox revertit. Itaque prudentia, fortitudoque pariter legato est necessaria; ut suscepta demum legatione dispiciat, quatenus progredi possit & debeat, & quibus in rebus, ac quomodo fortitudine uti, & quando. Nonnunquam enim cauta consilia, quàm elata sequi præstiterit: & parere potius necessitati, quàm indulgere appetitui, aut perversæ voluntati. Ac breviter, multa ac penè infinita sunt, quæ præceptionibus circumscribi non possunt, & in quibus ad novas res nova consilia adaptantur. Pulchrè ergo quidam, non tantum, inquit, verborum nuncii crediti sunt legati, sed iudices rerum adeò etiam appellati, & oculi ac aures imperiorum; quos ego non tantum in magnis magnum, sed in omni denique re volo gerere animum, nec de sua concedere dignitate vel tantillum. Nam memorabile semper fuerit, quod alicubi refert Tacitus, quòd cum quidam Germanorum legati, Romam venientes, in sedibus senatorum sedere externos legatos animadvertissent, & quibus id honoris datum, percontati fuissent, & fide in populum Romanum magnis, responsum accepissent.

cepissent; deos hominesque restati, nullos hac in parte Germanis præferendos; inter patres confederunt. Est enim dignum, digniorem locum se concedere legatorum nemini; sed & in ea ipsa re, ut infra dicemus, eatenus progrediendum, quatenus suaserit ratio, aut summi alicujus principis interposita autoritas & persuasio. Nam superbum agere legatum, Deo hominibusque est odiosum, cum quodam non obscuro contemptu, & irrisione totius gentis atque nationis. Hinc illis Lusitanorum legatis, in Hispaniensem aulam venientibus, & hospitiorum causa nescioquem præmittentibus, palatii præfectus ridiculum dederat responsum, cum, quot essent, interrogasset, & ille, mille quidem omnes, sed quingentos prorsus Deo, alios aliis hominibus similes, respondisset: Bene habet, inquit; isti, quos tu Deo dicis esse similes, in templa; reliqui eant in hospitia. Quo non obscure animi perstrinxit eorum levitatem: *omnis enim jactatio & verborum vanitas est molesta*; sed illa vestium, supellectilis, aut equorum, aut his similium rerum molestissima. Fugienda tamen his in sermone & colloctione ineptiis, suæ nunquam obliviscatur legatus gravitatis, amicum omnibus, familiarem præstet se nemini: licet nec multos, neque nullos amandos esse censeant alii: in privatis rebus humanitatem, in publicis retineat dignitatem. Frequens commessatio parit nobis

B.

non



non raro despiciatur: & indignum est, cum sobrius non audeas loqui, inter pocula vel le garrire: *juvenes denique plura, senes verba facere consuescunt meliora.* Proinde vel hac in parte debet esse legatus cautus, & in publicis conviviiis, in sermone parcus, & quodammodo etiam taciturnus. Sicuti enim occultata virtus parum à stulticia differt; sic ad opinionem sapientiae silentium loco servatum stultis suffragatur: vascula inania maximè tinniunt, & quod minus mentis, ed aliquibus plus est loquacitatis: denique quod citro ultroque, ferendis temerè sermonibus, *lingua nihil est nocentius*, ed is, qui illam arte frenaverit, magis in sapientibus numeratur. Sæpe vel amplissimus campus restat iteratò cuivis dicendi; non peræquè autem semper ea, quæ protuleris, reticendi: *nam verba & aves semel emissa, postliminio non revertuntur*: & suspicandum est semper, ea, quæ uni vel alteri dixerimus, brevi conscios fore etiam quàm plurimos. Mors ergo & vita in manibus linguæ est, dixit ille non insipiens. Multi postremò multa dicunt, ut plura eliciant ipsi non à nemine, & aut in publico liberiùs loquentes, quò plures sermonis habeant testes, acutè alios observant; aut quem aliquis verbis ulcisci vellet occultato, altero verò paulatim ad libertatem obloquendi, ceu in arenam educto, incautum circumscribunt. Non sint tamèn talibus aut faciles ad credendum Reges, aut ad castigandos proni sermones;

fermones ; levitatem enim loquendi irridendam, insaniæ commiserendum , dolori ex injuria accepto indulgendum aliquid, semper est judicatum: & Imperatorum extat sanctio in hæc verba trium: Si quis modestiæ nescius, & pudoris ignarus, improbo petulantique maledicto nomina nostra crediderit laceßenda , ac temulentia turbulentus obtreßator temporum nostrorum fuerit, eum poenæ nolumus subjugari , neque durum aliquid , neque asperum volumus sustinere ; quoniam si id ex levitate processerit, contemnendum est ; si ex insania, miseratione dignum ; si ab injuria , remittendum. Vnde integris omnibus hoc ad nostram scientiam referatur , ut ex personis hominum dicta pensemus , & utrum prætermitti an exequi debeant, censeamus. Atque hæc quidem verba sunt sanctionis. De convitiis autem in absentem principem jactatis , vel contumeliis absenti dictis , tantum statuendum est , quantum statui volebat in eum Aristoteles, qui absentem pulsavisset : etenim verborum superbiam , qui facile excandescunt , plerumque ulciscuntur, prudentes irrident , leves sequuntur. Vnde & Veneti regis Galliarum Fœciale bellum Reipub. denunciantem, injustitiamque & alia iis exprobrantem, religiosè dimiserunt. Et Parthorum olim legatos Romæ, quod Armeniam peterent, quam ereptam tenebant, irritos quidem dimissos, sed legimus tamen muneratos : non enim is,

*Lex
Imp.*

qui mandata tulerit, incusandus; sed qui dederit, magis est redarguendus; uterque tamen hanc mandatorum libertatem non usque ed amplexatur, ut vel aliis sit ea molestus. Etenim etiam illam animi sensuum proferendi prudentiam habere legatus debet commendatissimam, nec à considerata ratione disserendi, vel in privata colloquutione avelli cum principe se, & in altum disputationum trahi, temerè patiatur: & postquam ad externos venerit, potiùs laudatorem se eorum præstet, quam temerarium censorem vel æstimatorum: *omnes enim nobis ipsis plus quam par est placemus & alios irridemus*, ut vel maximè nobis præstantiores esse, tacitè agnoscamus, & quod plerumque fit, verbis præ nobis extenuemus. Iam & ipsum, quem semel adierit, principem observet & revereatur legatus perpetuò: nec illius titulis aut juribus tam dicto quam facto detrahat vel tantillum: quod si vel aliquid sibi ab eo displicuerit, non queratur vel evulget è vestigio, memor dicti illius Romani sapientis: *Potentiorum injurias non solum patienter, sed hilariter etiam fronte semper esse perferendas*. Sæpe accidit, ut potens injuriam injuriâ cumulet: & si patienter feratur, non omnium optimè facti compunctus conscientia, eam beneficio oblitterandam potiùs arbitretur, & unum aliud beneficium tandem sequatur: *raro enim gratis datur aliquid*, quominus is, qui semel gratis dederit, ad dandum non

non denuo invitetur. Quanquam nullius rei minus quam beneficiorum, ab externo principe venandorum, insit legato cupiditas, imò evitari omnis debet suspicio cupiditatis; ut nimirum principis, à quo missus est, sarta tectaue conservetur dignitas; quæ ut medico salus, imperatori victoria, legato sit proposita: merces enim ratione mercatorum, & principes domesticorum nonnunquam æstimantur. Quæ quoniam magna & principum, & legatorum pars non intelligit, aut saltem intelligere non cupit, propterea principes, huc & illuc illis mittendis, sibi non peræquè semper satisfaciunt, & eorum culpâ aut in odium aliorum contemptumve incurrunt, aut ad aperta bella, bellorumque incendia cum vicinis veniunt, aut aliquid ejusmodi committunt, quod ex ipsorum non est re, neque dignitate. Cordati enim & prudentes legati, omnis honestatis & pacis, publicæque tranquillitatis, non dissidiorum vel bellorum præstare se debent authores. Sed nec interim etiam, vel maxima proposita commodi, aut quietis spe, indignum se suoque domino committant aliquid, neque in Principem comitatumque suum impune perbacchari alios patiantur. Major namque, quam vel vitæ ipsius ratio, habenda est dignitatis; & qui fert temerè unam, facile alteram invitat in se contumeliam; unde postea exoritur despiciatus: quod etiam solers & providus magis, sui suorumque le-

gatus sit indagator, non eos, quæ in buccam veniunt, garrere, non dissolutè vivere, non assuefaciat huc & illuc discurrere, non subito nova sibi latibula quærere extra domum ludendi, bibendi aut dormiendi, non denique temere evagari per urbem & compita semper, non suspecta infamiaeque invisere loca, ut rixarum & cædium occasiones suis perimant, faciliè patiatur; nam ut nescio cui servituti id simile fuerit, præstat quidem certè comitatu suo, ad bene beatèque vivendum exemplo & authoritate præire, & demere semper aliquid, quàm adjungere potius libertatis. Id autem potissimum fiat in principio, ac ceu quodam vestibulo & ingressu rerum & legationum: prima namque in oculos incurrunt maximè, & ab exordio de progressu rerum, ut plerumque fit, judicatur, nec ea, quæ de nobis in animis hominum semel inhæserit opinio, faciliè eradicatur. Meminerimus, quàm & nos etiam curiosi domi nostræ sumus, cum legatum & externum aliquem dominum ad nos contigerit adventisse, die noctueque, ut ita dicam, res ipsius rimamur, statum & conditiones omnes scrutamur, familiares intuemur; hoc idem, ne apud alios nobis quoque eveniat, videamus, demusque sedulò operam, ne fortè aliquis, tam à nobis ipsis, quàm à domesticis nostris, priusquam necesse sit. res & mandata nobis data expiscetur: nihil enim est turpius, quam fumum priusquam flammam
(dixit

(dixit ille,) in legatione alicuius appare-
re, quod non aliunde quàm à legati, aut e-
jus familiarium proficiscitur vanitate; cùm
aut suos suorumque res immoderatis ple-
rumque efferunt laudibus, aut minas mis-
cent precibus, aut aliorum vires & reliqua
verbis, ut fit, extenuant, non sine stomacho
& indignatione tam ipsorum principum,
quam ejus etiam senatorum. Omnes enim
ubique contemni nos non libenter pati-
mur; sed hanc impotentiam externorum
in loquendo animi, domi nostræ potissi-
mum aversamur. Quanquam nec illud qui-
dem expedierit, fictis aut etiam nimis lau-
dationibus principum venari gratiam; &
aliud (quod ajunt,) stantem, aliud seden-
tem loqui, & nunc hoc hodie, nunc illud
postridie, cum non obscura quadam suspi-
cione vanitatis. Quod (ut plerumque fit)
accidit, cùm aut lippis tonsoribusque nota
longâ oratione tractamus, aut quod antea
extenuavimus, ornamus & amplificamus
dicendo: nihil enim magis virum decue-
rit, quàm nunquam sui, suæque oblivisci
firmitatis. Memorant Carolum Quintum,
at qualem & quantum cæsarem? post ini-
tam cum Francisco Galliarum rege ad Ca-
meracum pacificationem, cuidam legato
summis encomiis in os eum laudanti, in o-
rationis fine dixisse: Vtinam, inquit, &
nunc laudasses, & biennio antè in Anglia
vituperasses me parcius, æquè utroque
nunc caruissem. Modus in laudando juxta

ac vituperando fuerit optimus; & cum vivis, tum verò præsentibus efferendis, convenit esse moderatum: *dies enim ante occasum, & homo ante diem mutatur supremum.* Dare præterea alicui nimium in os laudis, habet speciem nescio quam assentationis; neque tam virtuti tribuere, quàm in aures principum influere velle judicamur. Vnde ille Carolus Burgundiæ Dux crebris usurpabat sermonibus, neque laudari acriter, neque vituperari vivos principes oportere, quod unum periculo, alterum suspitione non careret adulatoriæ artis valde inertis. Iam & illud legatus meminisse debet, si vel illo statim momento, rebus sui principis nomine postulandis, minimè potiatur, non despondendum esse animum, & si vel repulsam ferat, ad minas & expostulationes non veniendum; non semper sunt bonæ, quæ citò dantur responsiones, nec multùm à repulsa proficiunt contentiones. Quare, si vel meliorem causam habuerimus, declinanda semper est invidia; impotenter causa tuenda; cum non raro accidat, ut contrariæ parti vel aliquid de nostro jure concedendo, rursus in nostram pertrahamus eam sententiam, quod nimirum opinionem prudentiæ attulerit nobis singularem. Ut enim equi sessoribus, sic principum plurimi durioribus resistunt oratoribus, moratis & moderatis multa concedunt. Quod cum semper & ubique valuerit, tum potissimum tractandis rebus cum iisdem regibus,

regibus, quos, non secus quàm Cetos marinos, in littus deducas paulatim, repellas vehementiùs impellendo: volunt enim, quod dixit ille, hæc idola coli, & vix faciunt aliquid moniti, tantum abest ut coacti. Quare si impugnanda regis aut alicujus magistratus fuerit sententia, excusabit se legatus primùm, demum verò in verbis, gestu & oratione, omnem necessariam adhibebit modestiam, & suam propensissimam erga principem testabitur voluntatem: & denique, si duriora fuerint postulata, non à se sed principe à suo id ostendet proficisci: ut enim sol, si hominis vertici immineat, aut prorsus tollit umbram, aut reddit quàm minimam; sic maximi alicujus principis conditio aut gloria minuit invidiam. Minor denique supremi, quàm minoris livor est magistratus, nec tantus absentis regis, quàm præsentis ipsius oratoris: qui quò etiam sibi aliquando negata dolenter tulerit minùs, eò illius, qui negaverat, experietur vicissim erga se commutationem celerius voluntatis: ægrè enim omnes injustitiam nobis objici ab aliquo patimur; alius vero alio faciliùs amplectitur æquitatem. Ferunt eundem illum Carolum Quintum, Romanorum Imperatorem, (libenter enim in magnis, magnorum principum perstamus exemplis,) Ioanni Dantisco, Episcopo Varmiensi, Sigismundi Primi Regis Poloniae legato, in petenda pro Regina Bona ejus conjuge, ab

*Ioann.
Dantis-
scus.*

Isabellæ Arragoniæ ipsius matris morte, Barenfi hæreditate, duriores se initio præstitisse: Quod cum Dantiscus paulò tulisset immoderatis, & vim suum principem pati, cœnatus alicubi, exclamasset, hæsit in illa aula opinione sua diutius, nec vel aliquid aliquamdiu visus est impetrasse: demum verò modestior in sermone factus, vel è medio, quod apparaverat, convivio ad Cæsarem venire repente est iussus; qui in venationes iturus, & per multos dies ab aula dicebatur absfuturus; sed tum nimirum vel maximè Dantiscus, licet vino incaluerat, moderationis & eloquentiæ laudem apud Cæsarem promeruit singularem, & quod diu non poterat, illa die impetravit; neque enim peræquè urgendis principibus, quàm eorum observandis nutubus compotes reddimur nostræ voluntatis. Quo facilius intelligas, quanti momenti in prudentia legati sit positum, & quàm verè ille quondam rerum dominam sapientiam appellârit. Etenim sapiens legatus, quæ impetrari vel secus possunt, animo cernit, & in posterum rei quoque tentandæ vires non incidit, nec spe concordia alios excludit. Multa enim & gravia feruntur, quæ omni prorsus adempta spe, ægrè possent tolerari. Quid etiam magis, cum obtentu aliqua res videbitur difficilis, imperfecta potius relinquatur, quàm ut prorsus abjiciatur. *Dies posterior magistra est prioris*, & semel amissa de negotiis publicis

cis conferendi fide, aut etiam potestate, non tam aliquis efficitur citò ejusdem compos facultatis. At verò, cujus rei gratia legatus petitum est missus, si fortè obtinuerit, ad imponendum universæ rei & tractationi finem, nihil moræ interponat; sed quæ promissa ei fuerint, consignet literis, & quoad ejus melius fieri poterit, acta conventa efficiat firmiora: neque iis rebus ullo pacto indormiat, cum nox interposita, sive auditio una, & vel nonnumquam falsa, perrumpat omnia, & desideriorum viri, ut regalis ille Propheta alicubi eos appellavit, hac tempestate reperiantur quamplurimi, apud quos opinionum & variarum cogitationum perpetua quædam regnat vicissitudo. Semel autem de controversa & decisa re, rursus controversia orta, non secus se habet, ac corporis aliqua ægritudo, quæ si semel curata recrudescit, plus in curatione habet difficultatis. Nocuit ergo, quod dicitur, differre paratis, & manus afferre immaturis. Atque hæc quidem omnia usu & tractatione constant rerum, & quadam veluti mensura, quæ non magis medico, quàm politico observatu est necessaria: illi, ne ægrotantem perimat, huic, ne, quæ immortalis esse debet, evertat Rempubl. Præstat tamen conficiendis negotiis, maturâ quadam celeritate, quàm supina uti tarditate: *præpropera enim celeritas inimica est consilio; sed procrastinatio omnium & con-*

filiorum & actionum est perturbatrix. Sed age progrediamur: nam eidem illi legato curæ sit, ut scribendis tam ad populares, quàm ad externos literis, ab iis vel diversorum argumentorum epistolas sapius vicissim sortiatur: quas cum amicis quidem communicabit liberius; sed neque suspectos in amicitia expertes earum faciet, demptis præsertim iis, quæ minùs communicanda videbuntur. Qua de re eos ad quos scribit, & à quibus sibi scribi volet, tempestive admonet, & id vel maxime propterea, quòd nulla res prudentiæ opinionem magis nobis conciliaverit, quàm rerum vel exactissima cognitio, tam quæ antè fuerant, quàm quæ & nunc passim geruntur. Vnde etiam quidam solos reges, eorumque consiliarios atque legatos, curiosos esse ex instituto debere testabatur, ceteros non item, quibus non peræquè incumberet cura publicorum commodorum, sive dignitatis: suo enim quisque debet se metiri pede, & contentus esse sua tantummodo functione. Jam verò non solum ostendendis literis, sed crebris etiam & officiosis visitationibus, tempestivisque conviviiis tam aliorum legatorum quàm quorumcunque aulae procerum conciliatur legato benevolentia, & quasi imponitur necessitas quædam, aliis quoque, quod tamen ille minimè spectare debet, ejusdem voluntatis & humanitatis erga legatū declarande. Pulchre enim Romanus ille nescio quis:

Alie-

Aliena, inquit, pocula siccas, nemo tua; aut redde vices, aut desine velle vocari. Et fit profectò magna magnis inter se viris disserendi sive facultas sive cupiditas ubique, sed ubi incaluerint ad mensam, maxima. Etenim multa multi vel ultro ipsi confitentur in mensa, quæ vix aliquando confiterentur in tortura. Quid, quod non ad nostrorum tantum principum, ad quorum redundaverit id gloriam, sed ad aliorum proculdubio gratiam hac ratione struitur nobis via maxime compendiaria; aded ut quorundam principum legatos, tractandis hoc modo eorum consiliariis & aulae familiaribus, primum gratiae locum apud externos reges & principes tenuisse audiamus & legamus: non enim homines tantum, sed & simiam aliquando suam in honore haberi non illibenter videre se, nescio quis ille dixerat Imperator. Qua ipsa de causa principum in gratiam se ut legati magis insinuent, non tantum aulae proceres, sed aded etiam regios domesticos quosque mensae suae adhibebunt: cum illis familiariter, ut fit, confabulabuntur: cum illis nunc hos, nunc illos miscebunt sermones: illis hinc & inde sibi allatas ostendent literas: cum his principis tam sui, quam ipsorum perhonorificam facient mentionem: cum his statis temporibus, cum aut strenæ, aut similia dantur munuscula, hilare versabuntur, & dona dilargientur. *Omnia enim serè qua aut sunt, aut dicuntur*

in aula, principem non effugiunt, & pari rursus modo rationeque pensantur: nam fama est malum, quo non aliud velocius ullum, dixit verè Poëta; & qua principum nostrorum ad aures, sive bona, sive mala illa fuerint, quæ de nobis circumferuntur, pervolant derepente, unde aut dolent, aut lætantur. Itaque & habitare commodè, & multò, quàm si privatus esset, se gerere splendidius, legati expedierit dignitati, & hac in parte nullis parcere sumptibus; si fortè odio, aut incuria eorum, quibus hospitiorum distribuendorum munus incumbit, id non assequatur: splendore enim & magnificentia capitur multitudo; & sive ut nos contemnat, sive suspiciat, facillimè incitatur. Denique qui commodè habitando & alios ad se invitando, munerandoque gratificatur pluribus, vix est credibile, ut ei vel ab uno non referatur gratia, & principes ad ornandum & remunerandum non commoveantur: fidelis enim servus fit benigno domino, & hic beatus fido & taciturno. Absit tamen semper inanis profusio à legato & legati domo: & quæ debet esse officina pudoris & continentiae, non sit libidinis & diurnæ nocturnæque comessationis: debemus enim uti, & non abuti nostris regiisque opibus & muneribus, cumque domi, tum foris esse continentes, & cum id probare cunctis, tum nostris vel imprimis regibus, qui dissolutis & profusis haud ita libenter beneficia

beneficia largiuntur : *dolium enim perforatum , & hominem sui oblitum vix impleveris.* Quanquam hac in parte semper animi prævaluerit magnitudo , pudetque iis nostra denegare bona, qui pro nobis præstiterint vel pertulerint graviora : *refugiunt enim omnes , quem nulla remuneratio sequitur , famulatum.* Ac memorabile inprimis fuerit, quod de Ferdinando Consalvo proditum est memoriæ , qui cum Ferdinando Hispaniarum Regi Catholico, regno Neapolitano sub Gallis recuperando per multos annos egregiam navasset operam, tandem quarundam rerum insimulatus , coëgit ipsum regem , ex Hispaniis Neapolim navigare , & administrati illius regni , ac tam perceptorum , quàm expensorum rationem ab eo postulare : tum ille , modico sibi eam ad rem sumpto tempore , parva quadam scheda postridie ostensa , omnia expensa ea contineri fidenter confirmavit, facileque obtinuit , ut & rei bene gestæ, & pecuniæ non malè locatæ memoria nihil ab eo magis exigeretur : ut enim magno constet , videtur constare modico publica quies, & regni possessio restituta : hoc eodem modo & summi alicujus legati excusabitur interdum profusio , si constiterit omnibus ejus profusionis ratio , utpote ad scienda quæque regum regnorumque secretiora , ad indaganda , & aliquando corrumpendos eorum consiliarios & consilia, ad fomites bellorum impediendos, ad oppres-

oppressos sublevandos, ad rebelles propter exemplum pecunia emptos, & ad supplicium rapiendos, & id genus alia. Et si denique à legato & ejus principe ad unam illam Christi Opt. Max. gloriam, & publicam pacem & tranquillitatem, tanquam ad certum scopum fuerit perpetuò collineatum; multa quippe etiam suspecta & odiosa, plana feceris atque grata, uno illo prætenso & præ oculis semper habito fine & studio, divinæ gloriæ & Reipub. utilitatis. Neque tamen vel his etiam rebus & actionibus omnibus lubricæ & præcipitis cujusdam ambitionis & curiositatis legatus notari se temerè patiatur. Relinquenda Deo Opt. Max. sunt quam plurima, & tempori ipsi, quod ratio sanare non potest, aliquando committendum. Et denique nec iis, qui nunc huic, nunc alteri parti operam venditant suam, multum adhibendum fidei, & concedendum auctoritati, qui una manu porrigunt panem, & altera ingerunt scorpionem: *cùm qui non fuerit fidus suis, qui fiat longinquis & alienigenis?* Postremò usu etiam venit, ut sciscitandis veris, infinita mendacia domum referamus nostris, & pudeat pœniteatque nos sumptuum factorum, laborumque obitorum, ut interim livorem invidiamque taceam, qua curiosi isti flagrant, & periculum, quod ardeliones, qui uno ore fiant & sorbent, manet: & præterea quod denique semel amissa fides talibus nulla constiterit

constiterit ad omnem perpetuitatem: certissimum enim est, passim & ubique leves haberi malignos, percunctatores garrulos, curiosos mendaces, & omnes denique acres impetus in perfidiam plerumque commutari, qui non tam citò emunt, quam subitò divendunt, nec tam facile metunt, quam disseminant falsitatem; quo nomine multi in bene constituta Repub. puniti sunt & fuerunt: quod ut principum legati impune aliquando tulerint, tanto quidem subierunt invidiæ magis, quanto ad vanitatem ipsorum major accesserat auctoritas, & auxerat vulgo odium *impunitas, perpetua quadam illecebra delinquendi*. Sit postremò legatus, quoad ejus fieri maxime potest, ut supra etiam diximus, sanctimonix & castitatis speculum: non inventor & artifex libidinis, aut inhonestæ alicujus voluptatis. Etenim quò Deo Opt. Max. addictus & devotus aliquis magis fuerit, eò etiam reverentur omnes eum libentius: & quò sibi plura licere legatus arbitratur, eò, ut sit diuturnior, moderatius utatur illa eadem libertate. Fama vulgatum est, barbarorum quendam legatum ob nefaria crimina, ostensa ex ipsius lege, necessitate moriendi, Lusitanos exussisse. Nec scio si injuria: Nam legatorum licet corpora habeantur sacrosancta; legatio tamen ipsa innocentia debet esse tecta, & non stupris ac maleficio publico cooperta. Quo loco magnus quidam campus mihi o boritur

oboritur de jure legationum differendi : antiquissimum enim habetur proverbium : Legatus neque cæditur , neque violatur. Et de caduceatoribus Eustachius meminit ; Divinum eos genus existimatos , aut certè inter Deos & homines medium , nec nisi à Lastrigonibus , Cyclopibus , aliisque , qui fas non norunt , de iis aliter cogitatum ; eosdem etiam Iovis atque hominum nuncios ipse poetarum deus nominat Homerus , & Xenophon de Pædia Cyri , honorandos ait oratores , itemque Cato : Nemo , inquit , homo nocet caduceatori. Secus tamen se habet de mentitis legationibus : qui aut legati sunt ad neminem , aut legationem suo tempore non proferunt , aut denique si legati fuerint , non tamen ad eum ad quem se missos testantur , quos tamen crebrius impunitos dimissos , quàm severitate aliqua animadversionis legimus violatos. Nam pulchrè alicubi de Africano Valerius , voluisse eum potius , ut Romani Imperatoris decepta fides , quàm frustra implorata judicaretur. Iam & illud in quæstionem venit : an tuti legati etiam cum iis sint , ad quos non mittuntur ? Sed facilè ea dissolvitur quæstio. Cùm legati ad hostes missi , hostilia molientes , si paria patiuntur , non habent quod justè doleant , non secus quàm milites , qui quod non pro se , sed pro principe suo se dimicare profiterentur , & propterea sibi vellent parsum. Vnde Livius de

de Macedonum legatis verba faciens, in hanc loquitur sententiam: Felici, inquit, primum evasere mendacio, mox verò cogniti capti sunt, Romamque deducti. Et enim legati ex ipso nomine, ad alios non sunt, nisi ad quos legantur, nec jura legationis obtinent, nisi quibus debent ob consilia communicanda. Sed hoc quidem de stricto, quod ajunt, jure multi esse autumant: secus expedierit rebus & dignitati regum & principum maximorum. Nam & Alexander Magnus legatis Carthaginiensium pepercerat, qui ad Tyrios in eum animandos erant profecti. Quo nomine Carolus V. Cæsar rursus à Gallis reprehensus, quòd eorum legatos ad Turcam euntes jussisset interficiendos. Sed hæc quidem differunt: non enim Christianorum cum Mahometanis communio, nec illorum qui quærebant sua, cum his, qui divinam tuentur gloriam, ulla est similitudo. Sed ad propositum revertamur. Sunt enim legati homines pacis, & principis aut Reipub. personam gerentes, Rempub. pacificè tractantes, propterea vel apud hostes ipsos debent esse inviolabiles: nec solum in amicorum tectis, sed etiam in inimicorum telis tuto versari. Nam *qui alterius legatos læserit, non speret stare jus legationis suis.* Est tamen exemplum Majoris Africani, qui teste Appiano rogatus, quid fieri Carthaginiensium legatis deberet, nihil tale respondit, quale Carthaginenses: multi enim spe-

spectant, non quid aliis fieri possit, aut debeat, sed quid institutis patriæ moribusque eorum conveniat. Nam in interdicta legatione supplicum misereri, vel ipso Cicero-
ne de Inventione teste, vulgò omnibus probari, & aded legatos speculatores & perfidos, impune dimissos legimus vel nonnunquam. Posthumiusque Dictator Romanus, legatos quosdam Volscos convictos speculatores servavit: quia, ut Dionysius prodidit memoriæ, legationis nomini, quod præ se ferebant, plus dandum censuerit, quàm certo facinori rependendum. Quibus tamen rebus minimè legatus confusus, vita & moribus seipsum ostendat honorandum: nam magnus quidam, magnique vir consilii, cum multas & varias legationes obivisset, domum tandem rediens, quid potissimum legato inesse oporteret, quæsitus, manum primùm ori, demum membris admovit genitalibus; quo innuere volebat, legatum utraque re debere esse continentem: sed eadem illa tandem etiam exporrecta manu testabatur, oportere esse magnanimum & liberalem. Quæ quidem magnanimitas non solum continetur dando, verùm etiam munera aliorum respiciendo: nihil enim est inquinatius, quàm eum, quem non modò facto, sed nec violare fas est verbo, muneribus posse corrumpere. Nam qui semel acceperit munera, & largitionibus se patitur violari & corrumpi, is (ut olim in Æschinem quidam dixerat)
non

non jam constans manere potest iudex publicorum commodorum; imò ut & legationem rectè obierit, credi, id non oportere, nec fieri posse omnino. *Quandoquidem is, qui pecuniam recipit, sui ipsius dominum illum constituit, à quo acceperit; ut ex Socrate libro primo de ejus dictis factisque refert nobilis ille Græciæ historicus Thucydides; & Demosthenes in adversarium inductus: Non concio, inquit Æschines, manu in sinu conditâ, habenda, sed legatio eâdem manu in sinu retentâ potius est obeunda. Proinde & alicubi testatur Valerius, legatos quidem aliquando Romanos accepisse munera, sed derulisse in ærarium, idque prius quàm ad senatum referrent legationem: neque sanè id injuria: de publico enim ministerio nihil unquam privatis accedat, quàm rectè administrati officii commendatio. Quod nescio, si & in Venetorum Repub. domicilio veteri libertatis & virtutum omnium armamentario, non observatur. Pulcherrimum enim de Xenocrate Atheniensium legato Philippi illud fuit testimonium, quòd solus Athenas muneribus incorruptus rediisset: secus tamen est de esculentis & poculentis muneribus, & parvi momenti aliquibus, quæ aut legato principiò, aut intermedio tempore, aut etiam mittuntur à principe tandem postremò; tantum abest ut ambita, quod nec sperata quidem, quæ licet essent etiam opinione majora, cum quo-*

quodam veluti contemptu aspernari, & remittere principi, si non esset, saltem diceretur rusticitatis. Cujus rei reprehensionem legatus ut effugiat, pro re & tempore munera accipiet quidem, sed tum & dona ferentes, tum & principes ipsos, si tanti fuerit, rursus alacriter munerabit, ita nimirum in ore versabitur omnium, & ad ea munera crebrius sibi offerenda, vicissitudine humanitatis invitatum excitabit non neminem, dat enim aliquis, ut illi detur; & officia præstat, ut referat vicissim. Quanquam hæc mercatura videtur potius, qua nihil est sordidius: officia enim & beneficia, si non sunt, volunt saltem videri gratuita. Etenim *non hominum est amicitia ea, sed pecudum, qua spectatur emolumentum.* Age, an & illud legato non magnopere utile necessariumque fuerit, ut cum iis, qui in eadem legatione antè fuerunt, sæpe multumque colloquatur: ingenium ejus ad quem mittitur principis, & aulæ procerum mores, regionum situs, instituta & consuetudines nosse prius discat, quàm edò venerit: & omnia vel minutatim ab iis, qui ibi prius versati sunt, peruestiget, quæ ad tantum tamque arduum munus feliciter obeundum pertinebunt. Sicut enim ii, qui difficultates maris superaverint, monent alios fidentiùs: sic & ii, qui magnos legationum exantlarunt labores, præstant consilia saniora: una enim alterave dies tractandis negotiis data, ad rerum

rerum usum comparandum , multorum mensium præstiterit lectioni , præsertim si tales legati illi fuerint, qui minimè obtuso ingenio fuisse , & cum summis in aula viris amicitiam habuisse videantur : & qui denique nominis sui memoriam in discessu reliquerint gratam , sublimiores honorando , inferiores munerando , & omnes humanitate & officio sibi devinciendo , & cunctis denique aut per se , aut per suos valedicendo : hæc namque officia constant parvo , & magno interdum æstimantur.

Qui idem , ut in aulam alicujus regis venerit , nihil habeat prius aut antiquius , quàm sine mora velle adire regem , demum & perpetuè & in omnibus ejus veluti quoddam numen observare : honorare item ejus consiliarios , & non contemnere vel inferiores alios : à sui autem consultò cavere similibus : hoc autem est ab externis legatis aliis, eorumque ministris omnibus, qui huc & illuc curstant , & minutatim quæque explorant ; non quod eos honorare par non sit , sed quod semper inter æquales perpetua in aula est æmulatio, parum fida mutui amoris conciliatrix. Quo etiam nescio quis unius legati errorem aliis ornamento , aut saltem allevamento dixit esse , propterea quòd non tam ille , qui errorem commiserit, citò reprehendatur, quàm alii quodammodo tacitò collaudantur, & adducuntur in exemplum : minus enim habet anxietatis & turpitudinis

error per multos latè fusus, neque iis, quæ exemplis defendas, tantopere evadis odiosus; postremò plena, ut dixi, omnia in aula sunt invidentiæ, ut simulandi & dissimulandi tecta sint artificio: & ut ii qui talibus utuntur artibus, parvis sæpe periculis expositi, & excellentes cen quidam magistri populi sibi videantur: inter namque animantia multa, vulpes sunt astutissimæ; & tamen vulpium, quàm aliorum pelles circumferuntur plures. Nunciet interim legatus aliis lætiora, quæ inaudierit primus; sed ad significanda adversa & ærumnosa sit postremus: & si interrogatus de iis fuerit, nec pervulgata sciverit, occultet ea fronte & sermone, ne in aliena calamitate exultare videatur. Et observandum illud est semper, ut lippis & tonsoribus (quod vetus habet verbum,) priùs innotescant omnia. Demum à palatio regio, & legatorum domo exeant nuntii rerum, præsertim adversarum: *ubi enim plurimum authoritatis, ibi minimum sit vanitatis.* Nitidæ porro & magnificæ legatorum sint mensæ: personent acutè dictis, & excellentium scriptorum legendis monimentis: absit vero intemperans aut procax locutio, & quæ aliorum existimationem rodar, calumniandi libido: ubique enim maledici dissimulanter ferri vix debent; sed in summorum principum legatorumque domibus omnium minimè tolerantur, ne falsis adstipulari auditionibus, & patrociniari

nari maledicendi videamur libertati. Absint etiam Gnathonum parasitorumque greges, cauponantium item mores & clamores, obscœnæque omnes exulent voces, ne, quæ una maximè regibus eorumque legatis odio esse debet, participes velimus esse levitatis. Seria jocosis in domibus præsertim regum, eorumque legatorum præposterè miscentur. Vnde aliquando Romanorum Imperatorum nescio quis, tribus onerariis navibus, plenis histrionibus in Pontum missis, tres tantum sapientes pro iis sibi remitti à præfecto postulavit: *modicum enim auri magno ponderi plumbi antefertur*: & denique tam à legato ipso, quam ab ejus domo blasphemandi, garriendi, infantiendi, aut denique quæ collibuerit agendi semper absit consuetudo. Multa namque in multis notantur aliis, sed potissimum aut in legatorum comitibus, aut in ipsis demum legatis. Domi item majori ex parte legatus se contineat & dormiat, neque in turbam se frequenter det, in oculis enim hominum quotidie versari quadam veluti satietate, homines quantumvis magnos, minus fecit verendos: & denique voluptatibus aut nimis, aut etiam illicitis, nec privatim neque publice indulgeat, & ad illius exemplum se totus componat, qui vitream domum sibi optaverat, in qua quid interdiu, noctuque ageret, perpetuo conspiceretur. Moribus ve o & gravitati legati familiares item respondeant, ne-

Ioann.
Przeremb.
Archiep.
Gnes.

que, quod omnibus collibuerit, agendi temerè sibi usurpaverint potestatem. Regna multos non capiunt simul: & sicuti quidem plena sunt in aulis invidiæ & obrectationum omnia, qui vel aliquando sibi plusculum sumpserit libertatis, in imensum arrogare dicitur voluisse. Non possum non meminisse, quid Ioanni Przerembio, Gnesnensi Archiepiscopo, summo illis temporibus viro, sed paulò in suos indulgentiori, Sigismundi Regis Poloniae apud Ferdinandum Cæsarem legato, Viennæ acciderit, cum ejus quidam aurigæ prægrandi curru, octo equis junctis, ad secanda ligna extra urbem discessissent, & aut alterius sylvæ ignari, aut longius iter veriti, in proximiorē & Viennæ magis vicinam sylvam divertissent, quæ Imperatoris ipsius non tam usibus, quam delitiis servabatur. Ex hac igitur sylva cum prægrandem illum lignis onustum currum Viennam traherent, Ferdinandus, ut eos est conspicatus, ira subitò exarsit, & aurigas, cujusnam essent quæsitum mittere, & ipse demum interrogare ipsos non dubitavit. Tum quidem aurigas illos barba paucis illis latinis voculis (si Deo placebant) sapientes, Archiepiscopi Gnesnensis, legati nati; & Regni Poloniae primatis, ac apud Cæsaream Majestatem Poloniae Regis oratoris esse se testati sunt, & aded latino sermone Cæsari respondere non dubitaverunt: Quid magis, re, ut fit,

fit, in risum versa, & quod vel ipsi etiam aurigæ apud Polonos latine loquerentur, omnibus inter se jocantibus, jussi tandem impune sunt proficisci, non sine tamen tacita quadam reprehensione, quod vel aurigæ tantum sibi sumpsissent in alieno solo libertatis: *insolentia enim ferè semper, pudoris & moderationis nunquam ajunt aliquem poenituisse.* Etenim licentiosi & insolentes, non inmodò ipsi, sed etiam eorum causa innocentes multi plectuntur. Itaque nemo quidem legati familiarium auctoritate sui domini, si vel maxima fuerit, spiritu augeatur, & quod libère, hoc & licere passim & ubique sibi existimet: *Salte enim fercu'a condita, & facta dictaque modestia distincta, nihil habent vilitatis.* Quocirca & legatus ipse non tantum vivendi, sed & immoderatè expers sit gariendi: quanto enim aliquis continentius vixerit, tanto (ut plerumque fit) & à loquendi licentia magis se sejungit, nec ungendi & pungendi (quod vetus habet verbum) utitur consuetudine verbis alicubi faciundis. Quæ quidem consuetudo cum semper & ubique fugienda fuerit, tum vel imprimis in confessu regum & principum maximorum. Multi enim teneram, sed potissimum principes habent cuticulam, qui aculeatum legati sermonem & facillimè sentiunt, & ægerrimè patiuntur. Exarsit aliquando inter Crucigeros & Polonos bellum, vel una Archiepisco-

pi Gnesnensis ad Magistrum Ordinis liberiori voce in tractatione pacis prolata. Et notatus Caroli V. Cæsaris legatus Didacus Mendocius est Venetiis, qui, cum eò venisset, ad hunc modum apud prudentem illum senatum quasi ex abrupto verba fecit. Audio, inquit, inter Cæsarem meum, & inter Galliarum Regem, vos velle sequi partes, & alere bellorum incensiones; non est quodd ejusmodi consilia molitionesve agitetis. Vidi ego hodie ante hoc vestrum proximè palatium alborum lapillorum acre certamen, quibus ova, invidia ducta, confestim se immiscuerunt, & minutissima in frustra concisa sunt, cum illud, quod lapides facere viderant, præstare se posse judicassent. Molestissimè tulerunt id Veneti, adeoque legatum monere & adhortari, ne ea libertate loquendi apud eos uteretur, & eam Rempub., quæ mille annis stetisset, factorum suorum rationes optimè nosse non dubitaret. *Fortuna quippe rationem, & potentes non libenter patiuntur monitorem*; sed ut quidem intemperans alicui visa illa exponendorum mandatorum sit ratio, libertas oris differt à contumeliis, & pro re & tempore aliquando etiam est necessaria. Zbigneus Cardinalis, Polonorum legatus, Sigismundo Cæsari, eidemque Hungariæ Regi Budæ exprobravit ea, quorum, parum abfuit, quin pœnam capitis periculo exolvisset. Sed tamen & evasit salvus,

& vel hoc ipso nomine à dignitate patriæ intrepidè tuenda inprimis est dilaudatus. Ac memorabile vel illud quoque fuerat, quibus verbis Helvetiorum confœderatorum legati Cameræ Spirensis præsidem & consiliarios semel dicuntur fuisse allocuti. Evocabantur hi ad Tribunal illud præter morem majorum frequentius; sed quantum in illis fuerat, eò proficisci identidem recusabant. Postremò verò tandem cum literis & citationibus crebris urgerentur, miserunt Spiram legatos, viros inter se primarios, qui in publicum confessum admissi, ad eum modum suo illo Helvetico idiomate dicuntur perorasse. Domini, inquit, confœderati Helvetii vos vicinos suos salvere jubent. Mirantur verò, quòd tam crebris citationibus vestris placuerit vobis diu eos vexavisse: orant & hortantur, ne ampliùs eos exagitetis. Sed nū sunt vocabulo quodam, quod nec dici quidem honestè videbatur potuisse. Obstupuerunt ad illa verba omnes; nec reperiēbatur, qui facilè responderet. Sed re demum maturiùs examinata, ne ferox illa & indomita gens gravius aliquid in eos rursus tentaret, missos fecerunt, nec citationibus illos ampliùs evocarunt: ut enim modestia grata, sic & libertas loquendi alicubi est necessaria. Qua tamen ipsa nec peræquè singulis, nec omni loco atque tempore, nec sine delectu & freno expedierit uti omni-

no. Etenim legationes liberæ vocis aliquando feruntur ; sed *contumeliosa lingua semper & ubique coërcentur*. Cujus rei exempla passim extant quamplurima , aded ut Spartanorum, Atheniensium, & Iuliani , & aliorum exemplis doceri posset, vel liberæ tantum vocis legationes punitas extitisse. Quod tamen probaverit nemo : verum si daretur optio , tutius in unam , quàm in alteram partem utique peccaretur. *Omnes enim reges regere , sed domi sue adeò etiam aliqui cupiunt imperare*. Quo ipso honorandi sunt magis , si quis vicissim ab iis voluerit honorari. Rarò item & modeste exponendorum mandatorum tempus ab iis est postulandum : *nolunt namque cogi , sed rogari principes ; & ab eorum nutu & auctoritate , non à nostro arbitratu & cupiditate , nos pendere* ; sic demum vel præter expectationem nostris assentiuntur facilius postulatis. Semel verò concessum , strictè & accurate observandum legato est tempus illis ipsis mandatis , quæ habuerit , exponendis. Fit enim , ut una aliqua opportuna occasione apud principes , qui se ludificari non patiuntur , amissa , quàm diutissime alteram & tertiam expectemus. Sed & exponendorum mandatorum cum obtinebitur tempus , non eo est abutendum. Sermones cum principibus ferere , expedit semper parcè : verba ab iis liberè , aut aded etiam inconsideratè prolata non carpere ;

pere ; & vel longissimas verborum circuitiones audire patienter , & si vel expectationi non responderint nostræ , omnia dissimulare. Etenim de garrulis legatis dici id solet, quod non tam sortiri , quàm concedere vulgò soleant audientiam. Ac reperiuntur profectò vel nonnulli , qui tam sui , tamque conditionis obliti sunt suæ ; ut ad exponenda mandata horâ sibi impetratâ , totam illam consumant , vel nonnunquam nunc his nunc illis sermonibus cum principe , ac si privatus esset, ferendis & protrahendis , sic ut ne unius quidem verbi proferendi principi ipsi reliquerint facultatem : quod cum principibus , tacerint licet , fuerit molestissimum , tum nec ipsorum legatorum rebus , aut expedierit necessitati. *Index enim animi semper habetur oratio* , quo penitus cognoscendo , principis responsionibus audiendis , legatum patientem & moderatum esse necesse est ; aliàs nihil horum , quæ in rem ipsius essent , intelliget , tantùm sibi ipsi sapiet , & denique animum principis illa loquendi , & omnia sibi arrogandi quadam licentia , facile abalienabit. *Arces enim & possessiones* , quàm rerum intelligentia laudem præripi sibi principes faciliùs patiuntur. Quod magis eorum vituperanda animi est impotentia , qui , tantum abest , ut quæ principes verba faciunt , patienter audiant , ut vel aded etiam eorum sermones (ut dictum est) interrumpant,

& prolata verba aut sententias reprehendant, quasi ipsi perfectissimi omnium magistri sint atque doctores. Nam si hoc vel illo idiomate profertur parum emendatè aliquid à principe, mox in quæstionem vocant, & aded etiam solito carpunt liberrius; quasi in una aut altera tantum positum sit vocula, & omnium linguarum exactè discendarum principibus necessitas incumbat absoluta, & singulis eorum dictis aut factis ponenda sit tendicula, cum ipsi nihilo sciant aut didicerint meliora. Sed ingenioli nescio cujus ostentandi ergò hæc & similia loquuntur. Multi enim non tam sunt, quàm videri acuti cupiunt, & vel edò facilius ipsi tandem hebescent. Quo quidem nomine quendam legatum apud Ferdinandum Cæsarem memorant esse notatum, quo cum Cæsar, semotis arbitris, sermones miscens, cum nescio quod verbulum contra præceptiones Grammaticas latinè protulisset, è vestigio, quodd non latinum esset, à legato est acclamatum. Tum verò subridens Cæsar, oblitum se esse, quodd cum pædagogo, & non cum legato loqueretur, argutè respondit. Et rectè quidem: quorsum enim fuerat, in eum principem sumpsisse sibi legatum tantum aded libertatis? Est legati munus, non nisi iussum adesse: non nisi pro re & occasione verba facere, non nisi responsa sibi data patienter audire; non nisi acceptis pauca loqui: non nisi de re & materia

teria tempori, loco, & personæ suæ accommodata, in publico perorare. Turpiter se dedit aliquando Phormio, qui non iussus neque interrogatus, neque suo loco, & coram summo bellatore, de militari re differendi sumpserat sibi libertatem: omnium autem fuerat turpissimum, legatum cum Cæsare de Grammaticis loqui; aut illum nescio quem alterum obscenum protulisse verbum, cum Cæsar tale aliquid, quod ipsi admirationem moverat, fortè dixisset. Debet certè legatus homo esse prudens, & multò antè, quàm fungatur legatione, in agendis rebus, & cum principibus esse versatus, nec tam loquens quàm eloquens, nec tam dicax quàm perspicax, cui etiam ipsi in omni vita & actione, verbis & sermone, habitu denique & vestibus ipsis commendata semper sit modestia: non enim peræquè omnia, quæ licuerint, decuerint derepentè: & quæ convenient privato, non convenient fortasse legato: & secus juveni, secus provectioris ætatis viro, aut seni: secus hujus, secus illius nationis homini: secus externo, secus indigenitali. Erat quidam rex, qui mirabatur uno eodemque ferè tempore, sed tamen disiunctos, & separatim aliquanto missos ad se fuisse legatos duos, Italum Polonicè, & Polonum Italicè. Quanquam enim (quod dici solet) *monachum habitus non faciat*: tamen vel in eo etiam ipso, certa quædam condecencia maximè nos

condecorat. Non enim cuiquam vestem, sed ei qua usus est in die vesti, egisse non neminem gratias audimus vesperi. Aditurus ergo legatus principem, primo illo audientiae publicae tempore utatur ipse vestibus, quoad ejus fieri minus potest splendidioribus. De reliquo ipsius nihil disputavero comitatu: illa enim in primo ceu aditu & vestibulo exponendae legationis divitiarum & vestium ostentatio, habet non obscurae quid vanitatis, cum non deesset locus & occasio illarum ostendendarum, vel modico aliquo tempore interjecto, & quidem cum majori legati ipsius prudentiae laude, aut saltem levitatis excusatione; *progre diendum enim potius, quam regrediendum est semper*, opibus & divitiis ostentandis. Et haud scio, si expedierit, illa prima, qua legatus audietur, die vestibus indui novis, quod primus novarum vestium usus injiciat nescio quid languoris, & aliquando vestium illarum crepitus, qui pro crepitu alio scœdiori interpretari solet, audiatur. Omnes autem graves personas movere non convenit risum; sed unum illum minimè externum legatum, à summo aliquo principe ad alium allegatum: & ut denique aurea frena equum, sic vel maxima vestium ornamenta, non fecerint meliorem unquam legatum. Licebit tamen vel nonnunquam etiam vestibus uti legato splendidioribus, praesertim si juvenis aut vir fuerit militaris: habet enim

enim juvenus nescio quid delectabilis
semper viriditatis, & militia plus liberta-
tis. Observetur tamen illud vel potissi-
mum unum, ut quod ad alicujus diei, vel
principis honorem fuerit factum, præter-
lapso illo modico tempore non fiat am-
plius, & ad suam in vestibus & ornamen-
tis pristinam revertatur legatus frugalita-
tem. Ut enim voluptatum, sic & pompæ
rarior usus, habet plus non modò festivi-
tatis, sed etiam gravitatis: quippè per ex-
terna crebrius interna deprehendas, & ut
ex verborum ampullis, sic ex vestium co-
loribus & modis, mores & ingenia plu-
rium metiare. Avarus interim, & tam in
victu, quàm etiam in vestitu, sordidus
fuerit legatorum nemo: sordes enim ve-
stium respuit aula, & non jam modestiæ
& gravitati, quàm partim id tenacitati,
partim verò adscribit egestati. Victus ve-
rò & splendore epularum si aliorum erga
se humanitati legatus non responderit, ar-
guitur protinus tenacitatis, cum non ob-
scuro legationis suæ desplicatu: nihil enim
minus, quàm parcitas & avaritia decuerit
oratore, si non aratorem dicendum po-
tius, qui suis perpetuò innixus moribus,
sanè agrestibus, nec alieno solo, nec ele-
gantia, inter quos versatur, hominum, ne-
que humanitate collegarum condocesace-
re se patiat. Locupletes namque & ni-
hili legati, tanquam quidam arietes aureâ
lanâ dotati æstimantur. Neque tamen

hoc uno, licet scedo, vitio devitando legatus spectetur prodigus. Nusquam æs alienum contractum & non dissolutum, quàm in legato turpius apparet. Aliqui enim legationes idè dicuntur ambire, ne debitorum compellestus nomine, aut verò perfugium suæ fortiantur egestatis. Age verò, quanta vel in reliquis rebus legato prudentia fuerit opus videamus: summa quidem certè. Etenim cum nihil difficilius videatur, quàm gravitati facilitatem morum, res longissimè à se distantes adungere, tamen illa ipsa re legato nihil magis fuerit necessarium. Est enim legatus homo ad principem aliquem missus, referens personam alterius, propter amicitiam, & publicam populorum tranquillitatem. Nam illi, qui à principibus ad privatos, & à privatis ad principes mittuntur, haud scio, si in legatorum numerum jure & meritò referentur. Duplex quippè est legati species, quemadmodum & duplex materia ejusdem functionis. Alii legati tractandorum negotiorum ergò mittuntur, siue pacis, siue belli, siue induciarum illa fuerint, siue verò ineundæ aliorum societatis. Ablegantur alii propter simplicem benevolentia testimonificationem, ut videlicet pateat, quanti aestimamus socios, quanto odio prosequimur nostros & eorum hostes: congratulamur amicorum nuptiis, aut natis liberis, aut partis victoriis; aut verò condolemus morti & infortunio alicui. Et denique alii
sunt

sunt legati, qui perpetuò in aula principum manent: & alii extraordinarii, & qui ad modicum excurrunt tempus, brevi domum reversuri. Omnes tamen in univ-
ersum legationes unum illum eundemque finem habent propositum, conciliandi animos principum, & publicæ omnium tuendæ tranquillitatis. Vnde & legati partium fuerit, primum quidem à sui principis nutu & voluntate pendere, & nihil non agere, quod ipsius expedire commodis & ornamentis inprimis judicabit: Proximum, & alteri pariter, ad quem missus fuerit, principi, omni officio satisfacisse. Si enim hominum legatos cælestium legatorum exempla sequi non indignum fuerit; quis nescit, quodd officium angelorum primum & præcipuum est, exequi divinam voluntatem: tamen eosdem illos angelos commisereri nostræ humanitati, & condonare multa videmus infirmitati, sic ut sæpius pro homine, quæ voluerint, impetraverint. Vnde etiam sacris proditum est literis: Regnum cælorum vim pati: quæ sanè non alia fuerit, quàm amoris & benevolentiae cujusdam singularis. Si igitur angelus, non solùm illi, qui eum mittit, verùm etiam & ei ad quem mittitur, satisfacere desiderat, quid idem non faciat legatus, ab uno ad alterum principem ablegatus, quod non solùm in majoribus, sed vel in minoribus quibusque rebus etiam observabit. Nam & illud quidem etiam est

necessarium, ut semel & iterum, aut ad summum tertio à principe consiliariiſve ejus monitus fuerit, imperata legatus faciat, caput tegat, in loco, qui illi ostensus fuerit, ſedeat, liberè mandata quæ habuerit proferat, & qua meliori poterit utatur actionis dignitate. Multa enim in oratore sunt admirabilia, ſed una illa dignitas actionis maximè eſt admiranda, ſibilis, murmurationibus & colloctionibus aliorum, ſi quæ fortè inciderint, turbari ſe non patiatur: ſiunt hæc ſæpe caſu, ſiunt etiam meditatò, apud barbaros præſertim, cùm legati verba facturi verſus obſcuriora ponuntur lumina, ut de ſole atque ſplendore in obſcuriora ingreſſi titubent & turbentur, & vel aliorum ſermocinationibus diſtracti hæreant, vel alicujus ceu metus imprudentiæve notentur. Ex qua nimirum recapit non nemo ridiculam licet, nescio quam, in aula voluptatem. Multi enim luminibus ſuis putant obſtructum, ſi ab externis legatis ad admirationem publicè fuerit aliquid geſtum, vel peroratum. Poſteaquam verò principis alicujus legato reſponſum datum fuerit, eo, ad quem venerit, potiſſimum venerato, ſalutatiſque perhumaniter omnibus, & prætermiſſis quibuſcunque conſabulationibus, domum ſe recipiat, & demum externos alios legatos, & aulæ præcipuos, domi eorum viſitet & alloquatur. Quod ſi prius viſitatus ab aliquo fuerit, videat, ut viciffim pari humanitate

nitate respondeat, nec se officio in illo ceu primo quodam vestibulo & ingressu rerum superari patiatur. Omnia enim quæ in primordiis rerum fiunt, mentibus hominum facilius inhaerent, ægrius tolluntur, & futuri ejusdem legati mores & omnes quodammodo testificantur actiones. Attamen vel hac etiam ipsa in re delectus esto atque discrimen: ne, qui nobis multis gradibus inferiores fuerint visitando, nobismet ipsi principibusque nostris detrahere aliquid videamur. Demittere namque summi principis legato se nimis, valde fuerit inconcinnum: & quia parum consideratè facturos se nonnulli existimant, si venerato ipso rege, alios quoque ejus consiliarios ibidem non salutaverint, propterea quid moris consuetudinisve aulae illius sit, ad quam venerit, maturè prius exploret, antequam vel in ea re, quantumvis non magna, hallucinetur. Est in more & consuetudine aliquorum regum positum, ut aded etiam subterfugiant in eorum præsentia id honoris quidam, publicè ab aliis salutari, propter illam unam, quæ cum aliis communicari & dividi non debet supremam regalem majestatem. Infimis enim cum mediis, & mediis cum supremis, semper odiosa & inæqualis est æqualitas, & differunt privatorum inter se officia à publicis legationibus regum: principes ipsi à consiliariis principum, alia denique ratio regii est palatii, alia privatarum ædium: alius splen-

splendor solis, alius lychnorum. Quæ omnia exactissimè debet legatus considerasse: & si in his rebus publicisque muneribus aut inconsiderator, aut pauld fuerit timidior, &, quod à principe iubebitur, tempestivè non fecerit, videat ne quod aliquando omiserit, iterum tandem facere tentet, & id, quod sequetur, non assequatur, ac non modd sibi, sed & suo principi, aliisque ejus legatis post se venientibus prejudicet. Pulchrè enim nescio quis de hoc hominum genere aliquando pronunciavit: Accidit, inquit, iis, quod plerumque hominibus nimia pertinacia & arrogantia accidere solet, ut ed recurrant, idque cupidissimè petant, quod pauld antè contempserint, & observatum denique est, ejusdem principis aut nationis legatis, id quod semel & iterum moniti non fecissent, etiam petentibus his vel aliis facilè postea denegari. Multa quippe in aula non semper optima; sed legatorum maximè errata in exemplum rapiuntur. Quod aliquando Caroli Quinti Cæsaris legatus apud Turcicum Imperatorem veritus, cùm ad exponenda mandata accitus aliquamdiu stetisset, neque considerare jussus fuisset, veste, quam habebat, substrata, humi ipse sedit, & mandata sui principis nomine intrepidè exposuit. Mox consurgens, cùm illud, quod substraverat fortè, reliquisset, quamobrem id faceret, interrogatus, Cæsaris legatum, sellam sibi portare non solere, falsè

*Caroli V.
Legatus.*

falsè respondit : ipsis enim principibus, non legatis, si, qui par est, honos negatus fuerit, derogatur. Quod idem & de Sorantio quodam Veneto in Turcia legato vulgò fertur. Secus tamen est in diversarum barbararumque gentium & nationum legationibus, quæ quoniam nihil commune cum aliis habent, nihil etiam, præter majorum morem, illis excipiendis innovetur. Nam perridiculum illud fuerat, quod quidam, antiqui moris & consuetudinis ignarus, Tartarorum legatis ad Regem Poloniae accedentibus scamnum curaverat ferri, ut consedissent, cum illi (ut plerumque fit,) venerati Regem, genibus flexis, mandata suorum soleant exponere, nec secus unquam fecisse memorentur. Quod magis curandum est, ut pro se quisque suo principe dignam humanitatem experiatur legatorum : sed nihil tamen (ut dixi) aut in moribus innovetur antiquis, aut in legato ipso moris vel aliquid deprehendatur incivilis. Etenim non solum dicta aut facta, sed adeò etiam ipsi gestus, vultus & oculi notantur legatorum : & si his observandis non occupantur prudentes, hominum vulgus, qui bellua multorum capitum dicitur, vult cæteris hac in parte plus dispexisse. Quin adeò eo tumore & animi est arrogantia, ut cum ingredientem legatum caput tardiùs nudare, aut nudatum mox cooperire animadverterit, multitudo illa non ampliùs caput discooperiat, etiam ipso

Tartarorum Legati.

ipso nudante vicissim Oratore. Scitè igitur quidam dixerat , ad conciliandam vulgò benevolentiam non tantùm procerum favore , aut mediocrium officio , sed infimorum etiam approbatione interdum nos indigere : procerum , ut juvent ; mediocrum ne impediunt ; infimorum , ne irrideant , cùm hæc omnia soleant vel nonnunquam usu venire. Impedimur namque facilius , quàm adjuvamus ; irridemur , quàm miserationem sortimur , si veluti quadam velificatione mutata , contrarium non assequamur ? Quid ? an & legatorum ipsorum domos violari alicubi non videas ? cùm aut fontes non tam legibus quàm parietibus suis tegunt , aut publicis magistratum edictis aliqua in parte aliquando adversantur. Ibi quidem quantum in multitudinis erga legatum positum sit benevolentia , facile est cognoscere. Non enim tam citò ad arma conclamatur , quàm , quis furor populi & in legatum offensus sit animus , facile deprehendas , præsertim si veluti impunitate quadam , & vel dissimulato ad tempus facto , multitudinis in legatum armetur audacia. Non enim jus legatorum temerè violandum est , sed & legati , quantum in iis fuerit , illa ipsa de re cum multitudine experiri subterfugiant certamen. Quo loco multa sunt , quæ de jure admissæ & contemptæ legationis dicerentur , sed hand scio , si omnibus sufficere. Durat quidem officium legati , quàm
diu

diu ipse in itinere durat, quàm diu in loco manet, & quàm diu ed non redit, unde est allegatus. Idque ed fit vel potissimum, quodd legati nuncii pacis habentur, & nunquam aut à nemine, tanquam homines pacifici, jure violantur. Vnde ille Poëta de Oratoribus Æneæ verba faciens, sic alicubi cecinit:

*Tum satus Anchisæ delectos ordine ab omni
Centum Oratores, angusta ad moenia Regis
Ire jubet, ramis velatos Palladis omnes.*

Nam Oliva est arbor Palladis, & signum pacis: & Æneas optimum quemque legatorum ex ordinibus omnibus delegerat; nemini tamen dederat provinciam belli denunciandi. Quin aded ex omnibus ordinibus eos ided secreverat, quodd universalem pacem requirebat. Non enim decent legatum alia, quàm pacis omnia. Et nusquam, nisi me opinio fallit, legati admitterentur, nec pro hospitibus, sed pro hostibus haberentur, si aut hostilem animum apertè gererēt, aut arma tractare & expedire in eos, ad quos veniunt, viderentur. Modestissimi igitur legati eorumque familiares sunt: nam si, teste Aristotele, Pontici fibri sibi ipsi amputant genitalia, cùm in venatu vel maximè peti se suspicantur, legati prudentes ea non abjiciant, ob quæ potissimum venirent in discrimen? Par tamen est, incolumes non solùm inter amicorum tecta, sed etiam inter hostium tela legatos versari. Nam principis propriæ sunt partes,

res, non modò curare, ne à se, suoque consilio legatus lædatur, sed neque ab alio quovis injuriam illam patiat. Aliàs ut Colossi foris insignes, propius si accesseris, luto fuerint pleni; sic & principes, si tantum equis, comitatu, auro, gemmisque nitentur, & in animo magni habuerint nihil, minimè videbuntur venerandi. Est Iureconsultorum quorundam opinio, Legatis, qui apud ipsum sunt, læsis, principis ipsius offendi majestatem, quod ad legatos, inquit lex, oratores comitesve attinet, si quem eorum quis pulsasse & injuriam fecisse arguetur, lege Julia de vi publica tenetor. Et quidem quodd contra jus gentium peccatum est, tradi solitum fuisse delinquentem, ac domino legatorum violatorem quis ignorat? Qui legatos Apollinatium pulsarunt, Apollinatibus; qui Carthaginensium, Carthaginensibus constat fuisse deditos, & ad supplicium condemnatos. Quanquam & delinquentis principem constituere poenam, qua injuriæ legatorum vindicentur, si id postulaverint, certissimum est: sic enim Saturninum, quodd legatos Mithridatis gravissima injuria affecisset, à legatis in judiciũ vocatum, Senatus mortis damnavit. Hoc enim est jus sanctissimum legatorum, quod qui aliquando contempserunt, gravia ubique mala experti sunt, & infinitas calamitates pertrulerunt. Vnde alicubi Cicero: Legati, inquit, quodd erant appellati superbius, Corinthum

rinthum patres nostri, totius Græciæ lumen, extinctum esse voluerunt; ut Hammonitas ob violatos legatos à Davide perditos; ut Arabes ab Herode cæcos non commemorem: neque Athenienses referam; qui malè habito Darii legato, totam Atticam depopulari, & felicissimam regionem viderunt devastari. Nam & Ammianus alicubi in hanc loquitur sententiam: Vigilat, inquit, oculus justitiæ sempiternus, ultricesque diræ sunt legatorum. Non sine causa tamen monui, omnes legato devitandas esse occasiones, ut aut nunquam, aut rarissimè ad rixas & dissidia veniatur. Quodd si una aliqua de re à principe aut ejus populis requisitus fuerit, & eam sibi necessariò faciendam esse cognoverit, dicat quidem licet, non sibi factu id esse facile, sed faciat nihilominus & non cunctanter & propensè. Duo enim per id assequetur; Vnum primum, quodd hæc natura est beneficii, ut nisi citò & alacriter collato magna habeatur gratia: Alterum, quodd res, quæ à nobis petitur, sine aliorum ope & consilio concessa, majorem nobis opinionem vulgò parit prudentiæ & auctoritatem: nescias enim, cui interdum plus debeas, an auctori beneficii, an verò consultori. Et pulchrè quidam dixit: Beneficia à nobismet ipsis dari; minas verò nostras per alios debere nunciari: molestis enim homines fugantur, & suavis inescantur. Itaque idem etiam legatus totius aulæ, ejusque

ejusque tam procerum quàm familiarium investigabit mores, statum, rationes, conditionesque universas: linguam denique & alia intelligere discet: & tam munera, quàm munerum ipsorum expiscabitur momenta, & omnem aded magistratum potestatem; ut quantum cuique tribuendum, qua re & ratione gratificandum, quid denique ab unoquoque expectandum sit, intelligat: Et num illa ipsius functio bello an pace, domi an foris, re an opinione magis constet. Sæpè enim harum rerum ignorantia quidam, qui se progredi putant, regrediuntur, & pedibus (quod ajunt) manibusque capiuntur. Ac ut quidem in altosine ventorum syderumque ratione, sic absque exacta aulæ & ejus ministrorum ac magistratum cognitione, non peræquè legato omnia facilia sunt superatu. *Est enim in rerum agendarum prudentia multò plus positum, quàm doctrina: & plus refert unius linguæ exactam, cujus in aula est usus, quàm plurium cognitionem habuisse.* Pulchrè aliquando in aula Hispanica Rujugomes ille, cùm quidam à cognitione linguarum ei commendaretur, num etiam Castellæ regni linguam nosset, cujus in aula Hispanica præcipuus usus esset, interrogavit: quam cùm scire diceretur: satis, respondit. Verùm & hæc quidem ipsa, de qua diximus, rerum agendarum prudentia tam rara, & variè variis explicanda occurrit, ut verendum magnopere sit, ne aulæ moribus, magi-

magistratibus, magistratuumque functionibus, de quibus paulò antè habitus est sermo, resciscendis temerè sibi imponi legatus patiatur. Quod ed vitabit maximè, si unus ille, à quo id scire voluerit, communicaverit eadem pluribus: vel si ei etiam dixerint plures & magis veraces: dixisse enim aliquem, unum & idem fidenter pluribus, certissimum argumentum est veritatis. Quantum verò ad mores & ingenia hominum cognoscenda spectat, varium sanè & multiplex semper aliorum ea de re est iudicium: & ille *vir iudicandus, optimus, qui minimis urgetur vitiis*, & à rectè & incorruptè judicantibus pluribus commendatur. Nam non temerè Paulus ille III. Pontifex Max. crebris usurpabat sermonibus, Non cum perfectis hìc nos vivere, sed unumquemque hominem in quinque dividendum esse partes; quarum si duas in se bonitatis haberet tolerandum, si tres, debere aestimari probatissimum, càm difficile sit hominem exuere totum, & quoad hanc sarcinam portaverimus corporis, omnem molem deponere peccatorum. Nec verò ut gubernator, cui majus aut pulchrius est navigium, habetur statim melior; sic & vir, cui fortuna est splendidior. Dies succedit diei, & nihil eorum conceditur uni aut perfectum, aut aded etiam admodum diuturnum. Quò magis, ut illa ipsa indagatio apprimè utilis & necessaria sit futura, non tàm quidem alienos, quàm

*Pauli III.
Pont.
Max. dictum.*

quàm nostros mores inquiramus libentiùs;
 & illam non dicam summam, sed unam es-
 se semperque fuisse, cognoscere nosmet-
 ipsos, sapientiam perpetuò arbitremur.
 Hoc si non omnibus, at certè nostris pro-
 babitur principibus, quibus colendis, eo-
 rumque commodis & ornamentis procu-
 randis, nunquam defatigemur; & oblatos
 quidem eorum causa nobis honores in ex-
 terni principis aula non refugiamus; sed
 non usque etiam avidè & perpetuò conse-
 ctemus. Qui nimis suspici voluat, ridentur
 crebriùs: & qui ultrò sibi delatos mode-
 stè refugiant honores, ii aliis atque aliis
 certatim cumulantur. Narratum est mihi,
 & quidem à fide dignissimis, Legatum
 quendam Polonicum, magnum illum &
 Catholicum virum, sed uno aut altero hæ-
 retico, præsertim vero Fricio, virulento
 contra Orthodoxos scriptore, comitatum,
 ad Carolum V. Cæsarem allegatum, à
 Duce Albano Cæsarei Palatii primo Præ-
 fecto, secretò postulasse, ut inter ipsum &
 alios Principis Legatos discrimen sciret,
 & venienti obviam longiùs progredi non
 dubitaret. Quod tantum abest ut fecisset,
 ut ne ex penetralibus quidem adium egre-
 di voluerit: negantur enim ambitiosè pe-
 tita: ultrò dantur pro se quoque digna:
 & nihil minus convenit, quàm *Catholicum*
virum, diversi ritus & dogmatis, domesticos
apud exteros habuisse. Hinc Granuellanus il-
 le senior ad Ioannem Comitem Tarno-
 vium,

vium, Senatus Polonici tum facile principem, dederat literas, quibus, ut Oratores non tam quidem pompa, quam rebus instructos, ad eos mitteret, hortabatur. Ridicula enim profectò cum quorundam aliorum populorum, tum maximè Moscovitarum spectatur arrogantia, qui si aliquando (quod rarè fit,) domo efferunt pedem, vel una illa perpetua rerum suarum jactatione molesti sunt audientibus, & alias gentes atque nationes præ se ipsi non obscurè aspernantur. Romæ cum stupenda illa ædificia eis monstrarentur. & num simile aliquid alicubi vidissent, interrogarentur, multò se in Moscovia habere profitebantur rariora, ut & aliquando, quid conscientia esset, quæsi, in principis sui Gaza eam reperiri, responderunt. Iam & in Ratisponensibus Imperii Comitibus, quæ Maximilianus Romanorum Imperator, hoc nomine alter, celebraverat postremis, ab Alberto duce Baviaræ pro prandio invitati, cum ejus hora advenisset, & Dux præcipuos auctoritatis viros in legatorum hospitia misisset; responderant, se non aliter intellexisse, quàm quòd Dux ipse prandere apud ipsos debuisset. Qui enim liceret, tanti Imperatoris, quantus esset Moscus, legatis, prandii ergò huc & illuc evagari? Quid verò de eorum moribus & ingenio alibi quoque notato & deriso loquar? an in Polonia etiam non maximè vituperata eorum est barbaries, cum ante

*Mosco-
rum le-
gati ridi-
culi.*

se nudare alios prius capita , defilire equo ,
cedere sibi via , & id genus alia impera-
rent ? Vt igitur quondam nescio quis Im-
perator eos , qui fumos venditare & vento-
si esse consueverant , fumo ex arida materia
excitato perimebat ; sic haud scio , si Ste-
phano Rege Poloniae auctore , non iustas
Mosci poenas dederunt : & cum à verbis ad
arma est ventum , ab illa ferocia loquendi
ad vilitatem animi protinus reciderunt.
Metus enim Tyrannis , & *didacitas indi-
cium est vilitatis*. Canes enim , qui in men-
sa mordent , in venatu non respondent.
Quæ cum ita sint , & cum legatus totius
quasi gentis Principisque , à quo mittitur ,
sui , apud externos versetur , danda est ope-
ra , ut si summa doctrinae & variarum lin-
guarum cognitionis non habuerit præsi-
dia , vir bonus , & ejus linguae , qua Prin-
ceps , ad quem mittitur , uti solet , non sit
imperitus , & tum in moribus , tum in
sermone moderatus , ne vel sua nimis di-
laudet , vel vituperet aliena. *Principium
enim amicitiae est laudatio , vituperium odii
& simultatis*. Ita certe naturam comparatum
est , ut suum cuique maxime videatur pul-
chrum ; & egre nobis anteponi nostris aliena
patiamur. Quid si Principi , à quo missus
est , suo plusculum legatus tribuerit , quis
hoc ei verterit vitio ? debentur enim obse-
quia amico , laudes Regi & Principi nostro.
Sed & his quidem laudationibus , locus ,
tempus , modusque certus esto : ne in eo-
rum

sum incurramus suspicionem atque odium, qui domi suæ alienas laudes prædicari ægerrimè patiuntur. Dictu profectò vix credibile fuerit, quàm apud vicinos industriæ potentiæve Principis alicujus fama animo parum audiatur æquo : & quantum exteris datum, tantum per id detractum nonnulli sibi arbitrantur : & quàm denique sibi rebusque suis tum metuant, tum diffidant, hæc taliaque audiendo: cum variis modis & artibus, tanquam aliud quid agendo, concitetur sæpe in eos expers rationis & quietis multitudo. Itaque ne vel minimam ejus rei suspicionem legatus de se præbeat, non se alienis temere immisceat: non præter modum aut consuetudinem gentis nunc hæc laudibus, nunc illa prosequatur reprehensionibus : & ante omnia, tam in dictis, quàm in factis, nullum relinquat vestigium falsitatis. Nullum enim est turpius, quam à Principe, aut ejus legato profectum mendacium, cujus gratiâ ne vera quidem dicentibus fides habetur. Quo loco quæritur : Vtrum nunquam, aut verò aliquando etiam pro re & tempore licuerit legato aliquid confinxisse. Sunt enim quædam mendacia, quæ dicuntur officiosa, quibus nonnunquam Imperatores exercituum inter milites utentes, & falsum aliquid in medium afferentes, salutem dedêrunt exercitibus, Magistratus populis, Consiliariis Principum indigenitalibus & concivibus suis.

fuis : sed tamen mendacium inferioris erga superiorem non modò temerarium, sed aded etiam fuerit periculosum, propterea quòd is, qui dicit falsitatem, plus scire se, & illo, cui dicit, meliorem esse tacitus quodammodo profitetur. Et quoniam Principes sunt omnibus majores, & hand dubiè volunt videri aliquanto etiam meliores, multum legati amittunt apud eos fidei, si vel minimum deprehendatur in iis falsitatis : silere quidem tutior videretur modus veritatis occultandæ : nam nunc ignorantia, nunc negligentia prætendi potest excusatio. Si tamen anxie de veritate quæramur, non usquequaque expedierit eam celasse : ut enim orator, quo nomine legati appellantur, si vir bonus esse & appellari cupit, opprimendo innocentem, velare faciem non volet opinor veritatis, sed salutem tantum afferre periclitantibus ; sic & legatus, dum datur occasio, non ad aliorum exitium, sed ad principis salutem, si tamen hæc disjungi poterunt, vera loquendi commendatam habeat libertatem. Inprimis autem incerta pro compertis, falsa pro veris, seminota pro exploratis, nunquam aut tuebitur obstinatè, aut in apertum proferet prædicer. Hæc enim (ut plerumque fit) aut intellectus tribuuntur imbecillitati, aut malignitati. Multa enim alia, sed vel hæc potissimum tria, nostræ imprudentiæ fuerint semper argumenta : incognita pro cogni-

tis apud nos habere : in res non necessarias
& exiguo tempore duraturas sumptus ni-
mios facere : & denique novarum rerum
& auditionum temerè se constituere au-
thorem. Iam enim & illud legatus obser-
vandum sibi perpetuò meminerit , ne eos,
qui sub legibus silentii se ei concredide-
rint, temerè seu aded etiam perfidiosè ali-
quando prodat & periculis objiciat : cum
enim , præter quod indignissimum fuerit,
de nobis bene mereri cupientibus malam
referre gratiam, *nemo unquam fudit amplius*
ei, quem secreta sibi communicata scit facile
effutire. Postremò nec sperabit , nec despe-
rabit legatus subitò de toto eventu & con-
secutione rei, tam ordiendis negotiis,
quàm etiam terminandis: parvis enim mo-
mentis magnæ rerum & temporum incli-
nationes fiunt , & vel optimè cœpta tan-
dem non procedunt. Principem suum nul-
la unquam de re , cujus certa & evidentia
signa vel non habuerit legatus testimonia,
faciat certiolem ; secus quidem , si non fi-
dei , prudentiæ certè suæ imminuet vulgo
opinionem. Nocuit semper vanas spes &
cogitationes secutum , tempus, quo nihil
est carius, amississe. Scribendis literis probè
distinguat omnia , & quæ constant conje-
ctura , decisa & in vulgus emanata secus
judicabit. Differunt & illa , quæ ab ipso
met principe prius vel posterius , & quæ
rursus ab illius audientur Consiliariis.
Multa quippè ad terrorem , multa ad fa-
ciendam

ciendam inanem spem, multa ad expiscandam alterius dicuntur voluntatem. Quæ omnia quidem necesse est notare; sed non expediet peræquè æstimare, aut literis subito committere, cum aut nullum, aut quàm modestissimum suum de iis interponendum sit iudicium: propterea quod suam de rebus sententiam non libenter velint Principes præoccupari. Quid tamen non modò prudentiores, sed & vulgus hominum vel de Principe loquatur ipso, potest aliquando commodè legatus innuere: siquidem communicâdis Principi suo consiliis, induit quasi personam, in quo libertas sententiæ imprimis est laudabilis ipsius Senatoris: & cum negligere quid de nobis vel multitudo ipsa interdum dicat, aut sentiat, non modò superbi, verum etiam sit omnino dissoluti. Ac ne multa, nihil non rimabitur, nihil non vestigabit, nihil non dicet & perscribet legatus, quæ ad principis sui non modò dignitatem, verum etiam pertinuerint animi voluptatem. Nam vel minutiora & inutiliora quæque, Epistolæ pro tempore inserta, sæpè delectant. A Francisci I. Galliarum Regis funere, ad Paulum III. Pont. Max. quidam ejus legatus, quamdiu candelæ funeri prælucen-tes arsisent, inter alia, quæ fortè scripserat, commemoravit, & illud præterea addidit, ad neminem alium, quàm ad suum Principem talia scribere eum voluisse, cujus auctoritas summa, ne quid fortè vel
minu-

minutissimorum prætermitteret, officium
eum admonerat. Privati enim parvis in-
dustriæ voluntatisque erga eos nostræ si-
gnificationibus conquiescunt, principes
vix aliquando contenti esse vel maximis
solent, & jure non debent. His igitur si-
milibusque rebus, & industriæ ac indefessi
nostri studii testificationibus, legatus suo
principi velit reddi commendatissimus;
sed neque ejus principis, apud quem versa-
tur, conciliet sibi aliquod hoc nomine o-
dium aut malevolentiam vix ullis officiis
postea abolendam. *Debemus enim ita gra-
tificari uni, ne injurii simus alteri; & ita*
scienter inter homines versari, ne alicujus
temeritatis merito inculpemur; mundani
enim omnes sumus, & in hunc orbem nos
immissos, ut mutuam nobis præstemus o-
peram, non inviti profitemur. Unde olim
coquis, lenonibus, & id genus aliis vilio-
ribus ministris, non dissimiles esse lega-
tos, scio dixisse non neminem, & haud
scio an immerito. Neque enim interdum
earum rerum magna est dissimilitudo: &
quemadmodum coqui fercula condien-
do, aut lenones amantium inter se iras &
dissidia mitigando; ita & legati princi-
pum conciliaverint animos, rectè & scien-
ter res, quæ ad eorum concordiam face-
rent proponendo, & nunc hanc, nunc il-
lam partem ratione & argumentis con-
vincendo; præstiterit tamen benignos,
quàm malignos affectus, quos odium &

inimicitia comitatur semper, magis com-
movisse, & apud quemlibet principem ita
se gerere, ut non modò prudentem, sed
& sibi rebusque suis faventem eum, qui
ad se missus est, legatum, certò sibi pol-
ceatur: dimidium enim vel prima legatie-
nis die deposuerit oneris, qui principem
sibi benevolum fecerit causa ejus, qui ex-
pectatur, honoris, quod sine magnis inge-
nii & eloquentiæ viribus præstari non so-
let, ac proinde multum in iis studiis col-
locari operæ & diligentia debet. Vnde
infortunia sua apud Latinum decantantes,
& loca ad habitandum petentes, pulchre
alicubi Trojanos induxit Poëta oratores:

*Quanta per Ideos sævis effusa Mycanis
Tempestas ierit campos, quibus actus uterque
Europa atque Asia fatis concurrerit orbis,
Audiit, & si quem tellus extrema refuso
Submovet Oceano, & si quem extenta pla-
garum*

*Quatuor in medio dirimit plaga solis iniqui.
Diluvio ex illo tot vasta per æquora vecti
Diis sedem exiguan patrius, littusq; rogamus
Innocuum, & cunctis undamque auramque
patentem.*

Nec satis est dicere, sed expedit etiam fa-
cere, cum mica salis, graviterque omnia,
& tam sua quàm principis sui maxima
cum dignitate. Multi enim reperiuntur, qui
quantumvis apud se, bonum licet proposi-
tum finem sæpius habuerint, in rebus ta-
men ipsis tractioneque illarum aberrant à
sco-

scopo: & aut in suspensionem non rectæ fidei, aut levitatis incurrunt. Venerat olim pro imperii comitiis Ratisponam Moronus, at qualis & quantus Cardinalis? Gregorii XIIII. Pont. Max. ad Maximilianum Cæsarem, ejus nominis secundum, legatus: & quia Stephani Bathorei, Cæsaris æmuli, eodem illo tempore in Regem Poloniæ inaugurati, ibi quoque legati, quos medicus quidam ejusdem Cardinalis visitabat, spectabantur, suspicari illico, non temerè illud fieri, est cœptum, & de omnibus iis, quæ inter Cæsarem & legatum tractarentur, reddi eos proculdubiò certiores. Quo adeò nomine ipso expostulavit cum Morono Cæsar vehementiùs, & cum ejus suspensionis causa, tum quòd suum quoque legatum, ad Gedanenses profectum, violatum in Polonia audierat, Stephani Regis legatos Ratisponâ discedentes jusserat in itinere detineri: qui tamen, Cæsare vita functo, statim sunt dimissi. Quod ideo commemoro, ut legati omnes memoria teneant, nullam vel minimam ei, apud quem versantur, principi occasionem præbendam de se esse sinistrè aliquomodo suspicandi. Non enim rectè facti tantum legato suffecerit conscientia, sed adeò etiam summa necessaria est prudentia, animis principum inter se conciliandis. Quo etiam magis omnes apertas vitabit legatus inimicitias, & nec falli quidem, sed neque volet fallere, aut verba dare alicui, perso-

Ioan.
Monlu-
cius, le-
gatus
vanus.

nae & authoritati suae confidenti. Polliceri enim, quod servare non possis, aut minus velis, falsitatis; digladiari, quibus cum non debeas, imprudentia est singularis. A Sigismundi Augusti Regis Poloniae morte, Ioannes Monlucius, Caroli IX. Galliarum Regis legatus, in Poloniam fortè venerat, & ut Henricum regis sui fratrem creare potuisset regem, aureos quod dicitur montes non modo ordinibus, sed & hominibus penè promiserat universis. Tandem verò cum pro inauguratione regis ventum esset Cracoviam, inter tot atque tantos, qui in regio comitatu advenerant, proceres, unus ille, qui maximè expectatus adfuisset, desiderabatur Monlucius, & idèd Cœnobii præfectus, per locum & ludibrium non à nemine fuerat appellatus. Ferunt enim, peregrè quibusdam discedentibus, monasterii præfectis suas antiquitus res tradere non dubitavisse: quas recuperare volentibus, præfectos cœnobii nondum revertisse solitum erat responderi. Quo eodem modo Gallos secum agere nonnulli affirmabant, cum, à quo promissa sibi facta peterent, Monlucium desiderarent. Vna igitur illa falsa pro veris dicendi, fugienda legato est consuetudo, & ne ad iurgia, rixas, vel certamina aliqua ullo modo ab eo veniatur. Etenim ut unus quidem altero susceptorum inimicitiarum minorem causam legatus habuerit, non omnium tamen optima fertur pro utroque sententia, aut saltem,

tem, quod hic & ille egisset, dicuntur non habuisse: diu enim arcus tendendus, & antequam aliquid, quod nolis, excidat tibi, animus est comprimendus; nisi fortè aut noster, aut nostri principis agatur honos, qui imposuerit onus, vel morte ipsa turpitudinis & servitutis à nobis nostroq; principe repellendæ, quod ut vitari omni ratione & occasione queat, ferantur multa dissimulanter necesse est, antequam sanguinis effusio, cædes & laniatus nostra causa subsequantur. *Omimbus enim, sed senibus & publicis personis maximè fœdum est cruentari.* Quod ut adeò contentione & exemplorum varietate planum fiat, quæ paulò etiam acciderunt antè, breviter repetamus. Risit Sigismundus I. Rex Poloniae Ioannem Dantiscum, primùm quidem Culmensē, postea Varmiensē Episcopum, apud Carolum V. Cæsarem diutius commoratum, eo die festo, quo sibi ab Imperatore ad frequentandum cum eo templum, alternatis cum Lusitaniæ Regis Legato vicibus, vitandæ contentionis ergò fuerat assignatus, tanquam aliud agendo Lusitanum legatum loco movisse, & per speciem colloquutionis, quam porrigenti manum cum eo habiturum se ille crediderat, è loco sic movisse, ut ne conquerendi aut altercandi cum eo causa restare legato videretur. Sed non riserunt Italiae principes, qui internuncios apud Imperatorem Rudolphum suos in ponte Pragensi, obviam si-

bi factos, quod unus nolebat cessisse alteri, tota die intellexerunt stetisse, cum irrisione pratercuntium. Volunt enim principes legationes suas gloriæ & amplitudinis eorum testificandæ esse campum, non ineptiarum & sannionum ullum theatrum. Quo etiam hæc & similia, quæ ipsis dedecori essent futura, legati magis declinabunt, & circa principes amicos habere enitentur, qui omnia dicta & facta ipsorum recta & felicia augeant sermone, paulò adversa extenuent, quacunque poterunt maximè ratione: multum enim apud principes in domesticorum illorum positum est patrocínio, & prima quasi narratione factorum; sed utrique videant, ne ullam vel minimam ejus rei, quod hæc videlicet ex composito fiant, veram de se suspicionem inveniantur præbuisse. Emendicati quippè favores tamdiu juvant, quàm diu, quod emendicati sint, intellectum non fuerit: semel cognita falsitate, etiam illa, quæ verè antea fuerant dicta, instar habentur figmentorum. Proinde danda erit opera, ut eorum, quod scitu imprimis necessarium fuerit, effugiat nos nihil; sed ut etiam in narrationibus rerum vel eventuum nullum vel minimum vestigium nostræ in credendo deprehendatur levitatis. Scire enim plurima, eademque secreta, summa argumentum est prudentiæ: facile credere, & falsa pro veris admittere, rursus illius regulis & expectationi ad-

ni adversatur. Magno honori cuidam Cardinali, qui vulgò Granvellanus dicebatur, fuerat, cùm nescio quo loco aut tempore variè variis de fœdere inter Venetos & Turcam icto (ut fit) disceptantibus, certa ejus rei documenta proferre potuerit, & qualis ac quantus vir esset, cùm aliis multis, tùm vel illa etiam ipsa re procul dubiò ostenderit. Sed è contrario risu exagritabatur Saxonix Ducis, & Philippi Landgravii Hessiæ, bello Saxonico, in Galliis legatus, qui de Caroli V. Cæsaris in Germania progressibus Franciscum Regem debebat facere indies certiozem, & non prius, quàm ab ipso rege didicit, dominos suos à Cæsare detineri. Libenter quidem communicari avent principes sibi multa, sed fastidiunt inepta, aut omninò etiam antea pervulgata. Quo magis tam seriis quàm jocosis rebus patet legato locus principis gratiæ aucupandæ; sed utatur non abutatur eadem legatus facultate. Tribuebat tantum Dantisco, Sigismundi Regis Poloniae apud se legato, Carolus V. Imperator, ut cùm aliquando omnibus externis legatis, ne in Hispanias navigantem ex Belgio sequerentur, dici fecisset, soli Dantisco contrarium curaverit postridie nuntiari. Tum ille, ut lepidus fuerat, Bene est, inquit, proficiscamur; sed sicuti quidem voce præconis ea generatim omnibus profectio inhibita fuerat, sic rursus ejusdem voce necessitas mihi quoque speciatim imponatur.

*Joan.
Dantis-
cus.*

natur. Assensus est Cæsar, & ille non solum in Hispanias eum comitatus, sed & maximis honoribus in iisdem Hispaniis fuerat ab eo auctus, cum in numerum illius nobilitatis, cum toto suo genere & agnatione referretur: amant enim ingenia principes, sed cupiunt vicissim candidè redamari. Ebriosus, scortator, aleator, atque aliis ejus generis vitiis deditus legatus, nunquam putetur, nec faciundis itineribus suscepta professione lentus, neque voluptatibus blandissimis dominis aut deliciis quærendis occupatus. Notabatur eo nomine legatus quidam, quod cum aliquam viæ partem fortè confecisset, subsistebatur evestigio, & vel non necessariis faciundis sumptibus iterum & iterum immorabatur. Mox mittebat rursus domum pro pecunia, quam antequam accepisset, tantum interdum alieni contrahebat æris, ut ne pecunia quidem allata illud dissolvere potuerit, parumque abfuerit, quin à principe suo, qui illam ipsius itineris ægerimè ferebat tarditatem, revocaretur: seria enim seriò tractanda, & suscepta publico nomine itinera, nullis adhibitis voluptatum lenociniis, sunt conficienda. Meminisse pro se quisque debet, Annibalem armis invictum, voluptatibus & luxuriæ Capuæ manus dedisse; & Prosperum Columnam, qui foris tot tantisque hostibus juvenis sæpè restiterat, muliercularum amplexibus domi senem resistere non potuisse.

se. Turpe namque omnibus, *sed turpissimum est repuerascere senibus, legatis & militibus.* Peragrandis porro regionibus, omnia & singula notet, & notata item ab aliis ad manum habeat semper, ut facilius intelligat locorum rerumque momenta omnia, tam præsentis temporis, quam ipsius etiam antiquitatis. Scire quidem & videre semper aliquid novi desiderant ferè universi; sed cum ratione ac delectu peregrinari didicerunt paucissimi. Quo etiam cœlum non animum dicuntur mutare, qui aut vertunt solum, aut trajiciunt salum, & non secus ac alii veredarii, vel tabelliones videri, qui vel magna una die terrarum percurrunt spatia, sed nullum inde profectum sortiuntur. Quidam enim non secus, ac aliquid mercium plena sed malè dispositarum dicuntur testudo, quodd multa viderunt & audierunt, sed non peræquè scienter visis auditisque utantur. quo magis expedierit notare indies singula, & loca ac personas quæ occurrerint, & quæ opportunè aliquid nobis nunciaverint, observare: nulla denique non occasione vel ex itinere ipso dare ad principem aliquid perpetuè literarum: multa enim multos delectant, sed nihil magis quam sapientes reges literæ, seu quidam nuncii & interpretes mentis ipsorum legatorum. Nam si laudatum in pictore illo fuerat, quod nullam ferè diem sibi excidere, in qua vel unam non duxisset lineam, permittebat, quanto

quantò erit legati scribendis crebrò ad suum principem epistolis diligentia commendatior? & cùm non uno aut altero, sed tribus atque aded pluribus itineribus, & tam mari, quàm terra susceptis, transmittet literas, ut pari modo, si ita necessitas postulaverit, vicissim ei respondeatur, maximè si & itinera longiora, & suspecta fuerint loca, quæ terra marique sunt superanda. Accedit, quòd per errorem alteri alicui inscriptæ literæ, moram afferunt rebus, & multifariæ viæ sint erroris, una illa & certa veritatis: quapropter vel ante illud etiam tempus ipsum, quo commoda transmittendæ epistolæ expectatur occasio, tempestivè exarentur literæ, ne si secus acciderit, tandem transmittendarum facultas elabatur. Scribendum quidem esse satis constat necessariò, & illud ignoratur, quo argumento, per quem, quomodo, & quando. Anticipare igitur tempus, non abs re interdum fuerit: & si videbuntur suspecti tabellarii, aut cuipiam alteri inscribere epistolam, erit necesse, à quo ut principi ejus reddatur, legatus postulabit, aut verò ignotis notis separatim ab aliis literis eam prorsus exarare; ut ille, cui interpretandæ epistolæ, & notarum indicandarum incubuerit cura, minus illorum sit conscius, quæ usitatis characteribus scripta constabunt, quo magis & linea in epistola, quæ ignotis exaratur notis, cuilibet folio sit circumducta, ne præterea aliquid additum videatur:

videatur : prius tamen ille , ad quem tales
scribentur literæ , omnium harum rerum
exactè admoneatur. Nam licèt vel ejus-
modi diligentia tandem etiam eludatur,
tutiùs in hanc semper peccabitur partem,
ut cauti & solliciti , quàm indiligentes &
ignavi habeamur. *Cura namque & cogita-
tio acris, malleus est omnis difficultatis.* Inter-
rim his similibusque agendis, nec occasio-
nem aliquam de se ipso aliis suspicandi le-
gatus dabit, nec frivolis suspicionibus nunc
de hoc nunc de illo laborabit. Frivola su-
spicio consilii argumentum est inopiæ , &
maligni , qui criminis expertes ipsi non
sunt , ingenio suo alios metiri plerumque
consueverunt. Diem , & ipsam denique
horam , qua se in viam tabellarius dabit,
suo legatus perscribet principi , & iis , qui
se ultrò transportandis offerunt literis , fi-
dem haud ita magnam peræquè semper
habebit. Quod tamen ipsum ut quàm ma-
ximè occultare possit , scribet nihilominus
aliquid , quod parvi momenti fuerit , &
majoris cautionis in posterum ergò , si illa
fortè reddita , vel secus , epistola fuerat,
semper inquireret : bis enim ab uno decipi,
& geminatis vicibus coctum sumere pran-
dium , est submolestum. Postremò , cum
hinc & inde varia & multiplicia occurre-
rint negotia legato in aula expedienda ,
dabit operam , ut quæ prius , quæve poste-
rius tractata sunt , suum principem faciat
certiorem : & aded vel verba inserat ipsa,
quæ,

quæ , & à quo , & quo loco , quo vultu ,
gestu , tempore ad eum prolata sunt &
fuerunt , & num à principe ipso , num ab
ejus consilio , num verbis , num scripto ,
num ex tempore , num verò etiam medi-
tatò. A prudentibus enim non modò ipsæ
res , sed rerum etiam momenta omnium ,
circumstantiæque adeò universæ , ad cer-
tam rationis normam , quàm vulgus ho-
minum facere consuevit , acriùs expendun-
tur. Quo etiam legatus ea , quæ notatu
erunt digniora , in calce literarum non in-
vitus repetierit , & omnem vel minimam
notam vitaverit falsitatis : labilis est me-
moriam , & aliquibus tantum abest , ut ne-
cessaria sint frena , ut ne quidem suffice-
rint calcaria , præter morem. Quò consul-
tius , etiam crebrius ii , in quorum nobis
commodis positum aliquid est , occurrunt
admonendi , suppressis anthorum nomini-
bus , a quibus quid in rem nostram princi-
pisque nostri facit , auditione aliquid acce-
perimus. Scribendis autem ad principem
raptim , (quod aliquando contingit ,) rarè
autem contingat , epistolis , si alicubi erra-
tum fuerit , expungantur , quàm eradantur
potiùs characteres , ne doceamus alios ar-
tem & perversum usum eradendi : *facilius*
enim vitiosa sequi , quàm bona imitari homi-
nes videas , & raptim scribendis literis non
nemo suspicatur , quod contemnas. Privata-
rum suarum rerum in epistola ad prin-
cipem inseret legatus nihil , præsertim si
alio

alio modo ad notitiam ipsius posse eas deducere videatur. Peræquè, imò & majori curæ sua, quàm vel principis sui inde plerumque dicitur habuisse: & ita revera natura comparatum est, ut alienis spectandis omnia nobis instar pyramidum, nostra verò appareant humi repositorum quasi nidorum. Vnde scribendis literis arripimus facile occasionem, quas principes rebus cum suis misceri ægerrimè ferunt, nostra de infelicitate querelarum. Accuratissimè porrò omnes scribet epistolas, & earum sibi exempla multis & magnis usibus servitura reservabit: nec verò uno eodemque signo eas communiet, nec unis iisdemque scribet characteribus semper; ut eorum audaciæ viam obsepiat, qui nunc manum, nunc signa aliorum adulterare consueverunt. Multi, qui veritatis non potuerunt, aut potius noluerunt via, sumptus cupiditatum in via quæsierunt sibi falsitatis. Si epistolam plura habere contigerit folia, non ea consuât, sed quod aut prius, aut fuerit posterius, unicuique inscribat foliorum. Si quid secreti alicubi amiserit, cogitet, in cuius manus venire illud potuerit, & nullum laborem aut sumptum refugiat, ut recuperare illud possit: quod si minus poterit, nunquam temerè ei se credat, contra cuius salutem machinatus est aliquid, aut verò dignitatem; & nec sit sollicitus, cui hæc vel illa usui servierit præceptio: sat sit recta monenti paruisse. Multa sunt, quorum

quorum & Iureconsulti in suis libris rationem non reddunt ; & tamen sapientissimè esse scripta & constituta , quis ignorat ? Me quidem , ne his de rebus plura disseram , legati ipsius , quem non temerè jam vel antè in rebus versatum , & non tyronem futurum crediderim , retrahit prudentia , tum & rerum , quæ una ex alia gignitur hac in parte , magnitudo. Quod enim altius dicendo de hac materia invenior , eò mihi minor spes affulget portus aliquando capiendi. Quapropter cum de legato ejusque adjumentis & exercitiis dixerim , de ipsa quoque , quæ propriè in manu est principis , dimittenda subjungam aliquid legatione. Negant , (ludicra enim miscere seriis aliquando libet ,) in Turciam alios quàm ablegari animo debere fottes & liberales : quia , ut plerumque fit , Turcæ partim minaces , partim verò sunt petaces. Ut ergo minus minas vereantur , & pro re & necessitate munera & pecunias largiantur , nec timidos neque parcos dimittendos : Cautos in Moscoviam , quod ibi Græca vivatur fide , & raro quid concedatur sine longa licitatione. Romam mittantur pii & religionis observantia noti , & potiùs politici , quàm ecclesiastici ordinis viri ; ut eorum petita , qui Pont. Max. minus obnoxii sunt , majorem habeant auctoritatem. In Hispanias moribus & ingenio ablegantur sedati , & quàm minimè novarum rerum dogmatumve

*Legati in
Turciam.*

*In Mosco-
viam.*

Romam.

In Hispanias.

tumve appetentes, quia ibi velint nolint
 facile in officio continentur. Per totam *In Italiā*
 Italiam proficiscantur humani & officiosi,
 cum ibi earum rerum quasi quoddam per-
 petuum sit certamen. In Gallias ingenio *In Gal-*
 celeri, aut potius versatili, ut ex re consi- *liam.*
 lium capiant, & scenæ, quod ajunt, ser-
 uire sciant, aut verò discant. In Angliam *In An-*
 dimittantur formosi & proceres, cum ta- *gliam.*
 libus visis statim Angli in admirationem
 rapiantur, & quod Angli non sint, dolen-
 dum crebrò loquantur. In Germaniam *In Ger-*
 promissorum tenaces, cum antiquitus di- *maniam.*
 etorum factorumque constantia Germani
 fuerint celebres. Vbicunque autem loco- *Vbique.*
 rum legati sint continentes & abstinentes:
 nam non temerè duæ illæ voculæ multo-
 rum semper fuerunt in ore, *sustine & ab-*
sine, nisi quidd in his veluti duobus qui-
 busdam vitæ præfidiis multum videbatur
 positum tum utilitatis tum verò etiam di-
 gnitatis. Et denique quam patresfamilias
 Hispani peregrè discessuris filiis, modico
 viatico dato, eandem principes legatis suis,
 sed pro dignitate sumptu suppeditato,
 commendent gravitatem. Concurrent e-
 nim in legato oportet plurima; sed una
 illa maximè spectetur gravitas, quæ ta-
 men expers occulti in legatum sit odii, &
 habeat plus amoris quàm alicujus formi-
 dinis, plus integritatis quàm assimulata
 bonitatis, & quæ privatam cum publica
 persona sic legati commisceat, ut & illius
 principis,

principis, à quo mittitur, odiosam majestatem, & ejus, ad quem venit, minime à se abalienatam reddat voluntatem. Cujus etiam personæ insit vel aliqua ex parte claritas & nobilitas generis, pulchritudo & concinnitas corporis, liberalitatis exercendæ facultas, peragratio exterarum gentium, lustratio regiarum, intelligentia rerum, usus & tractatio negotiorum, multarum & variarum historiarum lectio, & ejus denique philosophiæ partis cognitio, quæ ad formandos mores, administrationemque justitiæ, & scientiam pertinet gubernandi: huic demùm etiam fides in principem esto, amor in suos, comitas erga externos, vivacitas ingenii, ars & copia in utramque partem de rebus differendi, & doctrinæ literarum studium proprium ac peculiare: humanitas postremò in convictu & colloquio familiari, constantia in colendis amicitiiis, prudentia in cognoscendis, & tarditas in dissuendis potius quàm disrumpendis. Quæ ut aliàs etiam dicta fuerint, placuit vel denuò de legato attulisse. Iam verò dandorum legatis mandatorum duplex est ratio: libera una, literis & cen quibusdam cancellis circumscripta altera. Nihil autem minus quàm certum de legato ferri potest judicium, cujus, quod sibi videbitur, agere conceditur potestati; & tamen antiquitus etiam id usu receptum fuisse ambigat nemo, qui modo in historiarum lectione paulò est
versas

versatus. Quid enim? an Carthaginenses olim, an Achæi non miserunt suos legatos Romam, quibus liberè, quod velent, agendi dederant facultatem? Quid? an rursus iidem illi Romani ad Coriolanum, & ad eam, quæ secesserat plebem, cum tali eademque potestate legatos non dimiserunt? Nam ut hæc res periculo quandoque non careat, pro re tamen & occasione est necessaria: multa enim nec opinantibus eveniunt, de quibus nihil prorsus constitui in mandato poterit, & haud scio an debebit. Exempli gratia. A morte Ferdinandi Cæsaris Maximilianus Cæsar ejus filius tardius paulò legationem Constantinopolim misit, pactis & fœderibus pacis cum Solymano Turca confirmandis. Misit ergo Solymanus ad eum suam, ut multi crediderant, pacem postulatum; sed ita, ut, si fortè in itinere fieret ei Cæsaris legatus obviam, statim Constantinopolim reverteretur, imperaret, & reversus est, resque ad illud bellum, in quo Giula & Seget est captum, tandem devenit. Quid hic poterat aut debebat legatus Cæsaris præstitisse? aut quomodo contra illam barbari molitionem poterat aliquid legato committi, quo eludi potuisset? Multa ergo ut dixi præter opinionem eveniunt, & multa legati credi debent prudentiæ, ac necessariò committi potestati; sed & ille non obliviscatur ejus, à quo missus fuerit, authoritatis: expedit enim

enim semper Menenii, aut Manlii illius Romani imitari exemplum, qui, licet summa donatus fuerat à senatu potestate, non tamen usus ea est impotenter, cum quædam ab eo præter expectationem peterentur, & nimirum Menenii consilium sive factum non tam per se, quod rectum fuerat, commendatur, quam ipsi contrariis Cassii actionibus, cujus Dionysius meminit, illustratur: qui accepto à patribus honore, non eum, quem par fuerat, vicissim honorem habuit, nec unquam consilium cum iis communicavit: par enim est, ei, qui dat totum, particulam vel aliquam reservari. Porro variari hæc locis & temporibus non nego, & multa incidere, quæ moram non patiantur, liberè affirmabo; sed tamen in perspicaci multum positum legati est prudentia, qui, quæ fides & in principem observantia ejus sit esseque debeat, consideret, & tam à quibusdam, quæ illi permittentur, consultò abstineat, & principem suum requirat, quàm & iis rursus liberè faciat finem, quibus nulla videbitur mora debere interponi, sed uno illo candore & sinceritate in omnibus singulisque utatur. Nam quemadmodum personati, sic & simulatores, nec peræquè omnes & semper, nec diu delectant. Ac ut dubitandum non sit, illos, qui futura prædicunt, multò plus, quàm veri, habere falsitatis, tamen mirum est, quantum inter hos & alios mentientes habeatur discrimen.

men: his, ut semel deprehensi in mendacio fuerint nulla; illis, qui futura denunciant, vel aliqua semper adhibetur fides, ut sint fuerintque falsissimi. Quod non aliunde provenit, nisi quòd sicuti medicis salutem promittentibus, sic & ariolis aut Astrologis futura prædicentibus vulgò multum est authoritatis: semper enim dominantibus infesta, præteritorum obliuiosa, & futurorum sciendorum cupida est multitudo. Iam verò observatum est in ineundis præliis, multa ea in acie periculosè mutari, quæ domi non fuerant prævisa & considerata. Quod idem & in legatione multis evenit, si de quibusdam opportunè moniti, & ab iis, à quibus mittuntur, plenè instructi non fuerint: educendæ enim è portu in altum navis, sed non semper, quò velit, dirigendæ potis est gubernator. Quo magis multa legati commiseris prudentiæ, sed & nihilominus expedierit, eundem de nonnullis admoneri: *nemo enim sua tantum præsidat prudentiæ, ut nihil habere se opus arbitretur hortatore.* Quid, quod & legato & principi ipsi est utilius, discipulum quàm magistrum videri potius mandatorum? Cùm enim variè admodum accipi & interpretari soleat legatio, & vel bene in ea meritis vix ulla aliquando referatur gratia, an non præstiterit obsecundare nutui in ea domini, quàm suæ nescio cui hac in parte servire cupiditati? *qui enim inservit summis, imperat haud dubiè aliis: subit*

E

verò

verò sæpius jugum, qui appetit dominatum.
Itaque inolevit adeo etiam nova quædam
apud nonnullos consuetudo, ut quæ vel
antea legati judicio permittebatur haberi
oratio, nunc habenda exhibeatur scripto;
ut nec vel transversum quidem unguem à
præscripta formula discedatur dicendi, &
sive memoriæ mandetur, sive scripto re-
citetur. Non tam enim eloquentiæ laus
legato quærenda, quàm ex sententia sui
domini omnia sunt conficienda. Ac mul-
tum licet in differendi usu atque copia, &
in actionis ipsius positum sit dignitate,
maluit tamen non nemo vel his aliquando
caruisse, & principis sui, a quo mitteba-
tur, commendationem retulisse. Quidam
enim contenti sunt parvo, & vix acquies-
cunt alii vel immenso. Consultius tamen
mittere est legatos his omnibus adjumen-
tis instructos, & qui tum dicendi gravita-
te atque copia, tum excellant prudentia,
& sine ulla vulnere & signorum, quæ
faciem turpent sceditate, regalem quan-
dam præ se ferant majestatem. Nam ut ad
eadem illa in legato turpia aut vitiosa re-
petenda recurramus, veteremque Persa-
rum in eligendis regibus consuetudinem
taceamus, an ut mutilatis naribus princi-
pem in Valachia fas non est eligere, Sic
& in Turcia, atque etiam alibi, perridi-
culum non accidit, intueri legatum, cui
vulnus in facie aliquod sit inflictum, &
ipse aut distortus, aut membris appareat
muti-

mutilatis? Vnde purpuratus ille Turcicus ad legatum Hispaniensem: Deerantne tuo domino, inquit, quos sine vulnere in faciem inflicto ad nos misisset? Tum verò legatus: Non deerant, ait, sed hoc videlicet vulnus antè, non retrò, acceptum, nostræ de vobis ad Naupactum testis est victoriæ, in qua & tu debebas interfici, nisi aufugisses. Atque hæc quidem de adjuventis legati corporis dicta sufficiant: quæ si in magno sunt fueruntque semper pretio, quanto animi habebuntur gratiora, cum semel sibi dicendi concessa non temerè abutetur potestate; nec subito & ex tempore, sed meditatò potiùs verba faciet, & iis neminem carpet, inveheturque prorsus in neminem; sed si fortè dicendum esset liberius aliquid, vitia, non homines notabit: vulnera enim cicatrice obducuntur, verba in alicujus famam prolata frequenti memoria recrudescunt. Quo fiebat, ut & Pericles ille, in cujus ore Sua-da sessitasse dicta est, ad dicendum accessurus, ne vel verbulum aliquod ei excideret, quo populi aures læderentur, divinitus precaretur. Lucerna enim & flore ignis opus habet, quod olere debet: cujus quidem lucernæ tantum abest ut Demosthenem puduerit, ut adeò illi, qui orationem ejus olere fortè affirmaverat, dixerit: Bene habet, inquit, tua quidem furtis, mea meis servit lucerna lucubrationibus. Quid enim, cum in omnibus rebus

aliis , tùm verò diligenti studio , non opus sit in literis & longa cura cogitationeque mandatis principis exponendis , adeò ut scripta multò antè prius , & ab aliis item lecta ac examinata , quàm subita & extemporanea placuerit semper magis oratio. Plus quippe oculi , quàm videt oculus , & suo uno illo orbatus bonam in perpetuum noctem precatur monoculus. Postremò , quod genitoribus liberi , libri hoc nobis sunt nostri ; ut oculis capiamur iis amandis , & vita donemur diutius elucubrandis : *Vina enim & scripta reddit tempus preciosa*. Quid ? legato , cui in summa summorum virorum corona verba facienda fuerint , curæ non sit , ut non tam à pigmentis verborum , quàm à pondere & gravitate sententiarum laus sit eloquentiæ ? si modò eloquentiam dixeris , quæ ad salutem hominum & delectationem data , non secus ac plumbea framea ex aurea vagina producta risum moveat circumstantium. Omnes enim eloquentia decet , sed legatos maximè condecorat : cùm ut hominis ornamentum oratio , sic rursus orationis veluti quoddam illustre theatrum sit legatio. Quæ nisi justum sibi sumpserit tempus ad meditandum , quomodo , quid , & quo quidque loco , & qua dicat ratione , poterit circumspicere , & tractanda re sagaciter discussa , venire tandem ad argumentis rationibusque muniendam ? quomodo item ineptam ordinatè distinctèque dispon-

ponet? dispositam omni ornatu & elegantia verborum vestiet? vestitam actione & pronuntiatione cum dignitate prosequetur? Omnia quidem, ut mea fert opinio, minus elaborata hodie aures respiciunt: & nec diligentiores quique immensis penè hominum cupiditatibus satisfaciunt dicendo, tantum verò abest, ut inepta & ridicula quæque in legato laudentur. Quo ipso loco non possum non recordari magni cujusdam dicti, Principis Holsatiæ, Danorum Regis fratris, aratoris magis quàm oratoris ad Stephanum Regem ablegati: Qui ut distortus ipse fuerat, sic & legatum quasi aliquod monstrum gestu & oratione ferè habebat. Hic cum Stephanum Poloniæ regem miris in os decantatis laudibus extulisset, vel illud quoque addidit: Scire ex astris se, quod Ioannes, Magnus Moscoviæ Dux, proximo futuro anno regiis armis esset cessurus, & vitam cum imperio amissurus, utpotè qui hoc & illud cœleste signum in ascendente haberet: & præterea obscurum nemini esset, quo, quando, & quàm periculoso morbo laboraret. Ita ille (si Deo placebat,) & legatum, & mathematicum, & medicum, & denique egit stultum coram Rege & Senatu, verbis sine delectu faciundis. Ut enim furiosus educto gladio aërem verberandi, sic logodædalus, cum verba fundere cœperit, nec rationem incipiendi, nec modum scit desinendi. Quod

*Laconum
respōsum.*

quàm non ferendum sit, vel ex illo Laconum responso, nescio quorum legatis dato, facile est elicere. Priora, inquit, obliti sumus, media fuere obscura, & non intelleximus tandem postrema. Avet animus seria potius quàm jocosa, gravia quàm levia audire semper; & brevis ac erudita, quàm longa & inepta satisfacit magis oratio. Anfractu & quasi quadam longa circuituone nec licet, nec decet uti verborum: nec verò aut precibus misceat minas, aut privatas publicis res legatus interponat: nec tam in penetralibus aedium minacibus verbis tonandum, quàm cum ad bellum ventum fuerit, scienter exercitum cum suis ordinibus & vexillis explicandum esse potius recordetur. Ut plerumque fit, canes qui vehementius latrant, & hostes qui multum hostilitatis denunciant, habentur viliores. Quin ut eò etiam majorem auctoritatem sortiatur legatio, raro, & cum dignitate dimittatur; potiusque senibus quàm juvenibus, indigenis quàm externis semper mandetur: qui enim juvenem, quàm legatum senem magis mihi laudaverit, hic spem quàm rem laudare videbitur potius voluisse; quanquam interim virtutis quàm ætatis cursum videre etiam quandoque sit celeriore. Non enim barba & pallium, sed eximia natura, externum, solidum ac continuum studium in humerum referunt te sapientum. Veruntamen cum, veteri illo
prover-

proverbio, non nisi à seris veniat prudentia annis, consultissimum quidem fuerit, non nisi in magnis magnorum uti consilio, & præsertim senum, qui illud dicere non injuria posse videantur: Audite juvenes senem, quem juvenem senes audierunt: juvenes enim nondum senes, at hi fuerunt pueri & adolescentes. Iam verò nobiles quàm plebeios, indigēnitaies quàm externos, idoneos quàm ineptos rectiùs propterea miseris, ne principes, quibuscum futura tibi est res, ludificari se abs te quodammodo suspicentur. Ita enim pro se quisque magnus, magni vel secus fieri se ab altero putat, prout cùm aliis rebus, tum maxime legationibus observatur. Vnde Gallorum regum ingens quondam fertur fuisse odium, quòd primogenitos ecclesiæ, & omnium regum antiquissimos se professi, his, similibusque legationibus, quæ minorum gentium fuerant, nunc hos, nunc illos, & vel dicis causa tantum salutabant. Quis enim non ægerrimè tulerit, in tanto nobilium virorum regni unius numero, in tanta copia lectissimorum senatorum, ad se mitti nunc obscuros, nunc alienigenas, nunc ineptos? Equidem nullum majus inertiae gentis fuerit argumentum, quàm hominum turbam in hunc legationum orbem produci nihili, & præstantiores quasi contemnì, à quibus & mandata rectiùs exponuntur, & petita obtinentur, & gentes nationesque

que illustrantur. Dici enim vix potest, quæ & quanta, etiam dum tacet, loquatur ille, ad quem nescio quis regum, durum legationis imponendæ onus nactus, hæc verba principio epistolæ exaraverat: Si stas, iter ingredi; si ingressus es, cur; si curris, advola. Et Pcenorum ille callidissimus persuadenda à legationis dignitate Romanis pace, hæc aliquando facere verba minimè dubitavit: Vestrum, inquit, ut audio, patres, nonnulli etiam ob hoc, quia parum dignitatis in legatione erat, negaverunt pacem, Annibal peto pacem. Ex quo ipso intelligi potest, quanto consilio, ratione, delectu & discrimine principibus sit opus ad externos legationibus dimittendis. Neque enim mihi probatur, probabiturque unquam Pauli I V. Pont. Max. & ejus similium consuetudo, qui cùm nescio quem amicorum veterum in Cardinalium collegium cooptare apud se secretò statuisset, accivit illum Roma, Neapoli primùm, deinde ut sacros susciperet ordines seriò imperavit: mox longius progressus, missum se & in Galliam legatum, est pollicitus. At ille, cùm se imparem utrique, ut sit, rei respondisset, Apage cum hac excusatione, inquit: ecquis duobus nobis exceptis, nihili esse sciverit te, nisi ipse fateare? Sed multò quidem habent se ista secus: nam cùm ad rem ventum est, non ut vestium, aut equorum, ingenii

genii atque animi ornamenta inutuo semper accipias ; & quid in diligentia ac studio vel inde à teneris annis positum sit, semperque fuerit , tecum ipse seriò licet recognoscas. Talis autem magna ex parte opinione hominum princeps pro se quisque fuit , qualis ejus nomine legatus publicum illud apud externos munus rectè vel secus obivit. Nam ut ferè vel à minimis legatorum exordiar vitiis , quot , & quanti legati , verba facturi , in primo illo aditu allocutioneque regis obmutuerunt ?

Quæ res in postremo , ut dixi , errorum numerari licèt possit aut debeat , tamen non à nemine pro maximo sæpe est æstimata. Multi enim aut contemni per id se duxerunt , aut non omnium rectissimè sibi conscios, id divinitus pœnæ sortitos dixerunt ; aut verò nescio quid aliud finistri de iis suspicari minimè dubitarunt : errorem enim committit unus , variè hunc varii interpretantur infiniti . Ac vidi ego summum quendam , summisque de rebus missum virum, in collegium Cardinalium post cooptatum , cum clarissimum regem ex longinqua profectioe redeuntem alloqui debuisset , nulla de causa obmutuisse , & nec unum tantum verbum proferre potuisse. Et vidi Cardinalem alterum , qui , ut semel & iterum interpellatus fuisset , animosè recolligentem se , & usque ad finem summa cum libertate vocis & orationis perorantem, Quod nescio unde even-

rit. Sed ut mihi quidem videtur, duplex
 ejus rei est remedium. Primum, ut id no-
 bis etiam amicissimis evenire posse in ani-
 mum nostrum inducamus, ac proinde con-
 tra ejus rei aut exitus periculum nos for-
 titer muniamus. Alterum, ne ad ipsa ver-
 ba, eorumque contextum prorsus nos allig-
 gemus, aut si meminerimus, memoriæ sic
 ea mandemus, ut nequaquam hallucine-
 mur. Sed omnium remediorum fuerit il-
 lud maximum, ne princeps in legatione
 utatur tyrone, sed homine jam maturo,
 & diu multumque exercitato: *inglorie*
enim discit, qui faciundis erroribus vult vi-
deri didicisse. Sæpè sæpius accidit, ut ejus-
 modi legati, muti repente facti, aut do-
 mum, ut edormiant crapulam, remittan-
 tut, aut non omnium optimam, quod dixi,
 habere putentur conscientiam; unde po-
 stea multarum rerum in aula infimulen-
 tur, & aliquando captivi teneantur. Sigis-
 mundus I. Poloniae Rex Turcicum lega-
 tum, tanta illa Regis & senatus, qui verè
 à senibus est dictus, majestate in stuporem
 quendam adductum, & nec unum verbum
 proferentem, in hospitium remisit, & ut
 postridiè ad se reverteretur postulavit. Ma-
 ximilianus Cæsar, à exposita legatione
 modicis temporis spatiis Stephanum Ba-
 thorem, post Regem Poloniae creatum,
 captivum fecit, quod pacificationis loco,
 cujus tractandæ causa ille fortè à Principe
 Transylvaniae venerat, res ad arma in-
 terim

Steph.
 Bathore-
 us, à Ma-
 xim. Cæ-
 sare, ca-
 ptivus fa-
 ctus.

terum recidisset. Quod quidem sui æmulus
Gaspari Bekeschii arte, magni illius & in-
geniosi in Transylvania Satrapæ dicebat
Bathoreus evenisse. Multi enim creantur
legati, ligati ut videantur. Nam cum ni-
hil magis variam & multiplicem quàm le-
gatio in se recipiat interpretationem, con-
siderandum est, quo modo & animo illa
nobis demandetur. Harum rerum artificio
Catharina Medicæa, Regina Franciæ, præ-
cipitem in aula dedit non neminem: ac in-
primis memorabile illud est, quod Belle-
gardio Marschallo, & Pibracio, regii Sa-
cratoris consilii consiliario, ea authore di-
citur evenisse. Occupare illa filios omnes,
totumque eorum discupiebat semper do-
minatum. Quare, si qui fortè reperiaban-
tur, qui primum gratiæ apud eos locum
assecuti dicerentur, hos è vestigio curabat
aliò ablegari: & aut ductandorum exerci-
tum, aut legationum munera iis manda-
bat. Erant autem in aliis Henrico Regi,
cum ex Polonia revertisset, Bellegardus &
Pibracius charissimi, hic quidem pacis,
belli ille artibus satis insignis: Quem cum
Livronium oppugnatum misisset, subtraxit
ei antè bello gerendo necessaria; ut homi-
nem nihili, & bello administrando minus
aptum, quod & effecit, vulgo ostendisset.
Mox ad Pibracium conversa, & hunc in
legatione ad Regni Poloniæ Ordines vo-
luit mitti, sed ita, ut in finibus Germa-
niæ & Lotaringiæ excuteretur, irritaque

prorsus omnis illa fieret ipsius profectio, qua & Polonicas res, ex intricatis intricatissimas fecit, & tum publica, tum & privata nonnullorum negotia impedivit. Sic nimirum ludunt rebus, vel in rebus ii, qui plus aliquid aliis habent in aula potestatis. Quàm rectè, illi viderint; ego & principum artes, & inferiorum partes, cum ea quæ eruditionis & prudentiæ sit differentia, tacitus mecum ipse recognovi. *Pulchrum quidem est, sequi & assequi munera; sed tutissimum caruisse.* Ac quemadmodum pro argillæ gleba nihil prorsus datur, vas verò ex ea confectum suo pretio æstimatur; sic sine usu & tractatione rerum habet se doctrina, parum aut nihil valitura; asini enim libris cooperti, & docti inepti, quid à se distabunt? Quocirca si qui fortè legati minus intelligentes & experientes fuerint rerum, & aut in itinere tardaverint, aut alias quasque occupationes ineptas habuerint, ineptive ipsi sint, non omnino videantur tutò in legatione dimittendi: præstat enim domi retinere inertem, quàm ipsius indignitatis habere non neminem foris spectatorem. Parvo enim momento huc atque illuc impelluntur, sententiam facile mutant, nec interrogati cum dignitate eam explicant, nec imperare sibi familiæque suæ sciunt, & debita facile contrahunt, quæ denique multis mensibus sufficere potuissent, paucis abliguriunt. Iam
quas

quas nec ipsi quidem habent, in aliis virtutes desiderant: aliorum studia & mores carpunt: in alienam vitam inquirunt, & assimulatæ cujusdam probitatis specie, non tam esse boni, quàm videri volunt; & nec tamen vel aliquando sibi vel aliis hoc nomine satisfaciunt. Vt enim muli ex equo & asina conflati; sic nunc boni nunc peruersi neutrum dicuntur. Qui si sapiunt, (sapere autem alieno, quàm suo damno potius debent,) munera publica & legationes per se ipsi refugiant: quid sibi desit videant; suos quàm alienos naves potius introspiciant: & si cum perfectis semper vivere volunt, quærant sibi urbem sponte sua, Non vinclo, nec legibus æquam, ut ait Poëta. Nam aliud est in Lycæo Platonis, & aliud in fece Romuli vivere: & aliud in ore, aliud in pectore gerere bonitatem. Principes etiam ipsi, non tam ambientibus, quàm refugientibus munera publica & legationes mandent: quatenus progredi vel regredi in iis debeant, præscribant: simias, quò altius ascenderint, pudenda magis ostentare sua moneant: nihil gratiæ & favori, omnia virtuti & industriæ tribuant: dandis legato mandatis, quoad eius fieri paucioribus potest, se concedant, & humani ingenii morem esse, perpetuò licitari, & iniqua interdum petere, ut æqua obtineantur, recordentur. Multas denique tendi insidias multis, sed inprimis publica negotia tractantibus at-

E 7 que

que legatis. Vnde videmus quosdam, & maximè barbaros principes, cùm externi legati in eorum sententiam non statim descendere voluissent, mandatis eorum scriptis ostensis, facere imperata coëgisse, & vel hoc ipso nomine, legatorum quas vocant instructionibus disquirendis, quàm curiosissimi fuerint, non obscure ostendisse. Fecit id hujus nominis alter, & tertius Turcarum dominus Bajazetes Venetis: fecit & olim Galeatius Dux Mediolani Florentinis: fecerunt alii aliis: quàm rectè, non disputo, sed tantùm ipsum factum profero in apertum. Valdè quippè sunt solliciti principes sciendis penitus omnibus mandatis legatorum. Itaque & Maximilianus Cæsar, admirabili princeps ingenio, secretam instructionem, quam Regni Poloniae procures ad Stephanum Regem legatis in Transylvaniam dederant suis, magno studio quæsitam habuit, & nobis Ratisbonæ ostendit. Quò magis legationem expedit esse secretissimam, & habere mandata, quæ contineant obscuritatis modicum, & quàm minimum amphibologiarum: ut enim mysticè vel amphibologicè loqui videatur nescio cujus sapientiæ; tamen regius quidam candor præstat artificiis omnibus simulandi & dissimulandi, ut ille nescio quis, qui nesciret simulare, nescire eum & regnare, dixerit Imperator. Sed multùm simulare & dissimulare differunt, ac primum quidem malitiæ,

litia, posterius fuerit necessitatis. Vnum
verò maximè indubitatum illud est, eum,
qui ambularet simpliciter, ambulare &
confidenter. Est quidem aliquid, esse te-
ctum, sed multò plus rectum suis in consi-
liis, cùm malè sibi conscii oculos dejiciant,
& latera vulneribus aperiant, recta verò
conscientia muri instar habeatur. Interest
autem & legati, & principis, ea, quæ se-
mel data fuerint, mandata, habere perpe-
tuo rata, ne si fortè immutata fuerint, in
ea pericula legatus incurrat, quæ ante mo-
nuimus, siue id legati culpa, siue principis
acciderit voluntate. Ac nec quidem est re-
gium, una manu ostentare panem, & alte-
ra ingerere velle scorpionem. Et plerum-
que usu venit, ut qui verborum aucupii,
aut literarum tendiculis alios circumve-
niunt, posteaquam ad apertum venit bel-
lum, cadant eorundem armis, & publico
risu exagitentur. Non vult Deus, eos, qui
impie & fallaciter agunt, diu successibus
augeri. Nec verò & ego soleo insultare
cujusquam vulneribus, nec præceptis esse æ-
stimandis aliarum gentium nationumque
moribus, quos scio variè varios interpre-
tari, & nihil non esse plenum in utramque
partem exemplorum; sed ut tamen ad su-
premum illud offensum numen revocen-
tur omnia, quis non legit, quæ fuerit Græ-
corum aut Græca cum Latinis fides, &
quæ nunc sit etiam Moscovitarum. De qui-
bus nihilominus sæpius triumphavit non
nemo

nemo barbarorum. Et non temerè id quidam. Nam *ubi plurimum caliditatis, ibi minimum saepe est felicitatis*. Quo loco multa equidè possem afferre, quæ de hujus gentis versutia etiam citra ullam suspicionem falsi producerentur. Sed unum illud sufficiat, quando Ioannis Magni Moscoviæ Ducis legati, in tractatione ad Zapolscium cum rege Stephano pacis, legatos regios quibusdam arcibus, quas in Livonia semel concesserant, ante ipsum edendum jusjurandum, supposito falso diplomate, fraudare visi sunt voluisse: sunt enim multa fraudationum genera memorabilia, at in publica tractatione inter reges pacis, memorabilissima. Verùm alteri loco & tempori hæc reservetur potiùs narratio. Vnum autem illud hæreat memoria, quæ justitiæ contraria, ea nec futura quidem felicia: & Anglos tractanda pace imprudentiores, Gallis armis superiores se profiteri, quod olim idem de Crucigeris & majoribus nostris vulgè sermonibus usurpabatur. Sed non semper, ut apparet, facilia nodosa, & clara turbida expedit reddidisse: recto enim proposito fine, ut consilium defuerit, numen pro se cuique bono aderit divinitatis. Quare (quod Apollo Pythius monuit, quodque ego paulò antè observandum censui,) legatus cognoscat semet ipsum; & tam in petenda, quàm assumenda legatione, quid juris justitiæve fuerit, & quid tam per se præstare possit, quàm aliunde subsidii

subsidii expectare debeat, ipse secum maturè recognoscat. Vastæ cogitationes sunt nostræ, & quod minus aliquis sapit, ed opinionione sapientiæ ditare se magis consuevit. Cui morbo occurrendum sanè est tum scienter, tum verò etiam studiosè: multos enim vinum in prælia inermes, & ineptos ambitio in legationes protrusit insipientes. At verò cum ad tractandas venit res, tuis te pedibus oportet, sustineas; & quod antè non didicisti fortè privatus, agrè discas factus legatus. Vt enim consilium tibi aliqui dederint, hîc rursus consultore opus, quod & quale consilium fuerit amplectendum: non minus enim errat, qui nullo consilio facit aliquid malè, quàm qui perverso utitur consultore. Quem ad cognoscendum non semihoræ spatio, sed multo, quidd cum eo comedas, indigebis sale, & in confessu regum non una aut altera occasione & causa verbis (ut fit) faciundis: auget enim animum publicum & frequens theatrum, & ardor ille dicendi, teste ipso M. Tullio, angusto debilitatur loco. Quis denique non moveat risum, interruptis vocibus, & veluti cum quadam titubatione & hæsitantia habita oratio? Qualem cum nescio quis in purpuratorum apud Turcas confessu fortè habuisset, & interpretari alter verba ipsius debuisset, cursim omnia ea, quæ legatus dixerat, exposuit, & quodammodo legato ipso orationem visus est habuisse pulchriorem.

Tum

Tum verò purpuratotum quendam ride-
re, & Deos hominesque cœpisse testari,
nunquam se, qui magis legato abuteretur,
vidisse tempore, & qui aded servo uteretur
ipso se prudentiore. Et nisi me animus fal-
lit, haud ita injuria: Semper enim non,
quàm multa, sed quàm multum quis dixe-
rit, spectatur: nec quàm nobili, sed quàm
idoneo legatio demandetur. Humilitas e-
nim generis, neque offensio adimit scien-
tiam popularis. Sed nimirum, cùm ad
præclarum ipsum genus majorumque ima-
gines accesserit eruditio, næ haud legatus
& legatio facile exolescit. Habet enim non
obscurum obscuritas generis despiciatam,
cùm, ut antè dixi, & principes ipsi despi-
catui se haberi putant, cùm aut obscuri,
aut externi, aut patre notato, vel notati
ipsi ad eos legati dimittuntur. Etenim, si
divinus ille & morum magister Plato, no-
tato patre filios ad Rempub. non censuit
admittendos, quí publicas legationes ob-
ierint ii, qui alicujus criminis notati ipsi
sunt vel fuerunt, nisi fortè flexu ætatis
commissum aliquid sit, quod firmata stir-
pe virtutis, egregiè compensatum videat-
ur? Tum quidem tantum abesset, ut re-
cordari ea debeant, ut quasi quædam eti-
am testimonia virtutis sint refulgentis.
Rardè enim sunt visi, qui uberes ingenii e-
dituri fruges, vitiorum prius semina non
aliqua jecerint, quod nihil minus quàm
vituperio eis vertebatur. Melior quippè
culpata

culpata est virtus, quàm torpore quodam languens continuo innocentia. Quid quod nec æquum aliàs fuerit, exprobrare eà vitia mortali, quæ credibile est in oblivionem venisse Deo ipsi immortalī. Laurus vel media hyeme viret, & virtutis ingenii-que fama, etiamsi vel aliquos habueris naves, nunquam arefcit. Sed age progrediamur, & certissimum quidem esto, nec obscuros, neque sceleribus infames, neque ab infamibus legatos venire oportere. Verùm adhuc illud certius, dimittendis illis parem, imò majorem semper habendam esse rationem virtutis, quàm generis, probitatis quam nobilitatis; & si adeò proficiscantur plures, animi & consilii spectetur potissimum in iis magnitudo. Parvo namque est usui, nautæ nasci & appellari filios, si demùm illos omnes videas remiges, non nauceros: & sicuti surdo soni, cæco perspicilli, aratrum naviganti, clavus nauticus ambulanti; sic nobilitas, quæ virtute caret, Thraconi fuerit non nemini. Non etenim aliena dicas tua, quorum ipse ostendere non possis te authorem. Hinc postea & inter collegas legationis unius, morum & animorum nascitur dissimilitudo; cùm hi majorum imaginibus tument, & alios præ se aspernantur, & rursus illi contemnunt contemnentem. Quæ omnia apud exteros præsertim & citò notantur, & subito vulgantur, & rebus eorum, principis dignitatique adversantur: quidquid enim
legati

Mart.
Crome-
rus.

legati intriverint, id exedendum est eos mittenti. Dixit mihi aliquando Cromerus, vir non quidem genere, sed doctrina & eruditione clarissimus, cum apud Ferdinandum, Romanorum, Hungariæ, Bohemiæque Regem, cum perillustri quodam procere Sigismundi Augusti Poloniae regis fuisset legatus, sic ante regem in scamno, quod capiebat duos, collegam sedisse, ut ille excludi non obscure videretur. Tum Ferdinandum dixisse: Sedeat, inquit, uterque, cum & in legatione uterque contineatur: quod non evenisset, si inter se legati ipsi differentiam non quærent, & quadam veluti rivalitate animo opinioneque non variarent: *persuasio enim de seipso magna alterius contemnendi fax est certa.* Quo etiam restringendum semper quàm augendum dicerem numerum legatorum, & vix ipsum ternarium excedendum, ipsis mittendis. Fit enim, ut cum plures pluribus stipati comitibus veniunt, bellandi causa venisse; pauci, tractandorum negotiorum ergò legationis comitatum dicantur excessisse: non tam enim numerus aut comitatus, quàm ipsum pondus & concordia mutua legatorum spectatur: quæ si omninò desideretur, (desideratur autem in pluribus sapissimè,) statim omnes laborant infamia levitatis. Factiones enim inter se excitant & alunt, & variis ac multiplicibus nunc harum nunc illarum rerum narrationibus principi causam & occa-

occasionem præbent de eorum fide , aut saltem prudentia dubitandi. Non temerè igitur veteres aut inter discessuros legatos concordiam faciebant , aut verò ultro ipsi per se legati peregrè profecturi inimicitias deponebant. Pulchrum est Græcorum illud : Relinquamus his in montibus , inquit , inimicitias inter nos veteres ; resumemus , si placuerit , cùm à legatione revertemur. Quis enim amicitia cum aliis alicui sit fida , si nulla cum collega fuerit ? aut quis bonum testimonium ei dederit , cui itineris comes negaverit ? Et tamen hoc vitio cùm inter alios , tum inter Christianorum principum legatos , maximè laboratur , quibus Christus Opt. Max. sui amoris symbolum concordiam dedit , & non adumbrata , sed expressa vestigia reliquit lenitatis. Quod non aliunde provenit , quàm ab animi quodam tumore & impotentia , & quòd nonnulli partim debitorum , quæ solvenda essent , nisi legatio obstaret , gratia , partim compendii alicujus , & ut semper , quod prætendant , habeant , causa , ambiunt temerè legationes ; & eorum sibi comparant ad eam rem patrocina , à quibus , principum dignitatis ergò , deberent potiùs removeri. Quo magis ipsi principes viderint , quibus faciem suam ad externos permiserint deportandam : & si non præstiterit , conciliare inter se & domi retinere profecturos , quàm demùm audire digladiari à se missos fatuos vel ambitiosos,

bitiosos. Sumptibus quidem legati providendi sunt necessariis, ne in medio veluti quodam rerum cursu gradum sistant, & cum vel à portu parum absuerint, contrariis ventis subito trahantur. Difficile dictum est, quantus hostis paupertas sit fueritque semper virtutis, & quàm, Reipub. insigni detrimento, navis & industriis viris ejus facultates denegantur. Eorum autem loco augentur ii, qui poterant, & haud scio an debebant, facultatibus caruisse: tantum enim abest, ut iis sint usui, aut decori alicui, ut quasi quædam etiam instrumenta libidinum videantur, quibus apud exteros abutentes, & non injuria dicti ventosi, passim proculdubio irridentur. Quod ne fiat, senes & maturos, ut antè etiam monui, in legationibus mittere præstiterit, in quibus multa semper dies lenivit, ætas mitigavit; & quos experiundo contempsisse, satietate abjecisse quædam etiam præter opinionem aliquando deprehendas; sed ita, ut & hi nullum usquam relinquunt vestigium avaritiæ & cupiditatis suæ: *senectus enim affert secum morositatem, & habendi sitim.* Quæ cum omnibus fuerit turpis, tum legato turpissima: munera enim legati accipere possunt, sed qui quæstus gratia legationes obeunt, his principes nihil debent. Sunt enim quædam gratuita, & quæstus gratia aliæ susceptæ legationes. Hæ nullum, illæ habent duplex beneficium: unum à lege, alterum ab homine.

Unum

Vnum ergo illud tam foedum avaritiæ vitium, quàm longissimè absit à legato ejusque animo, qui major ferè habetur imperatore ipso. Etenim hic multa officia, quorum ipse imperitus est, opera aliorum administrat vicaria: legatum verò propria non aliena, vera non fucata ornamenta commendant. Unde etiam bellatorum nescio quis ille, unius sui legati ore, quàm maxima quaque militum cohorte, arces cepisse se plures gloriabatur. Quo etiam legati ipsius functio & amatur vehementius, & colitur numinis instar impensius, & illustris ac magnifica semper habetur. Quis enim eo sit charior, qui arma verbis dirimit, gentes & nationes in hostes confociat, adversarios voce opprimit, socios perpetuo otio atque quiete latari facit, cum omnium non dicam laude, sed planè etiam admiratione? quis illo sanctior, qui Christi & Apostolorum, & ipsius denique annunciantis refert personam Gabrielis? & non tam armis aut satellitibus septus, quàm jure gentium vallatus, quò, & quando, & quomodo vult semper pervadit? quis denique legato habeatur illustrior, qui tot honorificentissimis legationibus cum dignitate obitis, tot regiis visis, tot colloquiis & responsionibus regum auditis, quàm ullis lauri foliis citò arescentibus rectius gloriatur? Quo nomine cum multi nostra ætate alii, tum nimirum Cardinalis Moronus, nescio quid plusculum laudis

*Pyrrhus,
Linea.*

landis sibi tribui, modestè licèt, cupiebat :
nam Pardi instar, qui, ut tertio assultu fe-
ram capere, sic & ille negotia conficere
confuevisse, vulgò dicebatur; cùm revera
prudenti legato nihil sit majus, nec magis
necessarium, neque aded commendabile
hominum memoriæ sempiternæ. Ac me-
moria inprimis fuerit dignissimum, quod
de Ludovico nescio quo Galliarum rege
vulgò circumfertur, qui cùm per legatum
suum hominem industrium Caroli Bur-
gundiæ Ducis animum à se nonnihil aba-
lienatum, & spe cujusdam ab eo defectio-
nis subjectorum belli cupidum fortè co-
gnovisset, certa quadam uti arte, & per
eundem illum legatum de omnibus pacatè
cum eo voluit transegisse : *præstat enim le-
gatione, quàm armis omnia terminari* Hoc
facto ad suos conversus, nunc hos capitali
affecit supplicio, nunc illos in exilium e-
git, nunc alios gravi ære multavit; Quod
non fecisset, si & prudentem legatum, &
minimè præcipitem ad vindictam animum
non habuisset : non enim nisi lento & bene
firmato pede rebellionem aggrediare ca-
stigandam; & tantum quidem in mitten-
dis ad externos nunciis positum est discri-
minis, ut pax & bellum, felicitas & infeli-
citas, contemptus & majestas principis
inde haud dubiè proficisci videatur. Sed
meminerimus, non omnes peræquè esse,
qui videri cupiunt, & alios opinione vul-
gi, alios incorruptè judicantium judicio
cen-

cenferi sapientes, aliam denique verbosam, aliam rerum omnium dominam esse sapientiam. Quam ut hic perfectè non discamus, proximè quidem ad ejus perfectionem accedere conniti debemus, & opinionem semel de nobis excitatam virtute & constantia tueamur; *neque perperam & malitiosè facta latere diu posse*, aut ex latebra impunitatem sperare nos debere arbitremur. Pulchrè enim alicubi Sophocles:

Nihil occulto quando cuncta tuens,

Et cuncta audiens, omnia revelabit dies.

Quo etiam magis turpia quæque & ignominiosa mandata studiosissimè sunt vitanda, & tam occulta omnia, quàm quæ in aliorum vergunt exitium, nobis non invitis nec invidentibus, cuivis potius quàm nobis mandentur. Habent enim nescio quam speciem proditoris, quæcunque aguntur simulatè: non enim illi solùm, qui scelere & maleficio pascuntur, sed qui ad eò etiam in aliorum necem consilium præstant, habentur interfectores. Vnde ut varia legationum & mandatorum sunt genera, sic maximè desideranda sunt magis pacata & tranquilla, ne aut malitiosi, aut ingrati, aut etiam leves & temerarii habeamur. Quis enim legatorum futurus est gratus, quem mandata fecerint odiosum? & quem paulò curiosius in Repub. versantem, non reddiderint tandem suspectum, præsertim tot sectis tam inter se dissectis, & non tantùm animis, verùm etiam castris

regibus inter se dissidentibus, quorum aliqui ideo se, legatosque suos, maiorem auctoritatem habere putant, quod superiores non agnoscant, quasi & Deo Opt. Max. non liceat rebellasse, quod tantum abest, ut probari debeat, ut quod graviore animadversione dignius sit, tempori & occasione eò magis reservetur. Non enim impunitas authoramentum errorum, nec conspiratio bonis nocuerit improborum. Sed relinquamus querelas, ac unum illud sequamur, & utinam quidem assequamur omnes, ut sicuti capitis unius membra Christi, ita & doctrinæ consensione unum in ipso simus, & non tam otiosis syllogismis dogmata, quàm fortibus factis imperium proferendum judicemus Legatis, qui & majorum nostrorum suus honos constaret, & eorum auctoritate, quibus olim paruerunt omnes, sartâ tectâque conservatâ, haud scio si quis ita fidenter alienis etiam inhiaret; sed *unius contemptus generat alterius despiciatum*. Quanquam & Maximiliani Primi Cæsaris tempore jam illud etiam moris fuerat, externos legatos longius ab aula tenuisse, & non facile aditum ad eos patuisse. Quod & Comineus in Hispaniis sub Ferdinando Catholico rege accidisse sibi testificatur. *Vix enim alia aliqua re explorator ab oratore, quàm una illa differt impunitate*. Qui tantò etiam in suspicionem citius incurrit, quantò non modò regionis, sed illius etiam, apud quos versabitur, expers.

expers erit religionis: inter enim alia multa vincula, hominum animi, à qua & dicitur, maxime religione religantur. Neque tamen in omnes alios legatos fraudis & injuriæ subito cadat suspicio, neque vita & dogmatibus legati inquirendis opus est properato. Multi non tam judicio, quam errore & contagione quadam seculi, eò, ut diversum à nobis sentiant, delati sunt: & multi non tam voluntate, quam necessitate quadam superiorum jussu in curiositatis suspensionem tandem venerunt, cum ea disquirerent, quæ non videbantur debuisse. Sed & naturâ ingenta nobis *cupiditas est quadam, novi semper aliquid sciendi & sci-
scitandi*: & ut hominis finis non sit scientia, sine tamen ea in cognitionem rei creatæ & creatoris venire factu est incredibile, quæ nimirum summa nec scio, an una appellatur sapientia, quam non humanitus datam, sed cælitus fusam antiqui putaverunt. Sed sicuti quidem in omnibus rebus, quæ laudari debent, ars occultanda, sic & hæc curiositas comitate, affabilitate, & omnis generis erga indigenitales officio, necessario est regenda & regenda. Malum enim est, in suspensionem venire curiosi, sed multo adhuc deterius, sortiri nomen pariter & morosi: ægrè enim ubique tumidos, sed domi nimirum nostræ omnium ægerrius toleramus. Quamobrem sit illius dicti legatus vel inprimis memor, tales nos debere esse in inferiores, quales velle-

mus erga nos invenire superiores. Arroganter compellandi, scommata in aliquem jaciendi, temerè res aliorum æstimandi, & nunc hujus nunc illius ferendi de hominibus judicii, absit à legato quàm longissimè consuetudo. Accidit nescio in qua aula, quòd legatorum dictum est non nemini: Dominus, inquit, legatus perpetuò malè; ego contrà loquor de illo benè; viderit, ne nostrum alteruter mentiatur. Sed & sibi quàm alteri magis nocet, qui absenti obtrectatur: vulgo enim ostentat animi sui impotentiam, & minorem se illo, cui fortè invidet, testificatur. Denique observatum est, quod quando aliquis creatum periculum alteri voluit, quod bonus voluerit nemo, creditum est magis rem quasi aliam agenti, quàm ex instituto accusanti. Memorabile est Prosperi illius Columnæ exemplum, qui cum Ferdinando Consalvo, susceptis parvis quibusdam offensionibus, in Hispanias navigasset, cumque ab Isabella Ferdinandi Catholici Hispaniarum Regis conjuge, de eo, deque rebus ab eo gestis interrogaretur, quo loco Neapoli esset, & quomodo in vulgus ejus actiones probarentur; Perbellè, ac unum illud deesse illi diadema, acutè respondit. Quæ demum responsio causa fuit, quæ ab hinc centum annis ex Hispaniis Neapolim profectionis extitit Ferdinandi, qua Consalvi administratio & authoritas fuit paulò diminuta: semper enim suspecta regnantibus

bus procèrum est virtus & amplitudo :
quanquam viderint, ne dum suspicionibus
indulgent, erga bene meritos ingrati ha-
beantur : sed ad curriculum revertamur.
Legatis quidem illud vel potissimùm curæ
sit, ut quæ nocere gravius eis possint, omni
ratione fugiant ; amplectantur, quibus ju-
vantur : Vnde & rarò quod dixi conviva-
ri, non indulgere alexæ, non commessatio-
nibus, non aliis id genus voluptatibus
multum dare temporis, legati expediet di-
gnitati. Nec verò & primos illos in men-
sa petere accubitus, non interrompere a-
liorum in sermone exorsus, in suo non ha-
bere morsus ; sed & consideratè, & paula-
tim, & pauca loqui, quod sæpè dictum est,
summæ prudentiæ judicatur. Etenim vel
ex minimis de summis aliquando capitur
conjectura. Itaque ut vel ad minutiora et-
iam descendamus, rarò, nisi prorsus ha-
buerit neminem domi suæ, loco se posue-
rit legatus primo, ac nec secundo ; sed præ-
ferat sibi pares, præmittat superiores, ac
nec eò usque inferiores demittat, ut cùm
mensæ suæ hospites adhibuerit, conturba-
tos quàm recreatos potius dimisisse, & si-
bi, non aliis honorem & authoritatem iis
quæsisse videatur. Vt enim musci levi cor-
darum tactu, quàm gravi aliquo pulsu, de-
mulcent magis aures ; sic civili ratione,
cùm comiter aliquem excipimus, placidè-
que & suaviter tractamus, quàm contra-
ctione aliqua frontis, & supercilio gravi.

omnium nobis conciliamus magis voluntates. Et habet quidem unusquisque in se legatus naturas, ut ita dicam, duas: Propriam sive naturalem unam; Principis, quæ illi est imposita, alteram. Quapropter, sicuti quidem in Comœdiis aut Tragœdiis, qui aut Cæsarem aut Pompejum repræsentant, eorum videri quàm simillimi cupiunt; finita autem scena, relictaque chlamide ad gestus & vestitus proprios revertuntur: sic quidem & legatos in publicis theatris aut congressibus sui principis, cujus personam referunt, par fuerit ineminisse; sed reverti hand ita gravatim ad suam in convivu familiari. Est enim publicum cum privato decoro ita miscendum, ut & supra conditionem nostram nunquam nos efferamus, nec nimium demittentes, gravitatis nostræ & principis, à quo missi sumus, dignitatis penitus obliviscamur. Alterum quidem agrestium, alterum superbiorum nomen & invidiam facile nobis conflabit: & si aliquibus admirationi, pluribus erimus contemptui: novi quippè mores & numismata respuuntur, & differt unius gentis ab altera natura, & nunc hujus nunc illius aulæ consuetudo. Nam ut illud etiam denuo ipsum, quod paulò antè attigeram, breviter succinctèque commemorem, & quisquam dubitabit, quod quibusdam in regnis capiundi pro se cuique loci facultas in mensa datur, alibi verò non nisi arbitrato hospitis

spitis hospes collocatur. Quid igitur? An & hoc ei, qui in aulam legatus venit, scitu non fuerit necessarium, tum ut alios apud se discubituros collocare sciat, aut eorum voluntati & iudicio id permittat, tum verò ut & ipse locum sibi eligat, personæ & dignitati suæ congruentem. Minuta hæc sunt fateor, sed turpius est ignorasse illa, quàm discere noluisse. Vnum autem, quod toties dixi, quodque ipse gentium Doctor alicubi monet, Piè, castè, sobrièque vivere in legationibus sciamus, & alios ad exhaurienda pocula non tantopere urgeamus. Enimverò nescias, cùm aliquando potum volueris effutire vim apud te omnem quam habet secretorum, quod tu ipse in eandem illam, quam alteri struxeris foveam, facile etiam illaberis. Vna illa *ebrietas omnis licentie est mater, & infida custos taciturnitatis*. Quid quod & refugiunt talem legatum homines; ut contra sobrietatis & taciturnitatis fama invitantur ad eum quàm plurimi, & legatus quod non scit hodie ab uno, resciscit postridiè ab altero, atque item tertio, humanitate & taciturnitate nostra victis, & quodammodo in legati sententiam & familiaritatem sensim perductis: compedes enim injicit, qui credenti se alicui fidem servaverit: & qui major existens, facit sibi inferiorem, vel nonnunquam cum gravitate parem. Omnes enim ferè homines contrarium licèt præ se ferant, æstimant se magno, & æstimari cupiunt,

piunt, præsertim ab æstimato. Ac ut nihil magis sit lubricum & incertum quàm verborum pompa & externa ista denuncia-
tio voluntatis, tamen mirum est, quot & quanti his rebus etiam capiantur. Non sit tamen in taciturnitatis quærenda laude legatus, ligatus celare aliorum crimina, in principem aut suum, aut eum apud quem versabitur, commissa, si præcipuè ea de re fuerit requisitus. Quo minus & facilis aliis, præsertim quos aut non diu, aut minus probè novit, regibus commendandis. Nam præter quòd suos sibi ab exteris commendari ægrè ferunt reges, non multum in recessu gloriæ & emolumentum subita aliqua habet commendatio, cùm quos commendaverimus, commendationi non respondentibus, cum quodam veluti rubore quotidie in aula intuemur, & aliquando imponimus nobis necessitatem pro sceleribus, si quæ fortè eorum inciderint, respondendi. Et quoniam memoria plerumque est labilis, consignet quotidie legatus literis, quæ vel ipse loquitur, vel audit ab aliis, notatu præsertim digniora. *Fuerunt usui multa, quæ delituerunt in scrinio diu secreta.* Sed hac in parte & princeps & legatus ipsius sint cautissimi, nec illa temerè velint literis committere, quæ aliquando possent vulgari. Etenim sicuti nulla alia magis re, quàm epistolis communicantur plurima, ita volunt & debent esse secretissimæ illæ, ne in manus aliorum devolutæ
damnum,

damnum, aut ignominiam pariant nobis sempiternam: omnia enim secreta anxie quærentur, & occulta inveniuntur. Severus olim Imperator Clodio Albinio occiso, statim inquire ipsius literas jussit, & quæ ad alios scripserat, & quæ responsa habuerat; tandem invenit, quo erat factum, ut multi hostes patriæ à senatu pronunciarentur. Cui rei ut occurrere quidam potuissent, tabellis ligneis, scriptura desuper cera obducta, hostium consilia suis prodiderunt: & aliqui loris circa baculum complicatis, quæ sciebant secreta, perscripserunt; alii è castris & munitionibus bullas plumbeas, certis notis consignatas è funda miserunt, & denique etiam nonnulli literas sagittis interpositas, sunt ejaculati. Vt epistolas, quæ lacte, aut succo capis scribi possunt, non commemorem, quarum characteres ad ignem admoti exeunt, & in apertum veluti ex nihilo proferuntur; & ut literarum notas, quas vulgò vocant ignotas, taceam, quibus secretissima quæque inter se communicantur. Quæ omnia ad legati & legationis munus pertinent, scienter & cum dignitate obeundum: quo haud scio si quid fuerit illustrius, utpotè cum una illa rectè obita legatione, legatus passim & ubique laudetur, suorum & hostium in ore versetur, præsens & absens, vivens & moriens commendetur; maximè si non tantùm ea, quæ propriè ad legationem, & tam negata

*Succo
capis scri-
bere.*

quàm obtenta postulata spectant, sed etiam quæ ad regem regnumque, sive provinciam, in qua fuerat, pertinent, fideliter explicabit: ut enim singulis ferè decenniis ea mutantur, & perpetuò floreat nihil, tamen his cognoscendis homines imprimis delectantur, & haud scio an juvantur. Cujus rei ut majorem lucem legatus exponendæ & obeundæ legationis habeat, brevem quandam ceu formam & lineamenta quasi extrema annotabo. Primum quidem legatus describet situm illius, in quo fuerat, regni aut provinciae, & tam antiquas, quàm recentiores appellationes regionum, urbium, & oppidorum apponet. Deinde habebit semper ad manum aliorum quoque tam veteres quàm posteriores descriptiones, quibus collatis, de unaquaque re facilius eliciat veritatem, nimirum quæ sit illius regni sive provinciae elevatio poli, quæ orientis & obeuntis solis, quæ Austri & Aquilonis partes, quæ longitudo atque latitudo, quæ circumferentia, quot porro minores alias provincias seu municipia, quot Archiepiscopatus & Episcopatus, quot navigabilia flumina, quot excelsos & superatu difficiles montes, quot munitiones, & quæ adhuc extrui possent, sortiatur. Deinde veniet ad ejusdem regni sive provinciae vicinitates, confinia, confiniorumque rationes, aëris temperiem, bonitatem soli, ubertatem agrorum, rivulos auri, argenti, & aliorum metallorum, commoditatem

vena-

venationum , genera & multitudinem ferarum , magnitudinem sylvarum , & similia. Ab his transibit ad mores & ingenia hominum , ad rationem & cultum vivendi indigenitalium , ad habitum & habitudinem corporis , ad speciem & quandam veluti proprietatem coloris , & oris denique ipsius ac faciei dignitatem. Nec verò non describet publicas etiam leges atque sanctiones, pietatem vel superstitionem nationis , peculiare consuetudines omnium, modum & qualitates cæremoniarum, terra marique militandi usum , militem domesticum , & quo aliquando utitur etiam externum , ducum munia , prærogativas , præmia ; inferioris verò militiæ ordinem, stipendia ; procerum vires & magnificentiam ; nobilitatis vigorem ; frequentiam & facultatem plebis ; mores & consuetudines gentis, & omnium tam politicorum quàm ecclesiasticorum statum & conditiones. Postremò verò accedet ad ipsum, ad quem mittetur , principem , suis (quod ajunt) coloribus depingendum , ordieturque primùm à genere, majorumque incubulis ipsius , demùm progressu temporum quibus artibus & occasionibus creverint, quas domi forisque res gesserint, quale nomen in morte , quale & quantum imperium reliquerint, suis demonstrabit. Ac nimirum ad ipsius principis, apud quem legatione fungebatur , mores , ingenium , & tam ocii , quàm negotii illius rationes ve-

niet explicandas , & quàm odio habeatur vel ametur à suis , suspiciatur vel contemnatur ab exteris , quantum vectigalium ei sit, quot rursus & quantos sumptus faciat, quantum militiæ foris, quantum domi stipulatorum alat , qualem & quantam aulam, quales consiliarios, quales domesticos. quot & quales corporis custodes, quibus cum amicitia aliquid & hostilitatis habeat , & quæ denique tam subsidia pacis, quàm præsidia belli, pro re & occasione nancisceretur. His enim sciendis & resciscendis legati ditescit animus, & lucem haurit principum non nemo, & tota denique ejuscemodi legatis condecoratur regio atque religio : sunt enim idonei legati, tanquam quidam flores populi , quibus constat honos omnium , & pax & tranquillitas , in qua cultus Dei & religio viget regionum. Sua denique scire & ignorare aliena, dimidium est scientiæ in Repub. gubernanda, & una sunt illa, ad documentum posteritatis obitæ legationis , scripta relicta , & in archivum regium , tanquam in quoddam sacrum, importata , quæ seriem & vicissitudinem testantur temporum , memoriam conservant præteritorum, & industriam ac opera locupletant scriptorum. Sciendum tamen est , non peræque omnibus scriptis & scriptoribus habendam esse fidem : nam multa dicuntur partim odio , partim inscientia, partim vanitate. Sed unum illud omnium maximâ dat authoritatem eorum
moni-

monimentis, cum non modò interfuerint, sed & præfuerint ipsi aliquando rebus, & placuerint si non cunctis, saltem sanioribus, & perfuncti postremò legatione, ejus rei testimonium ad suos retulerint luculentum: nefas enim est, sine ejus ad quem veneris, & sine illius, à quo missus fueris, scitu & voluntate ab aula discessisse; ac multò minus decuerit, non deposita legatione, apud exteros remansisse. Quod olim Philippum Callimachum Italum, à Florentinis ad Cazimirum III; & Andream Dudicium Sbardellatum Hungarum, à Maximiliano Cæsare ad Sigismundum Augustum; & Andream Lorichium Germanum, à Joanne III. Sueciæ Rege ad Stephanum Poloniae Reges constat fecisse, & in Polonia remansisse. Quod ipsum & Polonici cæli non omnium inclementissimi, & nationis haud ita incivilis est argumentum. Vix enim aliquis paulò cultior mores suorum, nedum aliorum barbaros, & regionem patitur horridiorem. Quid quod multorum & saniorum est opinio, præstare ejus principis, apud quem fungere legatione, retulisse literas parum moratas, quàm sine obitæ legationis aliqua saltem nota ad suos revertisse. Illud enim principis, qui scribit, animi tribuitur impotentia, posterius aut legati metui, aut verò levitati. Cum tamen ejusmodi legatis, qui pro patria aliquid experti difficultatis sint, aut mortem obierint, statuas & trophæa erecta antiquitus me-

*Andr.
Dudicius
levitatis
arguitur.*

morentur. Curet tamen, quantum in ipso fuerit, ut ne tales quidem, quales odio & contemptui essent, legatus domum referat literas, & legatum, non tabellarium, se esse recordetur. Aut si apud morosum aliquem principem obtentu id erit incredibile, exemplum literarum earum, quæ sibi dabuntur, petat, eoque viso dehortetur eum ab instituto: est enim magna loquendi, sed multò in principe scribendi major licentiæ turpitudine. Proditionis verò alicujus simul ac convictus legatus fuerit, & sine retardatione & gravissimè puniatur, ne, qui non modò facto, sed etiam peccare videtur & exemplo, propter authoritatem & ejus, cujus personam in se sustinuerit, majestatem principis, impunitus dimissus dicatur. *Facilius enim impunita imitamur vitia, quàm, quæ in aliis præmiis affici cernimus, virtutum exprimimus simulachra.* Iam verò nec illud quoque, quod quibusdam placuit, unquam probavero, principi alicui verbis dandis, prius legato, qui ad eum mittitur, dari oportere, quò acrius persuadeat, nihil simulationis in mandatis latere suspicatus. Quorsum enim hæc fuerit simulatio, cum aut bono aut secus viro mandanda sit legatio? & fido quidem verba non expediat dari, infido se committere planè sit fatuitatis. Nec item alterius laudavero sententiam, qui verbis planè iis vult exponi mandata, quibus ab ipso rege aut principe fuerint pronunciata. Cui enim bono daretur divi-

nitus

nitus eloquentia? si pro re & occasione ea non uteremur? & quasi omnes & singuli principes sint ad persuadendum faciles & uniformes, cum concitatus unus & vehemens sit, sedatus & temperatus alter: ille fundat multa ex tempore verba, hic proferrat etiam meditato pauca: ille det ambigua, hic clara responsa: ille propositas sibi res in disquisitionem ponat, hic sine cunctatione respondeat: ac unus non immoretur, alter deliberet diu. *Vt enim facies sic diversa sunt ingenia hominum*, & non nostris principes, sed nos expedit accommodare se nutibus regum & principum maximorum. Atque ut medicus cibi, & chirurgus balnei, non nisi ejus, qui consilium petit, cognita prius necessitate, tempus & rationem præscripserit: sic & legatus non nisi in arena (quod ajunt) quid illi faciendum, omitendumve fuerit, consilium capere poterit & debebit. Denique ut corpora nostra sine alterna quiete & exercitio; sic nec rerum tractatio potest esse tam aliquando felix, quàm etiam diuturna. Nam si is, qui negotia tractare debeat, celeritate tantùm rationi inimica utitur, quæ ipsius est anima, expers erit dignitatis; sed oportet ut hoc cum illo misceat, & moram festinationi cupiditæque suæ interponat. Cum enim volumus esse diligentes, sæpè aut leves, aut importuni habemur: & tantum quidem abest, ut re, quam tam anxie quærimus, potiamur, ut vel eò etiam magis, eos quibus cum nobis

bis negotia fuerint, principidè erga nos arrogantes, mox obstinatos, postremò etiam cognoscamus furiosos. Itaque ut vel aliquando paulò tardius detur nobis responso, non subito præcipitata omnia velimus, aut etiam interpretemur iniquius. *Multi magni morbi* (inquit Cornelius Celsus) *curantur abstinentia & quiete.* Hoc item modo magna quæque negotia, magnâ rerum humanarum tolerantia ad exitum optatum provehuntur. Facilis quidem procrastinationis & tarditatis cujusvis invenitur explicatus: nam aut alicujus rei successu temporis veritas disquiritur, aut postulata habentur injusta, aut despicabiles ii, qui eorum sunt authores. Si non extrahendi temerè temporis causa, sed investigandi veri aliquid interponitur morâ, tolerandum est patienter: si injusta legati videbuntur postulata, ut dissimulanter aliquandiu id feratur; nec illud quidem latuerit diu, si contemnimur, ne aded plus etiam & periculi & difficultatis sortiamur, seridè & sollicitè provideamus. *Importuna petitio despicatum, injusta odium, difficilis aliorum animum reddit erga nos alienum.* Nos verò contra hæc omnia minimè præcipientes simus, ne si fortè negatum nobis aliquid fuerit, ad arma necessitatem recurrendi non tam habuisse, quàm ipsi quæsisse videamur: *in multis enim bonis, imprimis nominis & fama, & bonum amemus publicum.* Quid quod sæpè sæpius usu venit, ut nec in ipsa quidem

dem desperatione omninò sit desperandum, præsertim cum ratio præest, & appetitus ancillatur; & tam is, qui petit, quàm & ille à quo petitur, sui non obliviscitur decoris, status & conditionis. Sic olim & Carthaginenses à Romanis petebant interdum aliqua, quæ nec peti, nedum obtineri videbantur potuisse: & nihilominus tamen postremo facta sunt tandem etiam & facilia ipso obtentu. Non tam enim petentis, quàm à quo petitur, consideratur sæpè conditio: nec tam propter alios, quàm propter nos ipsos multa multis elargimur. Vnde illud sermonibus vulgò crebrò usurpatur proverbium, quòd *juvat audaces fortuna*. Nam quantumvis licèt actum immoderatum fateamur esse audaciam, tamen juvari, ut plerumque fit, audaces videmus, & contra omnem rationem & consilium fieri quamplurima, quæ nihilominus sequi, quàm secus, præstiterit, & in consilium non admittere casum, nec velle videri temerarium. Semel enim & iterum fortunam, quàm rationem magis secuti, & repulsam passi, simul imprudentes impudentesque habemur, & in eorum, quibus cum negotia tractaverimus, odium & suspicionem incurrimus, quorum alterum periculi, alterum nostri causa est despicatùs. Nemo enim iis quæ petuntur negatis, facile sibi promittat largiora, & duplex ferè accepti & negati beneficii est ratio; dato, ad danda invitamur plura; negato, nos ipsos privamus

vamus voluntate dandi etiam minutiora. Antequam igitur aliquid postules consulto, postquam postulaveris animo opus est magno, postulatis quæ negantur obliviscendis: ridiculum enim est, ut pomis pueris negatis, sic cruciari prudentiores irritis eorum postulatis. Quò magis in legati cognitione & intelligentia rerum multum est positum, qui ne quid in eo resideat culpæ, consignabit mea quidem sententia tutius omnia literis, & adeò familiaribus & domesticis suis, cunctorum in legatione, vel minutiorum author erit notandorum: ut enim in urbium irruptionibus, præliisque majoribus, nunc hoc iste, nunc videt ille, nec peræquè in narratione rerum concordant universi: sic se habet & in legationibus, quod plus aliquando, quàm legatus ipse, observant ejus familiares, præsertim si sagaces fuerint, & in penitiora ædium intromittantur regiarum, ubi is, qui veluti in proscenium prodit, in rem ipsam intentus, parum aut nihil circumstantiarum videt, comites facilius omnia per se ipsi intuentur. Ad eum modum legatus legatione functus, domumque suam reversus, principi amabilis, omnibus admirabilis, & æmulis suis, qui, ut umbra corpus, legati comitantur industriam, reddetur formidabilis. Qui tantò etiam aliis communicabit hæc libentius, quanto inde suæ gentis omnes & singulos major manet honos; & secura recordatio naufragiorum affert in

tran-

tranquillo plus voluptatis. Ut enim ii, qui ex magna aliqua portum capiunt tempestate, illis qui portu solvunt, præstant se commodè monitores: sic quidem & legationes publicas obituri, aliorum admonitiones nunquam respuunt salutates. Quæ cum ita sint, præclarum sanè legationis censendum est munus, siue sanctitatem, siue utilitatem ejus spectes, & siue publica siue privata commoda intueare. Ac proinde probè navata Reipub. à legato opera, ornat princeps eum & munerabit semper, ut alii etiam ejus exemplo ad virtutem accendantur: *ut enim humana corpora cibo, sic virtus suo alitur premio, nec libenter feruntur labores, qui nullo prorsus emolumento allevantur.* Quis enim nescit, magnos magno semper vivere, & *aulam splendorem & magnificentiam postulare?* Sic ut æquissimum sit, præter illas, quæ profecturis dantur pecuniæ, opibus Reipub. legatos præterea augeri: magis enim Respub. idoneis indiget viris, quàm vel illi ipsi, Reipub. divitiis. Ac tantum quidem abest, laudi ut fuerit, ineptis idoneorum loco dare, ut solem è mundo tollat, qui virtutem inedia & contemptu labefactat: nemo enim honoratus ipse, habitantem adit sordidè; nemo æstimat viventem parcè, nemo observat cum uno aut altero inambulanti comite; nemo miratur absque currubus, equis, & phaleris, in quodam quasi hærentem pistrino, perpetuæque egestate, & denique non

non solum hominum vulgus ipsum, qui hoc maximè capitur, sed & prudentiores requirunt in nobis splendorem vitæ externum, inprimis autem vel internum. Iam verò ut semel & iterum legatus expectationi non responderit, abstineat princeps uti ipsius opera, nec velit committendis erroribus videre aut reddere solidiorem: legatio enim requirit maturum hominem, non tyronem; gravem, non histrionem. Nam quantulum idcunque fuerit, in quo legatus pedem impeggerit, augetur verbis vehementius, & hæret memoriæ diu, nec vel unius lapsus, plurium, qui eum subsequuntur, emendatur firmitate. Quo etiam eorundem legatorum, qui bene se gesserunt, opera, quoad ejus fieri potest, diutius apud eosdem illos principes magis expediet uti, ne novi & non peræquè experientes, in errorem aliquem crassum prius illabantur, quàm erudiantur: scopas enim & ministros novos initio laudaveris, sed paulò post plura ferè in iis quàm veteribus requiras. Sed nec ita princeps, ut unum & eundem semper mittat, veluti cuidam necessitati alligatum se arbitretur: nam qui identidem & perpetuò operam navant, deberi sibi omnia existimant, & facilius sibi præfidunt, & denique corrumpuntur. Ac ne multa, tam princeps dimittendis legatis, quàm legatus ipse his rursus rebus negotiisque tractandis, magno delectu, consilio & rerum usu ipso opus habet: turpius enim cum mandatis

mandatis revocatur, quàm ea negantur legato, & quàm rectè factis suum honorem tribuamus, minus alterius commiseremur infirmitati. Interim tamen meminisse pro se quisque principum etiam debet, quòd in hoc mundo immundo, ceu vitiorum quorundam versamur omnes Oceano, & montes atque colles stare, homines hominibus obviam fieri, & tanquam lepores leporibus simillimos nasci. Iudicia quidem sua ferre de nobis vulgò varios varia, sed (ut plerumque fit) sæpius etiam nihili & temeraria. Victis ergo ratione tantum valetudini consulendum, & medicorum turbam negligendam. Observatum est, non per æquè tribui laudem & præmium virtuti, quàm præstari patrociniū scelerī, nec tam suspici doctum & diligentem, quàm cum hoc commisceri rudem & insipientem. Regium verò esse, beneficiis obligare sibi multos, fideles licet experiatur quàm paucissimos; audire vulgò malè, & facere nihilominus benè; vitis etiam quàm hominibus plus succensere; ingrato aliorum animo non offendi, & quantum Deo Opt. Max. pro tot ac tantis acceptis beneficiis ipse debeas, & quid gratiæ exolvas, tecum ipse reminiscendo recordari; ac tum nimirum futurum te aliis quoque, quos ingratos dicis, æquiores. Vnum autem pro multis relaturum semel beneficio vicem, & Deum Opt. Max. tam esse semperque fuisse locupletem, ut aliorum inopiam possit & velit supplere.

supplere. Postremò Ioannis Sepusii Hungariæ Regis dictum illud esse memorabile: Si vel mille quotidie nos fraudarent homines, non admittendos in consuetudinem postridie quadrupedes; verùm cum illis ipsis hominibus vivendum & moriendum. Vnus Deus Opt. Max. est perfectissimus, homo homine imbecillior & imperfectior paulò plus vel minus. Vnam interim normam illam vitæ potissimum observandam, ut arcana celemus, pauca loquamur, nihil inconsultò aggrediamur: nec modò ordiendæ rei principia, sed finem adeò ac exitum cogitatione collustremus: falsitatem, quantum in nobis est, habeamus odio: parum aliquid aut nihil temporis otio, plus semper tribuamus negotio: virtutem honore, scelus dignum arbitremur supplicio: cohibeamus iram, servemus moderatorem animi & iustitiam: loco superioribus sine retardatione cedamus: inferioribus de eorum jure nihil prorsus detrahamus: fide & taciturnitate maxime commendari, pauperum misereri, ut & ipsi misericordiam aliquando sortiamur, velimus: & ante ultima funera *tempestivè discamus mori*, ne illa suprema die, qua multa incommoda simul concurrent, tanto, quantus futurus est, oneri atque angori, succumbamus. Nostrium istud, quidquid est, scire & vivere umbræ est simillimum. Nos igitur ipsos quàm alios potius noscamus, ne falsa persuasione de nobis inebriati, cum portum cepisse

nos, tum maximè portu solvisse videamur. Deus Opt. Max. bonorum author est omnium, qui dat & illuminat intellectum, & qui facit omnia sine errore, & nihil vult fieri, ut hic tantùm laudemur assimulata probitate. Facilè alioqui pedem impingit mortalis, sed qui lapsus non surrexerit, ad interitum ruet ipse voluntarium, quem pro se quisque tum maximè timeat, cùm præfide sibi ipsi cœperit; & morbum, casum, senectutem, quasi quosdam prænuncios mortis, ipsùmque aded se creatam rem, & creatorem noluerit agnovisse: Qui cùm unigenam suum filium apud nos legatione fungi, & ipse Apostolos suos quasi quosdam interpretes, & nuncios rerum vitæque nostræ magistros per orbem terrarum passim voluerit mitti, nos quoque ad unam illam æternam ipsius gloriam, legatos & legationes, nostræque dirigamus universa, & non magis dici, quàm esse in occasionibus idonei legati, & qui eorum mittendorum potestatem habuerint, inprimis considerati, ac quod denique summum est, eritque perpetuò, omnes omnibus in rebus & actionibus nostris non magis nomine, quàm ipsa re Christiani esse & haberi cupiamus.

Finis ad gloriam unius Dei Opt. Max.

STANISLAUS MINSCIVS
PALATINVS LENCICIÆ,
Christophoro Varsevicio S.

LEgi epistolam tuam, pronubam libri de legato & legatione tui, & quidem ita legi, mihi summæ ut fuerit voluptati: nam & amoris in me tui, & ingenii simul velis ita vectus es latissimè, ut horum utrumque sibi vicissim adjumento fuerit. Quid enim brevibus, vel de me honorificentius, vel de ipsa singulari materia gravius dici potuit? In quo cum omnia & doctissimi viri, & amicissimi conjunxisses officia, illud est quod vereare, ne dum me parem præceptis fingis, judicio gravissimo tuo nonnihil præjudicasse videaris. Amavi te semper, mi Varsevici, ut debui, cum ob singulare animi tui in me studium, mihi antea jam pridem notum, & antiquam familiarum nostrarum in hac provincia conjunctionem; tum ob eas animi dotes, quibus non solum te, sed & patriam exornare semper studuisti. Nunc verò te etiam atque etiam diligo, & admiror me herculè, quod inter tot tuas calamitates, & adversæ fortunæ procellas, non modò animum te dignum non remisisti; sed & studia ac literas ita coluisti, ut nunc plurima laborum & lucubrationum tuarum monimenta, externorum manibus summa cum laude tua passim conterantur. Ita senescere oportet virum, qui tot Imperatoribus, tot regibus, tot Principibus servierit, & charissimus fuerit, negotia domi forisque tractaverit, multas gentes, regiones, moresque ipsarum viderit, ut & prima vitæ tuæ tempora, & media, & extrema meliori præmio, non animo, à judicibus haud invidis digna fuisse censeantur. Ad quorum certè consensum, unus ego licet parvus magnarum virtutum tuarum & doctrinæ testis, libenter accedo, & dum ipse civili labore liberioris vitæ otium mereri studeo, favebo si unquam potero dignitati tuæ. Interim te valere percipio. Datæ ex Minscio VII Calen. Decembris. Anno M. D. LXXXXI III.

CHRI-

CHRISTOPHORI VARSEVICII,
DE CONCILIO

ET
CONSILIARIIS PRINCIPIS

Liber ;

Ex F. FVRIT CERTOLE Hispanico
in Latinum versus.

DE CONCIPIO

CONSILIARIS PRINCIPIS

Liber:

ET TERTIO CAROLO HUGUENOT
IN LINDHARTEN

Illustrissimo Principi &

Reverendissimo

D O M I N O,

D. G E O R G I O,

Miseratione Divina, Tituli S. Sixti,
S. R. E. Presbytero Cardinali,
Radivilo nuncupato, perpetuo Ad-
ministratori Episcopatus Craco-
viensis Ducatusque Severiensis nec
non Olicæ & Niesviez Duci, &c.
&c.

Domino semper colendissimo.



*Vi non modo suo Marte e-
dendis, verum etiam alio-
rum bonis convertendis de-
sudant libris, ne haud illi
ineptè fecisse, & oleum
(quod ajunt) operamque
videntur mihi amisisse. Aliena enim luctu-
lationis versio fidelis, cum utilis est multis,
tum tua ipsius opinionem prabet omnibus,
& argumentum navitatis. Quo magis hunc
Ceriolum Hispanum, Latine à me versum,
& sub tuo, Illustrissime Princeps, prodeun-*

tem nomine, si non omnibus, sanioribus saltem probatum iri spero, opto quidem certè; verbum enim verbo redditum est, quidquid in materia tam gravi & ardua, breviter & succinctè ab eo est exaratum. Quod sanè, multis multorum, vel longissimis commentationibus est præferendum. Sic enim respondet acumen ingenii pectoris candori, & disputandi subtilitas sententiarum gravitati; ut tales Ceriola consiliarii omni ævo optari, quàm sperari videantur mihi magis potuisse. Sed utinam quidem vel aliqua aliquando extet eorum similitudo, cum Cætones praturis, & non hæ illis sint fuerintque semper magis querenda; minus fortasse his moribus & temporibus Respub. laboraret. Quod tamen ego, assequi si vellet, velle autem debet, principum posse dicerem non neminem, vel hoc uno Ceriola per otium lectitando. Est enim rectus & rectus dandis consiliis, sic ut, licet ab alio quodam etiam conversum audierim, viderim quidem nunquam, non poenituerit me in eo vertendo laboris & obitæ, si qua fuit, difficultatis: uno illo excepto, quod in Polonicis quibusdam hallucinatus est rebus, & nimis magnam in candidatos dedisse licentiam, aula pesti videtur, obtreçtatoribus. Quod tamen ipsum non maligno ani-

mo illum fecisse, & hos, si qui fuerunt, novos, præclaris aliis consiliis obscurasse, & ab Hispanico nomine tyrannidis suspicionem falsam, quam alienæ felicitatis comes invidia, & civiles, inciviles admodum, inter Christianos discordiæ gignere consueverunt, quantum in eo fuit amorisse, quis ignorat? Quæ una (pace aliarum dixerim) natio inter tot tantasque alias, haud scio si obtinuerit in multis principatum, siue imperii quam habet amplitudinem, siue religionis spectes constantiam, siue denique morum præ aliis firmitatem, & moneta (licet minimum id fuerit) non suspecta cudente intueâre rationem. Quæ peraquè omnia non ita ubique inventu sunt facilia, & vel ipsa adedò monimenta, qualia ex Hispanicis prodeunt scriptorum, afferunt nostro seculo lucem, & nomen genti existimationemque singularem. In quibus hunc unum Ceriolum, Illustrissime Princeps, dedicare potissimum placuit tibi, quod & Hispanica lingua gnarus, & in omnibus Hispaniarum regnis summa cum pietatis tuæ & sanctimonie laude versatus, proptereaque & in aula illa à summo regum imprimis honoratus, & à me, antequam hæc ederem, quasi alter Ceriola Consiliarius semper fueris existimatus. Quem Deus Opt. Max. florentem, & quàm diutissime

Hispania
laudatur.

diutissimè seruet incolumem. Ego, quod
reliquum fuerit, me, servitutemque meam
offero, & commendo tibi sempiternam.
vale. Cracovia XXVII Iunii. Anno
1595.

D. Vestrae Illustriss.

& Reverendiss.

Addictiss. servitor

C. VARSEVICIUS.

CHRIST.

CHRIST. VARSEVICII,
 DE CONCILIO
 ET
 CONSILIARIIS PRINCIPIS
 Liber;

Ex F. FVRRI CERIOLE Hispanico in
 Latinum versus, inque lucem editus.

C A P V T I.
 DE CONCILIO.



Rincipis Concilium homi- *Concilium*
 num selectorum est con- *quid?*
 ventus, seu quædam con-
 gregatio ad consilium, in
 omnibus ei præstandum,
 quæ tam bello incident,
 quàm etiam pace; ut tanto

quidem facilius recordetur præteritorum,
 & futuris prospiciat, & in rebus delibera-
 tionibusque omnibus prosperum exitum
 sortiatur; ut adversa interim vitet atque
 fugiat, aut si evitari non possunt, quoad
 ejus fieri maximè potest, in id incumbat,
 ne quid detrimenti patiatur. Quem eun-
 dem conventum, propter finem, ad quem
 est excogitatus, placuit non nemini Con-
 silium appellasse. Nobis verò justis quibus-
 dam de causis, quas, ne prolixi simus, con-
 sultò

sultò præterimus, Concilium dicere videtur non ineptum. Quo tamen non obstante, pro se quisque, ut rectius existimabit, loquatur & scribat, cum hac in parte, Concilium vel Consilium dicere, perinde fuerit. Qua de re omissa disputatione, ad propositum revertamur. Est ergo concilium Principi idem, quod omnes ipsius sensus, ipsius intellectus, ipsius memoria, ipsius denique oculi, ipsius aures, vox atque manus ipsius: Populo verò est pater, est tutor, est curator: idem & uterque tam Princeps, quàm & illud ejus concilium, personam in terris referunt divinitatis. Quo fit, ut bonum consilium quandam veluti integram perfectionem & auctoritatem tribuat ipsi Principi; sustentet & augeat populum: & uterque, Princeps inquam & Concilium, boni, fideles, & verè sint ministri Dei. Ex adversus verò *malum concilium obscurat, & in nihilum ipsum Principem redigit, & ceu quoddam saxum reddit*: Quo olim aliquando veteres Romani suo Deo Termino effingendo utebantur: Populus ipse dissipatur, & tam Princeps quàm & ejus concilium, fiunt Deo Opt. Max. rebelles, & mancipia Sathanæ. Quæ quidem tales ac tantæ sunt res, ut nesciam, liceatne in hac vita spectare graviores. Quo magis etiam dies noctesque ipsis invigilandum est Regibus, ut tale exquirant & habeant concilium, in quo nec vel minimum desiderari posse videatur. Mihi quidem, cui

cui rationem & experientiam, & regulas maximorum Rectorum sequi placet, hæc stat sententia: Quòd etsi consilium Principis, non nisi existat unum, in quantum habeat caput, qui est Princeps; distingere nihilominus in partes multas illud oportere, quæ ipsæ non minus quàm pedes, brachia, & alia membra Principi respondebunt: quæ, licet loco, forma, & officio disparia sint, unum constituunt hominem; sic & concilium, quàmlibet, ut necesse erit, in multas dividatur partes, non plus quàm unum referet corpus, & declarabit unam videlicet & bonam administrationem, & defensionem, cujus caput est Princeps, & ejus membra diversitas consiliorum. Vnde, qui assignare voluerit regulas & ordinem alicujus boni concilii cujuscunque Principis, ante omnia explicare debet, quot consiliis indiget: & in quolibet ipsorum, quot consiliariis, quot præfectis, quot à secretis, quot scribis opus habere videatur: quas porro prærogativas, & quantum habere debeant auctoritatis: quomodo conveniendum eis sit, quo loco, & tempore, qua hora, quomodo proponenda negotia, quibus reddendæ Schedæ, quæ vulgò appellantur memoria, apud quos requirenda responsa, qua ratione dicendæ sententiæ, & alia quàm plurima: postremò necesse est, ut ostendatur, quo modo ipsa etiam concilia se mutuo ad evitandam negotiorum confusione

nem intelligant ; & quo pacto tandem concilium in extrema determinatione , antequam sequatur conclusio , informare ipsum Principem debeat , ad quem omnia necessario referuntur. Me quidem hunc ordinem secutum , par erit a prima parte sumere exordium , qua planum fiat , quot Principi concilia necessaria sunt futura.

*Concilia
septem.*

1. Quod quidem jam dico , nec pluribus quam septem , nec etiam paucioribus esse necesse : & ut denique disertè explicem omnia , repeto identidem , instituendum & servandum septuplex Principi esse concilium , pro toto & integro ejus imperio , negotiis , ministris , munere & auctoritate , si vult bene & citra difficultatem administrare Principatum. Quorum eorundem conciliorum , erit ærarii primum , & ita quoque Concilium Ærarii nuncupetur : Cui cura incumbet omnium proventuum Principis , tam descriptorum , quam extraordinariorum : & quomodo congregare , custodire , tueri , amplificare ipsos proventus oporteat : Quomodo etiam extraordinarii sunt exigendi , unde , quo tempore : postremò , qua ratione tributum ipsum imperandum sit , & quo pacto imponi , augeri , & promulgari sine damno & querela populorum queat. Nec verò non & illud animadvertendum est , ut etiam ea , quæ aut superflua , aut injusta , aut nociva & odiosa sunt , abrogentur. Huic eadem concilio omnium , tam belli quam pacis

pacis tempore, sumptuum Regionum incumbet cura: & ita quidem, ut modicè auferantur sumptus; alii autem qui fuerint necessarii, augeantur: *regum namque opes, non solum conquirendo ere, sed immoderato etiam demendo sumptu continentur.* Sic, ut hoc concilium Thesaurus sit Principis, aut ærarium, sicut olim Romanis antiquitus dicebatur. Sine quo, in quocunque tandem Principatu, Princeps egebit semper, & debita contrahet, & erit subjectis imperanda pecunia gravis, qua & ipsa sensim minuetur, populi verò exarescent, & instar mortuorum penè reddentur. Alterum concilium est pacis, quod erit illud, quod vulgo concilium status seu administrationis appellatur: continet quippè gubernationem universam. Quod unicuique pro eo, ut placuerit, appellare licitum sit. Ego Concilium Pacis nuncupabo: cujus erit proprium, circa civiles, & legum res sive actiones occupari, inspicere proreges, & rectores, correctores, duces turmarum, quos vulgo campiductores nuncupant: castellanos, præfectos, consiliarios, & reliquos omnes Principis tam belli quàm pacis administratos: si rectè suo aut verò secus funguntur officio; si tempus eorum administrationis finitum est, qui eorum surrogandi sunt loco, & qui etiam excludendi: postremò, ne vel provisiones quoque & expeditiones surreptitiæ fiant, est providendum.

dum. Hoc idem concilium ordinariorum
& extraordinariorum sumptuum subducat
rationes, si suo subministrantur tempore,
æquè bello atque pace: Quo magis dabit
etiam schedas, quarum ratione apud ærarii,
de quo diximus, concilium tandem præ-
stetur. Quod ipsum instar vasis erit alicu-
jus, ad recolligendam in se servandamque
pecuniam, & ab hoc fiet distributio, man-
dato & potestate concilii pacis, sine quo ne
unus quidem teruncius est absumendus.
Hoc deniq; idem expendet & perpondera-
bit secum concilium, quo cum ineunda &
quo cum sit abrumpenda pax, seu bellū or-
diendum: à quo alienior, & cum quo Prin-
ceps debet esse conjunctior: quo cum bonis
verbis tantum demptis rebus, & quibus
cum rebus ipsis uti expedierit: & in his o-
mnibus, quomodo, quantum, quando priva-
tim, & quando publicè est progrediendum.
3. Quo ipso erit hoc concilium tanquam ca-
put quoddam omnium reliquorum. Ter-
tium est consilium bellorum: & sic omni-
nè est appellandum. Huic intererit, quo-
modo arces rectè muniendæ, erigendæque
munitiones, quomodo tuenda sint confinia,
quibus tam bello quàm pace præsidia sarta
rectaque conservanda, & alia ejus generis
plura habere debet explorata. Idem & ex-
actè sciet arma, armorumque genera, exer-
citia, & omnem antiquorum rationem præ-
liandi: Quæ nimirum cum præsentis rerum
temporūque statu & conditione compa-
rabit.

rabit. Intelliget unius & alterius discrimen: equitum turmas, & peditum cohortes suo ordine disponet: & quæ gens aut natio, quæve in re præstet aliis, & quæ denique his vel emendandis vel immutandis via inveniatur, non ignorabit. Noscet egregiè sui Principis vires, & ejus hostium sive adversariorum: & utraq; quantæ futuræ essent, si sociorum adjungerentur potentia, aut quantæ rursus, si illa destituerentur. Quid postremò in præsentiarum valeant, & quid progressu temporis valere queant, circumspiciet animo, tenebitque memoria præterita sui Principis, & ejus majorum bella, & prælia universa, quæ videlicet principia, progressus, consecutionesque & eventus sortita sunt, & quid qualésque res, & causæ, ad dandas & accipiendas utrinque conditiones eos traxerunt. Hoc idem concilium sui Principis hostium circum vicinos cunctos, socios, confœderatos, & qui inimici esse possent, intelligendo assequetur. Nam demum eo modo non difficile erit judicare, si majores hostium fuerint vires, ut potius, quàm bellum poscamus, pacem; & si erit secus, ut item contrarium experiamur. Et si fortè hostibus sumus inferiores, quibus rebus, an armis, an verò usu & exercitatione bellandi, an ducibus, an præfectis, an pecuniis, an opinione & fama, an amicis & sociis, an comitatu, an rebus similibus, disquirendum. Omnibus autem his ritè

G 7 exami-

examinatis & perspectis, acutè & pruden-
 ter investigabit, quo pacto fieri posset, ut
 non solum nos ab hoste tueamur, sed aded
 fatigemus atque debellemus ipsum ho-
 stem. *Est enim certum, viribus & potentia
 prestare intellectum.* At verò in principatu,
 ubi horum reperitur nihil, errat Princeps
 perpetuò, quascunque tandem persequi
 res habet apud se constitutum. Bellum ex-
 tra tempus & rationem movet: admini-
 strare illud nunquam & multò minus scit
 terminare: ad fortunam refert omnia, &
 casus in ipsius consilio dominatur: ac ut
 denique aliquem vincat aliquando, uti ne-
 scit victoria: si autem vincatur, dejicitur
 animo, ac quo se vertat, ignorat, & mu-
 lierculæ instar, si non in hominum turba,
 saltem privatim secum ipse colluctatur.
 Atque ut id, quod ei reliquum fortuna fe-
 cit, tueatur, & suam debilem & mancam
 quoquomodo sustentet sive famam sive di-
 gnitatem, ad turpes condescendit condi-
 tiones aut induciarum, aut verò ipsius pa-
 cis. Quo loco risum movet audire voces
 inscientium, qui de fortuna conqueruntur,
 & non intelligunt, *exiguum ibi fortuna re-
 stare locum, ubi viget prudentia.* Alii verò,
 ita visum fuisse Deo Opt. Max. testifican-
 tur. Interim autem ego de divina provi-
 dentia non disputabo; verùm si licet, cum
 Paulo loquar. Si tales non sunt Deo à se-
 cretis, aut à sancta Trinitate non accepe-
 runt literas, quam habituri sunt certitudi-
 nem,

nem, ita habere rem se, quemadmodum ipsi asseverant? Nonnulli, nostra causantur scelera, & hæc quidem veritas est ipsa. Nam errores Principum, & eorum perversorum consiliariorum, illa ipsa sunt scelera, quibus ad nostrum & eorum exitium præcipitainur. Sed ne multa, iterum dico, quodd quandocunque tale, quale superius demonstravi, non habebit deinceps concilium, non mirabitur, adversa & infelicia omnia in bello sibi evenire. Quartum est de comneatu & provisionibus, & ita illud nuncupabo, Concilium Comneatus. Huic cura incumbet providendi & paciscendi de victu & comneatu, pacis & belli tempore, pro toto & integro principatu: & idcirco oportet, in numerato descriptaque habere eum omnia ad suum munus pertinentia & principatum: Quantum nimirum habeat comneatus: quantum ejus supersit, & quantum desit, quantum terramarique importetur & exportetur, & unde promitur, quo itinere, & quomodo, & quando affertur, & his similia. Quicumque autem à Principe exportandi comneatus postulabit facultatem, sine hujus concilii scitu & voluntate eam non assequatur. Revera, si tale concilium, ut expedit, constitueretur, neque bello neque pace deessent nobis necessaria ad vitæ humanæ sustentationem; & suppeditaremus adeò iis nostris, quorum amicitia & benevolentia indigemus. Iam verò dum illud desideratur,
con-

confunduntur omnia, & qualibet provin-
cia plurimas patitur difficultates. Malitia
aut avaritia paucorum necessarias surripit
res, desumusque amicis; inimici verò ma-
gnitudine pecuniæ iis rebus aliquando po-
tiuntur. Vnde nostri languent, & à nobis
abalienantur. Ac denique illud etiam ex-
perimur, ut ob talis concilii penuriam in
iis regionibus oriantur bella, ubi neque e-
quis neque hominibus certa vitæ præsidia
amplius relinquuntur, & vix in bellum e-
gredimur ipsi, ut nos deficiunt omnia, red-
eundum est domum necessario, aut præter
tempus turpis ineunda pax, sive induciæ
cum Principis infamia, & erga eum offen-
sione populorum. Duo namque subjecto-
rum benevolentiam Principibus concii-
liant, Vnum cum à potentioribus tuentur,
& vindicant suos: Alterum, cum illis be-
nè cum iis conveniet, sine quibus com-
mercia & negotiationes ipsorum agrè &
cum difficultate peraguntur. Quintum est
Legum, & ita appellandum est Legum
concilium. Hujus incumbet curæ, audire,
quibus functionibus, quibus magistrati-
bus, quibus rectoribus, & cum quali &
quanta potentia vel auctoritate Principa-
tus indigebit. Istud adinveniet, qui desi-
derabuntur, novos, veteres verò vel su-
perfluos abrogabit. Habebit præterea onus
condendarum, declarandarum, mutanda-
rum, & delendarum legum, & instituen-
darum, ut dixi, necessariarum. Hoc Conci-
lium

lium erit ceu Pater & defensor legum, omnemque animi seu mentis suæ in id intendet aciem, ut sine ulla exceptione, re & veritate eis satis fiat. Propter talis Concilii inopiam videmus in multis regnis & urbibus minus magistratuum, quàm Reipub. expediret; ex adversus in aliis plures, & quod omnium est pessimum, alicubi reperiuntur illi ipsi sibi invicem contrarii, & repugnantes magistratus. Quòd si non in rebus peræquè omnibus, saltem in aliquibus. Vnde infinita mala, simultates, odia, hostiles civium erga se animi, contentiones, & litium controversiæ enascuntur. Quæ demum conjurationibus, & effusione sanguinis, vel ipsius Principis, aut imperii illius ruinâ & in alios conversione terminatur. Multi autem ista non considerant. *Et quæ malorum semina uno anno jaciuntur, eorum messis supervenit in sequenti.* Apparet igitur, quantum sit positum in condendis emendandisque legibus, liberè ut audeam affirmare, in centum, nonaginta quinque erroribus vel defectu vel absurditate legum errari. Quæ ipsæ his moribus temporibusque nostris nullo amplius sunt usui, neque possunt aut debent custodiri: & quia non habetur tale concilium, neque mutantur, neque emendantur, neque etiam abrogantur, sed serviunt tantum causidicorum ambitioni & avaritiæ; ut iniquè & falsò serendis litibus sumptus cupiditatum per eas consequantur. Sextum erit

6. erit pœnarum, & ita appello pœnarum Concilium. Hoc omnia criminalia in se uno continebit, quantum spectabit personam ipsius Principis, pro re & occasione, aut via aliqua incidente. Feret etiam sententiam in & de omnibus criminibus, secundum illius urbis leges, ubi committuntur.
7. Septimum est præmiorum, & ita Concilium Præmiorum illud vocabo. Huic intererit, bene vel secus merita omnium & singulorum non ignorare; vitam & mores, virtutes, gestasque res habere exploratas, adeo etiam illorum, qui utut non petant, propter sua rara & excellentia merita, præmia meruerunt; At verò maxime eorum, qui adeo etiam, ut eorum ratio habeatur, instabunt. *Nam si infligenda pœnae sunt malis, suo honore & præmio minime etiam defraudare ipsam expedierit virtutem.* Omnia autem præmia, quæ Princeps distribuit, ex consilio ipsius concilii id faciet; nec sine ipsius scitu & conclusione hac in parte aliquid aggredietur aut terminabit. Interim tamen, quod tale desideratur concilium, virtutem passim in aulis videmus, ut plerumque fit, viluisse: Omnia cadunt favori aut nundinationi: Idoneus, & paulò obscurus vel pauper homo in angulo delitescit, aut tardè & ægrè admodum virtutis suæ refert testimonium. E contrario homines nihili, hypocritæ, sycophantæ, adulatores, plus experiuntur beneficentiæ, fiunt Principum familiares,
- aucu.

aucupantur, & assequuntur facultates. Quid igitur sequitur? Boni aguntur in furorem, nonnulli moliuntur vindictam, vindicta movet factiones, pariunt turbas, cades, tumultus, & Principis ipsius ac imperii ejus eversionem. Atque hæc quidem concilia sunt septem, ad quemlibet gubernandum necessaria principatum: & id cum propter alias multas & justas causas, tum verò ideo maxime, quod in tali distinctione, seu conciliorum divisione, melius & facilius expediuntur negotia, & Princeps ipse non tantoperè occupatur & distinetur, cum caruerit tot tantisque curis rerum à se petitarum, aut petendarum. Ipsi etiam subjecti, non tantam valetudinis, pecuniæ, facultatum patiuntur jacturam, dum expectant decisiones causarum, etiam minimarum, & consilarii non habebunt tantum quod agant, distributis ipsis negotiis, & ab invicem inter illos separat. Video quippè laboriosum instar mortis esse, tribus aut quatuor, aut etiam sex omnem molem imponi negotiorum tam belli quàm pacis, & pœnarum, præmiorumque, & nunc Reipub. curam, nunc ipsius commeatus, & sexcenta tam parva quàm magna, tam levia quàm gravia, tam jocosa quàm seria, divitum æquè & pauperum, quæ vel ipsâ magistrâ experientiâ ne mediocriter quidem curari possunt omnia; ut omnino, qui hæc Consiliorum sui Principis non perspiciat, cœcus esse videatur.

deatur. Qui autem perspiciunt, & non occurrunt, neque ut plura concilia constituantur, Principi suo sunt auctores, ut eo ipsius negotiis melius atque facilius provideant, tales sunt avari, sunt ambitiosi, sunt vani, sunt damnosi Reipub. Etenim nihil aliud propositum magis habent, quàm ut adorentur, quàm ut se suosque ditent & extollant, etiamsi interim Respub. detrimenti aliquid patiatur. Materia hæc revera est gravis & ampla, sic ut eâ fusius explicandâ me oporteret esse longiorem. Sed hæc interim, ex quibus reliqua possunt comprehendi, dicta sufficiant. Illud autem potissimum considerare Principem par fuerit, ut unus aliquis consiliariorum, conciliis aliis nec se ipse ingerat, neque ab aliis misceatur. Exempli causa: Consiliarius qui erit ærarii, omninò ad reliqua alia concilia sex non admittetur: & quod de uno concilio, hoc & de aliis dictum volo, prorsus, ut liceat nisi unius concilii agere res consiliario nemini. Alioquin plura concilia in unum redigerentur, & nihil eis aliud quàm nomen vanum & otiosum restaret, & ipse denique infinitis difficultatibus & periculis, de quibus alio loco mentionem fecimus, exponeretur Principatus; unde majora quotidie & graviora damna exoriri oporteret, quibus commemorandis nolo esse prolixus. Consequens proinde est, ut ordinandis his septem ritè conciliis, à primo ad extremum considerentur omnia

omnia minutatim in suis partibus, ponderibus, & circumstantiis, de quibus in istius capituli exordio est disceptatum. Quod ut adeò lucidius declaretur, in libros septem dividi illud oportebit, & unusquisque liber declarationem concilii unius continebit, in quem etiam adjumenta pro se niuscujusque consilarii includentur, & (ut aliquod in iis discrimen fuerit,) consiliariis ferè omnibus convenient; dividere autem adjumenta illa, errore non careret. Dicemus igitur partes & adjumenta boni consilarii generatim. Atque hoc ipso tandem huic libro finem imponemus, qui erit primus de Concilio & Consiliariis, & cum aliis septem communis. Quos, quando Deo Opt. Max. fuerit visum, eo duce & auspice prosequemur.

C A P V T II.

DE CONSILIARIO.

*Et primum quidem, de ipsius quo ad animum
adjumentis.*

CONSILIARII persona est idonea muneri & effectiioni uni ex supradictis conciliis electa. Quo magis considerandum est, in Consiliario duas requiripotissimum res; ut idoneus & par functioni sit obenda; altera, ut ritè legitimèque eligatur. Quod propriè quidem ipsi Principi

*In Consiliario duo
requiruntur.*

cipi incumbet; sic ut esse & haberi idoneum, sit consilarii; Prudentia verò consilarii eligendi ad ipsum pertineat Regem. De una tamen & altera re scripturi, ab ipso consilarii munere exordium capiemus. Virtus & præsidia viri duabus maxime rebus ponderantur, animi & corporis adjumentis: Verùm in altero corporis, in hoc porro capite animi præsidia intueamur: Quæ his sequentibus partibus quindecim facile constiterint. Primum quidem, ut consiliarius rari & excellentis sit ingenii. Etenim *rarum ingenium*, principium, medium, & finis magnarum & plusquam humanarum est actionum. Cunctæ, quæ in homine inveniuntur & inveniri possunt, virtutes, nisi magnum habuerint ingenium, sunt humiles, vires suas perdunt, & quasi nihili æstimantur. Experientia ipsa docet, omnes artes, omnes magistros, omnes libros, omnes admonitiones & consilia, exiguum facere profectum in iis, qui ingenii sunt tardioris. Sic ut ii eorumque similes, multis admonitionibus, continuo studio & sollicitudine, diuturno item labore parum aut nihil assquantur: Magnum contra ingenium paucis admonitionibus, minori labore, brevi tempore, eò, quò tendit, pervenit. At breviter; tardius ingenium est instar alicujus campi sterilis, qui quantumvis licet multum colatur, aliis non respondet bonitate, nec tantum frugum, nec tam citò, neque tam

I.

Ingenio-
sus.

tam bonarum afferre consuevit. Itaque ubi magnum defuerit ingenium, ibi nulla virtus potest esse solida, & omnibus partibus numerisque absoluta. Quo etiam magis hoc primum præcipuumque esto, quod idoneum, quoad quidem ad animum, consiliarium testificetur. Et hoc rarum magnumque ingenium volo, ut Princeps exploret ipse, nec aliorum sermoni aut testimonio de eo acquiescat. Cujus cognoscendi præscribam aded certas notas, ut nisi prorsus cæcutiat, tanquam solem in meridie deprehendat, & hoc idem servabo in reliquis etiam adjumentis ejusdem consilarii exquirendis. At quod ante dixi, ipsâ experienciâ duce, quæ in dictis factisque per se cuique fuerit vis, facile assequetur. Dicta namque rarioris ingenii non sunt in usu & consuetudine posita communis: & quemadmodum animo concipit res ab aliis magnoperè separatas, ita eas eloquitur, cum magna & perillustri sermonis & ratiocinationis differentia. Est enim certum, talem verbis & sententiis aliis niti, quàm quæ cadunt in multitudinem, sicut discutiatur & dispiciatur melius & solidius res, præter opinionem & expectationem permultorum. Est talis sermone acutus, in responsis promptus, facilis ad intelligendum, in instruendis aliis expeditus & clarus, in facetiis jucundus, in feriis circumspectus, scit se iis, quibus cum habet aliquid negotii, accommodare, sive illi boni,

boni, sive sint mali, semper tamen salva ipsa virtute. Nunquam verò is auræ servit populari, neque ad favorem vulgi loquitur, neque os habet aqua repletum, non est ulli molestus, non stomachatur, non est confusus, neque infestus alicui genti aut nationi. Inter alia autem turpis ingenii argumentum est evidentissimum, de suo adversario malè, & cum quadam animi perturbatione loquitur, & de hostibus sui Principis, aut denique de iis, qui alterius sectæ sunt, vel externi vel alienigenæ, sive illi Iudæi, sive sint Mauritani, sive gentiles, sive Christiani. Magnum quippè ingenium in omnibus tandem regionibus septem malæ viæ miliaria cernit, & malis bonos intermixtos semper & ubique esse locorum: quod bonum est, laudat & sequitur; quod malum, & condemnat & avversatur, idque sine nationis ejus probro, in qua simile quid intuetur. Opera ingenii magni sunt viva, sunt efficacia, assidue est occupatum, vult videre omnia, audire omnia, tangere omnia, prætermittit nihil, legit quàm plurima, confabulatur cum omni genere mortalium, scire avet præterita, intelligere præsentia, assequi futura, vel ipsâ etiam conjecturâ. Multarum artium homo talis est gnarus, non unâ & alterâ, ac ne tertiâ aut quartâ est contentus; sed appetit scire & discere aliis plura, & subtiliora. Proinde plus etiam aliis ponit in qualibet re studii & vigiliarum. Hic ejus-

eiusmodi in sua juventute habet aliquid
semper viriditatis, & omnis generis pro-
fert fruges, & (quemadmodum rectè ali-
cubi dixit Maro) instar fertilis est campī,
in quo, propter nimiam ubertatem, gene-
rantur aliquando herbæ, inter bonas non
omnium optimæ, cū nusquam aliquem
insignem belli Ducem, Principem virum,
aut Philosophum alicujus nominis lega-
mus fuisse, cujus præclaris virtutibus ali-
qua aliquando vitia & vel notabilia in-
spersa non fuissent. Cū autem tale inge-
nium maturuerit, quodd circiter trigesi-
mum ipsius ætatis annum plerunque acci-
dit, profert tandem fructus omnino saluta-
res; ac, ut uno verbo dicam, planè est di-
vinum. Ex adversus homo remissus & de-
bilis, piger & dissolutus, non nisi abdomi-
ni videtur esse natus, ut bibat & comedat,
Indisque & ineptiis occupetur. Hic nihil
scit; Nullas artes & secreta naturæ discit;
magis ardua negotia non intelligit; exter-
norum familiaritatem refugit; & aut tur-
piter vivit, aut saltem ingenii, quod minus
quàm mediocre sit, semper notatur. Se-
cunda nota est, quæ quoad animum ido-
neum monstret consiliarium, ut artem cal-
leat & facultatem benè & appositè dicen-
di. Quemadmodum enim non ulla alia
magis re, quàm intellectu & sermone à
brutis animantibus homines differunt, sic
tantò quidem alii aliis antecellunt, quanto
bene dicendū adjumentis majoribus sul-

Piger.

Eloquens. ciuntur. Expedi igitur consiliarium instructum & exercitatum esse in Oratoria facultate; tantumque aded in hoc studiorum genere ponet operæ & industriæ, ut emineat præ cæteris, & vel ed admirabilis maximè videatur. Quotidie enim offeruntur occasiones Principi, consiliarios suos aut ad exteros, aut verò ad subjectos ablegandi, sive illi Regni, sive Provinciæ, sive urbis alicujus nomine & ambitu continentur. Hic debet suadere aut dissuadere, accusare aut defendere, laudare aut vituperare, boni aut mali aliquid exaggerare verbis, & his similia. Quæ omnia rectè & scienter fieri necesse est, ad commodam, & Principis, à quo mittitur, dignitatem; Quæ dum præstare nescit, periculo & vituperio, imò & exitio aliquando se exponit. Quo plus Reipub. quàm ulla alia re, inuritur calamitatis. Quò autem dicendo erit exercitator, ed tumultus exorientes facilius tranquillabit. Sic idem ille consiliarius magno erit usui scripto vel voce responsionibus dandis, legatis vel oratoribus externis, qui negotia tractatum ad ejus Principem allegantur. Hoc autem modo idoneum, ipsâ experientia duce, suum cognoscet Princeps consiliarium: Primùm quidem ratione verborum, cum acutè observabit, quomodo animi profert sensa in colloquutione familiari. Accerset nimirum ad se ipsum, & per horam unam cum eo sermones miscebit, in sequenti per duas,

duas, per tres; tertia, plus vel minus. Interim recitare eum etiam faciet historias, ut videat, quo pacto protrahit & includit ductum ipsum materiae: quomodo proponit, quomodo dividit, quomodo prosequitur, & quo pacto tandem etiam terminat & definit, qua porro cum venustate, gravitate & proprietate verborum. Quae etiam ipsa interdum cognoveris à consiliarii magistro & praeceptore, tum quantum in iis studiis posuerit temporis, qua diligentia usus sit, & si fortè aliquid in lucem monumentorum edidit, illa omnino examinanda erunt diligenter. Postremò & in palatii ipsius penetralibus, nec quidem opinantem scribere aliquid de aliqua re curabit ipse Princeps ex tempore, ut re oculis subjecta, incorruptius de eo fiat iudicium, & penitus cognoscatur. Tertium adjumentum, quod idoneum monstrat consiliarium, multarum linguarum est cognitio: praecipuè autem illarum gentium, quibus imperat Princeps, vel qui hostes, socii vè ejus habentur. Exempli gratia: Sit unus aliquis consiliarius Regis Hispaniae &c. Hunc quidem, Latinae, Italicae, Arabicae, Gallicae & Germanicae linguae non ignarum esse expedit, propterea quòd ii, qui subjiciuntur ipsi populi, intelligere eorum sermonem, & ab ipsis rursus volunt intelligi, propter multas & varias inter se tractationes: *exactius quippè sua ipsius sensa homo explicat, & cum majori auditur gratia*

*Linguarum
rum co-
gnitor.*

*ab iis, qui eâdem lingua utuntur, quàm si
semper & ubique interpretes adhiberentur.*
Hinc & suos casus ærumnasque narrare, &
magnorum Principum (quod sæpè usu ve-
nit) arcana pro se quisque tali consiliario
non dubitabit potius enunciare. Declinat
non raro tertium, quem noluerit esse con-
scium secretorum. Legationibus item vi-
cinatorum audiendis, tam ratione officii
quàm occasione ipsius belli, quantum idem
affèret adjumenti? Si amicus aliquis est,
multò magis suâ quàm alienâ linguâ in
ore Consiliarii adinventâ delectatur. Quid
& quod pollicebitur sibi ab animi quadam
erga eum benevolentia id adedè proficisci?
Qua in re, ut spe sua cadat, error ille ipsius
non incommodabit, præsertim si inimicus
fuerit, imò vel aliqua in parte illius conci-
liabitur favor, aut tandem id commodi
subsequetur, quod ex sono ipsorum verbo-
rum, nostraque, ea proferendi, ex contra-
ctione frontis, & elevatione supercilii &
alia re hostilis animus magis patebit, quàm
si hæc omnia adhibitis fierent interpreti-
bus, proprietate non intellecta sermonis.
Adde, quod rarissimos interpretes repe-
rias, qui usquequaque omnibus numeris
absoluti videantur. Circumducunt de-
minum, & implicant quàm plurima: venit
postremò explorator, in cujus fide & di-
ctis regni unius consistit nunc honos, nunc
salus, & interdum res non patitur moram,
eritne semper interpretis tam inventu faci-
lis?

lis? Quid si verò caveat exploratorem, aut ab ipso exploratore timeatur, ut tot tantæque præteream alia, quæ impedimento sunt, infinita? Iam & ille, qui multarum linguarum gnarus est, fidem omnibus facit, vidisse, legisse, audiisse se quàmplurima; & populorum, quibus cum versabatur, mores, consuetudines, & instituta didicisse. Quod apprimè consiliario est utile & necessarium, propter omnes res, quæ veniunt, aut venire possunt in consultationem. Prætereo verò alias causas & rationes, ne earum enumeratione sim molestus, cum hæc nuda tantum sit admonitio, omni ornatu & congerie detracta exemplorum. Hæc verò ipsâ experientiâ duce, in suo consiliario Princeps deprehendet, quoties eum coram seipso loqui & scribere faciet, & aliorum dictis, quæ (ut plerunque fit) fallacia esse solent, fidem non temere adhibebit. Quartum indicium idonei Consiliarii fuerit, In historiis admodum esse versatum, quas quidem ille, tam antiquas, quàm & recentes, accuratè leget, examinabit & evolvēt. Maximè autem eas, quæ ad suos suique Principis spectant majores, & tum ejus hostium atque vicinorum. Et enim qui consiliarius magnus fuerit historicus, & qui fructum ex historiis elicere non ignorabit, is certè perfectissimus poterit æstimari. Nihil quippè in eo desideratur: in omnibus sui Principis negotiis est versatus & exercitatus, imò usus rerum &

Historicus.

*Historia
laudatur.*

experientia est ipsa. Nam historiæ non aliud sunt, quàm congeries, seu congregatio quædam variorum & diversorum usus, omnium hominum & temporum, cujuscunque tandem naturæ, professionis, & conditionis fuerint. Da mihi aliquem historicum perinsignem, qui fructum ex historiis elicere sciat: hic quidem tanta rerum in omni genere negotiorum pollebit experientia, quanta vix aliquis alter reperiatur, ut etiam illa ipsa sit ars, in qua viginti annorum spatio aliquis fuisset versatus & exercitatus. Atque, ut à re bellica exempla capiamus, Miles veteranus, sive ille summus belli dux, sive militum præfectus, sive alius fuerit, in fine & decursu annorum viginti, ad minimum in quatuor præliis versatus est; in centum verò levioribus conflictibus, in quinquaginta oppugnationibus, in duodecim assaultibus, in quinque motibus belli, & totidem pacificationibus. Verus autem historicus habet experientiam immensarum pugnarum, innumerabilium conflictuum, infinitarum oppugnationum, infinitorum motuum belli & compositionum pacis. Quæ est ergo proportio finiti ad infinitum? Adde, quòd iste experiens annorum viginti, novit tantum naturam & ingenium, & rationem bellandi unius aut alterius, aut etiam trium vel quatuor nationum: historicus verò propemodum omnium. Huc accedit, quòd viginti annorum experiens, non potuit

potuit intellexisse eorum partem vel decimam, quæ munere, & nomine militiæ continentur. Nam in viginti annis non offeruntur æquæ occasiones omnium usu & tractatione discendorum. Historicus contra omnia scit & intelligit: & nihil, quod legi & in quæstionem venire potest, prætermittit. Ille, ut etiam viginti annis foris & militiæ se exercuerit, non potuit causas ipsius perspexisse universas, originem ejus, & quomodo processerit, & ad quem finem directæ fuerit: ignorat stratagemata cuncta, eventus, difficultates: & despicatum, quem pati oportuit, non est assecutus: prætereunt eum utrinque prætensa postulata, utrinque profusæ lachrymæ, simulata & dissimulata utrinque multa; & nunc huic nunc illi parti in specie ostentata propensio voluntatis: postremo necessitas ipsa, qua ad pacificationem utrinque est deventum. Historicum horum latet prorsus nihil. Quod adeo instar animæ (ut ita dicam) belli ipsius est gerendi, & illud quasi quædam corporis particula. Quod autem de militia hoc loco affero, hoc de aliis omnibus negotiis, & ipsa etiam defensione dixero principatus. Quæ quidem omnia, si fusius à me explicarentur, viderer facere contra eam, quam aliàs sum pollicitus, brevitatem. Quare, ut verbo, quod sentio, complectar uno, vel ipsæ etiam leges nihil aliud sunt, quàm historia, quæ continet sententias & opiniones

niones antiquorum & prudentium legislatorum, quibus urbes & civitates ordinârunt, & suos cives, juris & justitiæ æqualitate, in tranquillitate & concordia conservârunt; & jam quidem demonstrant, quo pacto nos idem quoque faciamus. Et hoc ipso etiam modo medicina est experimentorum historia, quæ antiquitus observârunt Physici, quorum ratione nostri medici judicia ferunt, & curationes suas prosequuntur. Proinde instituenda Repub. gubernando Principatu, gerendo bello, tuendo imperio, amplificandis juribus, sequendo denique bono, & fugiendo malo, quid magis conducit quàm historia? Verùm similia intelligunt paucissimi: Quo fit, ut paucissimos etiam rectè gubernantes deprehendas; Quod non aliunde venit, nisi quodd legendis non occupantur historiis. Et si horum legit aliquis, fructum historiarum non percipit: varietate tantum casuum, qui ea continentur, delectatur, & non considerat, quo pacto domi, forisque, in omnibus deliberationibus & consiliis, eos sibi proponendo, ipsi essent adjumento. Non est historia fallendi temporis causa, sed lucrandi, evolvenda gratia, ut una die perfectè quis discat, quod experiundo toto suæ vitæ tempore vix apprehendat. Nam etiamsi trecentos complere posset annos, aut malè, aut tardè id quod sequitur, assequeretur. Est historia imago vitæ relicta ex moribus

& ingeniis hominum, recordatio ingeniorum omnium, certa & infallibilis experientia actionum humanarum: consultrix fidelis & prudens in omni deliberatione, magistra in tranquillitate, in bello Dux, in mari naclerus, portus & perfugium hominum cujuscunque conditionis. O quam pulchrè hæc dicuntur, & tamen paucissimi similia amplectuntur! Sit igitur Consiliarius insignis historicus. Atque hoc potissimum volo, ut in eo Princeps spectet; & experientia ipsa Duce, eo modo assequatur. Sciscitetur inprimis res in historiis passim contentas, & inter alia diligenter ab eo perquirat, quoties Regna Hispanica (libet enim ejusdem nationis exemplis perstare,) aliquas subierunt mutationes: aut item Gallicum & Anglicum Regnum, à quibus porro fuere possessa: & quo jure, quave justitia, quamdiu, & cur conversionem sint passa, qui ex quaque familia in iis regnaverunt: & in his, quis illustrior, & qui nominis minoris habebatur: eorum quot bella quisque gessit: quibus cum, & quo tempore: qua de causa, unde ortus inimicitiarum: & quæ ratio aut necessitas pacis rursus fuerit in eundæ. A mille quingentis annis, quot prælia confecit Hispania, & quot Gallia; & quanta hæc aut illa, secundâ vel adversâ fortuna: quibus denique consiliis & artibus, his vel illis cessit victoria: & cur nunc ab his, nunc ab illis infeli-

citer est dimicatum. Ab hinc bis mille annis, quantæ communionēs sunt excitatæ in Hispaniis, Galliis, & Romæ: & quæ suscitandarum extitit causa: quid porro boni vel mali inde est subsecutum, & quomodo hæc omnia tandem fuerint tranquillata. Qui quidem ad has, earumque interrogationum similes rectè responderit, hunc tu historicum habeto optimum, qui pro re, & occasione in publicis deliberationibus suæ lectionis fructum egregium sortietur. Quintum adjumentum, quo aptus demonstretur, quoad quidem animum, consiliarius, est, ut bene & perfectè sciat finem & materiam, & quomodo, quando, quatenusque se extendunt ipsæ virtutes: nam in eo potissimum peccatur: & si consiliarius ipse nititur multitudinis opinione, ista toto cælo, quod ajunt, semper errabit. Etenim earum rerum ignoratione, (ut plerumque fit) plurimi, ne dicam propemodum cuncti, hominem compositum meticulosum; astutum proditorem; rudem & ineptum, bonum; abjectum, mansuetum; desidem & subtiliorum rerum non capacem, hominem via Regia & simpliciter ambulantem appellant: iracundum porro candidum; superbum magnificum; furiosum fortem; prodigum liberalem; avarum providum; sanctum superstitiosum; doctum curiosum, & omnibus denique tam vitiis quàm virtutibus contrariis nominibus

*Virtuosus.
Prudens.*

bus dandis, conscientia hominum aut saltem prudentiorum abutuntur. Quod maximum sanè est vitium: & si fortè illud consiliario inerit, (ut inesse oportebit, si autem nesciverit aut noluerit virtutum proprietates nosse) manifestus ipsius Principis, & totius Principatus est interitus. Caput namque est consilii, in omnibus iis, quæ in deliberationem veniunt, dispicere, si est, vel secus, contra honestatem, omnibus circumstantiis consideratis & expensis. Mandandis muneribus publicis hoc idem sciendum est, ne nigrum pro albo accipiat. Iam & præmiis distribuendis, si hoc eodem illo destituatur adjumento, perpetuò hallucinabitur & impinget. Ac ut tandem faciam finem, hoc tale in consiliario lumen, volo, ut experientia ipsa duce, hac ratione Princeps deprehendat. Primum quidem ex ipsius verbis, cum eum ad hunc modum, aut perquiret similem, quot videlicet egeat homo rebus, ad culmen gloriæ in hac vita consequendum: quot & quibus rationibus utendum illi est, favore populi sibi conciliando: quibus interdum artibus, ut fides vulgò ei habeatur: quid denique moveat populum ad honorem alicui deferendum: quot viis & rationibus in fortitudinem peccatur: quot & quales res requirit justitia: & multa alia generis ejusdem, quibus judicium expiscabitur consilarii haud sanè difficulter. Verum & ab actionibus ipsius conjecturam

Politicus.

capiet, quos habuerit institutores sciscitando; quæ coluerit Gymnasia; quibus cum vixerit & vivat; quos libros legat; quid inde fructus in lucem proferat, & quibus rebus occupetur. Sextum est argumentum, quod idoneum arguat consiliarium, Ut sit Politicus. Hoc autem est, ut sit experiens in tractatione artium tam belli quàm pacis, & rerum, quæ eò spectant, aliarum. Etenim cum munus, & ceu quoddam Principis vinculum, duabus maximè contineatur rebus, Gubernatione, & Defensione populorum: & tam quidem unum, quàm alterum ad bellum pacemque referatur: (Quamquam gubernatio magis sit pacis; armorum verò defensio,) illis non intellectis, vix factu est credibile, boni aliquid consiliario posse præstare: Quocirca expediet, consiliarium nosse Reipub. hoc est, cœtum & congregationem hominum universam, vita communi sociatam, compositam (ut ita loquar) ex corpore & anima. Corporis nomine habitationes continentur. Quo loco cælum potissimum spectatur, si est calidum, frigidum, aut temperatum: situs, si est in continenti, si est mari proximus, si aliquod flumen, aut stagnum habet, si est declivis, aut verò sublimis, si siccus aut lutosus, si fertilis aut sterilis, si in vicinia, aut ab hostibus remotus, quibus denique ventis, ut plerunque fit, expositus. Nam harum rerum respectu & ratione habita, extruenda vel secus sunt ædifi-

ædificia , & plateæ five arctiores five ampli-
 ores erigendæ : videndumque, num uni-
 apertæ vento, & reclusæ ab alio : num altæ
 vel humiles habitationes : & omnia qui-
 dem ad usum utilitatemque publicam sunt
 dirigenda , dando iis magis convenientem
 formam, quæ videbitur expedire ; five illa
 rotunda, five triangularis fuerit, five etiam
 quadrata , aut multorum punctuum , pro-
 ut ipsæ res , eorumque circumstantiæ ma-
 gis requirent. Quarum rerum , quoniam
 non exacta est intelligentia , ideo multa æ-
 dificia casu fieri cernimus ; & loca infirma
 aut malè dispartita , aut inepta reperiri
 quàm plurima, quæ indies tandem minus
 redduntur populata. At vidi ego ipse in
 multis publicis ædificiis impendisse viginti
 aut triginta aureorum numorum millia
 non neminem : Quam circumacto anno
 apparuit pecuniam pessimè fuisse collatam,
 propter non observatas superius dictas cir-
 cumstantias. Quæ procul dubiò non es-
 sent, si consiliarii ejus partis Reipub. quam
 appello corpus , majorem usum & experi-
 entiam sibi adjumento compararent. Ani-
 ma verò est gubernatio , quæ primùm in
 sua forma spectatur ; si videlicet in unius
 administratione est posita , quem Regem
 appellamus. Ego interim voco Princi-
 pem , qualis est in Hispania , Lusitania , &
 Regno Castellæ : aut si est Nobilium tan-
 tùm gubernatio , quemadmodum est Ve-
 netiis , & antiquitus Spartæ spectabatur :

Rerump.
species
diversæ.

aut si est Populi, ut nostris temporibus sunt Helvetiorum urbes confœderaræ: vel si Regis & Nobilium est administratio, quale est Regnum Daniæ, & aliquando fuit Roma in suis Regibus usque ad Tarquinium: aut si Regis & Populi, quale fuit olim diu Regnum Persarum: aut si denique Nobilium & Plebejorum, qualis fuit Romæ, exactis Regibus, status; aut Athenis & apud Lacedæmonios, vel nostra ætate apud Senenses, & Florentinos, & quædam Respub. aliæ, quæ in hunc diem manent in Italia: aut si est gubernatio penes Regem, Nobiles, & plebejos, quale est imperium Germanicum, Regnum Poloniæ, & Regnum Arragoniæ in Hispaniis. Est & illud consiliarium necesse scire, quomodo acquiritur, crescit, augetur, & perditur principatus; quibus periculis est obnoxius; quomodo iis possit & debeat occurri, ne capiat detrimentum; quomodo & quibus est vincendus legibus; qualibus eget magistratibus, ut rectè & scienter gubernetur. Consiliarius autem, qui hæc ignorat, factu est incredibile, ut disquirat & inveniat remedia omnibus & singulis rebus difficultatibusque Principatus. Nesciet denique opportuna suo Principi consilia suggerere: quo pacto cum hoc amico & socio illo vivendum illi est; quo pacto occurrendum hosti; & quomodo ab uno aliquid capiat commodi, effugiat ab altero damni, & alia his similia infinita. In altera
parte

parte politicæ expediet, bellica & militaria cuncta habere eum explorata: Vt nimirum intelligat, quibus præsiidiis instructum esse oporteat militem; quibus Centurionem, quibus Ducem; quibus armis debent indui; quomodo colligendæ sunt copiæ, quomodo ductandæ, quomodo metanda castra, quomodo configendum, quomodo canendum receptui, aut verò hostis fugiens persequendus. Et in his omnibus, à recta via & tramite quo pacto etiam aliquando aberratur. Nam alio modo nescio, quid daturus consilii sit ipse consiliarius: & hunc necessario magnum politicum esse oportet: Quo nomine, num idoneus sit, ipsâ Duce experientiâ, hoc modo Princeps in eo perspiciet: interrogabit ipsum nunc de hac, nunc verò de illa re ad gubernationem pertinente: num præstet, in sterili an fertili solo ædificare: quibus porro ventis in habitatione est obsistendum: quot modis amittitur Principatus: quot viis negotium inficitur gubernandi: quomodo populi oriuntur seditiones, & quot modis vicissim opprimuntur: in quo consistunt Principis vires, si in divitiis, vel virtute militum: quot modis cum colore & prætextu aliquo contra eum arma capias, qui aded nullam magnam causam hostilitatis præbuiisset: quid postremo, præstetne expectare adventantem domi, an in hostico aggredi hostem: quot res expediat considerasse prius, quàm ad arma & bellum apertum
venia-

*Populo-
rum mo-
res vide-
at, & ur-
bes.*

*Peregrina-
tio.*

veniat: quot demum exorto bello, quot antè & confecto prælio, five vincas five vincare. Ex his, & aliis ad interrogata consiliarii responſionibus, quàm bonus politicus ſit, & haberi poſſit, conjectura demum capietur. Septimum verò adju- mentum, quod eum aptum, quoad animum de- claret, illud habeto, ſi nimirum multorum populorum viderit mores & urbes, maxi- mè Principis ſui, atque ejus hoſtium, aut etiam ſociorum, aut qui omninò Principi ſunt vicinioreſ. Et quidem curioſa & pru- dens debet eſſe iſta peregrinatio, non i- gnava aut iners, qualis ocioſorum & va- gabundorum eſſe conſuevit: qui non ſecus, ac in nundinis paſcentes tantùm oculos, divagantur. Peregrinatio, quæ propriè ad conſiliarium ſpectat, ejuſmodi eſt, ut om- nia, quæ ad bellum pacemve pertinent, ex- actè exploret: ordinarios & extraordina- rios proventus ſciat: amorem, & erga Principem ſubjectorum reverentiam, om- nia denique tam bona quàm mala, muni- tiones fortes, hominum mores & ingenia, & id genus alia penitus habeat explorata. Eo quippè prudentia comparatur, & ho- mo locupletatus & conſideratus domum ſuam redit, multùmque conquiret ſuppel- lectilis pro conſilio dando, & Principis ſui augendo imperio, omni loco, tempore & occasione. Secus verò qui facit, tempus in- utiliter terit, facultates dilapidat, corpus affligit, & vitam ſuam mille exponit pe- riculis,

riculis, sine spe profectûs alicujus. Narratum mihi est aliquando de Principe Neapoleos quodam, homine alioqui considerato, quid cuidam nepoti responderit suo, qui potestatem sibi ab eo fieri, ut excurrere, & externos videre posset, postulaverat. Primum quidem, ut Romam profisceretur, dixit; demum tandem rediret: atque si ita videretur, denuo iter ingrederetur. Paruit, & fecit ita adolescens: & cum Princeps ipsius tarditatem animadvertisset, cujus gratia exiguos profectus fecisse videbatur, ad eum modum illum est allocutus: Fili mi, tu vidisti, inquit, prata, planiciem, montes, colles, valles, agros consitos vastos, & inanes sylvas, pinas, fontes, rîvulos, arbores, pagos, villas, urbes, quadrupedes, viros, & mulieres. Non est amplius, quod in mundo spectes: proinde quiesce, & domi tuæ te contine-to. Egregiè verò hic tantus & dixit & sensit vir: hoc ejuscemodi casu & nobis quasi quandam peregrinandi regulam præscripsit, & tacito quodam modo abusum communem reprehendit. Consiliarius interim, posteaquàm, ut par est, peregrinatus fuerit accuratè & scienter extra regna, hæc & illa perlustrando, & omnia cum suo comparando, hunc referet fructum, quòd omnia mala & bona, quæ domi sunt suæ, faciliùs assequetur, & usum atque intelligentiam meliorum tandem sibi comparabit: fugiet verò contraria: & moris corri-

corrigendi auctor erit depravati, & introducendi probatoris. Iam neque expers erit humanè & scienter excipiendorum hospitum, amicorum & inimicorum, aut qui neutrarum sunt partium: melius intelliget conditiones: & quemadmodum negotia poscent, sciet se accommodare verbis, scripto, & factis, ad ea, quæ tam illorum, quàm ipsius temporis, & Principis necessitas postulabit. Non denique opportunitates & difficultates temporum & regionum ipsum effugient, falsis narrationibus non ducet concilium, aut saltem alieno decerpendo pilo non admodum se exornabit. Tale lumen sive præsidium animi, experientia Duce, Princeps in consiliario sic investigabit: Nempe quæret ex eo, quot miliaribus in longitudinem constat Gallia, quot verò in latitudinem, quot in circuitu: quas munitiones habet firmiores: à qua parte est facilior aditu: quot flumina habet, quæ vado transiri nequeant: qua virtute excellunt magis Galli, & quo vitio magis laborant: quibus rebus maximè tenentur & capiuntur: quod inter Gallicam & Hispanicam nobilitatem est discrimen: quæ differentia inter nostram & illorum ædificandi rationem: quis horum regum magis imperat absolutè: qua viâ suo Regi resistit populus, & non pro libito agere semper ipsum permittit: quot rebus noster à suo vasallus differt: quomodo suum exercitum colligit: quomodo instruit & exe rci-

exercitat : quomodo in expeditione providet bellica, ne coloni opprimantur. Iam verò, quod de uno populo, hoc de reliquis omnibus, hunc eundem interrogatum volo consiliarium : & hoc quod de Galliis & Hispaniis posui exemplum, pro se quisque Principum transferet ad exempla alia, suo principatui magis accommodata. Sicuti faciet & in reliquis omnibus, quæ toto hoc opere continentur. Sufficiat tantum dixisse, hanc esse certam & veram regulam, profectus peregrinantium cognoscendi. Quamquam vel in familiari convictu & confabulatione multa deprehendas similia, demptis etiam interrogationibus, ut videlicet, si statim aliena vituperat, sua verò laudat. Animi enim id est argumentum impotentia, & talem aut inertem, aut dissolutum, aut fatuum esse oportet. Nam in talem hominem non rerum cadit distinctio, non delectus, sine quo nulla est prudentia ; qua demum exclusa, nihil restat quod probari posse videatur. Octavum animi adjumentum est consilarii, ut exacte vires, & potentiam sui Principis sciat, & tam hostium quàm sociorum illius aut etiam vicinorum. Nam ut medicus in humano corpore temperamentum & virtutem, quanta sit, naturalem, primum est quod considerat ; hoc eodem modo quantæ sint, & quo se extendant principis sui vires, ejusque hostium & sociorum, scire consiliarium expedit ; alioquin consilio dando

*Principis
sui potentiam, sociorum & hostium, sciat.*

dando vehementer à scopo aberrabit. Harum rerum ignoratione consiliariorum multi, Principibus suis fiunt belli contra eos movendi auctores, quibus cum colere pacem multò magis præstitisset. Et idem rursus evenit, ineunda cum aliis societate, cum in perpetuis tenebris sine ulla luce & claritate versantur. Bonus autem consiliarius utramque partem expiscatur, tam Principis ipsius, quàm ejus hostium & sociorum: Quibus proventibus gaudeat: unde eos promat: quo denique modo & tempore, quantumque conscribi possunt milites: quàm diu alere, quomodo armati & exercitati sunt, & quæ capita sortiuntur: qui socii eorum sint, quibus nitantur clientelis, quàm debilibus, aut firmis; quibus rebus in regione sua abundant, & quibus destituuntur, ut hoc modo colligi & expendi vires possint & potentia Principis uniuscujusque. Hoc verò adjumentum sic perspiciet Princeps in suo consiliario: de his nimirum rebus, de quibus jam dixi, diligentius eum examinando. Est hæc omnino generalis & infallibilis regula. Et enim quicumque tandem mortalium in dictis & factis suis hostes sui Principis aspernatur; sua verò extollit, & suspicit ipsum, hic nequidem consilarii nomine dignus est judicandus. Quòd si in scientia labitur, quàm sit idoneus, vel hoc ipso reddit testatum, cum consiliarium prudentissimum esse, & ea, quæ præ manibus sunt, nosse
&

& intelligere necesse sit: si hypocrisia facit, est assentator, & nihil ab eo expectandum boni: suis namque tantum servit cupiditatibus, & ad Principis loquitur placitum, non ad commodum, aut verò dignitatem. Nonnum præsidium, quod aptum ostendat consiliarium, habetur, Vt non solum amet, sed etiam procuret commoda publica: sui autem commodi & splendoris obliviscatur. Ita quidem, ut ubicunque juvare possit Rempub., in eo animi sui intendat vires, & omnem operam atque industriam ponat. Quanquam interim in fama, bonisque & fortunis privatis damni aliquid ei esset subeundum. Et hoc videlicet adjumentum est præcipuum, quod commendat Plato in Consiliario, sive in quolibet altero Reipub. rectore, & gubernatore. Est enim illud certum, quod verus amor semper est sollicitus & diligens, sollicitudo autem nunquam quiescit, omnia rimatur, omnia pervestigat, nullius rei obliviscitur, & omnibus semper providet, quæ necessaria arbitratur. Quocirca amor, primum & præcipuum Consiliarii est adjumentum, inter alia universa: Qui, si verus fuerit, procurabit bonum publicum quàm privatum magis, quippè omnem suam spem, omne emolumentum, omnem honorem in publicis ponit commodis & ornamentis: Quibus si quid ornamenti auferatur, necesse erit & privatas res tandem perire: & ideo & ipsum se, & bona sua deside-

*Publica
commoda
procuretur
sui obli-
tus.*

rant potius pati aliquid , quàm rem publicam venire in discrimen. Interim autem dum his rebus occupatur , parva crescunt , parva conservantur , & vivitur sine aliquo incommodo aut difficultate , & secus contraria experimur. Quæ ipsa patent ex omnibus mundi historiis : & nullum imperium in hunc usque diem auxit magnoperè vires , aut in auctis se conservavit , quàm hominibus hoc nono , de quo tractamus , adjumento præditis & exornatis. Ex adversus illa ipsa die , quæ ab hominibus contrariarum partium & artium gubernari sunt ccepta , continuo usque ad extremam perrexerunt semper ruinam. Quo loco exempla duo reperio. Quibus citandis , ut contrarium agere videar , quam sæpius professus & pollicitus sum , brevitati , tamen cum rara & doctrinæ sint plena , merebor fortassè excusationem , præsertim cum magnorum Principum exemplis citandis magni errores rarò committantur. Callicratides bello Peloponnesiaco , Lacedæmoniorum Dux , cum classem suam , si tantum Arginusis discessisset , servare potuisset , facere id noluit , affirmans , quòd Lacedæmonii amissa classe aliam parare possent , se discedentem ignominia liberare non possent . Vnde cum postea initum esset prælium , fusus est turpiter , & ipsa classis demersa , & Lacedæmonii memorabilem cladem perpeffi. Cui omnia ex opposito

Callicratides.

error ejus.

sito Q. egit Fabius, Dux Romanus, & patienter injurias sui proprii exercitus suorumque æmulorum perferendo, qui eum appellabant tardum, & habebant desperatum, ita postea Hannibalem fatigavit, & redegit in nihilum, ut fuerit haud dubie auctor & conservator patriæ libertatis, interitus verò causa Carthagenensis. Vnde Magnus ille Poëta de ipso canit Ennius: Vnus homo nobis cunctando restituit rem.

Q. Fabius
laudatur.

Callicratides ne semel quidem referre pedem voluit, ne ullam vel minimam jacturam existimationis suæ pateretur; Fabius se recepit, & dedit fugam sapius, nihil respectans hac in parte existimationem: Quo ipso magnoperè juvit Rempub. Callicratides voluit potius cum periculo conferere manus, quàm famam suam adducere in discrimen; Fabius potius cum infamia fugere habuit, (loquor juxta opiniones inscientium,) quàm committere rem prælio cum omnium exitio. Callicratides subiit aleam pugnæ, victus est, nocuitque per id patriæ, imò & honori atque famæ suæ, nomen in morte temerarii relinquendo; Fabius semper prælium vitavit, & ideo patriam conservavit. Quo postmodum tantum laudis meruit, ut Maximi etiam appellationem sortiretur.

Quapropter quod in magnis rebus & deliberationibus volo servatum, hoc idem in minoribus, aut verò in mediocribus. Consiliarii autem discant, quæ & qualia Principi

Principi suo consilia suggerere in omnibus publicis negotiis debeant. Et Principes vicissim observent diligenter, num hoc adjumentum nonnum eorum habeant Consilarii. Quod quidem cognoscent hac ipsa ratione: Fingant, se petere ab ipsis consilium in rebus, quæ bono publico prorsus fuerint contrariæ, causati, quod quamquam re ipsa essent ejuscemodî, nihilominus tamen expedire Principi, ut interim perfruantur. Verbi gratia: violare leges veteres, maxima civium privilegia, imponere gravia tributa populis, & his similia. Et mox ex ipsius consilarii responsionibus, quo animo sit in Remp. facile cognoscetur. Alias interim vias & rationes, quibus hæc eadem ex dictis factisque Consilarii pervestigare liceat, prudens præter eo, partim quod intellectu difficiles non fuerint, partim quod forsitan, sed & certissimè, alios pungerent. Atque ideo qui habet aures audiendi, audiat. Regula illa certa & sine ulla est exceptione, quod *omnis avarus & hypocrita est boni publici hostis*; & aded etiam illi ipsi, qui omnia dicunt esse Regis, & quod Regi fas sit pro libito omnia gerere, & tributa imponere quotquot sibi placuerint: & adhuc quod Rex nunquam potest à recta via aberrare. Adjumentum decimum est, quod idoneum facit consilium, ut totum & integrum corpus curet ipsius Principatus, ne curanda parte una relinquat alteram: Quod esset.

Totum
corpus cu-
ret prin-
cipatus

esset instar medici illius, qui remedium
afferendo uni membro, causa destructionis
est aliorum. Proinde integer consiliarius
ita sit compositus, ut prorsus se spoliet om-
nibus commodis amicitiae, agnationibus,
personarum acceptatione, factionibus, &
aliis quibuscunque respectibus: & vestiat
se firma & prudenti bonitate, quae nec scit,
neque potest, neque vult, nisi virtuti &
justitiae patrocinari. Hanc accipit pro suo
sanguine, pro sua agnatione, pro sua ami-
citia & necessitudine: hanc unam reverea-
tur, & aliud praeterea nihil. Ad eum mo-
dum oportebit ipsum, cunctorum consilia-
rium, audire omnes, & propendere animo
& voluntate in universos, sine aliquo vel
minimo alicujus discrimine: nisi quan-
tum ratio seu virtus pro se uniuscujusque
plus vel minus postulabit. Est bonus &
virtute aliquis praestans, & quamlibet et-
iam non sit, petit justam rem, & sit quo ve-
lit tandem genere, aut ortu, inter Gara-
mantas & Indos natus; hic verò talis est
ejusdem nationis, ejusdem provinciae,
ejusdem civitatis, ejusdem factionis, ejus-
dem agnationis, ejusdem familiae & san-
guinis, cum ipso consiliario: & ut tali,
oportet favere ipsi consiliario, cum omni
charitate, viribus & diligentia. Est alter
malus homo, vel etiamsi malus non sit,
petit tamen iniquam rem, & fortassis est
propinquus, amicus, aut cognatus ipsius
consilarii; hic verò nec est nationis, neque
est

*Dua in
mundo
regiones.
Boni.*

Mali.

est provinciæ, neque amicorum, neque cognationis ipsius consilarii: atque ideo non solum non debet consiliarius patrocinari ipsi, sed aded etiam eum reprehendere atque mulctare. Nam aliud est agere publicam, & aliud privatam personam. Non sunt nisi duæ in mundo regiones, Bonorum quidem una, Malorum altera. Omnes boni, licet Indi, Mauri, gentiles, Christiani, aut alterius sint sectæ, certè ejusdem sunt urbis, ejusdem familiæ, ejusdem sanguinis & agnationis. Et cuncti rursus mali in contrarium numerum sunt, & erunt referendi. Sed interim tamen ut observetur, æqua lance ponderata prius re, amicus, agnatus, vicinus, ejusdemque urbis aut nationis, ne exteriore sit inferior. Hoc enim volunt divinæ & humanæ leges, ut potiozem istorum habeamus rationem, quàm illorum, qui fortè à nobis sunt remotiores: verùm prævalente interim externo, quàm omnes propinqui & affines, primo loco habeatur. Itaque inter multa alia, hoc etiam, de quo loquor, ipsum, magnum est consilarii adjumentum. Quod experientia duce sic Princeps cognoscet: Primùm quidem, si petit aut comparat amicis suis peculia, aut fociis, aut cognatis, aut familiaribus, & id genus aliis, etiamsi minus id meruerint, diligenter perquiret: aut si eorum causa, illorum beneficiorum digniores, quo minus illa impetrassent, impedivit. Nam qui hæc facit,

facit, peccat in hoc decimum consilarii
adjumentum. Idem ex ipsius animo & be-
nevolentia, qua in hunc, qua in alium pro-
pendet magis, exactè etiam cognoscetur.
Aut si aucupando favorem procerum, o-
dium sibi constat nobilium: vel si rursus
his sibi adjungendis populo est injurius &
infestus. Multi ordinem & statum com-
plectuntur Ecclesiasticum, & cum injuria
aliorum adjuvando ipsum, sæpè in Regno
causa sunt seditionum. Tales aliquando
periculo non carent consilarii, & destruunt
non raro principatum. Quo magis consi-
liarius nulla ratione, qui (quod vulgò di-
cunt) caput est partium, admittendus est:
aut qui gerit apertas cum aliquo regno,
seu provincia, aut urbe, inimicitias, ejus
Principis, cujus agere debet consilium.
Omnes namque homines sumus, & talem
conscientiam habemus, ut cum fieri pos-
sit, & gubernaculis rerum potiamur, non
videamur præterminissuri, cum aliqua æqui-
tatis specie perturbationibus animi nostri
indulgere, & armis publicis privatam pro-
sequi ultionem, & denique quod oppressi
non contra consilium, eorum adversa-
rium, sed contra ipsum Principem concipiunt odium, quasi ipse contrariarum par-
tium caput; & promotione, eorum hosti-
bus concedendo in eos potentiam, & au-
ctoritate se constituerit. Hinc multos Prin-
cipes interfectos fuisse proditoriè legi-
mus, ipsius consilarii, aut alterius mini-

Bonus &
justus.

stri odio, cui nimium princeps ille tribuebat. Undecimum præsidium, quod, quoad animum idoneum faciat consiliarium, est: ut bonus & justus sit. Nam talis cupit, pro se quemque quod merita ipsius exigunt, semper referre, bonos videlicet præmia, & malos supplicia, & in utroque videt, ne peccet aliquo extremo, nevé benè meritis ea conferat præmia, quæ sunt superflua, aut rursus exilia & modica, virtutisque eorum minus respondentia. Et denique ne pœnas irroget eas, quæ crudeles aut admodum indulgentes videantur. Hic iste talis homo est justus, est amator belli & pacis, juxta loci & temporis opportunitatem; & homo justus & fidelis, quod concilii ipsius est fundamentum. Talem ergo videmus ubique amari, cujuscunque tandem conditionis, sexus, ætatis, gentis & nationis fuerit; & is communiter ab omnibus optimus judicatur, ut revera (ut plerunque fit) est perfectus & absolutus. Huic securè bona, fortunas, conjuges, liberos, vitam, honoremque nostrum concedimus; & *una omnium virtus est justitia*, sine qua parum reliquæ valent; ipsa verò sola se ipsam sustentat. Itaque providebit Princeps diligenter, ut ipsius consiliarius re & veritate sit justus & bonus. Quod ipsum sic in eo deprehendet. Oratio justii habet in se pondus & gravitatem, contermina est virtuti, & loquitur veritatem: talis præsens & absens est: idem

in ore quod in pectore habet: in suis negotiis apertus est: mala animi, mansuetudine & charitate reprehendit: laudat, extollit bona: totus amor, totus dilectio est: & nec spe, neque metu sententiâ dimoveatur, quo minus, id quod sentit, eloquatur: non petit, neque quærit aliquid amplius, quàm ipsius postulant opera: prosequitur benevolentia & patrocínio bonos, admonet verò & dehortatur ab instituto malos; & in omni denique re atque actione colit & tuetur æquitatem. Talis non est nec dici potest loquax: nihil extra propositum loquitur: non est mendax: non loquitur contra conscientiam: non aliud præsens, aliud absens profitetur: hypocrita non est, nec duplici corde, nec susurro. Nam præterquam, quòd non nisi in homines vilis & angusti animi cadit susurratio, est certum infidelitatis argumentum, cùm susurro in hanc usque diem nunquam fidelis sit repertus. Idem non aliorum mores aut vitia absentium reprehendit, cùm id coràm facere possit; nec unquam, quod ipse non vidisset, aut manibus non palpasset, certò testificatur. At breviter nunquam talis æget assentatorem; ac nec audire quidem assentatores poterit, aut maledicos, aut susurrone. Opera iusti facilia sunt cognitu: in pace & tranquillitate vivit: suo contentus est, laborioso genere vitæ sibi suisque peculii aliquid parare studet: domum habet benè moratam: familiares

*Iusti opera
ra.*

modestos : vivit in luce hominum : æs dissolvit alienum : rixas & litium refugit controversias. Non potest verò ulla ratione esse justus , qui contentiones quærit , jurgia , pugnas , & partium inter se dissidia : non potest esse justus , qui suo non est contentus ; sed quærit vias & occasiones per fas & nefas tam bonis quàm malis artibus ditescendi , & ut tam ipse quàm sui potentia augeantur. Non potest esse justus , qui dienoctæque non invigilat , ut potius virtute ipsa duce & administra honoretur , & locupletetur. Non potest esse justus , qui cùm propter virtutem honoratus esse possit , negligit testimonium & mercedem virtutis. Nam hoc modo & sibi & suis est injurius ; languidam reddit virtutem , & nocet admodum Reipub. Hoc nimirum congruit legi Divinæ , & præceptis omnium Philosophorum , ne admittatur illa turpis impostura hominum quorundam stultorum , qui sub specie cujusdam humilitatis , id , de quo ego admoneo , vocant ambitionem. Etenim proprie illorum dicitur *ambitio* , qui ut inepti & nulla virtute sint freti , unico tantùm favore aut patronorum , aut malis artibus innixi , fidenter petunt præ dignioribus se conditionem meliorem. Qui autem sua virtute , scientia , sudore , vult honorari , & opibus augeri , hic est justus , est magnanimus , est generosus : & si fortè non petit debitum virtutis suæ testimonium , tum est injustus , est vilis , &

& pusillanimus. Ad propositum autem ut redeam: erit aliquis, qui malè moratam suam habuerit domum, pueros & familiares dissolutos & protervos, qui vivit sudoribus alienis, qui debita contrahit, qui delectatur litibus & tumultibus, qui interfecto crudelis & ingratus existit; hic quidem justus dici vel haberi nullo pacto potest.

Duodecimum adjumentum consiliarii est, ut sit largus & liberalis. Namque populus largitione maximè delectatur, & hanc unam amat & veneratur: *avarum contra aversantur universi*. Qui ut cupiditatibus satisfaciatur suis, omnia habet venalia: nihil sine aliqua commodi spe loquitur: & à quo non aliquid aliquando speret, admittit ad se neminem; & ita suas apertas tenet cuilibet proditori fores, modò fiat, se tantùm salvo. Qui dum in concilio est, alienorum bonorum, jurene an injustitia, non curat, expilandorum præstat se auctorem, ut tantùm partem aliquam eorum ipse etiam fortiatur. Vnde gravissima & periculosissima quæque in Principatu oriuntur. *Decoctor verò & prodigus sensim absomit semetipsum; & postea decem millibus errorum est obnoxius*: & inde splendor & existimatio ejus imminuuntur, & hoc in majores adhuc labyrinthos ruit. Expedi igitur, ut consiliarius sit largus & liberalis, & ut media via inter hæc duo insistant extrema. Quod quidem consiliarii

*Largus
& libera-
lis.*

adjumentum sic princeps assequetur liberalis : Pauperum , virginum & viduarum juvat connubia : egentioribus subvenit : captos redimit : honestorum suorum amicorum æs alienum dissolvit , & viris ingenio & intelligentia rerum præstantibus omni ratione auxiliatur. Quod ipsum magnum argumentum in Rempub. ipsius erit voluntatis. *Prodigus* porro in immoderatis & plurimis epulis cognoscitur præbendis & subministrandis , in superbo & luxurioso vestitu, in hastiludiis & choreis, in venationibus , in histrionibus alendis, & adolescentibus sine aliqua necessitate, & in rebus aliis generis ejusdem , in quibus nec modus neque observatur tempus , neque ipsum discrimen. *Avarus* verò vel eo agnoscitur ipso , quòd sordidè vivit , & tam in vestitu quàm domi suæ plena sunt omnia mendicitatis. Qui denique magis ipsum se , quàm Principem respicit suum, & omnia omnium actionum suarum refert ad privatum emolumentum. Iam verò & petax perpetuò est; & nihil fere aliud agit, quàm supplices libellos perpetuò porrigit, & urget sua & suorum. In quo magnum committit errorem , cùm is , qui consiliarium agit Principis, oblivisci quasi deberet sui, dirigere autem omnia ad comoda sui Principis , & nominis immortalitatem. E contrario autem, ut concilium suum bonum , candidum , & providum Princeps retineat , vicissim in eo omnem curam

curam & sollicitudinem suam ponat, ut consiliarios quàm maximè honoratos, & opibus dignitatèque efficiat auctos, cùm credibile sit, omnes & singulos, in Principe suo juvando laboraturos, à quo divitias, amplitudinem, salutem denique suam pendere intuentur. Tredecimum consilarii adjumentum est, ut beneficus sit: hoc autem est amicus benefaciendi. Quam virtutem Latini dixerunt beneficentiam: & non refertur, neque consistit in prædiorum aut pecuniæ donatione, sicut ipsa liberalitas; sed in adjuvanda Repub. & utilitate communi & ejusdem membrorum, admonendo, laudando, vituperando, reprehendendo, consolando, vires & robur adaugendo, providendo, favore & auctoritate prosequendo non modò eos qui id postulent, sed qui adeò etiam videantur meruisse, etiamsi nihil petant omninò. Itaque homo beneficus, videns vias regias, fontes, flumina, pontes, & alias res publicas aut extruendas, aut meliores faciendas, ponit in eo omnem suam operam apud Principem & omnes suos ministros, ut efficiantur alia: quæ sunt malè facta, ut diruantur aut reficiantur & efficiantur. Hic porrigit manum lapsis, erectos facit ire, euntes currere, currentes gradum sistere in lætitia & animi tranquillitate. Hic in aula Principis inanimat semper aliquid agentes præclare, facit eos cognosci, in Principis deducit notitiam, & aliquid pro ipsis impetrat stipen-

dii, aut mercedis: denique omnes omni
 adjuvat ratione, qui laborioso genere vitæ
 ad decus & gloriam solent contendere. Et
 rursus eos dejicit, qui malis artibus ad o-
 pes dignitatésque connituntur. Idem ille
 malis iudicibus obstat, & operam bonis
 legibus promulgandis navat, quas easdem
 vult strictissimè observari. Postremò, qui
 habet illam virtutem, est patronus justitiæ,
 est defensor populi, est magister nobilita-
 tis & naucerus consilii, est pater patriæ,
 est honos Principis, & quasi alter in terra
 Deus. Nam dampnum facere pro se quis-
 que faciliùs potest: Tali verò eminere vir-
 tute, instar est divinitatis. Quocirca, ut di-
 cendi finem faciam, consiliarius hanc vir-
 tutem debet maximè profiteri, & re ipsa
 exercere: Quæ quomodo cognosci à Prin-
 cipe in ipso debeat, ex iis, quæ de benefi-
 centia sunt allata, non admodum difficilis
 res est intellectu. Quatuordecimum adju-
 mentum, quod aptum ostendat consilia-
 rium, est illud, ut mansuetus & affabilis
 sit: nam hic aditum magnis æquè & par-
 vis, pauperibus & divitibus ad se præstat:
 omnes læta accipit fronte, audit omnium
 postulata attentè, respondet benevolè, pro-
 missis stat cum gravitate, negat sine moro-
 sitate, reprehendit absque injuria, expedit
 absque superbia: ita nimirum, qui aliquid
 præmii aut beneficii à principe sortiuntur,
 rem verbis amplificant, & millies magis,
 quàm per se est ipsa, laudibus in cælum
 efferunt.

Affabilis.

effecerunt. Qui verò id, quod petivit, non obtinuit, saltem in ipsius consilarii mansuetudine acquiescit, & aliqua ex parte lato ejus aspectu, suavis responsionibus, ejus candido pectore, est contentus. Quæ ipsæ res ad eum modum sunt comparatæ, ut generosi animi magis aliquando iis, quam vel ipsis opibus & divitiis capiantur. Sic legimus & audimus quotidie multos inductos fuisse, ut bona & facultates, vitam denique perderent ipsam, indignatione quadam potius, quam vel injuriis infinitis. Expedi igitur, ut consiliarius valvas suas apertas fieri cunctis patiat, & non moveatur auditionibus: nemini etiam desperationis præbeat causam, si id, quod aliquis ab eo petit, præstare non potest; excuset id cum quadam affabilitate, quæ ipsi vel inprimis debet esse commendata. Hoc adjumentum sic Princeps cognoscet in suo consiliario: Affabilis homo, est jucundus, statim colligit se, & non est præproperans, circumspèctè incedit, eleganter vestitur. Amicus est familiarium conventuum & colloctionum, partium non tenetur studio, cum omnibus omnium generum tractat hominibus, facit dicto factove injuriam nemini, prius rumpet caput alicui, quam ut aliquid injurium ei loquatur. Est amicus acutè & quadam cum venustate dictorum, amat honestam libertatem, abhorret verò ab omni genere hypocriseos & simulationis. Ho-

*Iracun-
dus.*

mo interim præceptus & iracundus, nulla ratione potest esse affabilis. Morosum & Melancolicum se ostendit: omnia illi molesta sunt: non admittit ad se petentes facile: audit & loquitur paucissima, & malo tandem fine terminat cuncta: patientissimum etiam quemque fatigat & offendit, & omnia ab eo pessum eunt negotia: inimicitiarum inter suum Principem & subiectos est ceu quædam seges & materia perpetua. In quem eundem errorem seu vitium incurrit arrogans & superbus, qui omnes ad consilarii munus prorsus inutiles habentur. Quintumdecimum & ultimum, quod idoneum testatum faciat consiliarium, est adiumentum, ut sit fortis, & ista quidem non est corporis ipsius fortitudo, propter quam nonnulli heroës appellantur, quasi plus quam ipsi homines. Nam hæc corporalis etiam inter bajulos, vel corpulones reperitur, qui vitam suam pro quatuor regalibus argenteis venalem non inviti exponunt. Sed nimirum illa, de qua mihi institutus est sermo, non nisi in studiosissimis est veritatis fortitudo, & qui manibus pedibusque semper illam tuerentur, nec ullum vel minimum hac in parte respectum retinent personarum. Qua defendenda pro nihilo ducunt ea, quæ alii maximopere admirantur; videlicet, habere familiaritatem cum Principe, aut secus: latari, vel non: ejus patrocínio &

pau-

Fortis.

paupertatem aut divitias consequi : habere
dominatum vel subjectionem: laborem aut
requiem : vitam vel mortem , & tam cum
prospera, quàm cum adversa fortuna collu-
ctari , unaque & altera æquè esse conten-
tum. Nulla autem in aulis domibusque
Principum pestis est capitalior, quàm quòd
rarissimus cultus & studium in hominibus
est veritatis. Quam ut aliquando in aper-
tum proferri necesse sit , adornatur nihilo-
minus blanditiis & lenocinio verborum,
sic ut difficillimè dignosci queat ab ea, quæ
omnium odiosissima nocentissimaque est
falsitate. Verè & acutè quidam dixit Phi-
losophus: Vnam tantùm rem Principibus
cognitam esse , ut videlicet benè equo insi-
deant , reliqua non admodum esse perspe-
cta. Etenim cùm nesciat assentari equus,
sine ullo respectu personarum æquè excu-
tit regem, ac quemlibet alium inferiorem:
Quo ipso innuebat assentatorem, & quàm
parum Principes delectarentur veritate.
Quocirca consiliarius fortis non solum
vera ipse Principi loquetur , sed amovebit
etiam eos, qui ipsius iudicium assentatione
atque mendacio adulterant. In quocunque
tandem statu fortunæ, & tam bonorum,
oppidorum & regionum, quàm etiam
conjugum & liberorum amissione , ipsius
etiam famæ & aliarum rerum iactura , est
fortis & penè immobilis, non turbatur: est
sui ipsius & rationis dominus, & propter-
ea potest statim præcurrere & providere
I 7 rebus,

rebus, quæ ad sui Principis spectant dignitatem. Audire, loqui, respondere, præcipere, animare, erigere, tam Principem ipsum, quam ejus populum potest sine retardatione. Iam & illud perspicuum est, quod talis non à ratione, non à fide, non à sui Principis amovebitur amore, auro, amicitia, prece, vel precio, nec ulla vi, aut aliqua re, quæ in hac naturæ nostræ reperitur mortalitate. Quod quidem adjumentum sic cognoscet princeps in consiliario. Vir fortis cultor est & amator veritatis: hostis verò assentationis, non optimè omnium illi constat cum jocosis, non variatur conditione, odio magno habet sursurrones, non ridet, liberè loquitur, non est superstitiosus, dicta ipsius habent pondus: peræquè Principi ac cuipiam alteri suam aperit sententiam, nec scit vel tantillum dissimulare. Interim ab amicis hypocritarum & assentatorum, & qui occultant veritatem, caveant sibi Principes, caveant à consiliario, qui se dedit pecuniæ; non modo suæ libertatis, sed & alienæ is agget venditorem: caveant à consiliario, qui bonorum, conjugum, aut liberorum interitum ad lachrymas usque prosequitur, lamentatur; qui se ipsum conficit, & magnitudine doloris agitur aliquando in furorem. Nam ejusmodi non est fortis, sed potius effœminatus & prorsus ineptus, qui consilio adhibeatur. Atque hic quidem finiunt adjumenta quindecim, quæ bonum

&

& idoneum testatum faciunt consiliarium, si animum ejus intueamur. Qua ipsa in re diligens fiat inquisitio, ut omnino aptus appareat is, qui aggregari concilio debeat; & interim qui adjumenta omnia quindecim habuerit, aptissimus censeatur. Qui verò plus vel minus, eodem modo plus vel minus aptus omnino erit habendus. Illud autem certo certius futurum est, in quem supra dicta adjumenta concurrent universa, illum omnino rerum intelligentia assequendarum fore capacissimum, & rursus ab omnibus intelligendum; is haud dubio etiam sequetur bonum, & fugiet malum, & in omnibus tam consiliis quam actionibus suis retinebit firmitatem. Nam eundem oportebit esse prudentem, bonum & fortem: bonus autem non fallit, & prudens non fallitur, fortis verò pervincit omnes difficultates. Idem ille amatur à populo, propter liberalitatem, beneficentiam, affabilitatem & conceptam de eo bonam existimationem. Hic habet in omnibus quæ dicit, & facit fidem: nam illis quidem nos nostraque credimus omnia, quos ea, quæ tractant, probè intelligere intuemur, & quos moderatè & justè imperare non ignoramus. Hic orbis totius judicio, omni præ cæteris honore est dignissimus. Nam res planè divina & admirabilis est ingenium, quòd tot diversarum artium & scientiarum sit capax. Hic harum in vita rerum contemptor est, & nihili ducit

cit ea , quæ alii tantopere admirantur , & in eo felicitatem suam omnem reponunt. Sic ut talis , quiscunque tandem fuerit , verè sit nobilis & honoratus , sit illustrissimus , sit excellentissimus , & sit adeò serenissimus , ut cum quibuscunque tandem orbis terræ Principibus possit conferri.

C A P V T I I I.

De adjumentis in Consiliario , ratione corporis.

HO M O quisque pro se , qualis , quantusque sit , & quantum adeò valeat , (ac quæcunque tandem alia res ,) duobus maximè , experientia & conjectura , perverstigatur: Illa quidem major certiorque est , atque adeò etiam magis necessaria ; quamobrem & principem occupare debet locum. Conjectura ducis instar & argumenti est , quæ ut vel nonnunquam fallat , sapius tamen elucet ipsa , & confirmatur veritate , quo etiam contemnenda , & abjicienda est minus : quanquam non ut peræquè certa , secundarium locum obtineat , & ipsa experientiam proximè comitetur. Iuxta autem hanc institutionem , ut quo pacto idoneus eligendus sit consiliarius planum fiat. Primum quidem cognitum esse volo ab experientia , quæ in dictis factisque consistit uniuscujusque : quæ quoniam ab animo proficiscuntur duo , & sine

eo nec possunt, nec debent deprehendi, propterea hæc ipsius animi appellavi adjumenta, quæ quindecim his præsidiiis, ut apparet, continentur. Sequitur jam porro conjectura, quæ per quædam externa idoneum consiliarium reddit testatum, quæ est pars altera nostri de consiliario instituti sermonis, in quo ipso multum esse me, aut oratione non expedit divagari. Quantum videlicet ipsius adjumenta valeant corporis, & unde, & quomodo oriantur, & alias, quæ ultro citroque moveri possunt disceptationes, silentio prætereo: sufficere scire, quod, quomodo prout, si sunt vel secus fertilia, equum bonum vel malum cognoscas: sic esse & notas quasdam hominibus ingentis, & in ipsorum apparere corporibus, quæ plus vel minus idoneos, si vel aded animum ipsum spectes, testificantur consiliarios. Qua de re verbis non utemur pluribus, sed ad ipsas notas, seu adjumenta corporis in consiliario demonstranda veniemus.

Primum adjumentum corporis, quod idoneum monstrat esse consiliarium, est, ut non minus quàm triginta annos habeat, & *Annus* non excedat sexaginta: nam intra triginta *triginti-* annos intellectus non usque quaque est tranquillus: experientia verò est modica, arrogantia nimia, ardor gravis, cogitationes elatae, infirmitas naturæ multiplex, neque eam, quam par est, retinere licet gravitatem, cui nec populus satis fidit, neque sine *mus.* mur-

*Annus
sexagesi-
mus.*

murmuratione eam prosequi permittit. Cum autem ætatis annum sexagesimum fuerit prætervectus, amittit memoriam, vacillat intellectus ipsius, experientiam in obstinationem vertit, vigorem animi perdit, & elabi patitur sibi occasiones opportunas: corpora denique necessariò enervantur senum, itinera non amplius facere possunt, & quasi quædam perpetua aulæ redduntur impedimenta. Quanquam interim non inficior, omnes regulas suas habere exceptiones, & infra trigessimum, atque etiam post sexagesimum ætatis annum, idoneos nonnullos huic muneri reperiri, paucos tamen illos, & tempore admodum rariore. Et ego de eo, quod magis certum & observatum est, loquor; quò magis intra triginta & sexaginta ætatis annos, consiliarios eligi iudico oportere, utpote, qui (si fortè aliud quid non intercesserit,) totis triginta annis suam navare operam poterunt Reipub.; qui sicuti inter viride & sterile sunt medii, ita & animum magis habent temperatum, & sunt magis graves: pollent usu & experientia rerum, valent memoria, præstant vivacitate, natura ipsa eos corroborante, recto gaudent iudicio, non laborant peræquè perturbationibus animi, nituntur ratione & consilio, imbecillitas non admodum est eis nocens, tuentur semper cum dignitate gravitatem, ire & redire non incommode queunt, observat eos populus, & fidem ipsis habet, quam meritò debet.

Ac po-

Ac postremò non alterius ætatis suos eliget Princeps consiliarios, ut ii, qui infra hanc ætatem sunt, dent literis in gymnasiis operam, peregrinentur, exterorum mores & urbes videant, linguas discant, sequantur militiam & aulas, & omnia illa assequi conentur, quæ ego in hoc secundo capitulo comprehendi. Qui verò ætatis suæ sexagesimum supervenerint annum, domum redeant, quieti se dent, suas exonerent conscientias, & discant tempestivè mori. Quibus Princeps, quod aliquando olim Romani suis emeritis dabant, largiatur, ut videlicet honores, dignitates, & excellentiora privilegia, & annuos redditus, pro uniuscujusque meritis atque virtute. Secundum adjumētum, quod quoad corpus idoneum monstret consiliarium, quam vulgò appellant, complexio est; nam certa quædam temperamenta habentur, quæ naturâ aptos quosdam & illustres faciunt: & ex adversus ineptos & obscuros alios, qui ut etiam diu noctuque in eo, quod illis ingentum est, emendando perpetuè elaborent, vix proficiunt aliquid aliquando. Illi verò priores exigua arte & diligentia nixi, quod volunt, assequuntur: & in horas redduntur aptiores. Ac proinde bonum consiliarium sanguineum aut cholericū, neque alterius complexionis arbitror esse oportere. Nam ut plerumque fit, istius, & non aliterius commixtionis, sunt ingeniosi: & habent præterea memoriæ satis, deque rebus rectè

Sanguineus.

&

*Melan-
cholicus.*

& scienter verba faciunt: clarum habent
judicium, sunt justi & benigni, affabiles,
candidi, magnifici, benefici, & magnani-
mi, natura fortes, corpore agiles, & vel
minimum valetudinarii. Modus tales non
est difficilis cognoscendi, præsertim cum
Principi non desint medici, quorum vel
hac in parte consilio utatur. Videat autem
inprimis, ne consilio suo phlegmaticum
aut melancholicum adhibeat. Nam ad
omne genus gubernationis ejusmodi ipsâ
naturâ sunt inepti, præsertim si munere
consiliariorum perfungantur. Etenim me-
lancholicus, ut est natura siccus & frigi-
dus, terrestris est, hoc est, ejusdem quæ &
terra complexionis: itaque humi semper
repat, & vix à terra elevatur: est morosus,
tristis, sordidus, vanus, expers, & quasi
hostis illustrium cogitationum, malitio-
sus, & ceu quodam veneno vas plenum,
est superstitiosus; sic ut hujus complexio-
nis homines religionem suis somniis & o-
ciosis quæstionibus corruperint. Hic idem
aliqua ex parte est & suspiciosus: & quo
magis se nescit, eo minus habet intelle-
ctus: ipsa est invidia, statim excandescit, &
manus temerè conserit, perpetuoque jur-
gatur, ac denique infinitis contumeliis, &
jaciendis in alios maledictis est injurius
quàmplurimis. Quid multa? melancholi-
ci Saturno sunt subjecti. Mira autem est
res, quantopere philosophi omnes saturni-
mos averfentur; sic ut certum habeatur,
Apol-

Apollonium Thyaneum Ephesi melancholicum quendam invenisse, qui sua sola præsentia urbem totam corruerat, unde postea pestilentiae lues gravissima est sequuta. Phlegmaticus porro est turpis, tardus, *Phlegmaticus.* simplex, ignarus, neque ulla in eo reperitur virtus, sed omnes sunt minores quam vel mediocres. Tertium adjumentum, quod consiliarii ostendat virtutem quoad corpus, ipsa corporis est habitudo, quæ omnium optima, si mediocris fuerit, semper habetur; nam hac in parte extrema omnino sunt vitiosa, & adimunt, quæ ejus est anima, consiliario auctoritatem. Proce- *Longus.* ræ namque admodum staturæ aliquem omnes astrologi non bene esse compactum testificantur; & sic demum raro esse affirmant sapientem: præsertim si fuerit debilis, & colli paulò altioris; quo etiam minus verentur parum idoneum & providum ipsum appellare. Vnde communi eorum sermone tritum natum est proverbium: *Subtilem & longum plerumque esse stupidum.* In parvo verò non peræquè tot vitia *Parvus.* gubernationi infesta, quàm in longo licuit observasse, eo duntaxat excepto, quodd *parvi soleant esse iracundi, arrogantes, & vulgus eos ridet, neque unquam magnopere æstimat & admiratur.* Quæ quidem natura ingenita nullo pacto excusari queunt, adeò ut Principi necessarium fuerit, quoad ejus fieri maximè potest, curare, ne in consiliario contraria bonæ reperiatur

*Pinguis.**Medio-
cris.**Monstro-
sus.*

periatur habitudo; etenim risu publico postea facilè exagitur. Cum autem nimis pingues quasi dolium; aut subtilis ut congruus insolatus, qui in quadragesima comeditur, spectantur, ut alia incommoda, quæ ex humore, aut pingui, aut tenui eis obveniunt, præteream; qui quidem humor planè ad gubernationem reddit eos ineptissimos: quorum vitandorum causa corpore & statura mediocri expediet consiliarios elegisse. Quartum adjumentum, quod idoneum, quoad quidem corpus, monstret consiliarium, naturalis ingenita est proportio, in qua unum alteri membrum respondet, ut nec demi neque addi posse aliquid videatur. Etenim, ubi in aliquo horum peccatum deprehendas, magnum argumentum est & animi ipsius vitiosi, & offenduntur haud dubiè spectatores. Proportio verò in omnibus corporis partibus est quidam ordo non magis mirabilis, quàm & delectabilis: cùm videlicet neque minus neque majus est caput, quàm reliquum corpus requirat. Quod idem & de aliis membris statuemus: ne una manus sit longior, contractior altera; humerus hic elevatus, ille depressus, & alia generis ejusdem. Integritas quoque partium est pernecessaria. Luscum, gibbosum, aut sine pede, manu, brachiove nasci aliquem, monstrosus est: & aut superfluitas, aut defectus materiæ est causa. Et talis omnium ferè physicorum est opinio, præfer-

tim.

tim Galeni & Hippocratis, cunctos ad
 eum modum generatos (nisi fortè successu
 temporis aliunde id evencrit,) habere infi-
 nita, quibus tam in intellectu, quàm in vi-
 ta & moribus impediuntur. Et dicunt, A-
 ristotelem crebris illud usurpâsse sermoni-
 bus: *Libera me Deus à naturâ signato.* Qui-
 bus de causis omnibus, inprimis autem, ne
 homines eos refugiant & aversentur, in ea
 prorsus sum sententia; Eos qui horum vi-
 tiorum aliquo laboraverint, in reliquorum
 consiliariorum numerum non esse assciscen-
 dos. Quintum & postremum, quoad cor-
 pus ejus, qui consiliarium agere debet, est
 adjumentum, ut pulchra & venusta sit fa- *Venustus.*
 cie, propterea quòd iis, qui hoc naturæ
 habent beneficium, honor præ aliis defer-
 tur, & summopere diliguuntur: & nescio
 quomodo præ cæteris multum in vulgus
 habent authoritatis. Ideò consiliarius me-
 diocre & rotundum, neque cacuminis in-
 star habere debet caput, faciem quidem
 longiorem quàm rotundam potius, non
 parvam neque minus etiam carnosam:
 frontem elevatam, aut mediocrem, non
 parvam aut tristem: oculos porrò medio-
 cres, vivos & tranquillos, non omnium
 maximos, neque etiam admodum parvos,
 aut turbidos, non sine gravitate: nares
 longiores & delicatas, non breves, neque
 crassas, neque depressas: labia mediocriter
 crassa, non minus subtilia, neque etiam
 crassa, neque pendentia: & sit denique ve-
 nustus.

nustus ad insinuandum se, hominum benevolentiae accommodatus. Atque hinc quidem finem adjumentorum faciam, quæ consiliarium corporis ipsius ratione aptum declarant. Interim autem meam hanc diligentiam, quod minuta etiam ista de adjumentis consilarii adeo tractaverim, reprehensuros esse quosdam non dubitabo. Verum ego istis haud ita dubitanter vicissim respondebo, eum, qui aliquid bene tractare & discutere cupiat, per omnia sermone & cogitatione, nulla penitus prætermissa re, divagari oportere, & magis aliquando ista, quæ minuta videntur, esse observanda, cum sine illis, nec possint neque debeant ulla ratione stare majora. Videmus, cum ad domus alicujus venit emptio, quanta utamur diligentia, non solum fundamenta & parietes, sed ipsa etiam stabula, & illa loca, quæ honestè dici non possunt, solertissimè scrutamur, & pervestigamus: Quantò verò magis acutè in eum introspicere par fuerit, qui regna & provincias gubernabit. Empturi equum pro decem, quinquaginta, centum, vel ducentis aureis, quid non facimus? jubam, buccam, ossa, oculos, aures, pedes, crura, pilos, formam, & id genus alia, acutè rimamur universa, jubemus ut currat, ut gradum sistat, ut redeat, ut in gyrum vertatur, & ut lentò inambulet, quomodo denique vel bibit, vel comedit, inquirimus diligenter: Princeps ipse, ut dentes equi videat,

*Equum
empturus
quid a-
git?*

videat, vel suas in ejus buccam manus ingerit aliquando. At nobis quid minutum in eo cognoscendo videatur, quem nostris præficiamus facultatibus, cui honorem vitamque nostram concedamus, & qui curam gerere debeat totius nostri principatus?

C A P I T U L U M

De Electione Consilarii.

DVÆ tantum sunt res, (quod secundi capituli principio superius est dictum,) quæ in consiliario potissimum spectantur deligendo : Vna est, verè dignum & tanto muneri esse idoneum, quæ ipsa in præcedentibus capitibus duobus satis superque est explicata ; vita & prudens, de qua nunc loquar, electio est altera, quæ non nisi penes ipsum consistit Principem, ut nimirum intelligat, quo, quando, quomodo, quis egeat, & sibi suisque consulat, consiliario. Neque enim mihi est dubium, consilarii electionem tanti ponderis & momenti esse rem, pro se quemque Principem cogitare oportere, ut ex una quidem parte honos & commoda ipsius consistant in eo omnia : ex altera vituperium & interitus tam ejus, quam populi consequatur. At ut breviter multa complectar, aliis quæ in hanc sententiam dici possunt pluribus præteritis, vulgo videmus primum

mum & præcipuum iudicium de Principibus & eorum virtutibus à consiliariis proficisci, qui si idonei & sapientes fuerint, haud dubiè & Princeps ipse habetur sapientissimus. Hic verò ut quales idonei sint, intelligentia assequatur, eosdemque sibi fideles & sinceros reddat, id potissimum spectet, ne hac una in re erret aliquando vehementius, in qua semel lapsus, facile in reliquis etiam semper impingat. Etenim ut rivulis fontis infectis tota aqua corrumpitur; sic consilio depravato regis, reliqua etiam in administratione publica descendunt. Hinc audimus, cum una omnium voce solet laudare populus Principem, tum nimirum eam inde laudem potissimum exorditur, quod præstantes consiliarios habet: & in his demùm si quis adeò antecellit, tum ait: Hic aut ille tali præstat virtute, & hoc aut illo nomine populo satisfacit. Iam verò mox vicissim murmurat, & pessimè contentus est, si defuerint; maximè autem, si bellum gerendum est, statim acclamat: Desunt nobis boni consilarii: hic & ille rex tales habet ad tractationem pacis viros, & alias pactiones, aut conditiones ineundas. Univerfus denique populus sibi metuit, & vociferatur: Nos, inquit, decipiemur, & in discrimen rerum nostrarum veniemus; quia nobis deest bonum consilium. Non est igitur dubitandum, nos à recti consilii viribus & authoritate & omnia depende-

re. Quod rectè aliquando regius Propheta intellexit, cùm in bello, quod ei cum filio Absolon intercesserat, non alio nomine Deum Opt. Max. precabatur, quàm ut consiliarium ejus primarium excœcasset: nam magis sibi ab Achitophel, quod erat nomen consiliarii, metuebat consilio, quàm ab armis, bellandique usu, & artibus omnium reliquorum. Habeat Princeps consiliarios bonos, hi, ut aliquando errent, non erit, cui is facilè fidem faciat. Si autem secus fuerit, & res vel aliquando succedant benè, tribuitur casui, & errore aut negligentia adversariorum, præter omnem expectationem, dicitur evenisse. Certissimum igitur est, à concilio & consiliariis bonis non solum prosperum rerum successum, & ipsum honorem ac famam Principis proficisci, & tam quidem apud suos, quàm & apud externos ipsum magni fieri, & retinere ubique auctoritatem; ut videlicet ament eum sui, & revereantur exteri; & una omnium voce passim & ubique prædicetur. Quare primum & præcipuum eligendo cōsiliario id princeps habeat, ut meminerit & sapius secum consideret ea, quæ in hoc capitulo continentur. Secunda sit admonitio, ut Princeps etiam atque etiam cogitet, tali consiliario magis egere se, quàm ipso, quem comedit, pane: & hoc ideo maximè, ut audire possit & admittere apud se veritatem. Etenim vix est credibile, nudam veritatem ad aures

Principis , propter adulatorum multitudinem , quibus undiquaque ſemper circumſeptus eſt , pervenire. Audienda quippe ab unoquoque ſine discrimine veritate , amittendæ autoritatis ſuæ periculo non caret ; ut ad extremum tandem nihili & contemptui habeatur : neque expedit omninò , ut velint ejus veritatis enunciandæ concedere omnibus facultatem : Sed ſuos Principem habere conſiliarios neceſſe eſt, iis præſidiis, de quibus in aliis capitibus diximus , inſtructos & locupletatos ; qui & veritatem intelligere ſciant , & ſuo loco & tempore velint eam proferre : & iſtorum quidem id propriè incumbet muneri , ut in omnibus , & per omnia obſervent & loquantur veritatem. Atque hæc unica erit via illius audiendæ , & aſſentatoriæ cognoscendæ , & penitus explodendæ falſitatis , qua vix crediderim meliorem aliam poſſe reperiri rationem. Tertia admonitio eſt , ut Princeps , qui in multas habet partes diſpartitum imperium , eligat ex omnibus & diverſis partibus , aut provinciis ſibi ſubjectis , conſiliarios , non tantum ex una aut item altera. Cujus rei ergò facilius declarandæ, exemplo, & quidem domeſtico, regis Catholici Hiſpaniarum utemur. Inter alia plura ille dominatur Arragoniæ , Caſtiliæ, Siciliæ, Neapoleos, regnis , Mediolano , & inferiorum provinciarum Burgundicæ familiæ poſſidet principatum. Debet igitur habere conſiliarios non ſolum.

Arragonenses , aut ex Castellæ regno oriundos ; sed etiam Siculos , Neapolitanos , Mediolanenses , & Burgundos. Et quæ hoc loco de Hispaniarum rege diximus , hoc de omnibus Principibus dictum esto generatim. Expedit quippe regibus, ut hac unica insistant via , si populos suos rectè regere, & reddere sibi non infestos volunt : nam alioqui pessum eunt universa, ægerrimèque à publicis gubernaculis gentes & nationes amoveri se patiuntur , & quasi in furorem aguntur , cum suæ gentis vel agnationis vident in consilio neminem : existimant namque non sine causa id fieri, & aut à Principe haberi despiciatui se , aut servorum instar , aut denique indignos, quibus se concedat , arbitrantur. Ac primum quidem ingenerat odium : alterum quærit & concupiscit libertatem , unde in Principem conjurationes oriuntur , & externorum arma evocantur : postremum inflamat & obdurat corda subjectorum ad quamvis prodicionem in suum naturalem Principem prosequendam. Iam & illud perspicuum est , quòd illarum regionum, in quibus nati & educati sumus, omnes omnium mores, ingenia, desideria, virtutes, vitiaque hominum, ac denique ipsas familias, ac earum merita, maculas, commòditates & difficultates , utilia denique & damnosa cuncta , rectius cognoscimus, quàm externarum. Quo etiam magis , si ex omnibus , quæ illi subjacent provinciis,

rex elegerit consiliarios, natos, inquam, & in iis educatos, poterit rebus commodius providere. Et quidem *natura ipsa duce ita est comparatum, ut nostros magis amemus semper, quàm externos & alienigenas*: multa namque nos consociant & obligant nostris, sanguis, societas, amicitia, obsequia, merita, vicinitates. Ac quo maximè tenentur boni, sub iisdem legibus esse natum atque educatum plurimum interest: earum enim rerum nulla cum externis nobis est communitas: consequens ergo est in & extra consilium, citius & melius, & majori cum diligentia, domesticorum negotia tractari, quàm externorum: qui quando consequi aliquid nituntur, oportet eos sudare guttas sanguinis: summo labore, & (ut ita dicam) brachiorum contentione parant omnia; aut verò quod boni mercatores facere solent, numeratis pecuniis emunt quæ concupiscunt. O quam autem infelix est illa provincia, quæ in Principis sui consilio ne unum quidem suæ nationis consiliarium intuetur! Iam verò & Princeps ipse, qui ex una tantum gente eligit sibi consiliarios, ut mihi quidem videtur, maximè animi laborat impotentia, & partium sectarumque se ostendit amatorem. Etenim cum nationi uni tribuuntur omnia, aut saltem maxima; necessario illa tandem insolescit: quod cum aliæ indignius ferant, inflammantur tandem invidia, & in ipsos Principes jaciunt maledicta, & denique perditos

perditos eos cupiunt, & varias concitant
in eos seditiones, unde postea ad bella &
tumultus devenitur. Iam & quælibet sua
vitia & virtutes habet provincia, habet
bonos & malos, doctos & indoctos, fidos
& infidos: quam ad rem non multis mihi
opus est verbis: qui potest me intelligat,
ego quidem satis me ipsum intelligo. Prin-
ceps pro se quisque publica juris ipsius ra-
tione persona est: nolit ergo contra ratio-
nem partium ostendere se fautorem: est
omnium civitatum suarum & regionum
civis, nolit esse alienigena & externus: est
pater omnium, non expedit ut vitrici loco
habeatur. At breviter, cum consilium
Principis omnes ipsius debeat regere pro-
vincias, ex omnibus iis consiliarios opera-
pretium ad illud erit quæsisisse. Quarta est
admonitio, ut Princeps eligendo consilia-
rio, non modò eorum numero, quos in
aula sua habet, aut aliquando eos vidit,
vel de iis audivit, & ut vel ipsa re idonei
reperiantur, sit contentus; sed ut adeò et-
iam omni via & ratione, quoad ejus fieri
maximè potest, de iis perquirat, suisque
præfectis, vel provinciarum mandet recto-
ribus, ut omni adhibita sollicitudine & cu-
ra diligenter pervestigent, qui ad hoc con-
siliarii munus plus vel minus apti videan-
tur. Quorum trium aut quatuor nomina
mitti debent: & ille ad se proficiscentibus
viatico non desit, si, ut cognoscantur, in
aulam evocarentur. Vix autem percenseri

tot ac tanta commoda possunt, quæ ex hac una admonitione, si rectè observaretur, proficiscerentur. Interim sufficiat scivisse, inter complures aptos, quam inter paucos facilius inveniri excellentissimum, & populos gaudere, magisque amare Principem, cùm paterna cura illum affici omnium, & æquè procurare commoda & ornamenta omnium, deprehendunt. Iam & homines nobiles magis invigilabunt artibus gubernationis addiscendis, & ut benè scienterque inter alios vivant, citra omnem infamiam seu reprehensionem levitatis. Hinc missa facient vitia, persequentur virtutes, fugient scandala, & alia quæque turpiora, ut tantum nomen sibi concilient, & in eum numerum referri possint aliquando. Hac eadem postremo in suis provinciis via cognoscet Princeps suos exactius, quales, & quanti sint, & quid pro se quisque ipsorum mereatur. Atque ita pro re & occasione, pro diversis periculis, negotiis, & muneribus publicis, quo loco quid promere poterit & debebit, non eum præteribit. In numero quidem ipsorum, qui apti esse censebuntur, unus tandem aut alter restabit: verùm non restet Princeps ipse consolari sua affabilitate cunctos, laudando illorum mores, atque adeò vitæ ipsius institutum, in quo & perseverare, & cursum gloriæ continuare velint, spe præmiorum proposita eos hortetur, & tandem aut in aula servabit sibi aliquos, aut publicis

blicis præficiet muneribus, aut domum reverti patietur. Ex hac nimirum ratione pro uniuscujusque meritis & autoritate dicetur rectè omnes tractavisse, & reddet haud dubiè contentos, & ipsi consilio optimè providebit. Quinta est admonitio, ut in eligendo consiliario Princeps celeritate non utatur nimia rationi & diligentiae inimica; sed sensim & pedetentim ad eos, qui nominati fuerint, muneri consilarii præficiendos progrediatur: & interim detur facultas omnibus omnium vitiorum tam scripto quàm voce proferendorum candidati, ejusque rei commodius exequendæ gratia immunes accusatores sunt; sed tamen ita, ut via obsepiatur falsitati: quod fiet, si talionis, quæ dicitur, lex omni severitate animadversionis suum effectum fortietur, incurrentque indignationem Principis, qui tales fuerint. Iam & illud gravibus pœnis cavendum est, ne quis ea, quæ de ipso Principi referri debebunt, tam per se quàm per alium ullo modo impediat. Hinc enim tam vitia quàm virtutes candidatorum magis erunt explorata, & portæ calumniis obstruentur, & qui idonei fuerint, concilio subministrabuntur: qui verò minus idonei erunt, saltem non audebunt esse petaces, ne cum infamia repellantur. Hoc idem aliquando in eligendis magistratibus observabatur Romæ, pœnis & præmiis in utramque partem propositis, quæ executioni strictissimè

mandabantur. Quæ quoad duravit consuetudo, floruit semper Roma: ut desita est observari, eò tandem, quò videmus, res devenit. Sexta admonitio est, ut attentè & alacriter tam accusationes, quàm commendationes omnes candidati Princeps audiat; sed interim tamen facilè fidem habeat nemini, si infames accusationes erunt, cogitet & veras & falsas esse posse, & quàm multi malitiosi, invidi, ignari, animo impotentes, reperiantur. Neque verò dicat: hoc mihi Dux & Episcopus ille, sacerdos, doctor, pater sanctus, aut denique hic vel ille narravit: nam vel inter ipsas cruces, quod dicitur, diabolus est medius vel nonnunquam: hoc autem est, quòd omnes homines sumus, & fallere atque falli possumus. Qua de causa Princeps non facilè alicui credat, antequam recto iudicio & inquisitioni sui tribunalis id commiserit, atque eodem etiam modo, si vel in favorem candidati multa sortiatur testimonia, ne iis quidem habeat perfacilè fidem: non enim sufficit dixisse, talis Cardinalis, talis Marchio, talis miles, talis religiosus, bonus & sanctus, hoc vel illud mihi confirmavit. Equidem nos omnes homines esse memini, qui aut alios circumscribimus, aut circumscribimur ipsi. Atque unum illud tandem est certissimum, qui de his rebus testimonia dant, nunc rectè, nunc sinistrè multa referre quamplurimos; & interdum partim cupiditate moveri aliqua,

qua, partim invidentia, partim commo-
rum spe, partim etiam vanitate. Quæ ut
omnia non subito dignoscantur, est, quod
latent sub quodam ceu integumento studi-
erga Principem, & desiderio ipsius digni-
tatis; & sunt tanquam bolus quidam medi-
corum inauratus, in quo exterius non appa-
ret, quæ intus recondita est amaritudo.
Credere interim facile, quod experientia
magistra, num ita se vel secus habeat, pos-
sis scire, nunquam fuit sapientis. Velim
igitur principem cum S. Thoma loqui, &
non nisi ea credere, quæ aut oculis cerne-
re, aut manibus potuerit ipse palpare. Se-
ptima admonitio est, ut nullo modo, non
præcedente examine, consiliarius eligatur,
quod si dignus vel secus fuerit, possit con-
stare. Memini probè, quid superioribus
diebus eligendo pistore regis Hispaniarum
dulciario acciderit; res haud dubiè eò de-
ducta est, ut is potissimum eligeretur, qui
quibusdā confectis ex saccharo sciebat sibi
melius conciliare fautores. Iam & illud in-
mentem venit, quod aliquando Cardina-
lem Ludovicum Borbonium, cum ex Re-
gno Galliarum ab eo postulans discedendā
facultatem alloquerer, cum ad arma utrin-
que spectarent res, anno à Christo nato su-
pra mille quingentos primo & quinquage-
simo, cuidam, qui canes venaticos volebat
ipsi donare, memini dixisse: Fac, inquit, ut
venandi periculum primū iis faciam:
tum si mihi usui secusvè fuerint, facilius

judicabo. Hoc quidem , ut rude hoc loco adduci argumentum videatur, certissimum tamen est, nec pistorum dulciarios sine examine , neque canes sine venandi exercitatione posse spectari. Examen autem erit illud, ut Princeps semel atque iterum, sedulo inquam & accurate perquirat , an candidatus habeat adjumenta illa , quæ ego in secundo & tertio capitulo annotavi , & ut eo modo, quo ego monui, cuncta pervestiget : nam qui illis adjumentis carebit, prorsus erit inutilis ; qui cuncta habebit , erit haud dubie perfectissimus ; & qui plus vel minus , eodem modo plus vel minus idoneus erit existimatus. Vt igitur hæc omnia adjumenta metiatur Princeps, unam ulnam quindecim palmarum, hoc est , quindecim adjumentorum animum concernentium, & quinque palmarum alteram, hoc est, quinque adjumentorum , quæ corpus spectant, adhibebit. Qui omnes, aut saltem habebit plures , is postpositis aliis , ad consilarii munus rectissime eligetur ; ita quidem , ut si unus habuerit decem, alter verò octo aut novem, ille qui habet decem, cunctis præponatur, nec ullum sit in hominibus discrimen, siue ille dives, siue pauper fuerit, siue parvus, siue magnus, siue ignotus , siue familiaris. Nam si potens dux , aut nobilis prædives, aut intimus aliquis familiaris simul & semel ambiret consilarii munus, cum eo , qui nec principatu, neque divitiis , neque gratia ipsius Principis comparandus

randus iis esset, superior duntaxat illis, de quibus diximus, adjumentis evaderet, citra ullam dubitationem præ cæteris eligendus, reliqui omnes essent repudiandi. Et quidem hoc intelligitur de iis, qui elucet clara aliqua & illustri virtute. Munera quippè publica debentur virtuti potissimum, & non aut benevolentiae gratia, aut præstitorum obsequiorum causa, aut etiam divitiarum ergò sunt distribuenda. Interim certum etiam illud definitumque esse, & favorem, & divitias, & obsequia tum haud dubiè valere, cum in utramque partem virtutis paria sunt adjumenta. Exempli gratia: si competitores duo æqua lance ponderandi essent, tum Princeps suæ in aliquem tribuere posset aliquid voluntati, & obsequiorum ipsius recordari, concedere etiam non nihil potentiae, & non oblivisci præstantium in Rempub. meritorum, aut suæ regali majestati præstitorum. Etenim certissima hæc est regula, munera non nisi ex his causis tribus, unius causæ concedi gratia, videlicet, aut propter merita, aut propter favorem, aut propter potentiam. Primus modus, ut ita dicam, est ipsius virtutis; postremus abusus; intermedius ut etiam abusus sit, postremo tamen non potest comparari. Ut ut autem habet se res, illa quidem boni Principis & tyranni est nota, quod Princeps virtuti tribuit, quæ tribuenda sunt omnia, honores & magistratus: tyrannus propter favorem & potentiam largitur.

universa, qui quidem in tertiam generationem vix suum tuebitur principatum. Prætereo multas alias & graves rationes, quæ hoc loco commodè adduci possent & deberent: eo tantum fine facio, identidemque moneo, examen ut diligentissimum adhibeatur, & is præ ceteris eligatur, qui præscriptis regulis secundi & tertii capituli accedet quàm proximè semper: & denique ut illud examen ipsum ab illo Principe, & non à quopiam fiat alio ullo modo aliquando. Octava admonitio est, ut posteaquam examen factum & subsecutum ea ratione, quam proximo præscripsimus capite, fuerit, sine ulla vel minima priorum præceptionum, aut in hanc vel in illam partem interpretatione, tum demùm duobus tribusvè diebus post, vocet ad se Princeps eundem consiliarium, & præsentibus audientibusque aulæ suæ cunctis, portis apertis, brevibus verbis ei demonstret, quomodo sit electus virtutis & meritorum suorum causa consiliarius, pro ea spe & opinione, quam omnes de ipso conceperunt: Videret igitur, ut virtute, integritate, & morum vitæque constantia in omnibus eam opinionem tueatur: demum principatum suum & omnia ipsius commoda & ornamenta diligenter ei commendabit, eo etiam adjuncto, ut pro re & occasione, cum ea, qua par est, modestia, libere eum hortetur & dehortetur, & suggerat cuncta, quæ ad ipsum pertinere maxime

mè judicabit. Ac nimirum dicet, ut nulla non animadversionis gravitate in eum usum se esse, si quid contra officium fecerit: sic rursus & libenter opibus & honoribus eum aucturum, si de se semel expectationem excitatam virtute & industria factam tectamque conservaverit. Hac tali & tam necessaria admonitione in effectum deducenda, Princeps sibi devinctos reddit populos, ad virtutem & gloriam accenduntur boni, terror & desperatio injicitur malis: consiliarius postremo ipse non solum similis esse sui; sed adeo etiam ipsam expectationem de se semel excitatam indies vincere, quam maximè poterit, semper contendet. Nona & extrema est admonitio, ut his omnibus, quæ antea dicta sunt, ritè peractis, solenne à consiliario jurandum Princeps exigat ipse, in quo Deo Opt. Max. juret bonum & fidelem consiliarium se ejus futurum esse, & commoda dignitatemque principatus diligentissimè curaturum, & quod denique nec vitæ, neque sanguinis, neque bonorum, aut utilitatis alicujus spe vel ratione à justitia & æquitate se dimoveri patietur. Exacto ad eum modum juramento, non est quod adhibeat ipsum aliis negotiis. Dici autem vix potest, quantum inde proveniet commodorum. Etenim, si tum forte officio & juramento suo consiliarius non satisfecerit, Princeps in ipsum justam habiturus est causam indignationis, tanquam in eum, qui
fidei

fidei & conscientiae suae oblivisceretur. Ipse verò consiliarius magis reddetur circumspectus, ne officio & functione sua abutatur: iis etiam, qui contra jus & æquitatem ab eo precibus obtinere volent, sanguinis & necessitudinis colore alicujus, facilius, & cum majori æquitate se excusabit. Populus denique rebus injustis postulandis erit moderatior, & assuescet honesta à consiliariis regiis postulare; & si quid in contrarium fecerint, fidentius eos deferet & accusabit.

Operis Conclusio.

HOc illud est totum, quod in hoc primo octo librorum dixisse libro occurrebat, in quem materia de concilio & consiliario Principis debet inferri. Iam verò satis superque quid sit concilium, est declaratum. Et quomodo pro se quemque Principem (si aliàs benè gubernare cupit) concilia differentia septem, in omnibus & per omnia, in munere & administratione tota, in ministris, in mandatis & authoritate, expediat ordinare. Est denique illud etiam ostensum, quid sit & dicatur consiliarius, qui, ut aded aptus & idoneus habeatur, adjumenta viginti eum habere oportere, quindecim ratione animi, corporis duntaxat quinque. Iam & Principi notas & admonitiones novem, quomodo & quando eligere consiliarium debeat, suggesti.

Hoc

Hoc quidem est totum, quod apud animum proposueram meum, & quod vel initio istius libri me facturum esse promiseram. Quam ipsam ad rem divinæ & humanæ induxerunt me leges, quibus, ut quo & quando maximè potest, unus alterum juvet, obligamur; præsertim in rebus, quæ ad publicam maximè spectant salutem & utilitatem. Quales concilium & consiliarii ipsius sunt principis. Quod si in me esset formare, quale fieri expediret concilium, sicuti quidem scripto est comprehensum, prius boni concilii proponerem exemplum, quàm illud stilo adumbrarem: sed quando unum non datur, præstemus saltem illud, quod nostræ est potestatis. Illis incumbet reliquorum perficiendorum cura, qui ad voluntatem afferre pariter poterunt facultatem, quod profectò & majoris quietis suæ causa, & tam honoris, quàm utilitatis gratia debent præstare. Ego interim, quoad vixero, duo illa divinitus precabor: Vnum, ut Principum aperiat oculos, ut quid eorum conciliis & consiliariis desit, videant: aut ut tandem aliquando ferid secum, quomodo his tot ac tantis malis occurrì possit, recognoscant: dimidium certè itineris confectum judicarem, si vel saltem, an bonum vel malum eis est consilium, cogitarent: Nulla quippè infirmitas, quàm ea, quæ non cognoscitur, major habetur. Alterum est, ut ii, qui sunt consiliorum apud Principes directores, omnibus

bus perturbationibus animi semotis, salutaribus monitis viam demum patefaciant, & Reipub. sui que Principis, quam suæ privatæ serviant potius dignitati, neque falsis perturbationibus, album pro nigro, & nigrum pro albo ei obtrudant. Etenim illi sunt, qui perditum volunt & faciunt Principem. Illi, inquam, bonis & virtute præstantibus crura succidunt, ne ulterius altiusvè progrediantur: Illi oculis Principis tenebras offundunt densissimas. De malis quidem, non de bonis, hoc loco loquor. De bonis satis persuasum mihi fuerit, quod hoc ejusmodi opusculum semper probabunt; non quod meum sit, qui minus quam mediocris sum, sed quod proculdubio ipsa est salutare. At quid jam porro non clamabunt mali? Affirmabit quidem iste, ut Princeps in tam subtili consiliarii electione tantopere laboret, non expedire. Cui ego respondeo, non esse hunc laborem, sed laboris potius allevamentum. Nam eò minus bello & pace habiturus est occupationum. Mox dicet ille, Principem esse liberum, & ejus arbitrato distribuendas functiones. Iam & huic vicissim hoc responsum dabo: Libertatem Principis, expertem rationis non esse libertatem: Nam tum demum abusus est, & nescio quid ejusmodi instar ipsius servitutis. *Et ille verè est Rex, qui rectè facit; & liber, qui moderatè utitur libertate:* Nam aliter, qui tyrannus non habeatur? concedere autem id Principi, ut pro

pro libito distribuat magistratus, est exagitare ipsum risu publico, & tyranni loco habere. Erit præterea non nemo, qui viros nobiles præmiis & dignitatibus, ratione antiquitatis & splendoris familiæ, præstantiūque in Rempub. meritorum afficiendos judicabit: & hoc quidem ego etiam sentio: verū non unum & idem est, aliquem aliquo præmio vel honore æstimare dignum, & pati esse consiliarium. Nam non desunt quidem viæ præmiis afficiendū multos, consilarii licet non evaserint, quam plurimæ. Quid verò est, quòd & eos postremò videas, qui, quales volumus, consiliarios in orbe terrarum reperiri nusquam, non dubitabunt affirmare. Quibus ego sic respondeo, etiam multos, & idoneos, & spectatos in omnibus partibus reperiri: sed unum illud deesse, ut virtutis causa, non benevolentia, aut potentia gratia Princeps eos eligat, & ut maximè desiderarentur, præstare illos velit pro eo ac debet. Ex lapidibus homines excitabit. Cū est Princeps poëta, omnes versus pangimus: cū est musicus, omnes cantamus & choreas ducimus: cū est bellator, tractamus arma: cū est assentatorum amicus, omnes lepidis delectamur: cū studet astrologiæ, circa sphaeras versamur, & id genus alia instrumenta. Si verò talium consiliorum, quales depinxi, est fautor, caput mihi amputari patiar, si intra quadriennium præcipui quique procerum ad hæc

hæc munera idonei non reperientur. Serid
 hæc tantum aggrediatur Princeps, & semel
 reipsa, quod consului, præstet, tum demum
 opinione celerius & aulam & totum prin-
 cipatum suum iminutatum experietur;
 mutatum dico, imò etiam quodammodo
 novum effectum. Omne hoc tempus, quod
 datur otio, aleæ, blasphemix, adulteriis,
 & aliis mille vitiis, dabitur virtuti & ho-
 nestati, & iis artibus, quæ sunt eruntque
 maximè Reipub. necessariae; aula postre-
 mò virtutis & sapientix reddetur officina.
 Aliis autem interim quæstiunculis nec li-
 bet quidem respondere, cum sint plenissi-
 mæ vanitatis. Redeo ergo ad ipsos Prin-
 cipes, & illis hoc confirmo: si hoc, quo
 præscripsi, suos consiliarios eligent modo,
 quoad vivent, fortituros eos quietem &
 voluptatem maximam; & non solum de-
 fensuros, verum etiam aucturos esse prin-
 cipatum. Pacis denique & belli tempore
 erunt semper domini, amabuntur à suis
 subjectis, timebuntur ab adversariis, & ab
 omnibus evadent laudati atque celebrati.
 Posteris etiam suis firmum & diuturnum
 relinquent imperium, & magnorum bo-
 norumque Principum nomen vel ab ipsa
 morte omni ævo sortientur.

H I P P O L Y T I
A C O L L I B V S
C O N S I L I A R I V S.

THE FORT

COLLEGE

CONSISTENT

HIPPOLYTI A COLLIBVS
CONSILIARIVS.

PHILIPPO LVDOWICO

Hanovix comiti illustriss.



*Agnum sanè Principibus vi-
ris onus impositum: impe-
rium moderari sapienter, ju-
ris æquabilitatem colere, fla-
gitiorum coërcere licentiam,
excitare virtutis studia, or-
dinem in omni officio conser-*

*vare, & rem denique publicam excellentibus
meritis obstringere.*

*Consulere patriæ, parcere afflictis, feræ
Cæde abstinere, tempus atque iræ dare,
Orbi quietem, sæculo pacem suo.*

*Quoque majus imperium diffusiusque, eò ma-
jor cura, ut non immerito Diocletianus Imp.
nihil difficilius dixerit, quàm bene imperare.
Nam si administrationem rerum suarum fa-
miliaribus totam permittant, omnia Regni
præsidia dilabantur necesse est: si per se omnia
curare velint, inanem curam & sine ullo fru-
ctu percipient, horumque nullam molestissimis
negotiis, metu & sollicitudine liberam habe-
bunt. Magna servitus, magna fortuna.*

—metui cupiunt

Metusque timent, non nox illis.

Alma recessus præbet tptos,

Non

Non curarum somnus domitor
Pectora solvit.

Prudenter Saturninus illis, qui imperatoria eum purpura induebant: Nescitis, amici, quid mali sit imperare: gladii & tela nostris cervicibus impendent: imminent undique hastæ, undique spicula: ipsi custodes timentur & formidantur. Verum mali hujus remedium optimum, idque unicum in legum maiestate est, sapientumque consilio, ex quorum sententiis quid optimum factu sit, statuunt: nam summis, ut ille ait, Imperii moderatoribus, pia & decora suadentes, instrumenta sunt boni seculi. At difficulter reperiuntur: & pauci qui reperiiri possent, Principum aulas vitant. Sapiens enim, ingenium suum, & prudentiam non venditat, nec suas unquam rationes eo confert, ut Principis alicujus gratiam acquirat, ad cuius nutum & arbitrium se totum componat: speciosam illam servitutem fugit, quin potius summas divitias in equitate animi, & in ressecanda potissimum cupiditate constituit. semper cupere (ajunt) nihil aliud est, quam semper miserum esse. Vera vita est, odisse honores, qui sic expetuntur, ut parentur libertatis jactura, pacis, otii. Salem Athenis lingere se malle, quam cum principibus opiparris vesci dapibus quidam acerbè nimium respondit: sed facete Lacydes Cyrenæus, qui à rege Attalo, amicitiam, societatemque in rebus agendis promittente, accersitus, venire renuit: philosophos quippe ut picturas & imagines eminus videndos esse, non cominus. Intelligi-

Intelligebant sapientes hi viri, Principum familiares variis non raro fortuna casibus expositos, neque felices eos existere omnes, qui regia purpura, regiôque auro rutilant. Ex se autem satis didicerant, in rebus humanis nil magis expetendum, quàm quietâ, & procul à publicis muneribus tranquilla vitâ constantiam.

Felix, mediæ quisquis turbæ
Parte quietus, aura stringit
Littora tutâ, timidusque mari
Credere cymbam, remo terras
Propiore legit.

Quapropter veri Principis industria in sapientibus omni studio in bonum publicum vindicandis retinendisque, merito semper versata est. Ad retinendos duo requiri video. Quemadmodum (ait ille) fruges non tam ingenio soli, quàm cœli beneficio, meliorêque temperie latius exuberant; ita & eximia ingenia, benignitate, humanitatêque Principum virorum excitantur & aluntur: alterum igitur est, ut eorum opera, tum clementer & benignè, tum etiam justè, hoc est, congruenter utantur. Quemadmodum enim ministrorum partes sunt obsequium, assiduitas, taciturnitas, labor indefessus: sic magnatum contrà officium est, consiliariorum, (quos boni principes partem sui corporis esse statuerunt) sedulitate non abuti, nihil unquam in eos asperum aut contumeliosum dicere, nec acerbè officium exigere, sicque cogitare, se non servis & mancipiis, sed liberis hominibus imperitare, quorum

I.

opera

opera si non gratuita & voluntaria, at certe libera utuntur. Alterum est, ne laborum suorum premio ac mercede fraudentur: quid queso equius, quàm ut quorum vita in nostris consumitur commodis, eos remuneremur? exemplo vel ab agris sumto, qui à quibus diligentius coluntur & laboriosius, iis uberiores fructus ferunt. Rerum istarum neglectum magna saepe principibus incommoda tulisse, prater antiquas, historia etiam recentiores clarissime docent. Atque hac quidem Principem ipsum respiciunt.

Ceterum quam ipsius consiliarii partes sunt, hoc sermone, qua potui diligentia, succisiviis horis persequi conatus sum: an aliquid assecutus, boni lectoris iudicii facio. Id sane qualecunque est, in splendidissimo tuo potissimum nomine, Comes illustrissime, apparere volui, cuius, in magna fortuna indulgentia, animi moderatio, morum facilitas, & regia denique virtutis indoles, ut de forma dignitate nihil dicam, ita undique enitent, ut de te ornando certasse videantur. atque id eò lubentius feci, quòd opportunè hoc ipso tempore, desponsatam tibi audiam, Dei immortalis munere, Nympham principem, in qua, prater illustrissimum genus, forma & venustas conspicitur; sed pudor magis, probitas, sanctitas, & casti mores, quos domestica disciplina auxit, & probum ingenium confirmavit:

Hoc, par non aliud convenit pulchrius
unquam
Nobiliusve.

Dum

Dum igitur alii per varia certatim tibi
 gratulantium genera in carmina erumpent,
 ac tibi hymenaeum canentes, faces praferent
 nuptiales: ego hoc qualicumque libello, quo
 uno jam possum, meam adversum te obser-
 vantiam testabor: ac tibi felix administra-
 tionis tuae auspiciis, fortunatum in longum
 annorum spatium conjugium, longamque pro-
 pagationis seriem precabor;

Vt senex videas gregem nepotum.
 Nec dubito, quin muneris huius (quod du-
 ctu auspicioque tuo prodit) tenuitatem, ani-
 mi tui magnitudo & singularis humanitas
 sublevatura sit. Vale.

Q V O D D E V S

B E N E V E R T A T.



I in rebus etiam privatis nos nobis non sufficimus ; ut cùm agitur de filia collocanda , de fundo emendo , testamento faciendo , societate ineunda , vel alia simili de re : & certissi-

mmum est , sapientissimum quemque aliorum sæpe prudentia egere , medicorum ægrotantium more , qui alios sibi adhibent medicos ; quilibet enim in suo negotio hebetior quàm in alieno ; multò sanè minùs consilio aliorum carere poterunt ii , quibus multi populi & infinita negotia eaque publica , commissa sunt , qui ita nati sunt , ut bona malaque eorum ad Rempub. pertineant : ii , inquam , qui si vel minimum errent , ingenti protinus id totius regni , sæpe & orbis malo faciunt. *Gravissimi Principis labores , queis orbem terra capeffit , egent adminiculis.* Idcirco quemadmodum Tyranni fidos consultores odio habuerunt , ac summos honores ingentesque divitias , iustissima virtutum præmia , impuris & sceleratis hominibus , prædæ objecerunt , mimis , scurris , lenonibus , quorū flagitiis imperia everfa : sic optimum contra quemque Principem Consiliariis stipatum fuisse legi-

Tac. l. 4.
ann.

lib. 12.
annal.

legimus, totidem veluti oculis, auribus, manibusque. C. Cæsar Q. Pedium & Corn. Balbum habuit. Augustus Meccenatem & Agrippam; Adrianus Celsum, Salvium & Neratium: M. Antonius Scævolam, Mutianum & Volosianum: Severus Papinianum, & alii alios. *Rarò, inquit Vellejus, eminentes viros non magnis adjutoribus ad gubernandum fortunam suam usos invenies.* Imò sapientiæ argumentum in Principe nullum majus, quàm sapientium virorum consilio uti. Bene enim, inquiunt Impp. in quodam rescripto, Cognoscimus, quod cum vestro consilio, Patres conscripti, fuerit ordinatum, id ad beatitudinem nostri Imperii, & ad vestram gloriam redundare. Non viribus, ait Cicero, aut velocitatibus, aut celeritate corporum res magna geruntur; sed consilio, & auctoritate. Atque ego, inquit Sallustius, multa legendo, atque audiendo ita comperi, Omnia regna, civitates, nationes, eo usque prosperum imperium habuisse, dum apud eos vera consilia valuerunt: ubi gratia, timor, voluptas, ea corrumpere, statim imminuta opes, deinde ademptum Imperium; postremò servitus imposita est: quod tunc intellectum est cum Pericles, ut plebis gratiam captaret Areopagitarum auctoritatem sustulisset, & ea quæ prius in Areopago tractabantur ad pop. transtulisset. Nam haud multò post Respublica tum externis, tum intestinis bellis concussa ruere cœpit. Atque hanc fuisse causam unicam existimant, cur Ro-

*Themist.
orat. 3. &
Synes. de
regno ad
Arcad.
Dio. Cass.
lib. 52.*

*l. huma-
num C. de
legib.
l. dubium
C. de re-
pud.
in Cat.
majore.
in Orat.
Cass.*

*Plutar-
chus.*

*Dionys.
Hal. l. 2.*

Senec.

16. de

Benefic. c.

32. Tacit-

us lib. 4.

histor.

ma tam diu floruerit, quod qui ei præfuerunt, non sua, sed Senatus consilia sequuti sunt. Horum mihi nihil accidisset, dicere Divus Augustus solebat, postquam flagitia domi suæ in publicum emisisset, si aut Agrippa, aut Mæcenas vixisset. Nullum enim majus boni Imperii instrumentum, quàm bonus Consiliarius, qui non immeritò pacis decus vocatur. Atque ut uno verbo dicam, non magis mens & ratio in corpore humano necessaria, quàm Consilium in Principe. Sed ut commoda etiam alia, quæ ex Principis bene consulti jussis emergunt, omittam, Nonne Princeps ex assiduitate consiliorum in negotiis cæteris decernendis prudentior fit? notum est illud Græcorum: sapientum congressu Principes sapiunt. *Princeps bonus fit*, ait Capitolinus, *si bonis amicis utatur*. & detur durius quid à Principe imperatum fuisse, justum tamen & rectum subditis vel unica hac de causa videbitur, quia consilio prudentum factum. Neque majus ullum judicium bonæ mentis ostendere potest Princeps (ut præclare Cominæus) quàm si eligat sibi, & iis familiariter utatur, viros virtute & fama celebres: nam omnes statim judicabunt, Talem esse Principem, quales sunt eorum mores, quorum familiaritate ipsum implicatum animadvertunt. Ex Senatoribus Principes noscuntur, ait apud Tacitum Otho Imp. Adde quod dominum illum offendere cives metuant, & ipsius jussis

contra-

Jul. Capit.

in vita

Alex.

l. 1. hist.

contradicere, quem sciunt omnia cum consilio prudentum agere solere, ut taceam iucunditatem, qua princeps, qui sibi bonos viros studio ac benevolentia devincit, in quorum virtute conquiescat, fruitur. Quid in vita amico fideli dulcius? quod prædium quæve possessio tam opima, tamque omnium fructuum ferax & fertilis, quam amicus est? Sed ad rem. Consilium, ait Philosophus, est investigatio quædam earum rerum, quibus ad finem, quem nobis proposuimus, facile pervenire possumus. Cicero verò excogitatam aliquid faciendi vel non faciendi rationem definit. quæ definitiones ita intelligi debent, ut illa de consultatione loquatur, hoc est, de consilii inventione, hæc verò de ipso consilio, ut est consultationis effectus. At nos (quia hoc in loco consiliū pro Principum Senatu sumimus, quo sensu Tullius, *qui ex Senatu hoc in consilium delecti estis &c.*) Consiliū dicimus selectorum virorum legitimam congregationem, sive cœtū, qui Principi suo, quomodo Respub. bello seu pacis tempore administranda sit, consulunt: unde etiam dictum videtur, quod scilicet in unam sententiam plurium mentes cōsiliant & conveniant. Hinc tria in quolibet consilio requiri patet: *Personas* consulentes, Consiliarium videlicet qui cōsultitur, & Principem qui sententiam rogat; *Res* quæ in consilium veniunt, & *finem*. *Tria sunt*, ait Quintilianus, *in suasoriis seu in consiliis spectanda*:

Synesius de Regno.

Moral. l. 6.

Bod. de rep. l. 3. c. 1.

Fur.

Ceriol.

c. 1.

Festus in v. Consilium.

l. 3. Institut. 8.

quid sit de quo deliberatur, qui deliberant, & ad quid. De istis ordine, sed breviter disserere animus est. Consiliarius dicitur, qui Principi suo salutaria de Repub. fideliter & prudenter suggerit. Ex qua descriptione duo notanda, ea quibus instructus esse debet, & officium. Consiliarium iis animi & corporis præsiidiis, & veluti instrumentis munitum esse oportet, quibus finem suum, & ea quæ ad finem spectant, consequi possit. Caput ad consilium de Rep. dandum est nosse Remp. Nemo de iis rebus sapienter disserere, aut aliis rectum consilium dare valet, quas non novit, & notum est illud, turpe esse Iurisconsulto, ius in quo versatur ignorare, non minus quàm medico & gubernatori morbos cognoscendi & curandi, aut navigandi peritia carere. Regiis igitur artibus præster opus est, qui regem est consilio adiuturus. notas habere debet, ut summatim dicam, eas omnes res, quæ à Principibus tractari solent, actiones quæ ad pacem vel ad bellum spectant: versatus sit in rebus gerendis, atque in ipsa civili administratione. Quod ut melius intelligatur, præsidia dicimus Consiliarii esse partim à natura, partim à fortuna, & ut brevius, vel insita, vel acquisita. Insita, ut ingenium, forma corporis: acquisita studio vel exercitio; ut artes, disciplinæ, virtutes. Quum igitur in quovis genere virtutis nemo excellere posse videatur, nisi naturæ fundamentum

jactum

jactum habeat, Consiliarium ingenio præstantem esse oportet. Nam ut ingentia pondera, quæ nullis hominum viribus elevari possunt, machinis facile tolluntur, ita quod aliâ sæpe ratione nequeas, ingenio id facile efficias. *Animi & ingenii celeres qui-* Cic. de
dam motus, ait ille, *esse debent, qui ad exco-* offic.
gitandum acuti, & ad explicandum, ornan-
dumque sint uberes & ad memoriam firmi,
ac diuturni. Ingenio inquam Portiano, in rebus civilibus tractandis versatili, & indefesso Consiliarium esse convenit, qui tanquam odorari cuncta, eaque cernere ac seligere valeat, qui consilium secundum circumstantias aptare sciat. Vt enim in navis administratione alia in secunda, alia in adversa tempestate usui esse videmus: sic magna pars consilii erit uti in tempore. *Consilia enim rebus aptantur, res ipsa ferun-* Seneca
tur, imò voluntur. quare consilium sub die Epist. 71.
nasci debet: & hoc quoque tardum est nimis: in pr-
fallaces enim sunt rerum species; sub manu,
quod ajunt, nascatur oportet: quod magni
ingenii est. Rebus novis talis esse debet Fur. Ce-
constantia, ut rapienda sint consilia, non riol. c. 2.
quærenda, ut V. Sabinus dicere solebat:

Nimirum hoc illud factum in horas,

Si toties res ipsa ferat, nova sumere semper
Consilia.

Ingenio præditus dignoscitur, si in dicendo argutus, in respondendo promptus, in accipiendo facilis, in docendo clarus, in feriis cautus fuerit. *Neminem excelsi inge-* Epist. 39.
ni l. 5.

nii virum humilia delectant, ait Seneca, & sordida magnarum rerum species ad se vocat. Ingenii vi numerosissimam rerum speciem exiguo tempore percipi videmus, quæ vis, ut idem auctor alibi, præceptis alitur & crescit, novasque persuasiones adjicit innatis, & depravata corrigit. Quantum quæso, ut cætera taceam, solo Dialecticorum acumine excitatur; quo primo intuitu omnem argumentationem, non dico ad Philosophorum disceptationem, sed ad quamcumque rem propositam elicere poterit. sed hoc acumine rectè uti debet consiliarius, ne Sophistæ nomen mereatur. Quod igitur dicimus ingenio opus esse, id intelligendum non tantum acuto & magno; sed alacri etiam & apto, quod habeat iudicii directam normam. Sine hac enim ingenii commoditate, negotia plerumque exitus non solum minime optatos, sed exitiales etiam habent. Nimis subtilia & ignea ingenia (ut rectè Curtius) quæ in assiduo motu versantur, novandis quam gerendis rebus aptiora sunt: quodd si quid auctoritatis in ipsis est, destruunt. Fit etiam sæpe, naturæ (dona sua inter mortales partientis) decreto, ut idem quamvis excellenti ingenio præditus vir, non omni negotiorum generi aptus sit, neque satis feliciter sese variis hominum ingeniis & studiis accommodet. utrumque concurrat necesse est. Marcus Cato talis erat, ut si arma sumsisset, natum in armis crederes; si se ad

si se ad studia convertisset, inter literas educatum. De eo ita Livius prædicat. *In Decad. hoc viro tanta vis animi ingenique fuit, ut 4. lib. 1. quocunque loco natus esset, fortunam sibi ipsi facturum videretur.* Titi ingenium, ait Tacitus, quantæcunque fortunæ capax, & decor oris cum quadam majestate, famam *lib. 2. hist.* augebat. Magnum igitur quoque Consiliarii ornamentum forma corporis dignitati congruens, oris decus & elegantia. Nam quamvis morbo vel tempore deflorescat, & nec nostra, nec animi sit; pulchrum tamen amabile suapte natura est, quandoquidem externa pulchritudo divinæ pulchritudinis imaginem refert, & licet interdum sub ignobili forma lateat pulcherrima natura, & sub ignobili corpore insignis lateat animus, id tamen rarum est. Sapientissimus ille pulchros præ cæteris ad philosophiæ studia admittebat; *Diog. Laer. in Socr.* de pulchritudine hîc loquimur, quam Cicero in dignitate, non in venustate ponit; quoniam ubi vera pulchritudo, ibi quoque ingenium pulchrum: in fucata verò & muliebri pulchritudine omnia fucata. Dignitas corporis apta compositione membrorum movet oculos, & delectat vel hoc ipso, quod omnes partes cum quodam lepore inter se consentiunt. P. Scipio Africanus major, formæ dignitate Barbaris in Hispania admirationi fuit. *Tanta specie,* ait Iovius, *ad exprimendum omne decus in In vita magno Sfortia dissimilium rerum partes ratione Sfortia.*

tionem atque ordinem respondebant, ut à rudibus, rusticisque, qui cum nunquam vidissent, pari inter multos cultu, & saepe sine comitatu, uti omnium Princeps atque Imperator salutaretur. Ridiculi vulgo saepe fiunt ac dignitatem amittunt, quos natura potius quam casus aliquis deformaret. Etiam barbaris hominibus, ait Curtius, in corporum maiestate veneratio est, magnorumque operum non alios capaces putant, quam quos eximia specie donare natura dignata est.

Claudianus.

De ætate Consilarii quæri hoc in loco potest, qua scilicet cum fructu legendus. Iuventus sanè lubrica moribus ætas, variis cupiditatibus obnoxia, iræ, desiderio dominandi, ambitioni, intemperantiæ, vehemens est impetus iuventutis in utramque partem, Synesius. Aristot. l. 2. non aliter quam amnes, quâ viâ data est eruptio, illuc excurrunt avidius. Adde quod iuvenes sapientia, rerumque gerendarum usu excellere non possint, nec auctoritate apud populum vel alios, quibus interdum aliquid persuadendum valeant & dolis etiam haud difficulter capiantur: unde non immerito abortivi vocantur consilarii. *Cautum est Domine* (scribit ad Trajanum Plinius) *ne quis capiat magistratum, neve sit in senatu minor annorum triginta.* Senectus contra ut plurimum timida, suspiciosa, incredula & avara. Quotò enim mortis quis vicinior, tantò magis sollicitus & timidus, addo laborum & dolorum impatiens,

De Regno.
Rhetor.
de moribus ætatum.

tiens, obliuioſus (quo defectu multæ negliguntur ſæpe occaſiones) & natura loquacior. quod ſi experientia aliqua adſit, ea non raro in obſtinationem conuertitur. Hiſce rationibus motus Ariſt. iuniores & ſenes è numero remouet germanorum ciuium : iuniores quod cives ſint imperfecti, ſenes quod effœti. *Cum in quintum gradum peruenerant*, ait apud Nonium Varro, *atque habebant ſexaginta annos, cum denique erant à publicis negotiis liberi atque expediti & otioſi*. Ideo in Proverbium quidam putant veniſſe : ſexagenarios de ponte deſcici oportere ; hoc eſt quod ſuffragium non ferant, quod per pontem ferebant. *A quinquageſimo anno lex militem non cogit ; à ſexageſimo Senatorem non citat*, ait Seneca. Media igitur ætas conſiliis opportuniſſima : mediam intelligo ætatem à trigeſimo ad ſexageſimum uſque annum. Quod in eligendis conſiliariis regulariter dico : ſcio enim & ante trigeſimum (quod Dio decreto Mecænatis ſtatutum ſcribit) & poſt ſexageſimum ad munus iſtud idoneos reperiri poſſe : ſed ut rectè Furius Ceriolanus cenſet, tutius eſt qui triginta nondum attigerunt annos celebres adeant Academiaſ, peregrinentur, urbes moreſque hominum diſcant, aulas principum intueantur, caſtra ſequantur &c. ſexageſimum uerò qui exceſſerunt, ſibi vivere incipiant, in otio & quiete, quæſitis utantur ; & ſolius animæ ſalutis curam gerant. Hinc ſenibus

Sigon. de antiquo jure ci. Rom. l. I. c. 17. Sen. de brev. vita c. ult. lib. 52.

Cap. 3.

tanquam emeritis beneficia, honores, vacationes munerum à legibus tribui videmus. Hæc de bonis insitis & de ætate. Acquisita bona circa ea versari dicemus, quæ (ut supra attigi) ad Rempub. bene ac feliciter gerendam necessaria sunt : circa notitiam scilicet earum rerum, quæ in omni genere principatus ad Imperii magnitudinem & conservationem potissimum pertinent. Inter cætera quibus munitus esse debet consiliarius, principem locum obtinet prudentia Theologica. Nam cum impietas omnem ex animo peccandi metum evellat, & consilia impiorum fraudulenta sint, sequitur Religionis contemptum, rerumpublicarum everSIONem adferre. Necessarium igitur Consiliario, ne populus in religione fluctuet, quinam rectè vel malè sentiant, scire: quinam religionis causa coerceri debeant vel non: quomodo sectarum vindices evelli possint, &c. Neque solum hoc scire debet; sed & ipse Religioni ex animo addictus esse, votis ac precibus Deum colere. Nam ut omittam Deum solum esse, qui mentem dat, qui animum confirmat, qui opes elargitur, qui fraudes intestinas comprimit, qui hostium impetum retundit, qui victoriam omnibus, & magnis viris gloriam dat; quomodo quæso Consilium de rebus magnis inire poterit, qui mentem castam, & divino splendore collucentem non habet? omne verum lumen, quod admirationem

*Lactant.
de justitia, l. 5.
c. 15.*

tionem commovet & amorem concitat, in religione situm : talis etiam est opinio, eos qui Deo chari sunt, divinis consiliis instrui, & ista de causa minimè labi & errare posse ; id quod & Ethnici viderunt : quibus, fictæ licet & commentitiæ, religionis opinio auctoritatem apud quamplures nationes attulit magnam. nullo vinculo magis in officio retinemur, quàm religionis sinceræ præcipuè : quemadmodum igitur nullo modo publica utilitas ab honestate separari, ita nec honestas à pura religione avelli potest. & ut concludam, *Fallunt qui humanis imperiis & regibus, non ultionis divine metu Respubl. contineri docent ; humana consilia castigantur ubi cœlestibus se præferunt.* Valer. Max.

Ad prudentiam humanam venio ; & Consiliarium Philosophiæ cognitione carere non posse affirmo. Quamvis autem cùm de vera Philosophia loquimur eam intelligamus, quæ in actione consistit, moralem scilicet, familiarem & civilem, alterius tamen etiam quæ in contemplatione versatur, naturalis scilicet, & Mathematicæ gnarum esse vellem. Turpe esset homini consiliario in Regum & principum aulis versanti, & cum magnis viris sæpè congre-
 dienti loqui nescire de naturæ rerum causis, quæ vis materiem omnem, & quicquid ex ea efficitur, & quasi informatur, contineat ; quàm variæ ex ea & multiformes expressæ fuerint qualitates ; unde illa corpora extiterint, quæ Elementa vocamus,

Cic. de clar. orat.

mus, quæ vis fulmina & tonitrua impellat, inusitados ignes accendat, arcum tam variis coloribus distinguat, ventorum prælia concitet, terram concutiat, aquis terras aperiat, aut perpetuos terrarum tractus aquis obruat, & similia. sed Mathematicis inprimis artibus instructum eum esse utilissimum fuerit. Astronomia, præterquam quod Physicæ proxima est, dat nobis exquisitam Solis & Lunæ cursus, deniq; omnium rerum cælestium cognitionem. Faceffite vos Genethliaci & judicarii, qui ex astris homini futura præjudicatis, & ex iis divinare vultis. Arithmetica supputandi artem perquam necessariam monstrat: quomodo enim acceptorum expensorumque rationem intelliget, si casu aliquo ei quæstorum, aliorumve suspectorum argentariorum ratiocinationes committantur? Geometria sanè inter alias consiliarium summè juvabit, sine cujus ope historiæ intelligi, agri rectè dividi, castra locari, urbes ædificari, arces muniri, ædificiorum, templorum, ædium, navium, reliquarumque rerum dimensiones haberi nequeunt. Tolle metiendi rationem & iustitiam, civiumque concordiam multasque alias utilitates è vita tolles. Quis formam illam Geometricam regendæ civitatis intelligere poteris, si quid Geometricum sit, ignores? quomodo intelliges Arithmeticas leges in tribuendis honoribus, vel in aliis, si Arithmeticam non tenes?

De

De Philosophia practica aliquid inculcare
superfluum videtur. Planè absurdum esset
in Rep. versanti, ea quibus præcipuè Resp.
stat, & ex quibus manat, ignorare. Neque
aliam Philosophiam intellexit Plato, cum
nobilissimam illam vocem tanquam ex
oraculo edidit: Tum demum beatas fore
Respubl. cum aut regnarent Philosophi,
aut Reges philosopharentur. *Nulla lauda-
bilioꝝ philosophia pars est*, ait Plinius, *quàm
agere negotium publicum, cognoscere, judica-
re, promovere & exercere justitiam, quæque Phi-
losophi doceant, in usu habere.* Hæc Philo-
sophiæ pars docet, quid honestum, quid
turpe, quid extremum bonorum & malo-
rum; quomodo domus regenda, quæ pa-
tris, quæ mariti, quæ heri potestas, quæ
instrumenta tam animata quàm inanima-
ta, & quo pacto res familiaris tuenda, quot
Imperatorum genera, quibus virtutibus &
disciplinis imbutum esse oporteat, qui
Rempubl. bene administrare velit; quis sit
optimus Reipub. status, quibus artibus
inclinatæ ruentesque civitates subleventur,
& optimis institutis & legibus temperen-
tur. Affirmat apud Cic. Crassus, nullum
esse oratorem posse, nisi qui hanc Philoso-
phiæ partem omnem perdidicerit. Omnis
enim oratio fit ex iis rebus, quæ vel agen-
dæ vel fugiendæ sunt: in quibus cum offi-
cium omne consistat, sequitur necessariò,
ut qui officiorum ignarus est, is etiam in
dicendo rerum inops & infacundus sit.

Non

Epist. 2.

de Orat.

De Tus-
cul.

Non immeritò igitur exclamat idem : O
vita Philosophia dux , ô virtutis indagatrix,
ô expultrix vitiorum , & quæ sequuntur.
Scio vulgi opinionem esse, eos, qui Philo-
sophiæ studiis paulò ulterius progrediente
ætate dediti sunt, homines in solitudine
versatos consuetudinis imperitos, ad res
agendas nulla ratione idoneos esse , *σφῆς*

Athen. l.
13. dip-
nosop. c.
33.

ἦν δὲ καὶ σφῆς.

Heu mihi philosopharis ? atqui Philosophi
Sermone solo sunt Sapientes : ceteris
In rebus esse novi ego stultissimos.

Lib. 4. hi-
stor.

Sed falluntur. Nam non loquimur hic de
Philosophiâ , quæ in meris ideis animi va-
cui ab omni gubernatione fingitur , nec
de philosophastris, qui vel sine iudicio Phi-
losophiæ operam dant , vel nimio ejus stu-
dio ducti philosophia uti nesciunt , & sa-
pientes sunt , præterquam in iis, in quibus
sapientes esse debent : sed de iis qui usum
& exercitationem conjungunt. *Helvidius*
Priscus (ait Tacitus) ingenium illustre altio-
ribus studiis , juvenis admodum dedit , non ut
plerique , ut nomine magnifico segne otium
velaret , sed quò firmior adversus fortuita,
Remp. capefferet ; doctores sapientia secutus
est , qui sola bona quæ honesta , mala tantum
quæ turpia , potentiam , nobilitatem , cetera-
que extra animum , neque bonis neque malis
annumerant . Quæstoribus adhuc à *Pato*
Thrasea gener dilectus , è moribus soceri nihil
aquè ac libertatem hausit, civis, senator, ma-
ritus, gener, amicus, cunctis vitæ officiis equa-
bilis,

bilis, opum contemptor, recti pervicax, constans
 adversus metus, qui veræ philosophiæ veri
 fructus. Ad Iurisprudentiam venio, quæ *Bod. l. 3.*
 ex hoc manavit fonte: nam quamvis Prin- *capit 1.*
 cipis consistorium litibus disceptandis oc-
 cupari non debeat, ut suo loco dicemus:
 nihilominus, quia & extra ordinem sæpe
 judiciaria incidunt, & leges firmissima Im-
 periorum fundamenta sunt, absurdum
 esset, omnium artium & scientiarum mo-
 deratricem & arthitectonice ignorare
 Consiliarium. Cum sis, ait in quadam Epi- *Lib. 8. E-*
 stola Plinius, & privati juris & publici, cu- *pist. 14.*
 jus pars senatorium est, peritissimus: cupio *ad Arist.*
 potissimum ex te audire, erraverim in senatu
 proximè nec ne: non ut in præteritum (serum
 enim) sed ut in futurum, si quid simile inci-
 derit, erudiar. Sæpe novæ leges condendæ,
 sæpe in proditores, peculatores, ambitus
 & majestatis reos & latrones animadver-
 tendum. Sed & inter Principes tales ex-
 oriri possunt controversiæ, de quibus in
 magno consistorio agatur. Quoties enim
 agitur de jure alicujus civitatis? de jure
 portus, agri, fluvii &c. unde levi de caus-
 sa sæpe bella nascuntur? quo casu efficiet
 hæc cognitio, ut non solum de re proposi-
 ta differere doctè valeamus, sed etiam ut
 bellum justè susceptum sit, intelligamus.
 Verum historiæ cognitionem supra omnia
 consiliario necessariam dico. Rectè Philo- *Arist. 1.*
 sophus ad cōsultationem res gestas utilissi- *2. Rhet.*
 mas esse affirmat: nam ut plurimum præ- *c. 21.*
 teritis

teritis futura similia sunt. Tantam sanè copiam & ubertatem earum rerum suppetitat historia, quæ ad vitam rectè instituendam, & Rempub. optimè administrandam pertinent, ut qui ea legat attentius, ut sunt à rerum scriptoribus literis tradita, & non idem continuò in omni genere laudis excellat, is planè omni laude indignus videatur. *Longum iter est per præcepta, ait Seneca, breve & efficax per exempla.* Dixi attentius, plerique enim cognitare, qua de agitur, tanquam hic unus sit finis in legendo, ea una contenti longius non progrediuntur. Qui negligenter igitur, exempli gratia, Thucydidis scriptoris gravissimi, & quem inter Græcos senatus historici principem quis audeat appellare, bellum quod conscripsit maximè omnium memorabile inter Athenienses & Lacedæmonios, quod victoribus penè ac victis exitio fuit, percurret, præter nudam ipsam rem nihil habet, quod quærat: qui verò attentè legit, res ita loquentes audit: Discant Atheniensium exemplo civitatum moderatores quiescere, ubi facultas datur; cum pacis atque otii tuendi non turbandi causa arma adinventæ sint, ne patiantur se efferrî cupiditate proferendi imperii in patriæ exitium, cum certa infamiæ note assuescant aliena bella sua facere, & per speciem juvandi amicos imminere ad eorum perniciem quos juvant; discant aut compressas habere animi cupiditates, aut quod

Epist. 6.

Lib. 2.

Brut. de
hist. laud.

Libro 4.

quod malum quidem est, sed mitius malum, quoad spes certior rei agenda affulserit, tectas, occultasque habere, si qua de re controversia orta sit inter communes amicos, malint auctoritate conciliandis animis utriusque partis studia, quam armis partem alteram fovendo & sibi exitium querere & suis. Sed ad alia aliorum scripta descendamus. Si quis demonstrare velit Principes moderatos esse debere, atque uti potestate in suos legibus præfinita, non immani, non infinita, abstinere à privatorum injuriis, quorum alienatis animis nullam potestatem posse diuturnam esse: ita traditum uni imperium in multos, ut suorum saluti & ornamento non dedecori & exitio esse debeat: hæc & talia faciliè ex L. Bruti historia eliciet. Si quis Regis optimi expressam effigiem habere vult, & virtutum omnium quibus efficitur, ut in uno homine contineatur multarum gentium salus, fidei inprimis admirabile exemplum, æquè secundis ac adversis rebus amicitia cum sociis colendæ, hospitalitatis & munificentia in proximos, is Hieronis optimi Principis vitam sibi proponat. Contra qui Tyrannum in præceptis ruentem, superbum, omnes & omnia despicientem, qui patentes habeat aures regionum blanditiis, præclusas tutis consiliis, & miserorum querelis, atque dicendi genus contumeliosum, is Hieronis generos intueatur. Si quis, quantum mulier mali interdum possit,

Livius l.
1. 2.

Livius l.
23. & 24.

Ælian.
l. 9.

Libr. 26.

fit, scire avert, is quid Demarata apud maritum Andronodorum effecerit perpendat. Si magna ærarii difficultas sit, nec alia inveniri possit explicatio ratio, is consulat M. Marcellum & Valerium Levinum Coss. qui Senatui populoque collationem suadendam dicent, ita ut à majorum gentium diis initium fiat: quod olim Romæ ita successit, ut quilibet præcipuorum quicquid æris, argenti, auri facti infecti, apud se haberet, annulo modo sibi retento ac salino, & patella sacrorum causâ, & filio bulla, in publicum tanto certamine injecto contulerit, ut prima inter primos nomina sua vellent in publicis tabulis esse, & nec Triumviri accipiendos, nec scribæ referendos sufficerent, ait Livius. Hæc ad exemplum dicta. In legenda itaque historia, non solum rerum gestarum, locorum & temporum descriptiones, sed etiam rerum causas observavit Consiliarius, consilia, acta, eventa, cur quid gestum, cur quid omissum sit: tum eventus, quid ita hi læti, illi minus ex sententia? casusne factum sit & felicitate, an virtute & consilio, ut quid præclare ceciderit; si quid malè eveniret, quod occurrere potuerit, ne eveniret: peccaturne à duce sit, malè puta ducendo agmine, instruenda acie, loco deligendo castris, quod, si quid durius accidisset, facilis esset receptus, quæ victoriæ causâ commisso prælio, quæ victis rei perperam gesta. *Ad illa mihi (ait Livius) pro se quisque acriter*

acriter intendat animum, quæ vita, qui mo-
res fuerint, per quos viros, quibusque artibus
domi militiaque & partum & auctum im-
perium sit: labente deinde paulatim discipli-
na, velut dissidentes primo mores sequatur
animo; deinde ut magis magisque lapsi sint,
tum ire caperint præcipites, donec ad hæc tem-
pora, quibus nec vitia nostra, nec remedia
pati possumus, perventum est: hoc illud est
præcipue in cognitione rerum frugiferum, om-
nis te exempli documenta in illustri posita mo-
numento intueri: inde tibi tueque Reip. quod Polyb. l. 3.
imitere capias: inde fœdum inceptu, fœdum histor.
exitu quod vites. Quemadmodum enim
medici nihil prodesse ægrotantibus pos-
sunt, si morborum causas aliasque circum-
stantias ignorent, ita qui circa res gestas
versantur, omni prorsus fructu carent, nisi
& loci & temporis & causarum, omnium-
que occasionum ratio constet: nam nec
illi ægrotos rectè curare, nec isti quic-
quam in rebus agendis obire poterunt, ni-
si eorum omnium cognitionem veram ha-
beant. Admirabilis inter ceteros Polybius
est is, qui cum posteriore Africano vixit. Suidas.
Nam rebus explicatis, quem ad modum
gestæ, administratæque sint, tum quid pru-
denter & callidè, quid temerè & inconsul-
tè, quid cum laude, quid cum dedecore
actum sit, subjungit; ut inde qui vellent
ad agendum documenta illustria habeant.
Quod idem Salustius observat: eventa e-
nim ita narrat, ut causas simul aperiat, ut
omnia

*Fur. Cæ-
riol. c. 2.*

*Donat. de
Repub,
Ven.*

omnia nostra consilia, immò omnes nostras actiones veterum exemplorum regula metiri facile possimus. Sed & Tacitus, qui vel maxime Consiliarii manibus terendus, salubrium enim præceptorum politicorum tanquam seminarium quoddam est. Historias intelligo, non tantum veterum Græcorum & Romanorum, sed etiam nostri temporis, præcipue verò familiæ Principis, cui inservit, & vicinorum Principum, & Rerumpub. cum quibus ei vel per consequentiam res fuit vel est; sive sint amici, sive hostes. Qua in re Consiliarium non parùm juverit, varias lustrasse provincias ac regiones, celebres invisisse civitates, multarum nationum mores ac vitas edidicisse, sinus, portus, promontoria, montes, flumina, maria, loca denique quæcunque sunt insignia diligentissime cognovisse; ut scilicet ex peregrinatione, exterorum notaverit instituta, mores, urbes, leges, imperii genus. Magnos viros cognoverit, & allocutus sit: aulas Principum frequentarit. Notaverit, inquam, an provinciæ, quas viderit, armis munitæ, quænam in iis bella præteritis temporibus gesta fuerint, & qua occasione: noverit vicinorum Principum potentiam, ut sciat, à quibus sibi timere possent; & quibus fidere, adversus quem bellum gerere, cum quo fœdus inire, qui reditus, quæ expensæ, quomodo Respub. illa defendi queat, quis status & similia; atque hæc tam exacte,

actè, ut ei nemo falsarum rerum narratione imponere possit : item quàm lata sit & longa provincia, vel Regnum, quas munitiones habeat, ubinam aditus pateat, quâre subditi delectentur, quibus vitiis laborerent ; quot flumina non vadosa, & alia hujus generis. Quis enim dubitat eum, qui sic peregrinatus est, & in potentissimorum Principum aulis versatus, qui sæpe cum nobilissimis viris congressus est, propter ea quæ observavit in rebus agendis magis idoneum essetenebricoso altero, quidomi clausus, quid apud exterarum gentes fiat, ignorat. Notat Livius Minionem Regis Antiochi intimum Consiliarium, qui omnium externorum ignarus Regi suo bellum adversus Romanos suaserat, regno illi perniciem attulisse. De eloquentia ita sentio, cum Deus hominum generi duas maximè peculiares dotes elargitus sit, in quarum inest altera intelligendi ac judicandi vis, quam rationem nominamus, in altera orationis facultas : utramque excolendam, parum inquam esse rectè sentire, & prudenter intelligere, si quæ rectè sentias & intelligas, politè eloqui non possis. Consiliarium ita eloquentem esse oportet, & de rebus omnibus variè & eleganter dicere posse : quamvis enim in sententia dicenda magnam non requiram eloquentiam (nam ejus munus præcipuum non est delectare & verborum lenociniis persuadere, sed audè sententiam suam explicare.

Lib. 35.

plicare) fieri tamen potest, ut quis ad alias Respublicas mittatur ad suadendum, dissuadendum, laudandum, vituperandum, gratulandum, dolendumve: fieri etiam potest ut ei mandato Principis sui, sive apud Principes externos, eorumve legatos, sive ad populum, ut ipsum fortè à furore ad sanitatem perducatur, loquendum sit: ibi orationem Consiliario sapientissimis sententiis gravissimisque verbis perpolitam deesse nolim, ita tamen ut scholam non redolet, sed ad audientium aures accommodata sit: non in speciem nimis elaborata, neque sententias & rationes nimis reconditis è locis erutas, aut nimis longè accersitas contineat. *Maximus studiorum fructus & veluti premium quoddam amplissimum longi laboris*, ait Quintilianus, *ex tempore dicendi facultatem nactum esse*. quid enim ad alliciendas voluntates impellendosque animos eloquentia utilius? Sed nec illis casibus multiloquam & vagam, sed brevem & argutam eloquentiam laudari. Armatam plebem Romanam, quæ Regibus exactis nimia libertate secesserat à patribus, pestifera seditione divisam & miserrimum Reipub. statum P. Valerii brevis oratio, in pristinum reduxit statum. & *verbis facundis*, ait Valerius Max. l. 8. c. 19. *de vir. illustr. ira consternatio, arma cesserunt*. Et notum est illud Menenii Agrippæ, Popilii consulis & aliorum. Cæteroquin in sententia dicen-

*Lib. 10.
c. 7.*

*Plut. &
Cic. in
Bruto.
Arist. I.
Rhet. I.
& 16.*

da,

ea, nec procemiis, nec epilogis utetur, ut
tota dicentis industria in rei ipsius substan-
tia defigatur. Nihil ante tam parvum, ait
Plinius, tam vulgare in senatu agebatur,
ut non laudibus Principum immoraren-
tur, quibus censendi necessitas accidisset.
At nunc quis nostrum tanquam oblitus
eiusdem quod refertur censendi officium
Principis honore consumit? tuæ modera-
tionis hæc laus, &c. *Senatori hæc iussa sunt,*
ait Tullius, *ut adsit; nam gravitatem res*
habet, cum frequens est ordo: ut loco dicat, id
est rogatus; ut modo, ne sit infinitus. Tres
reperio dandi consilii modos, Ratione sci-
licet, auctoritate, & exemplo; quod si con-
jungantur, magnam vim habeant necesse
est. Itaque si vel res propositæ, vel prio-
rum suffragia omnia, consiliario minime
probanda sint, hæc notabit, ut quod dictu-
rus est contra aliorum opinionem, id vali-
dis firmisque rationibus & verborum
compendio probandum sibi sciat. Et quo-
niam aliorum sententia diluenda erit, pau-
ci autem reperiuntur, qui sua improbari
moderatè ferre soleant, omni verborum
honore, & mitissimo dicendi genere ute-
tur, contentiosasque omnes voces fugiet,
atque eos loquendi modos, quibus se plus
ceteris vidisse significari posset; neque tan-
quam certum & exploratum idipsum, de
quo agitur, proponat. Ea enim quæ con-
sultantur contingentia sunt. Omnia, inquit
Philosophus, quæ veniunt in consultatio-

*In pane-
g.*

De legib.

*Arist. lib.
1. Rhe-
tor. c. 2o.*

*Gabr. Pla-
leor. de
consult.
sacri 4.
q. 12o.*

*L. 3. E-
this. 3o.*

nem, talia sunt, quæ aliter accidere possunt: sufficiat consiliario conscientia suæ satisfecisse. Quod si res, quæ consultanda proponitur consiliario, clara videatur, vel anteriorum suffragiis satis examinata & probata resque celeritatem requirat, assensus per verbum *placet*, vel *idem censeo*, vel *assentior* fieri debet. Valdè ineptum est ea repetere, quæ jam in medium allata fuerunt, aut nova oratione actum agere, vel intempestivis digressionibus audientium aures plus æquo onerare. Pericles antequam in publico verba faceret, optare solitus est, ne ullum sibi verbum à re alienum incideret. Reperiuntur præterea nonnulli, qui nihil explicitè pronunciant, sed tectis, compositisque verbis responsionem concipiunt, ut ad utramque partem accommodari possit, more carminum Sibyllinorum, idque faciunt, ne à majorum gentium diis dissentire videantur: verùm quum conscientia eos in contrarium extimulet, obscurè aliquid loquuntur: sed miseri non hisce nugis suspensionem evadunt, ne dicam culpam, quæ tantò gravior est, quantò dolus tectior putatur. Alii de industria sententiam suam sermonum tenebris involvunt, ut se admirabilia & paucis cognita enunciasse demonstrent; aut affectata prudentiæ specie sua abdunt, ut nihil difficilius sit. Alii prolixitate sua se intricant & involvunt. Ab his & simili bus censendi modis cavere sibi solet bonus consiliarius:

*Palæot.
d. c.*

*Plutarch.
de garru-
dit.*

*Palæot.
S. qu. 5.*

liarius : quin apertè potiùs, candidè & breviter sententiam suam pronunciet, ita ut oratio neque confundat celeritate, neque offendat tarditate. Et quandoquidem memoria eloquentiæ thesaurus est, & necessarium maximè vitæ bonum, ut eam consiliarius à juventute exercuerit, postulo. Pythagoreos legimus vegetandæ exercendæque memoriæ gratia, quod quoque die dixissent, audivissent, egissent, vesperi commemorare solitos : quem morem Cicero-
ni quoque probatum videmus. Eloquentiæ linguarum subjungo cognitionem, qua ornatus esse debet consiliarius, eorum præcipuè populorum, quibus Princeps ejus aut imperat, aut amicis vel hostibus utitur. Adfert hæc cognitio magnum usum ad quaslibet res commodiùs tractandas. Qui interprete uti coguntur, quæ proferunt, nec tam grata, nec tam efficacia esse possunt : vix poteris per interpretem affectus tam bene inovere : ut omittam, multos dicendi modos, qui suas energieas & dicendi habent significationes, quæ alia lingua, ex tempore præcipuè, exprimi nequeunt : addo, quod qui vicaria alterius opera confidunt, sæpe decipiantur. Cùm Censorius Cato populi Romani nomine *Plutarchus in Cat.* legationem apud Athenienses obiret, quia Græcè tunc ipse nesciebat, ea quæ habebat in mandatis per interpretem exposuit. Ibi quod ea quæ paucissimis verbis Cato dixerat, interpretes vix longis ambagibus referret:

Plut. in
Apoph.

Ant.
Menavi-
nus &
Guil. Post.
de reb.
Turc.

ret: Athenienses orationum dissimilitudinem mirati, Romanis sermonem in pectore, Atheniensibus in ore nasci dixerunt. Tantum enim à genuina ipsius auctoris mente cujusvis interpretis orationem distare judicarunt, quantum inter cor & labra est interstitium. Ideo Themistocles unus totius Græciæ in rebus agendis acerrimus, atque in consilio capiendò dandoque callidissimus, cum Athenis profugus, ad Regem Persarum concessisset, animi sui petitionem exponere noluit, priusquam Persicam addidicisset linguam, ut sine interprete, quod plurimum referre arbitratus est, cum Rege loqui posset. Et sanè si veredarii etiam, tabellarii, nautæ, mercatores, & quicunque ad faciendum quæstum diversas gentes accedere solent, plures ideo linguas addiscunt, ut suis potius quam alienis auribus ea accipiant, quæ petentibus respondentur; quantò magis magni principis consiliarius in id sedulò eniti deberet. Turcæ licet barbarorum ferocissimi, & à literis maximè alieni, cum re ipsa linguarum summam videant utilitatem, quot linguas quis callet, totidem viris illum æquivalere vulgato proverbio dictitant; hæc fuit ratio, quare Carolus IV Imperator bulla illa aurea, quæ de imperatorum electione agit, inter alia hoc quoque præcipiat, ut Electorum filii primis ab annis Latinam, Italicam & Illyricam addicerent linguam, ut sermonem cum multis gentibus

bus communicare possint. Postremò, quia, ut rectè Cicero, omnia sub præsidio & tutela virtutis bellicæ latent, & non tam cum magnis Regibus amicitia junctæ, neque fœdera cum gentibus finitimis inita, quàm rei bellicæ scientia & armorum potentia Reipub. statum tutum & incolu- De offic.
mem præstant, rem etiam militarem didicerit consiliarius, requiro. Militiæ genera intelligat item ea, quæ ad peditum equitumque ordinem, dispositionem aciei & disciplinam spectant; cognoscat locorum, montium, fluminum, vallium naturas, urbium situs & similia. Quid crebrius in consistorio magnorum Principum, quàm consultationes de bello, de exercitu, de castris, de signorum collationibus, de comineatu, de insidiis faciendis aut vitandis, de muniendis oppidis, de custodia arcium, de prohibendis repentinis finitimorum hostium incursionibus, agrorum populationibus &c? Ided pauci olim in senatum recipiebantur, quorum virtus non esset domi militiæque cognita; nullus autem, qui magistratus & honores in Reipub. prius non gessisset, ut esset

Pacisque bonus bellicque minister.

M. Portio Catoni, de quo ante, nullam artem neque privatæ, neque publicæ rei gerendæ defuisse scribit Livius. *Urbanas Lib. 39^e*
rusticasque res pariter callebat. Ad summos honores alios scientia juris, alios eloquentia, alios gloria militaris provexit. Huic versatile
M 4 inge-

ingenium sic pariter ad omnia fuit, ut natum ad id unum diceres quodcumque ageret. In bello manu fortissimus, multisque insignibus clarus pugnis: Idem posteaquam ad magnos honores pervenit summus Imperator, idem in pace, si jus consuleres, peritissimus: si causa oranda esset, eloquentissimus. Hisce præsidiis instructi honores petitori, inquit Plinius, adstabant curiæ foribus, & consilii publici spectatores, antè quàm consortes erant. Quæ potestas referentibus, quod censentibus jus, quæ libertas, ubi cedendum, ubi resistendum, quod silentii tempus, quis dicendi modus, quæ distinctio pugnantium sententiarum, omnem denique senatorium morem, quod fidelissimum percipiendi genus, exemplis docebantur. Ad officium consilarii transeo: quod primò in eo consistit, ut Principem suum, & Remp. præcipuè, sincero amore ac pietate debita prosequatur. Parum fuerit acutè perspicere quæ facienda essent, ornatèque eloqui posse, si odium Reip. aut cupiditas nefaria tibi fuerit, quò minus id quod sentis exprimas. Erat olim apud Athenienses lege sancitum, ut quoties advocata concione, populus de Repub. consultabat, præco maxima voce diram cladem & exitium illi & posteritati ejus imprecaretur, qui Reip. inutile consilium daret, ne ipse incommodum aliquod subiret. Erant autem illæ execrationes quæ caput civis perfidi devovebant tam horrendis verbis scriptæ, ut maximum

Itu pane-
lyr.

H. Ofor.
de reg.
disc. lib.
8.

Plut.

ximum metum omnibus, qui illas audiebant, incuterent. Sapienter enim intellexit, qui legem illam tulit, nihil esse acuto ingenio sine fide, sine Reipublicæ studio, sine patriæ caritate, perniciosius. Exstat apud Herodotum Aristidis oratio. *Certa-* In Vra-
re, inquit, nos oportet, Themistocles, non nia.
 privatis simultatibus & odiis, sed uter nostrum melius de patria mereri, & plura in eam beneficia conferre possit. Admirabilis pietatis in Remp. constantia fuit, quam Q. Fabius Maximus patriæ præstitit. *Pec-* Lib. 3.
cuniam, scribit Valerius Max. *pro capti-* c. 8.
vis Annibali muneravit: ea fraudatus pu-
blicè, tacuit. Dictatori ei Senatus magistrum
Equitum Minutium, jure Imperii, adversus
leges, equaverat: silentium egit. Compluribus
præterea injuriis laceffitus, in eodem animi
habitu permansit; nec unquam sibi Reipub-
permisit irasci, tam perseverans in amore
fuit. O indefatigabilem & sanctum amo-
rem, quem ut non fucatè habeat consilia-
rius, debet in limine consilii, odium in ad-
versarios, gratiam adversus amicos, pervi-
caciam & arrogantiam ex se ipso exuere,
& privatos denique omnes affectus depo-
nere, atque ea solùm intueri, quæ ad Dei
cultum & Reipub. commodum spectant.
Omnes homines, ait prudenter Sallustius, De bello
qui de rebus dubiis consultant, ab odio, ami- Catil.
citia, ira, atque misericordia vacuos esse de-
cet. haud facile animus verum providet, ubi
istâ officiunt: neque quisquam omnium libi-
dini

dini simul & usui paruit . ubi intenderis ingenium, valet : si libido possedit , dominatur. Magna mihi copia est memorandi P. C. qui Reges aut populi , ira aut misericordia impuls- si, male consuluerint : sed ea malo dicere quæ majores nostri contra libidinem animi sui fecerunt, & quæ sequuntur. & alibi : Animus in consulendo liber sit, neque delicto, neque libidini obnoxius, qui sic? quia qui vitiis scatet, fieri non potest, ut vitiis non faveat , ne illa judicando seipsum condemnet. Suspectus, inquit Tacitus, præfecti consiliis , quod pelli- cem regiam polluerat, inque libidinem omnem venalis habebatur. Sit igitur Consiliarius vir bonus, justus & integer , cujus vita , ut ait Plinius, censura sit, eaque perpetua, ad quam cæteri magistratus dirigantur , ad quam ii convertantur, quibus non tam imperio, quàm exemplo opus est. Quis in cœ- no, ait D. Ambrosius, fontem requirat ? quis de turbida aqua potum petat ? quis utilem judicet caussa aliena , quem videt inutilem vite sua ? quomodo enim eum potes judicare consilio superiorem , quem videas moribus inferiorem ? Exstat apud Agellium Æschinis oratio, qua Timarchum de impudicitia arguit. Quenam, inquit, Lacedæmonii, ratio, aut quæ tandem spes erit , urbem hanc , & hanc Rempub. salvam inexpugnabilemque diutius esse posse , si hujusmodi antea acta vita hominibus Consiliariis utamur ? quod si proba isthac & honesta sententia est , queso vos, non sinamus eandem de honestari auctoris contagio.

Libr.
ann. 12.

In Pane-
gyr.

Libr. 2. de
offic.

Cum

Cùm Spartaë Demosthenes quidam, homo intemperans, sententiam commodam dixisset, eam populus rejecit. Ephori autem sorte lecto cuidam senum eam dicendam dederunt, tanquam ex sordido vase in sincerum eam diffundentes, ut grata fieret multitudini. Tantum in utramque partem in Repub. habet persuasio de hominis ingenio concepta. Virtutes (ait Philosophus) & mores ad persuadendum faciunt. Fundamentum perpetuæ commendationis & famæ, est probitas, fides, iustitia, sine quibus nihil potest esse laudabile. Prudentia omnis sine his est vana & mendax & vafra quædam calliditas & versutia. Non igitur sit invidus, non obtrektor, nullius odium gravius concipiat, nulli molestè nimis æmuletur, nullas inimicitias gerat, nullum maledictis, nullum contumelia, nullum verbis vehementioribus, nec absentem nec præsentem prosequatur. Repe-

Tacit. lib. 1. hister.

riuntur in sententiis dicendis nonnulli, qui consilii, quamvis egregii, quod non ipsi adferant, inimici, quum id, quod dicturi erant, videant ab iis, qui priores dixerunt, quasi præoccupatum, eosque pudeat vel idem repetere, vel palàm in sententiam priorum ire, cavillos excogitant, correctiunculas addunt, & nodum, quod ajunt, in scirpo quærunt, aut præstigiis sophisticis aliorum sententias eludunt, & veritatem tenebris involvunt, ne cuiquam succubuisse, aut quicquam cuiquam concessisse vi-

De clar.
erat.

deantur. Hos observet Princeps; viri enim boni non sunt: quorum est, aliorum rectas sententias candidè adprobare, licet cetero- qui auctores exosi sint. *Fides summa*, ait de quodam Cicero, & *naturalis quaedam inerat auctoritas*, ut non *causam*, sed ut *testimonium dicere putares*, quod ad sententiam dicendam aptum maximè videbatur. Veritas inter alia consiliario maximè amica esse debet, immò nihil pejus iis Consiliariis, qui eam principibus reticent: juramento obstringuntur, se sententiam dicturos & consulturos ex animi sententia, quæ meliora & utiliora videbuntur, quod si veritatem taceant, nonne perjuri fiunt? At veritas odium parit, quid tum: qui tale metuit odium, non dignus est nomine Consiliarii.

Senec.

Odium qui nimium timet, regnare nescit. Possumus interdum Principibus applaudere, possumus etiam illorum incommoda, & contumelias nonnullas & ineptias, non modò perferre, sed amanter etiam tegere: at in consiliis & negotiis publicis, veritas nunquam reticenda.

Ps. 10.

*Veritas simplex quibus est amor,
Hos amo, amplector, video libenter,
His mihi seros sociis senectus
Impleat annos.*

Epist.

*Cujus rei inopia, quærit Seneca, laborant magna fastigia? quid omnia possidentibus deest? ille qui verum dicat. & Plinius: Vidi-
mus, ait, curiam elinguem, in qua dicere quod
velles*

In pane-
gry.

velles periculosum; quod nolles, miserum est. & alibi: quis antea loqui, quis hiscere audebat, præter miseros illos, qui primi interrogabantur? ceteri quidem defixi & attoniti ipsam illam mutam ac sedentariam assentiendi necessitatem, quo cum animi dolore perperiebantur; unus solus censebat, quod sequerentur omnes. & alibi laudat Trajanum, quod eo rogante sententias liberè dicere liceret, vinceretque sententia non prima, sed melior. Notanda illa apud Tacitum verba: Per idem tempus L. Piso Pontifex, rarum in tanta claritudine, fato obiit: nullius servilis sententia sponte auctor, & quoties necessitas ingrueret, sapienter moderans. & illa de Cn. Pisone: Manebant etiam tum vestigia morientis libertatis: igitur Cn. Piso, Quo, inquit, loco censebis, nam si primus, habebo quod sequar, si post omnes, vereor ne imprudens dissentiam. Octavio Aug. ob immodicas altercationes disceptantium aliquando è curia per iram se proripienti, quidam ingesserunt, licere oportere senatoribus de Repub. loqui. Eidemque Antistius Labeo in senatu aliquando dixit, suum quemque judicium habere. Et notum est illud Prisci Helvidii, ad quem cum Vespasianus misisset, ne in senatum veniret: Penes te, inquit, est, ne me senatorem esse patiaris. quam diu autem me loco non moves, est in curiam mihi veniendum. Age, at ingressus taceto, inquit. Ne me roga, & tacebo. At est mihi rogandum: & mihi

Lib. I.
annal.

Suet. cap.
54.

Arrian.
in Epi-
ctet. I.
l. 1. c. 26

mihi dicendum, quod rectum putavero. Verum si dixeris, occidam te. Quando ego tibi dixi, me immortalem esse? tu tuum facies, ego meum. tuum est occidere, meum mori non trementem. Quid prodest, rerum cognitione, earumque usu excellere, tum salutaria studia, accensumque bene operandi affectum intus enutrire, si, cum tempus illius depromendi venit, animi deficit alacritas, & trepidatio aut suspicio, seu aliud quodvis obsistit impedimentum, quò minus apertè sincerèque id profiteatur, quod mente jam conceperat. Adde quòd ejusmodi adulatores sæpissimè ipsis etiam Principibus fastidium pariant. Memoria proditur, Tiberium, quoties curia egrederetur, Gracè in hunc modum eloqui solitum: O homines ad servitutem paratos. scilicet etiam illum, qui libertatem publicam nollet, tam projecta servientium patientia tadebat. Quòd si quis tamen timidiore reperiatur animo, is à principe erigendus. Solent boni Principes, cum rem proponunt, alacritatem Consiliariis ad dicendum injicere, atque hoc testari, se id tantum querere, quod publicæ serviat utilitati: cum verò sententiam audiunt, attentis auribus vultuque benigno, etiam postremos & infirmiores audire: quis enim dubitat libertatem consulentium impediri, dum liberè ipsis loquentibus Princeps irascatur, & libentiùs se audire ostendat, quæ placent quàm quæ prosint?

Despe-

*Paletot. in
con. cl.
memb. 4.*

*Tac. l. 3.
in.*

*Paletot. p.
5. 9. 7.*

Desperata ejus Principis salus est, cujus aures ita formata, ut aspera quæ utilia, nec quicquam nisi jucundum accipiat. Cùm de frumento ex Sicilia Romam advecto in senatu aliquando ageretur, an gratis, vili aut magno pretio plebi divenderetur: inter alios M. Coriolanus exstitit, qui adversus plebem gravem diceret sententiã: Nihil per largitionem populo tribuẽdum, his artibus petulantiores ac lasciviores effici: satius hunc esse vel cariore annona domari ac reprimi, quò fieret modestior ex necessitate, & ad civilia munera obeunda paratior: agros hac injuria non seditiones colat. desidia, otio ac luxuria maximè, quæ ex copia & inertii abundantia nascitur, jura, leges, instituta negligi. Patricia & aristocratica sententia: sed parùm popularis. Ideo Tribuni plebis, qui in senatu eam audiverant, ad populum referunt, à quo sine mora dies Coriolano dicitur. Verùm quantum ad hanc accusationem attinet, licet populo infenso uteretur, eam facilius diluit. Agnovit plebs, Coriolanum nihil præter officium fecisse. ubi enim loquendi ulla licentia, si non in deliberando & dando consilio? Nemo igitur consilii sui post senatum rationem reddere cogeatur. Rectè; etsi enim aliud consilium alio melius interdum sit, omnium tamen Consiliariorum eadem mens præsumitur, ut pro salute Reipublicæ dicant: quemadmodum in navi, alii saepe velificatione, alii remi-

Dionys.
Halicarn.
lib. 7.
Livius
lib. 2.
Plin. de
vir. il.
lustr.

gatione

gatione utendum censent, sed omnium idem scopus. Fuit nihilominus Coriolanus postmodum, sed aliis de causis, quod à tribuno vocatus venire recusasset, lictores pulsasset, condemnatus. Cum itaque Princeps (ut unde digressi sumus, revertamur)

Agel. lib.
14. c. 10.

vultu ipso iracundiam, aut severitatem acerbam ostendit: non dubium est Consiliarios animos magna ex parte debilitari & frangi. pauci admodum reperiuntur, qui, cum se Principem ægrè audire intelligant, libenter loquantur. Patienter igitur Princeps sententiam, quamvis liberam, audiet, neminem interrumpet, memor, jus olim senatori apud Romanos fuisse, quam diu vellet orationem trahere, adeo ut nonnullos horis septem, alios verò dies totos concionem in senatu habuisse tradant. *Fi-*

Alex. ab
Al. lib.
4. c. 11.

nemque sermonis suus cuique pudor, non tua superbia facit, ait ad Trajanum Plinius.

Plut. in
Demetr.

Philippidem Atheniensem comicum summa benevolentia complexus est Lysimachus Rex, nulla alia de causa, nisi quod liberè loqueretur & ex animi sententia, proculque ab adulatione vitam probam & modestam ageret. Dicere solebat Hiero,

Plut. in
apoph.

Gelonis in tyrannide successor, neminem qui liberè loqueretur sibi importunum esse. Moderationis tantæ fuit Alexander Se-

Æl.
Lampri-
dus in
Alex.

verus, ut non solum nemo unquam ab ejus latere submoveretur, omnibusque se blandum affabilemque præberet, sed etiam ut sibi ab omnibus, quæ sentiebant liberè dici cuperet,

cuperet, & quod dictum esset, audiret, & quum audisset, ita uti res poscebat, emendaret, si minus benefactum esset aliquid, etiam ipse convinceret; idque sine fastu & sine amaritudine animi. Cum Tacito igitur *Lib. 1. histor. Tacit. lib. 1. annal.* consiliarium moneo: ne cum fortuna potius sui Principis loquatur quàm cum ipso. Interrogatus à Tiberio Messala Valerius, num se mandante sententiam suam promississet, sponte dixisse respondit, neque in iis, quæ ad Remp. pertinerent, consilio, nisi suo, usurum.

Seneca. ———— *justa, qui reges timet,*

Deponat, omne pellat ex animo decus:

Malus est minister regii Imperii pudor.

Principem verò, ne iis fidat, quibus omnia *Tacit. lib. 2. annal.* Principum honesta atque inhonesta laudare mos est. Duo hic extrema consiliario vitanda: alterum, ne loquendi libertatem cum audacia & immodestia confundat, & inani jactatione libertatis, famam fatumque provocet: quod fit quando quis in propria obstinatus sententia, non veretur specie utilitatis & veritatis, verborum aculeis alios mordere, crimina detegere, maledictis famam proscindere: quæ petulantia potius & scurrilitas quàm loquendi libertas vocanda est. Nam vera libertas bonum tantum publicum respicit. *Falsò libertatis vocabulum obtenditur,* ait Tacitus, *ab iis Lib. 16. annal.* qui privatim degeneres, in publicum exitiosi, nihil spei nisi per discordias habent. Qui hac libertate uti vult, ut monet Quintilianus, debet

Lib. II.

c. 1.

debet rei, loci, temporis & personarum rationem habere, ut & sui ipsius. Major libertas diu in senatu aliquo versatum decet, quàm recens admissum. Modi item, ne clamore, vel alio corporis habitu, iræ vel alterius perturbationis suspicionem moveat, & nihil arroganter, nihil protervè, nihilque ad ostentationem proferat:

Tac. l. an.

5.

neque acerbis facetiis delectetur, quin potius illius meminerit, acerbis facietiarum apud præpotentes in longum memoriam esse. Alterum extremum est, cum quis sub libertatis specie assentatur.

Tac. lib. I.

histor.

lacioni fœdum crimen servitutis, malignitati falsa species libertatis inest. Exemplum istius adulationis apud Plutarchum exstat: *Audi*

De discr.

amici &

adul.

L. quod

autem. 5.

apud La-

beonem.

l. pupillis.

ff. quam

in fraud.

max.

cred.

Cæsar Tiberi, in quo te reprehendimus omnes, licet nullus audeat palàm facere, impendis te ipsum nobis, corpus tuum diurnis nocturnisque laboribus & curis pro Repub. conficis. istud æ-

què detestandum, sed priore extremo magis noxium. Et quandoquidem non dormientibus, sed vigilantibus & laborantibus prudentia infundi solet, consiliarium convenit, in consilio quidem attentissimis auribus omnia, quæ quisque loco suo dicit, & quibus argumentis ea corroboret, excipere, ne in respondendo vel minimum aberret; qua in re quantum situm sit, ostendere volens Lycurgus, ne ullæ picturæ

Plut. in

vita Lye.

in locis, ad consilia destinatis, haberentur, constituit; ne scilicet consiliariorum cogitationes distraherentur, sed totæ in rebus

deli-

deliberandis defigerentur. Extra consilium autem diligentissimus erit meditando etiam, legendo, differendo, finem cujuslibet rei considerando, sed & singulares rerum circumstantias & contingentia varia in humanis actionibus perpendendo: quæ practica cognitio est, quia ipso perficitur actu, atque hæc rebus administrandis, populorumque gubernationi maximè prodesse solet. Curiositas hominum ex omni genere signa collegit instantis tempestatis. at multò magis conveniebat consiliario, hac uti diligentia in consultationibus, ut observatis experimentis conjiciat, quid malorum ex unoquoque perperam constituto consequatur, & quænam causæ impedimentorum, ut oculi iis rebus, quæ provideri queunt, adjiciantur. Et quandoquidem incommoda multa, ex ignorantia ejus Reipub. cui inservit consiliarius, quamque curandam suscepit, nascuntur, omnia illius Reip. etiam minima scire tenetur; plurimum igitur studii & diligentiae ponet ad ea omnia cognoscenda, quæ ad principatum, in quo est, spectare videntur, consideret ipsius naturam, populi subditi, & vicinorum; alia veterem & firmatum, qui invidiæ & seditioni minùs expositus est, decent; alia Principatum novum; alia vi quæsitum, vel successione vel electione.

Plut. in
moral.

Metiri sua regna decet, viresque fateri.

Rectè Seneca: Multi dum se tam magnos De trana
quàm audiunt, credunt, attraxere superva- quill-
cna, vita.

cua, & in discrimen rerum omnium perventura bella. Principem etiam & aulam cognoscat, ex omni parte, ut & cæterorum administratorum & consiliariorum naturam, mores, omnem denique administrationem, quæ, quantaque sit omnis ditio Principis; quæ provinciæ, civitates, oppida, loca illius ditioni subjecta sint, provinciæ verò ipsæ quot millia passuum habeant in longitudine, quot in circuitu. Locorum, inquam, ambitum, situm etiam: utrum montibus, mari, flumine, vallo, fossa, lacu munita sint, quæ eorum opportunitates, & an cōmeatu prohiberi possint. an sit ubertas vel inopia rei frumentariæ; Quidnam in Principatu controversum, & cum quibus, quibus de causis, quæ ratio provinciæ administrandæ, quibus rebus delectentur cives, quibus se sustentent, quomodo erga Principem affecti; quodnam vectigal eorum, quæ evehuntur & invehuntur, portoria vocabant veteres, ex pascuis agrorum publicorum, ex sale, vino, oleo, frumento, ex mercatura, ex subditorum tributis; hæc enim ossa sunt & nervi Principis; quodnam ærarium, an subditi nimis tributis, vectigalibus, aliisve oneribus premantur, an mercaturæ studio teneantur, an opibus abundant: quantus militum numerus in qualibet provincia conscribi possit: quænam Principis familiæ origo, quæ conjunctiones, affinitates, & amicitia, quæ fœdera, & quid ex iis sperandum,

*Arist. lib.
1. Rhetor. c. de rebus, de quibus consilium agitur.*

randum, quorumnam partes Princeps defendendas suscepit. Et ad summam; in omnia, etiam minutissima, quæ neglecta Reip. detrimento esse possunt, omne studium, curam, cogitationem & solertiam conferet. *Qui vulgi naturam noverant*, ait Tacitus, & quibus modis temperanter haberetur, senatusque & optimatum ingenia perdidicerant, callidi temporum & sapientes credebantur. Verum quid fieri oporteat in univ-
ersum, monet prudentissimus vir, aut quemadmodum, ex longinquo nemo suadebit. Cum rebus ipsis deliberandum. vigilantis est captare properantem occasionem. Mors novissima omnium arborum germinat, & tamen parit inter primas: ita qui tempus idoneum rei conficiundæ opperiuntur, etiam si serius ceperint, maturius tamen conficiunt. Quare plerosque magnorum virorum videmus, occasione prudenter captata, ad eam pervenisse magnitudinem. Consueverant Pontifices Romani, si quid mali ab externo hoste immineret, opem Constantinopolitanorum Imperatorum implorare, ob quorum negligentiam, quum urbs & Italia tota devastaretur, Carolus Magnus à Leone III. Pontif. (ut nonnullis placet) vocatus, occasione illa prudenter suorum consilio captatâ, Ecclesiæ Romanæ patrocínio in se suscepto imperium simul in se, posterosque suos transtulit. Pari ratione excitante Romano Pontifice Gallos ad bellum Neapolitanum, Carolus

Lib. 2.
histor.

Epist. 22.

Lib. 15.
c. 24.

P. A.
mil. l. 2.

*Nov. l. i.
hist.*

*Pand.
Collen.
lib. 6.*

*Lib. 2.
ann.*

rolus Andegavensis occasione non neglecta, Siculo etiam, non solum Neapolitano regno potitus est. Alphonsus Arragonum Rex à Iohanna R. Neapolim vocatus, tam idoneam occasionem non contemnendam ratus, regnum illud, magno Neapolitanorum applausu, Pontificeque consentiente adeptus est. Possent innumera alia exempla adduci, sed hæc sufficiant ad consilii diligentiam in captandis occasionibus excitandam, ubi magna prudentia opus est. Quæri hoc in loco potest, num consiliarius tam diligens esse debeat, ut etiam non requisitus, Principi, ubi res postulat, consilium subministrare teneatur? Dubium movet mos inveteratus postulandi consilium: & quod is, qui consilio dando se ingerit, curiosus videatur, quin etiam suam censeatur prudentiam majoris facere quàm Principis & aliorum consiliorum. Ut igitur non est boni medici, se, cùm vocatus non est, intrudere ad ægrotum: sic nec consilii ad Principem. Verùm hisce non obstantibus existimant doctiores in rebus magni momenti, postulante necessitate, eum quod sibi videatur, etiam non rogatum, Principi ob bonum publicum denunciare debere: atque id à Romanis etiam senatoribus observatum fuisse, ut necessitate urgente ultro postularent, ut sibi de Rep. dicere liceret, non dubium est. *A maioribus*, ait Tacitus, *concessum egredi aliquando relationem, & quod in commune con-*
ducere;

duceret, loco sententia promere. & alio quodam in loco; licebat patribus, quoties ius dicenda sententia accepissent, quæ vellent, ex-promere, relationemque in ea postulare. Vnde Cato etiam cum de aliis rebus consulere-tur, omni fenatu censere se dicebat delenda esse Carthaginem. *Consurgit Scaptius*, apud Livium, & si licet inquit, Consules, de Rep. dicere, ut alia omittam loca. quæ tamen tum demum rectè fieri existimo, si consiliarius prius diligentissimè & diu multumque secum rem proponendam examinarit, ne fallatur, quod ridiculum esset; deinde etiam omnes circumstantias, An antea simili de causa cum Principe loquutus sit, an tempus, locus & rerum status id requirant, an res opportuniùs differri possit, an ipsemet Consiliarius Principi gratus & acceptus sit; an per alium id commodiùs fieri posse existimet: an alii tale quid tentarint, & quo successu. Ad objectiones autem dupliciter respondetur, primò non esse curiositatem, sed vigilantiam, si quis debita moderatione ea investiget & proponat, quæ sui officii sunt. Deinde quamvis Princeps à Consiliario consilium non petat, id tamen Rempub. facere, quæ necessitate urgetur, & eo ipso satis interpellat, subsidiumque Principis loco postulat. Altera quæstio hic tractari potest: Si Consiliarius in Consistorio consilium aliquod tractatum iri sciat, cui saltem conscientia assentiri nequit, an si eo die

Lib. 13.
ann.

Plut. in
Cat.

Palet. 1.
q.6. sub
finem.

domi.

*Felin.
ade. quod
super. de
major. &
obedien-
tia.*

*Paleot. 5.
q. 8.*

*Cicero
lib. 3. de
legibus.*

*In ejus
vita.*

*Pro do-
mo.*

*D. Gre-
gorius
hom. 14.
in Euang.*

domi se contineat, officium suum minùs diligenter & fidelitè fecisse dici possit. Dubitandi causa est, quia tutius est in senatum non venire, quàm in aliam trahi sententiam, & adversus conscientiam agere; adde quòd is culpa carere videtur omni, qui in tam iniquam rem non consensit. Sed contrarium ex superioris quæstionis decisione elucet; nam si & non rogatus, publici boni causa, consilium dare Principi meo teneor, multò minùs salva fide efugere occasionem potero, ne roger. Tantum igitur abest, ut hæc sit legitima absentiae causa, ut Consiliarium contrà eò magis urgere deberet senatum eo die ad eundi. Occasio enim rerum graviorum veros à cæteris distinguit Consiliariis: illi enim quòd periculosiora instant negotia, eò magis se ad ea, & juvandam Remp. accingunt; hi urgentibus vel minimis difficultatibus, libenter se ab eis subducunt. Verus illud est: SENATORI QUI NEC ADERIT, AUT CAUSSA, AUT CULPA ESTO. De Catone prædicat Plutarchus, eum in senatum, quoties haberetur, semper venisse. Verebatur enim ne quid se absente per gratiam fieret. Boni senatoris est, ait Cicero, semper in senatum venire. Essetne quæso militis nomine dignus is, qui in certamen descendere iussus, id ob evidens periculum detrectaret & fugeret? Fugit, ait vir sanctus, non tantùm qui mutat locum, sed & qui subtrahit solatium: fugit,

git, qui se sub silentio abscondit: fugit, qui tacet cum resistere deberet. Nec Consiliarium moveat, quòd se in sententia propria solum futurum, ac se proinde frustra in senatum venturum existimet. Nam ut omit- tam, hanc absentiae non esse legitimam caus- sam, quoties quæso factum videmus, ut unus ceteros omnes à se prius dissen- tientes, argumentorum vi ad se traxerit? sed demus non fieri, at sanè hoc sufficiet, officio satisfacisse, ut liber sit & sibi pro- batus; ait Tacitus. Ex his dilucidè appa- ret, quid ei quæstioni respondendum sit, Si Consiliarius priorem sententiam non probet, an (quia puta offensionem metuit) tacendo & capite annuendo muneri suo satisfaciat. Quamvis enim dici soleat, eum, qui tacet in rebus quæ noxiæ esse possunt, non haberi pro consentiente: id tamen hoc in loco non obtinet, ubi manifestè annue- re eum apparet, alioqui clarè dissentiret, & dissensus sui causam adduceret. Quin- imò dicendum, eum dupliciter peccare, assurgendo vel annuendo, & sic consen- tiendo: & tacendo, quando maximè lo- quendi tempus fuerat. *Scienti bonum, & non facienti, peccatum est illi.* Pergo ad reli- qua, quæ Consiliarii officium respiciunt, ut scilicet occultas & sibi concreditas res nullo modo divulget. Nam si, qui amici consilium de privata re aperit, omnium odio meritò dignus habetur, quo odio di- cemus illum dignum, qui Principis sui

Annal. lib. I.

Grimald. l. I. Rob- bus.

Iac. 4.

N

consi-

Cap. in
Gordianis.
Festus in
V. Consi-
lium.
Diodor.
Siculus.
l. 38. s.
transfu-
ge. ff. de
pœnis.

Libr. 2. c.
1.

consilium de Reipub. salute, de propria dignitate, de publico officio, contra tam sanctè datam fidem, magno magistratum contentu & damno evulgat? ideo consilium veteres à silendo dictum putarunt, quo maxime invenitur, ait Festus, & senatus consulta illa tacita vocabant. Lex Ægyptiorum jubebat abscindi illi linguam, qui arcana Reipub. quæ tecta esse debbant, detexisset. Iurisconsulti consiliorum publicorum enunciatores, ut transfugas vivos exuri, & furcis suspendi debere statuerunt. Dixi arcana, nam multa in senatibus tractari solent, quæ arcana non sunt, & à Consiliariis prudenter narrari possunt: talia sunt ea, quæ morum reformationem, religionis ampliandæ studium, & Principis vigilantiam in genere testantur, & ex quorum relatione neque scandalum ullum timendum, neque damnum. Catoni insigne illud reddidit Tullius, eum nullum unquam verbum emisisse, quod emissum doleret. Q. Fabium Maximum à consulibus gravissimis verbis objurgatum legimus, sed ipsa Valerii Maximi elegantissima verba referam: Adeo magna patria caritate tenebantur, inquit, ut arcana patrum conscriptorum multis sæculis nemo Senator enunciaret. Q. Fabius Max. tantummodo per imprudentiam de tertio bello Punico indicendo, quod secreto in curia actum erat, P. Crasso rus petens domum revertenti, in itinere narravit; memor eum ante triennium questorem factum, ignoransque

ransque nondum à Censoribus in senatum lectum, quo uno modo etiam iis, qui honores gesserant, aditus in curiam dabatur: sed quamvis honestus foret error, vehementer tamen à Coss. oburgatus est. Nunquam enim taciturnitatem, optimum ac tutissimum administrandarum rerum vinculum, labefactari volebant. Pompeii probabilis virtus, qui dum legationis officio fungeretur, à Gen-
 tio Rege interceptus, cum senatus consilia prodere juberetur, ardenti lucernæ digitum cremandum præbuit, eaque constantia regi simul & desperationem tormentis quicquam ex se cognoscendi excussit & expetendi. Apparet ex postremo hoc exemplo, Consiliarium animo etiam magno & forti præditum esse debere, ne in consilio dando vel reticendo, Principis aut aliorum pertimescat offensionem: qui parvo animo est, timet; qui vero timet, aut laborem fugit, aut vitæ pericula formidat, aut pecuniæ sumtus extimescit, quibus rebus in Repub. nihil perniciosius. Qui laborem fugit, nihil expedit, procrastinat negotia, aut ea perditis fortè hominibus administranda relinquit, & negotia negotiis accumulatur. qui pericula formidat belli, vel alia, is hostium vires & audaciam confirmat, is nunquam suadebit, ut milites ad tutelam patriæ accipiantur, ut illata contumelia vindicetur, ut vis vi cohibeatur. huic denique metus rectum sanumque consilium ademit, & veritatem sæpe oc-
 N 2 cultare

Val. Max.
 l. 3. c. 3.

Ofor. de
 reg. inst.
 lib. 8.

Tacitus 1. *cultare cogitur. Pavidis, ait ille, consilia*
 3. *in incerto. Ideo Deus volens Rempub. per-*
dere Israëlitarum, ipsis non tantum reges
pueros, sed etiam effœminatos Consilia-
rios minatur. Metellus cum animadver-
teret, quod tenderent conatus Tribunorum
plebis, quantoque malo Reipub. si non oc-
curreretur illis, erupturi essent, in exilium
ire maluit quam in eorum leges. Potestne,
 Lib. 8. c. 8. *subjungit Val. Max. hoc viro aliquis dici*
constantior? qui ne sententia sua pelleretur,
patria, in qua summum dignitatis gradum
obtinebat, carere sustinuit. Sylla occupata
urbe senatum armatus coëgerat, ac sum-
ma ferebatur cupiditate, ut Marius hostis
judicaretur: cujus voluntati nullis obviam
ire audentibus, solus Scævola interroga-
tus sententiam hac de re dicere noluit, quin
etiam truculentius sibi minitanti Syllæ;
Licet, inquit, mihi agmina militum, quibus
curiam circumfediſti, ostentes, licet mortem
identidem miniteris, nunquam tamen efficies,
ut propter exiguum senilemque sanguinem
meum, Marium, à quo urbs & Italia conser-
vata est, hostem judicem. Non est vir fortis,
cui non crescit animus in ipsa difficultate.

Mich.
 Hospi. ad
 Franc. O-
 livarium.

Nam fortes animi prorsus nihil ista mo-
vantur

Quæ sunt fluxa, caduntque cito & mutan-
tur in horas;

Non illos aurum, non spes, non gratia fle-
lit,

Non metus; crecta circum fora fronte va-
gantur.

In-

Introeunt aulas venerandi Regibus i-
psis.

Hæc ita intelligenda, quod & paulò antè attigi, ut nihilominus reverentiæ Principibus debitæ non obliviscamur. Cautè igitur & circumspectè fortem & intrepidum esse oportet, ne fortitudo in nervum erumpat. Non sunt contraria, summa reverentia & observantia Principem suum colere, & nullo metu ab officio discedere.

Quisquis metu alicujus potestatis, ait D. Augustinus, veritatem occultat, iram Dei super se provocat, quia magis timet homines, quam creatorem.

*Epist. 86.
ad Casul.*

Porro quæ de fortitudine & constantia diximus, non ita intelligenda, ut sententiam Consiliario mutare non liceat; demens enim est, qui in errore perstat: ex causa igitur superveniente, mutare consilium prudentis est. Præstat mutare in melius, quàm in malè cœptis pergere:

sed nec propositum infringere eum judi-

*Cap. 3. de
jurejur.*

cant canones, qui in melius commutat; ita quidem alio gradu, sed non alia via. Medicus quidam agro medicamentum dare jussit, id congruens ratus, sed re maturius deliberata, noxium reperit. Dicemus-

ne hic Medicum sententiam priorem mutare non debere? Nequaquam. Eadem est

*l. nonnunquam ff.
de coll.*

Consilarii ratio, qui consilium utilitatis publicæ causa mutare tenetur. Nec est

*bonorum.
l. 1. officio-
rum. l. 1.
epist. pen.*

quod levitatis notam timeat. Nemo enim

doctus (ait Cicero) mutationem consilii in-

constantiam dixerit. & alibi, Nunquam pra-

stantibus in Repub. gubernanda viris, laudata est in una sententia perpetua permansio. Quemadmodum enim in navigando tempestati obsequi artis est, etiam si portum tenere nequeas: cum verò id possis mutata velificatione assequi, stultum est eum tenere cum periculo cursum, quem ceperis potius quam eo mutato, quò velis tandem pervenire: Sic omnibus in administranda Repub. idem propositum esse debet, non idem semper dicere, sed idem semper facere. Verùm demus, in consilii mutatione inconstantiam aliquam subesse, nonne consiliarius, qui suo honori Reipub. salutem antefert eò magis laudandus? notum est illud de Fabio: Non ponebat enim rumores ante salutem. De hoc satis fere diximus. Ad munus etiam consilarii spectat, avaritiam fugere, & beneficentiæ studere. Hinc Polybius Africanum suum crebrò monebat, ne prius è foro domum reverteretur, quàm beneficiis aliquem, vel ex iis qui occurrissent, sibi devinxisset. Sicut radix omnium malorum est cupiditas habendi: ita radix omnium bonorum est charitas & beneficentia. De avaritia senatorum audiamus Salustium, Multò maximum bonum patria, civibus, tibi, liberis, postremò humana genti pepereris, si studium pecuniæ aut sustuleris, aut quoad res feret, minueris, aliter neque privata res, neque publica, neque domi neque militia regi potest. Nam ubi cupido divitiarum invasit; neque disciplina,

Paleot.
pag. 8. q.
6.

Plut. libr.
4. q. con-
vival.
Can. quia
radix d.
pœn. dist.
2. de Re-
pub. ad-
ministr.

plina, neque artes bonæ, neque ingenium ul-
 lum satis pollet; quin animus magis aut mi-
 nus maturè, postremò tamen succumbit. &
 paulò infra: Ceterum avaritia bellua fera,
 iramans, intoleranda est: quò intendit, oppi-
 da, agros, fana, atque domos vastat: divina
 cum humanis permiscet, neque exercitus ne-
 que mœnia obstant, quò minùs vi sua pene-
 tret: fama, pudicitia, liberis, patria atque
 parentibus cunctos mortales spoliât. M. Cras-
 sum, quinque eaque maxima habuisse scri-
 bunt, quòd esset nobilissimus, quòd elo-
 quentissimus, quòd Iurisconsultissimus,
 quòd Pontifex maximus, quòd ditissimus
 Quiritum post Syllam. At omnes has vir-
 tutes & fortunæ bona avaritiæ sordes ob-
 scurarunt. Dicebat Demosthenes, si res *Plut. in*
 privata publicam non avertat, tolerari ali- *apophr.*
 qua ratione posse, ut consilarii ditescant,
 & incrementi participes fiant: verùm,
 quia ut plurimùm videmus, quò magis res
 eorum augentur, qui publicis muneribus
 præsunt, eò magis Rempub. minui, caven-
 dum esse. *Va pastoribus Israel, qui pascunt* *Esa. 44.*
semetipsos, oves autem dispergunt, neque pa-
scunt. Factio, ait Livius, & respectus rerum *Libr. 2.*
privatarum, semper offecere, officientque pu-
blicis consiliis. A decoctoribus etiam & pro-
 digis consiliariis, æquè ac avaris caven-
 dum censeo. Consiliariis utere iis, ait Ba-
 silius, qui rebus propriis bene consuluerunt, *Ad filiū.*
 recteque eas administrarunt: non autem iis,
 qui per imprudentiam male. Nam qui suis

l. 2. offic.

Plut. in
Crasso.

De bel.

Iugurt.

Tacit. l.

ann. I. &

II.

Tac. l. 4.

hist.

rebus male prospexerit , numque alienis bene
 consulet ? Maxima cautio in liberalitate ad-
 hibenda , ait Cicero , non adeò claudi rem
 familiarem oportet, ut eam benignitas non
 aperiat, nec item referari, ut pateat omni-
 bus. Cæterum liberalitatem comitantur
 morum facilitas , comitas & humanitas,
 misericordia , erga proximum benevolen-
 tia & hospitalitas . Condimentum hu-
 manæ conversationis est humanitas & po-
 pularitas . Sit igitur consiliarius aditu et-
 iam alloquioque facilis , neminem exspe-
 ctando fatiget, verecundos & timidos eri-
 gat , cives pariter & externos summa bene-
 volentia audiat, nullorum preces fastidiat,
 facilis sit in salutando & compellando ; ne
 de ipso dici possit , difficilius esse famulum
 alloqui, quàm dominum : fiet hac ratione,
 ut non solum muneri tanto satisfaciatur, sed
 omnium etiam benevolentiam sibi conser-
 vet. Marcum Crassum laudant, quòd nul-
 li civium unquam patrociniū suum non
 lubens impenderit , nullum in via non sa-
 lutarit, atque unus omnium popularem fe-
 cerit avaritiam , ex qua nemo antea gra-
 tiam reportaverat. Solent magni viri glo-
 riæ stimulis plusquàm satis est , sæpe inci-
 tari, unde superbia, & aliorum contemptus
 nascitur. contemptor animus & superbia
 commune nobilitatis malum, ait Salustius.
 Quare consiliarium crebro cogitare ve-
 lim , Cuncta mortalium incerta , quantòque
 plus adeptus sit, tantò magis se in lubrico esse,
 &

Et illud quoque, modestiæ famam neque sum-
 mis mortalium spernendam, Et à Diis æsti-
 mari. Rectissimè ille, qui Prisco suavit, ne
 supra Principem scanderet, nam quemad-
 modum pessimis imperatoribus, sine fine
 dominatio, ita quamvis egregiis modus
 libertatis placet. Notanda Archidami ver-
 ba. Scripserat ad ipsum Philippus, parta
 victoria ad Chæroneam, superbius & aspe-
 riùs. Rescripsit itaque Archidamus hæc
 inter alia: *Si tuam ipsius umbram rectè me-
 tiaris, eam unico pilo majorem haud reperies,
 quàm ante victoriam.* Socrates Alcibiadem
 opibus & prædiis nimis superbientem, ad
 suspensam tabulam Geographicam cum *Ælian.*
 duxisset, ab ipso ut Atticam in ea quære- *lib. 3.*
 ret, petiit, quam cum reperisset, sua etiam
 prædia inspicere præcepit, quæ cum Alci-
 biades nusquam reperiri diceret; Cur igitur,
 subjunxit tunc Socrates, ob illa super-
 bis, quæ circa nullam terræ partem exi-
 stunt. Superbia etiam in Principibus odio-
 sissima est, sed in privatis fastidienda &
 molestissima, quam etiam Deus summè
 odit. *Quemadmodum fulmen,* ait apud Sto-
 bæum Herodotus, *eminentia quævis Et cel-* *Serm. 20.*
sissima dejicit, parcit autem arbuſtis: sic Deus
superbos ubique proſternit, amat humiles.
 Poppæus Sabinus, ait Tacitus, vita con- *Lib. 6. an-*
 cessit, modicus originis, Principum amici- *nal.*
 tia consularum, ac triumphale decus ade-
 ptus, maximisque provinciis per quatuor
 & viginti annos impositus nullam ob exi-

iniam artem, sed quoddam par negotiis, neque supra erat. Atque hæc quidem de consiliario. nam quæ de cognitione Metaphysicæ, Musicæ, Poëseos, & de ornatu scribendi peritia, item de consiliarii familia & divitiis, de corporis constitutione, de ornatu & vestitu, de facetiis & salibus, aliisque similibus dici possent, consulto à me omissa fuere. Nunc quia non sufficit rectè consulere, nisi recta consilia Princeps amplectatur, atque non minoris sit sapientiae, inter varia multorum consilia, quod optimum sit, discernere, atque exsequi, quam ad rem consulere, unde Cicero: *In consilio capiendoprudentia, in dando fides etiam requiritur & religio*: fit sanè magno cum Reipub. detrimento, ut Principes, qui sibi suoque iudicio nimium tribuunt, hallucinentur. Ptolomæus Ægypti Rex, ex quadam cum civibus suis offensa, Alexandria relicta, Romam venerat, ut à Pompejo & Cæsare reduceretur. Consultus hac de re Cato, eum liberè reprehendit, quoddam relicta tanta felicitate ingentibus se objiceret indignitatibus, laboribus, largitionibus, & avaritiæ Principum Romanorum; consuluit autem, ut cum civibus suis rediret in gratiam, sed spretum hoc fuit consilium. Ut primum autem ad fores unius accessit in magistratu positi, deflevit inconsulta sua cœpta, quoddam non tam boni vici quam ipsius Dei fastidisset oraculum. Annibal cum ad Antiochum in Asiam profugisset,

Plut. in
Catone.

fugisset, eum de bello in Italiam transfe-
rendo sollicitare cepit, Italiam subdens & *Livius l.*
militem & comneatum externo militi *34.*
præbituram. Cujus consilium si Rex se-
cutus fuisset, Romanis de Italia retinenda
denuo timendum fuerat, quod non multò
post, quum Rex, bello Theſſalis illato, à
Romanis victus esset, serò tandem unum
Annibalem, quid facto opus fuerit, prævi-
disse fassus est. Sæpè audiui, ait Livius, eum *Libro 36.*
primum esse virum, qui ipse consulat quod in
rem sit: secundum eum, qui bene monenti
obediat: qui neque ipse consulere, neque alteri
parere scit, eum extremi esse ingenii. Nobis
quia prima animi ingenique sors negata est, *Lib. 22.*
secundam & mediam teneamus, & dum im-
perare discimus, parere prudenti, in animum
inducamus. Verum & in aliam peccatur
partem. Accidit sæpe numero, ut qui in
ipso negotio consilium capere cogitur, du-
bitet, timeat, & (ut Cæsar ait) deficere
eum omnia videantur: atque sic non rectè
judicando consilia, dum alteri parer, deci-
piatur, & in insidias deducatur; quod Guic-
ciardinus in Petro Mediceo, consilium à
Veneris (qui proprio suo scopo inservire
conabantur) petente notavit. Sed exstant
& alia, ut consilium quod Thorismondo *Iornand.*
Theodorici Westgothorum regis filio Æ- *lib. rerum*
tius Valentiani Imp. dux dedit: item con- *Goth.*
silium Ludovici Sfortiæ, quo Gallorum
Regem ad Neapolitanam expeditionem *Guic. l. 1.*
contra Arragonios traxit. Magnum igi-
tur

tur iudicium adhibendum non solum in eligendis consiliariis, an scilicet iis, de quibus antè, præsiidiis instructi sint, an magistratum aliquem gesserint, & an in eo rectè administrando, operam, fidem, prudentiam, diligentiamque præstiterint, an alicujus factionis Principes sint, ne justitiæ specie privatam vindictam armis publicis quærant; sed etiam in sequendo consilio

Vt caveat vitetque dolos, & prava suorum

Consilia, ut monitis addat melioribus aurem.

*In epist.
ad Alex.*

*Tacitus
lib. 2. histor.*

Rerum humanarum, ait Aristoteles, angustissimum est, consultatione uti, quare pro virili elaborandum, ut ipsam consultandi artem teneas. Notanda Mutiani oratio ad Vespasianum: Omnes, qui magnarum rerum consilia suscipiunt, æstimare debent, an quod inchoatur, Reipublica utile, ipsis gloriosum, aut promptum effectum, aut certè, non arduum sit: simul ipse qui suadet considerandus, adjiciatne consilio periculum suum, & si fortuna coeptis affuerit, cui summum decus acquiratur. Diligenter igitur perpendet consulens, num quod tractatur vel per consequentiam consiliarium attingat; in propriâ enim causâ omne consilium suspectum, quia rarò sanum: an quod consulitur honestum sit; ab honesto enim si deflectat, malum est: an principaliter ad utilitatem Reipub. pertineat, an verò privatam

tam quoque utilitatem intueatur: audiat
 patienter quæ à contrariis partibus & dis-
 paribus suffragiis dicta erunt, rationibus-
 que firmata notabit. si res difficilior videat-
 ur, meliùs deliberet, & res in aliud disse-
 rat tempus: aut fer sententiam, ait Sene-
 ca, aut quod facilius in hujusmodi rebus *Epist. ult.*
 est, nega tibi LIQUERE, & nos reverti *l. 17.*
 jube. *Consiliis nulla res tam inimica quàm Lrv. lib.*
 celeritas: celer enim pœnitentia, sed eadem *31.*
 sera atque inutilis sequitur: cùm præcipitata
 raptim consilia neque revocari, neque in inte-
 grum restitui possint. Ideo consultum putat
 Vtopicæ Reipub. auctor, ut nihil quo die
 primùm in senatu quid proponitur, eodem
 disputetur, sed in sequentem differatur se-
 natum, ne quis, ubi quod in buccam pri-
 mò venerit, temerè effutierit, ea postea ex-
 cogitet, quibus decreta sua tueatur; ma-
 litque salutis publicæ, quàm opinionis de
 se jacturam facere, perverso quodam ac
 præpostero pudore, ne initio parùm pro-
 spexisse videatur, cui prospiciendum initio
 fuerat, ut consultò potiùs, quàm citò lo-
 queretur. Hoc præceptum vel monitum
 ab Alexandro Severo Imp. sumptum vi-
 detur, qui re proposita, Consiliariis suis *Æl.*
 spatium ad disquirendum cogitandumque *Lampr.*
 dabat, ne de rebus sæpè ingentibus, inco- *in Seve-*
 gitati sæpe dicere cogerentur, quod multos *ro.*
 etiam bonos pessum dedit, qui spretis, qua tar- *Tacit. l. 3.*
 da cum securitate, prematura vel cum exi- *ann. Brut.*
 tio properant. Laurentius Medices Petri *l. 5. hist.*
Flor.

F. Reipub. Florentinæ Princeps, in consulendis amicis, sive ille fidei hominum, sive constantiæ diffideret, aliquando variavit, minimè diu iisdem usus. Quos verò in consilium adhibere decrevisset, non illos quidem eodem tempore, sed seductos ab aliis, de Repub. consulebat, ita ubi ab iis, qui, quæ aliorum esset sententia, ignorarent, eadem asserri comperisset, in multorum consensu, quem neque præsentium amulatio divelleret, neque studium & gratia in mala sententia tueretur, consilium optimum esse arbitrabatur. Conducet etiam Principi, ad consilia dignoscenda, ea scire, quæ per ipsius ditionem fiunt omnia, ne illi à malè consulentibus imponatur. Sed cavendum interim, ne delatoribus nimis facilem præbeat aurem; solent enim ea, quæ nulla ex parte vera sunt, per calumniam Principi deferre, & eum ad injustitiam savitiamque impellere, ex quo multorum sæpe innocentium periculum, imò perniciēs exoritur, quod quidem verius latrocinium, quàm iudicium est. Observatum à sapientibus est, nullam unquam delatorem fidelem fuisse. *Delatores,* ait Tacitus, *hominum genus publico exitio repertum, & poenis quidem nunquam satis coercitum.* Sed ad rem. Conducet etiam Principi dare operam, ut Consilarii liberè quidem sententiam dicant, sed ut interim concordia fraterna inter se conjungantur. Inter Consiliarios enim factiones inter-

interdum exitiales sunt. *Stimulat sæpe privati odii pertinacia in publicum exitium*, ait *stor.*

Tacitus, & alibi: *Odio consulum in Reipub. Lib. 5. annal.*

perniciem eunt. Multos sectatores habent magni isti, quibus se facile adjungunt, & quorum ope odia exercent, in multorum, sed in Principis interdum Reiquepubl. perniciem. His duo addo, alterum, ut Princeps Consiliarios eligat (sic suadet sapientissimus historicus) non studiis privatis, nec ex commendatione & precibus, *Tacit. in Agric.*

sed quos tales esse compererit, uti requiruntur: alterum, ut in roganda sententia Augusti nonnunquam morem observet; qui de majore sæpe negotio non ordine, sed prout libuisset, perrogabat, ut perinde quisque animum intenderet, ac si censendum magis quàm assentiendum foret, & sanè nullum perpetuum rogandarum sententiarum ordinem fuisse, clarè docet Suetonius: qui Iul. Cæsarem post novam adfinitatem Pompejum primò *In 1. Cæsare.*

rogare sententiam coepisse scribit, cum Crassum soleret, essetque consuetudo, ut quem ordinem interrogandi sententias Consul Calendis Ianuariis instituisset, eum toto anno servaret. Ad extremum hoc quoque addendum, ne in principio sui Imperii, sine magna caussa, prædecessoris sui fidos probosque Consiliarios à se dimittat, à quibus multa gubernationi utilissima discere poterit. Calistus prioris quoque regie peritus, ait Tacitus, potentiam cautis quàm *Lib. II. annal.*

acrio-

acrioribus consiliis tutius haberi, &c. Exemplum in Ludovico sit XI. Gallorum Rege, qui filio suo Carolo hoc consiliū dedit, ne quid mutaret in administratione regni, & antiquos amicos, familiares, & ministros retineret; se enim reipsa expertum, in quot quantaque discrimina, vel unica hac de causa venisset, quod excellenti probataque virtute viros ab aula pepulisset, exorto haud multò post, Principum bello, quod commune bonum vocabant, & conspiratione multifaria. Amicos elegit Titus (ait Tranquillus) quibus etiam post eum principes, ut & sibi & Reip. necessariis acquieverunt, quo nomine Claudianus Honorium laudat:

Vt fortes in Marte viros, animisque paratos;

*Sic justos in pace legis, longumque tueris
Electos, crebris nec succedentibus urges.*

*Arist. lib.
I. Rhetor.
de quin-
querebus,
de quibus
consilium
agitatur.*

Restat, ut de rebus, quæ in Principum senatu deliberari debeant, agamus; deque consiliorum fine. De rebus sic statutum reperio: Ea tantum sacrosancto huic consistorio proponenda, quæ ad summam Rem publicam & ipsum statum pertinent, talia sunt de religione & Dei cultu, de legibus & magistratibus, de bello ac pace, de fide publica, de securitate servanda; de fœderibus ineundis & tuendis, de finibus Imperii regendis, de Magnatum controversiis, de eorundem capite & fortunis omnibus, de negligentia magistratuum vel præfe-
ctorum,

etorum, de curiarum & collegiorum controversiis, de legationum secretis, & aliis similibus de rebus. Qui enim senatum libet disceptandis impediunt, rem tanto senatu minimè dignam faciunt. Debet namque Principis consistorium (ut dixi) circa ea demum versari, quæ ad Rempublicam directè pertinent, & in rebus gravissimis, non in minutis ac levibus controversiis privatorum, vel similibus nugis occupari. Ut rectissimè, quisquis ille fuit, dixerit, eos qui magnorum virorum consilio convocato:

Bod. libr.
3. c. 1.

Tanquam de Geticis aliquid torvisque Sicambris

Juven.
Sat. 4.

Dicturi, tanquam diversis partibus orbis

Anxia precipiti venisset epistola penna:

de nugis, vel exigui momenti rebus consulunt; Apioni comparandos, qui Homerum ab inferis evocatum nihil aliud interrogavit, quàm quibus parentibus genitus esset. Quod si quæras, ubinam cætera negotia tractari debeant, quæ tot supplicibus libellis continentur, item ea quæ ad reditus & ærarium Principis pertinent, ad annonam, ad delinquentium pœnas, & similia: Respondeo, plura solere constitui consilia, officio, negotiis & ministris differentia. Hispani septem consilia, totidem curiis sejuncta, & Regis prætorio comprehensa habent, ut quod libuerit Princeps adire, ac singulorum sententias exquirere facile possit. 1. Quæstorium, quod æra-

Bod. libr.
3. c. 1.
Fur. Cæriol. de
conf. c. 1.

rii publici curam gerit, & in Imperii redditibus, ex subditorum tributis, ex earum rerum vectigalibus, quæ evehuntur invehuntur, ex agris publicis, ex hostium spoliis, ex sociorum vectigalibus & tributis, ex mercatura, &c. colligendis, conservandis & augendis, debitisque exsolvendis versatur. 2. Militare quod circa munitiones urbium, custodiam finium, præsidia militum, aciem instruendam, castrametationes, omnem denique rem militarem versatur. 3. Annonarium, quod in id incumbit, ut vitæ necessaria tam abundè suppetant, ut partem etiam vicinis & aliis impertiri possimus. 4. Iurisprudentiam, ad quod extrajudiciales, omnes privatæ controversiæ civiles, de quibus Princeps consulitur, pertinent, item condendarum abrogandarumque legum cura. 5. Criminale, ad quod spectat rerum criminalium cognitio. 6. Censorium, cui morum castigatio commissa est. Postremo Summum, ad quod præter ea quæ diximus, istorum etiam præcipua referuntur, ut ærarii dispensatio &c. Veneti verò quatuor Consilia habent; præter senatum & cœtum optimatum: Consilium sapientum, qui quæ terra geruntur, curant; Consilium sapientum, quod marinum dicitur; Consilium Decemvirorum, & Consilium Septemvirorum; huic postremo summa quæque in repub. deliberanda decernendaque commissa sunt; quibus ut collegiis dux præ-

Donat.
Iannot. &
Casp. Con-
rar. de
Repub.
Venet. li-
bro 3.

præesse potest. Galli etiam consilium magnum ab arcanis Imperii submoverunt, & aliud selectorum Principum & amicorum instituerunt, quod Privatum vocant, ubi Principum literæ referantur, legationes referuntur, mandata explicantur. Nos igitur hoc in loco de isto consilio loquimur, quod cæterorum tanquam caput esse debet. Sequitur, ut de consiliorum fine non nihil attingamus. Hominis est agere propter finem, finis necessitatem imponit iis, quæ sunt ad finem, & est velut regula & iudicium eorum, quæ pertractantur. Ergo qui rerum agendarum finem ignorat, ejus adipiscendi spes illi æquè adempta est, ut ei scopum feriendi, qui telum, incertus quò jaculetur, emittit: *Errant consilia nostra, quæ non habent quò dirigantur. Ignoranti quem portum petat, nullus suus est.* Ut igitur gubernator cursum secundum, medicus ægri salutem, Imperator victoriam: sic consiliarius Dei gloriam, Principisque sui & Reipub. utilitatem sibi proponet, & in eam rem toto animo & studio incumbet. Ex veterum scriptorum lectione satis apparet, senatum etiam Romanum ante omnia hoc semper potissimum spectasse, quid Reipub. conducirer, & quid civitatis utilitas, quid communis salus, quid Reipub. tempora poscerent, unde imitativissimæ illæ formulæ passim, *E re publica esse*, item, *Si aliter quis fecisset, eum contra Rempublicam facturum, &c. Qui Rei-*
publicæ

Arist. lib.
I. c. 2.
Moral. &
de part.
ann. libro
I. c. 5.
Senec.
epist. 71.

Cic. Phil.
lip. 8. Cas.
lib. 1. de
bello ci-
vil. &
passim.
De off. 1.

publica præsunt, ait Cicero, duo Platonis *præcepta tenere debent*: unum, ut civium utilitatem sic tueantur, ut quicquid agant, ad eam referant, obliti commodorum suorum. Alterum, ut totum corpus Reipub. curent, ne, cum partem aliquam tuentur, reliquas deferant, ut enim tutela, sic procuratio Reipub. ad utilitatem eorum, qui commissi sunt, non ad eorum, quibus commissa est, gerenda est.

Claud.

Tu civem patremque geras, tu consule cunctis,

Nec tibi; nec tua te moveant, sed publica vota.

Commodum publicum non tam Principis intelligi debet, quàm Reipub. Nam Princeps etiam ipse privatam negligere debet utilitatem, si cum publica pugnet. Possunt autem unius rei plures esse fines. Architecti finis est domus, & est lucrum: Medici finis est ægrotantis sanitas, & lucrum: pictoris, repræsentare imaginem, & quæstus. Sic Consilarii quidem scopus potest etiam esse privata utilitas, vel ambitio, verus autem finis est bonum publicum; nam quæstus (ut ad exempla redeam) non est finis architecti, medici, vel pictoris quatenus artificis, sed quatenus mercenarii. *Pau-* cis, inquit Tacitus, *publicum decus cura, plures tuta differunt.* Redd igitur Athenienses. Decreverat Themistocles post victoriam de Xerxe, Græciæ Principatum instituerè, atque in eum finem classem Lacedæmo-

Aristot.
mag. moral.
lib. 1.
c. 3.

Annal.
lib. 12.

dæmoniorum in unum subductam locum,
clàm incendere, ut eorum opes & Impe-
rium frangerentur: ad populum igitur, se,
de gravissima re, & ad summam Rempu-
blicam pertinere, aliquid habere retulit,
quod communicaret, rogavitque, ut unum
nominarent, quicum ea de re ageret, ne
per multitudinem evulgata, aliquando
Reipub. fraudi esset: Aristides à populo
nominatus, re audita, cùm videret The-
mistoclem in fine, qui decus est publicum,
errare; ejus quidem consilium utile Rei-
pub. sed turpe & flagitiosum videri respon-
dit. Univerſa igitur concio è vestigio re-
pudiandum consilium, quod cum propaga-
tione finium dedecus imperii conjunctum
haberet, proclamavit. Reperit Tacitus *Lib. 2.*
apud scriptores senatoresque eorum tem- *annal.*
porum Adgandestrii Principis Cattorum
lectas in senatu literas, quibus mortem
Arminii promittebat, si patrandæ neci ve-
nenum mitteretur; responsumque esse non
fraude, neque occultis, sed palàm, & ar-
matum populum Romanum hostes suos
ulcisci; qua gloria æquabat se Tiberius
priscis Imperatoribus, qui venenum in
Regem Pyrrhum vetuerant. *Quæ facta, L. fil. 15.*
ait Iurisc. *ledunt pietatem, existimationem, ff. de cond.*
verecundiam, & ut generaliter dixerim, qua inst.
contra bonos mores sunt, nec facere nos posse
credendum. ideo Romani legibus suis hanc
clausulam adjiciebant: SI QUID SACRI
SANCTIQUE EST, QVOD IVS NON
SIT

*Pro Cecin.**Suet. in
Domit.
cap. 5.*

SIT ROGARI, EIVS HAC LEGE NI-
HIL ROGATUR, ut Probus testatur, sed
& Cicero. Atque hæc si non omnia, præ-
cipua tamen sunt, quæ de consiliis in ge-
nere dici possunt: quæ brevitate, uti spe-
rare me juvat, non jejuna, ad finem per-
duxi, additis doctorum quos sequutus sum,
virorum testimoniis: ne me quis, licet in
re valde dissimili, Domitianum imitatum,
obicere possit, qui plurima opera, incen-
dio absunta, restituit, sed omnia sub ritu-
lo tantum suo, ac sine ulla pristini aucto-
ris memoria. Porro, quid hic assecutus
sim, tui lubens meritò facio iudicii, lector,
si eruditus es & candidus.

F I N I S.

